



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



1999.1





ԵՂԻՇԵ



Կ. Պոլիս . — Տպագրութիւն Արամեան
Constantinople. — Typographie Arméno-Française



Ի ՀԱՅՐԱՊԵՏՈՒԹԵԱՆ

ՏԵԱՌՆ Տ. ԳԵՂԱՐԳՎԱՅ Գ.



Ի Պատրիարքութեան Երուսաղեմի

ՏԵԱՌՆ ԵՍԱՅԵԱ.Յ

Եւ

Ի Պատրիարքութեան



Կ. ՊՈՒ.ՍՈՅ

ՏԵԱՌՆ ՄԱՐԶՉԻ ԽՐԻՄԵԱՆ

ԵՂԻՇՔԻ
ՊԱՏՄՈՒԹԻՒՆ
ՎԱՐԴԱՆԱՑ

ԷՍՏ

ԱՆՁԵՒԱՅԵԱՑՆ ՕՐԻՆԱԿԻ




Կ. ՊՈԼԻՍ

ՑՊԱԳՐՈՒԹԻՒՆ ԱՐԱՄԵԱՆ

—
1871

4524-W

28.525





J. LHERNault

PECARD

ՎԱՐԴԱՆՈՅ

ԵՒ

ՀԱՅՈՅ ՊԱՏԵՐԱԶՄԻՆ

- - -

ԴԱԻԹԻ ԵՐԵՑՈՒ ՄԱՄԻԿՈՆԻ ՀԱՅՅԵԱԼ

— —

ԲԱՆՆ զոր սլատուիրեցեր՝
արարի, ովք քաջ վասն Հայոց պա-
տերազմին հրամայեցեր, յորում
բազումք առաքինացան քան ըզ
սակաւա։ Ահա նշանադրեցի յոյ-
ում եւ թն յեղանակիս։

Առաջին՝ զժամանական։

Երկրորդ՝ զիրացն պատահումն
յիշխանեն արեւելից։

Երրորդ՝ զՄիաբանութիւն
ու իսին եկեղեցւոյ։

Չորրորդ՝ զԵրկպատակութիւն
ու մանեց բաժանելոց ինմին ու իսկ։

Հինգերորդ՝ ՊՅարձակումն
արեւելեաց :

Վեցերորդ՝ ՊԸՆղղիմանալն
Հայոց պատերազմաւ :

Եւթներորդ՝ ՊՅերկարումն
իրացն խովութեան :

Յայսմ յեւթն գլուխս կարգա-
դրեալ եւ եղեալ ծայրավիր պա-
րապմամբ զսկիղըն եւ զմիջոցն
եւ զկատարածն, զի հանապա-
զորդ ընթեռնուցուս, լսելով
զառաքինեացն զքաջութիւն եւ
զյետս կացելոցն զվատթարու-
թիւն. ոչ յանձին կարօտութիւն
երկրաւոր առատ գիտութեանդ
լրման, այլ յայցելութիւն երկ-
նաւոր տնտեսութեանն՝ որ մա-
տակարարէ յառաջգիտութեամբ
զհատուցմունս երկոցունց կող-
մանցն, որ երեւելեօքս զանե-
րեւոյթսն գուշակէ :

Ա. յլ դու, ով մեծ ի գիտու-
թեանն Աստուծոյ, առ ի՞նչ ար-

դեւք հրամայեսցես , քան եթէ
հրամայիցիս լաւագունացն : Որ-
պէս երեւի ինձ եւ այնոցիկ որ դե-
գերեցին յիմաստասիրութիւն՝
երկնաւոր սիրոյ է ի քեզ այս նը-
շանակ , եւ ոչ երկրաւոր փառա-
սիրութեան . քանզի եւ ասացին
իսկ ոմանք ի քաջ պատմագրացն .
«Զուգութիւն է մայր բարեաց ,
անզուգութիւն ծնող չարեաց : »

Որպէս եւ մեր իսկ հայեցեալ
ի սուրբ սէր քոյոյ հրամանիդ՝ ոչ
ինչ դանդաղեալ վեհերեցաք
հայելով ի մեր տգիտութիւնս :
Քանզի բազում ինչ է սրբու-
թիւն՝ սատար լինել անօսրու-
թեան , որպէս աղօթք՝ գիտու-
թեան , եւ սէր սուրբ՝ միաբան
օգտից :

Զոր եւ մեր ընդ հրամանին
քում ընկալեալ՝ յօժարութեամբ
ձեռնաբեկեցաք զայս ինչ , որ է
մխիթարութիւն սիրելեաց եւ

յոյս յուսացելոց , քաջալերու-
թիւնքաջաց , կամակարութեամբ
յարձակեալ ի վերայ մահուան ,
առաջոյ տեսանելով զզօրադլու-
խըն յաղթութեան , որ ոչ ումեք
ոտնհար լինի թշնամութեամբ ,
ոյլ ամենեցուն ուսուցանէ զիւր
անսպարտելի զօրութիւնն . Եւ
ահա ո՛ ոք կամեսցի՝ ընդունի իր-
բեւ զնահատակ առաքինի : Եւ
քանզի բազմադիմի է նահատա-
կութեանդ անուն , եւ նա բազ-
մադիմի շնորհո բաշխեաց ամե-
նեցուն . զոր եւ մեծ իսկ քան
զամենայն՝ զսէր սուրբ յաննենդ
մտաց գիտեմք :

Այս պարզութիւն զվերնոյն
բերէ զնմանութիւն . զոր եւ մեր
ի քեզ տեսեալ , մոռացաք զմեր
ընութիւնս : Եւ ահա վերաբե-
րիմք ընդ քեզ ճախրելով , եւ իր-
բեւ բարձրաթոիչս եղեալ՝ զա-
մենայն մսասակար մրրկածին

օդովք անցանիցեմք , ծծելով
փոքր ի շատէ յանասլական վե-
րին օդոցն՝ առնուցումք զգիուու-
թիւն ի փրկութիւն անձանց եւ
ի փառս ամենայաղթ եկեղեցւոյ։
Ուստի եւ բազում սուրբ սլաշ-
տօնեայքն զուարթութեամբ կա-
տարեսցեն զսլաս վիճակին իւր-
եանց , ի փառս Հօրն ըոլորեցուն ,
ուր ընդ նմին սուրբ Երրորդու-
թիւն ցնծացեալ բերկրիցի յան-
տրամական յիւրում էութեանն :



ԱՌԱՋԻՆ ՅԵՂԱՆԱԿ

Ժամանակին

ԱՐԴ որովհետեւ ընկալաք
ըղիրաման պատուիրանի յաննա-
խանձքոյոցբարուց բնութեանդ,
սկսցուք ուստի արժան է սկսա-
նել. թէպէտ եւ ոչ յօժարիցեմք
զթշուառութիւն մերոյ ազգիս
ողբալ : Ահա ոչ ըստ կամաց ար-
տօսրալիր ողբովք ճառագրեմք
զբազում հարուածսն՝ յորում
պատահեցաք եւ մեք իսկ ակա-
նառեսք լինելով :

ՎԱՆՉԻ իբառնալազգին Ար-
շակունեաց, տիրեցին աշխար-
հիսկայոց ազգն Սասանայ սլարս-
կի, որ վարէր զիւր իշխանու-
թիւնն օրինօք մոգուցն . եւ բա-
զումանգամ մարտնչէր ընդ այ-

նոսիկ՝ որ ոչընդ նովին օրինօքն
մտանէին, սկիզբն արարեալ յա-
մաց Արշակայ արքայի որդւոյն
Տիրանայ, եւ կուռէր մինչեւ ցամն
վեցերորդ Արտաշրի արքայի Հա-
յոց, որդւոյն Վռամշապհոյ : Եւ
իրրեւ զնա եւս մերժեաց ի թա-
գաւորութենէն, ի նախարարսն
Հայոց անկանէր թագաւորու-
թիւնն . զի թէպէտ եւ գանձն
յարքունիս Պարսկաց երթայր,
սակայն այրուձին Հայոց բովան-
դակ ի ձեռն նախարարացն առա-
ջնորդէր ի պատերազմի : Վասն
որոյ եւ ասուածպաշտութիւ-
նըն բարձրագլուխ կամակարու-
թեամբ երեւելի լինէր յաշխար-
հին Հայոց, ի սկզբանց տէրու-
թեանն Շապհոյ արքայից արքայի
մինչեւ ցամն երկրորդ Յազկերտի
արքայից արքայի՝ որդւոյ Վռա-
մայ, զոր եգիտ սատանայ իւր
դործակից, եւ զամենայն մթեր-

եալ թոյնսն թափեաց ի բաց, եւ
ելից զնա իրեւ զպատկանդա-
րան դեղեալ նետիւք : Եւ սկսաւ
եղջիւր ածել անօրէնութեամբ .
գոռոզանայր, եւ գոռալով հող
հանէր ընդ չորս կողմանս երկ-
րի, եւ թշնամի եւ հակառակորդ
երեւեցուցանէր իւր զհաւատա-
ցեալքս ի Քրիստոս, եւ նեղեալ
տադնասլէր անխաղաղասէր կե-
նօք :

Քանդի յոյժ սիրելի էր նմա
խոռվութիւն, արխւնհեղութիւն.
Վասն այնորիկ յանձն իւր տա-
րաբերէր, եթէ յո՞ թափեցից ըզ
դառնութիւն թիւնից, կամ ո՞ւր
բացառեցից զբազմութիւն նե-
տիցն: Եւ առ յոյժ յիմարութեան
իրեւ զգաղան մի կատաղի յար-
ձակեցաւ ի վերայ աշխարհին
Յունաց. Եհար մինչ ի քաղաքն
Մծբին, եւ բազում զաւառս Հո-
ռոմոց աւերեաց ասպատակաւ,

Եւ զամենայն եկեղեցիս հրձիդ
արար . կուտեաց զաւար եւ զգե-
րի, եւ ահաբեկ արար զամենայն
զօրս աշխարհին :

Իսկ երանելին թէոդոս կոյսր,
քանզի խաղաղասէր էր ի Քրիս-
տոս, ոչ կամեցաւ ելանել ընդ
առաջ պատերազմաւ . այլ այր
մի Անատոլ անուն, որ էր նորա
սպարապետարեւելից, առաքեաց
առ նա բազում գանձիւք : Եւ
արք Պարսիկը, որք փախու-
ցեալ էին վասն քրիստոնէու-
թեան եւ էին ի քաղաքի կայսեր,
կալաւ եւ ետ ի ձեռս նորա : Եւ
զամենայն զոր ինչ ասաց ի ժա-
մանակին՝ կատարեաց ըստ կա-
մաց նորա, եւ արդել զնա ի բա-
զում բարկութենէն, եւ դարձոյց
անդրէն յիւր քաղաքն Տիղբոն:
Եւ իբրեւ ետես անօրէն իշխանն
եթէ յաջողեցաւ չարութիւն նո-
րա, սկսաւ այլ եւս խորհուրդ

յաւելու, իբր ոք զի ի հուր բոր-
բոքեալ յաւելլով բազումնիւթս
փայտից: Բանզի ուստի սակաւ մի
կասկածուն էր՝ անտի աներկիւղ
հաստատեցաւ. վասն այնորիկ
դրդուեցոյց զբազումն ի սուրբ
ուխտէն քրիստոնէից, էր՝ զոր բա-
նիւք սպառնալեօք, էր՝ զոր կա-
պանօք եւ տանջանօք. եւ էր զոր
չարաչար մահուամբ վախճանէր:
Յափշտակութիւն առնէր ընչից
եւ արարոց, եւ մեծաւ անարդա-
նօք տանջէր զամենեսեան: Եւ իբ-
րեւ ետես՝ եթէ վայրատեալ ցըր-
ւեցան ի բազումկողմանս, ի խոր-
հուրդ կոչէր զալաշտոնեայս ձա-
խակողմանն՝ որք կապեալ էին ի
կուասլաշտութեանն անլուծո-
նելի հանգուցիւք, վառեալք եւ
ջեռեալք իբրեւ զհնոց առ այրել
զուխտ սուրբ եկեղեցւոյ :

Բանզի էին խել այնսլիսիքն ըլ-
նակեալ ի կեանս իւրեանց իբրեւ

ի թանձրամած խաւարի, եւ ոգի-
քըն արգելեալք ի մարմնի իրրեւ
զկենդանի ի գերեզմանի, յորս
ամենեւին չծագէ նշոյլ սուրբ
լուսոյն Քրիստոսի: Նա եւ արջք
օրհասականք ընդ վախճանել
շնչոյն հզօրագոյնս կռուին: յորոց
եւ իմաստունքն տեղի տուեալ
փախչին ի նոցանէ: Այսպիսի իմն
եկեալ հասեալ է վախճան տէ-
րութեանն. եթէ հարկանին՝ չըզ-
գան, եւ եթէ հարկանեն՝ չիմա-
նան. եւ իրրեւ ոչ գտանի արտա-
քին թշնամի, ընդ անձինս իւր-
եանց մարտ եղեալ կռուին: Իդէպ
իսկ ելանէ բան մարգարէին ի վե-
րայ նոցա: «Այր, ասէ, առ քան
դաքացի իւրում շրջեսցի եւ կե-
րիցէ զկէս անձին իւրոյ: » Նման
սմին եւ Տէլն ինքնին ասէ: «Ամենայն տուն եւ թագաւորու-
թիւն՝ որ յանձն իւր բաժանի,
ոչ կարէ կալ հաստատուն: »

Արդ զի՞ կոծիս , զի՞ մրցիս ,
զի՞ այրիս , զի՞ բորբոքիս , զի՞ ոչ
շիջանիս . զի՞ կոչես ի խորհուրդ
զայնոսիկ՝ որոց զոգիսն ձեր ի
ճէնջ քաղեալ՝ հանեալէ զանա-
պականդ յապականութիւն , եւ
զապականելի մարմինդ գէշա-
գարշ արարեալ իբրեւ զազիր
մեռելոտի ի բաց ընկեցեալ :

Ապաքէն զոյդ կամիս՝ զի ծած-
կեսցի խորհուրդն ամբարշտու-
թեան . տեսջիր յորժամ յայտ-
նեսցի , ապա դիտասցես զելս
կատարածի դորա :

Ասեն մողքն . « Արքայ քաջ ,
աստուածքն ետուն քեզ զտէ-
րութիւնդ եւ զյաղթութիւն . եւ
ոչ ինչ կարօտեն նոքա մարմնա-
ւոր մեծութեան . բայց եթէ ի մի
օրէնս դարձուցանես զամենայն
ազգս եւ ազինս՝ որ են ի տէրու-
թեան քում , յայնժամ եւ աշ-
խարհն Յունաց հնազանդեալ

մտցէ ընդ օրինօք քովք : Արդ
զբանս զայսոսիկ վաղվաղակի
կատարեա դու, արքայ . զօր դու-
մարեա եւ գունդ կազմեա , խա-
ղա գնա դու յաշխարհն Քուշա-
նաց . եւ զամենայն ազդս ժո-
ղովեա եւ անցո ըստ Պահլուռն
ի ներքս . եւ դու անդէն արա
քեզ բնակութիւն . Յորժամ ար-
դելուս եւ փակես զամենեսեան
ի հեռաւոր օտարութեան , կա-
տարին խորհուրդք կամաց քոց .
եւ որպէս երեւիս մեզ ի դենիս
մերում՝ տիրես դու եւ երկրին
Քուշանաց , եւ Յոյնք իսկ ոչ
ելանեն ընդ քո իշխանութիւնդ :
Բայց միայն զաղանդ քրիստո-
նէից բարձ ի միջոյ :

Հաճոյ թուեցաւ խորհուրդն
թադաւորին եւ մեծամեծացն,
որ էին ի նմին բանի . հրովար-
տակս գրէր , պնդադեսպանս
արձակէր յամենայն տեղիս տէ-

րութեան իւրոյ։ Եւ այս է սրատ-
ճէն հրովարտակին։

«Առ ամենայն ազգու տէրու-
թեան իմայ՝ Արեաց եւ անարեաց,
բազմասցի ի ձեզ ողջոյն մարդա-
սիրութեան մերոյ։ Դոք ողջ լե-
րուք, եւ մեք մեղին ողջ եմք
դիցն օդնականութեամբ։

«Առանց զձեզ ինչ աշխատա-
նելոյ խաղացաք գնացաք յերկիրն
Յունաց, եւ առանց գործոյ պա-
տերազմի՝ սիրով մարդասիրու-
թեամբ նուաճեցաք զամենայն
երկիրն մեզ ի ծառայութիւն։
Դուք զբարի զմտաւ ածէք,
եւ անսսլաւ լերուք յուրախու-
թեան։ բայց բան զայս կատարե-
ցէք վաղվաղակի, զոր ասեմքա։

«Մեք ի մտի եղաք անվրէալ
խորհրդով խաղալ գնալ յաշ-
խարհն արեւելից, աստուածոցն
օդնականութեամբ դարձուցա-
նելի մեզ զաէրութիւնն Քուշա-

նաց. դուք իբրեւ զհրովարտակըս զայս տեսանէք, անխափան վաղվաղակի այրեւձի դումարեցէք առաջի քան զիս, յանդիման Երուք ինձ յԱսլար աշխարհին :

Հստ այսմ պատճենի հրովարտակ եհաս յաշխարհն Հայոց, ի Վրաց եւ յԱղուանից եւ ի Լըփնաց, ի Ծաւդէից եւ ի Կորդուաց, յԱղձնեաց եւ բազում այլ տեղեաց հեռաւորաց, որոց ոչ էին օրէնք երթալ զայն ճանապարհ յառաջ ժամանակաւ։ Գունդ կազմէր ի Հայոց մեծաց զազատ եւ զազատորդի, եւ յարքունի տանէ զոստանիկ մարդիկ։ ըստ նըմին օրինակի ի Վրաց եւ յԱղուանից եւ յաշխարհէն Լինաց, եւ որ այլ եւս ի կողմանց կողմանց հարաւոյ մերձ ի սահմանս Տաճկաստանի եւ ի Հոռոմոց աշխարհն եւ ի Կորդուաց եւ ի Գդացն եւ ի Ծաւդէիցն եւ յԱրզնարդիւն,

որք էին ամենեքեան հաւատացեալք ի մի կաթողիկէ առաքելական եկեղեցի :

Եւ անմեղութեամբ ոչ գիտացեալ զերկդիմի միսս թագաւորին՝ խաղացին գնացին յիւրաքանչիւր աշխարհաց լրջմտութեամբ եւ անտրտում խնդութեամբ եւ տիրասէր խորհրդովք, կատարեալ զսպաս զինուորութեան աներկրայ վաստակովք : Բարձին եւս ընդիւրեանս սուրբ կտակարանս բազում պաշտօնէիւք եւ բազմագոյն քահանայիւք : Բայց հրաման տուեալ աշխարհի՝ ոչ իբրեւ յակնկալութիւն կենաց, այլ իբրեւ ի վճարումն վախճանի . յանձն առնելով միմեանց զոգիս եւ զմարմինս : Զի թէպէտ եւ խորհուրդ թագաւորին չէր յայտնեալ նոցա, սակայն կարծիք ի մտի էին ամենեցուն . մանաւանդ իբրեւ բեկեալ տեսին

զգօրութիւն Յունաց առաջի նորա՝ յոյժ հարեալ խոցեցան ի խորհուրդս իւրեանց :

Բայց քանզի սկասուիրանապահք էին սուրբ պատուիրանացն Աստուծոյ, հանսպազյիշէին զպասուիրեալսն ի Պաւղոսէ, եթէ «Ծառայք հնազանդ Երաք տերանց ձերոց մարմնաւրաց. մի սուտակասպաս եւ առ աչս աչառելով, սյլ սրտի մոօք ծառայելիքրեւ Աստուծոյ, եւ մի իքրեւ մարդկան. քանզի ի Տեառնէ է հատուցումն վաստակոց ձերոց: » Եւ ամենայնիւ այսու բարեմտութեամբ յուղարկեալք յաշխարհէ եւ յանձն եղեալք սուրբ Հոգւոյն, յանդիման լինէին փութով կատարեալ զհրամանն, եւ զամենայն արարեալըստ կամաց նորա: Յոյժուրախ լինէր թագաւորն, իքրայն եթէ կատարեցան կամք կար

ծեաց նորա . Եւ ահա առնէր ընդ
նոսա զայն ինչ, զոր պաշտօնեայ-
քըն ամբարշտութեան նորա խը-
րատեցին :

Արդ իբրեւ ետես թագաւորն
զամենայն կազմութիւնեւ զբազ-
մութիւնը դնդի բարբարոսաց ,
որք սրտի մտօք եկեալ էին ի
վաստակ արքունի , առաւելա-
պէս ուրախ եղեւ առաջի մեծա-
մեծացն եւ ամենայն բազմու-
թեան զօրաց իւրոց : Ի վերին
երեսս թագուցանէր զկամս մը-
տացն իւրոց , եւ ակամայ առա-
ւելապէս պարգեւէր զնոսա . Խա-
ղաց դնաց միանգամայն ի վերայ
տէրութեանն Հոնաց աշխարհին ,
զոր Քուշանս անուանեն , եւ զեր-
կեամ մի կռաւեալ՝ ոչ ինչ կա-
րաց ազդել նոցա : Ասկա արձա-
կեաց զմարդիկան յիւրաքանչիւր
տեղիս , եւ զայլոն ի նոցա տեղիս
միոխանակ առ իւր կոչեաց նո-

Վին պատրաստութեամբ, Եւ այս
պէս ամ յամէ սովորութիւն կար-
գեաց, Եւ իւր անդէն քաղաք
բնակութեան շինեաց. սկսեալի
չորրորդ ամէ տէրութեանն իւ-
րոյ մինչեւ յամն մետասաներորդ
թագաւորութեանն : Մինչ և յանձն :

Եւ իրեւ ետես եթէ հաստա-
տուն կացին Հոռոմք յուխոին
իւրեանց զոր եղին ընդ նմա, եւ
դադարեցին Խայլնդուրք ելա-
նել ընդ պահակն Ճորայ, Եւ յա-
մենայն կողմանց խաղաղու
թեամբ բնակեաց աշխարհ նորա,
Եւ ի նեղ եւս էարկ զթագաւորն
Հոնաց, քանզի աւերեաց զբա-
զում գաւառս նորա, աւետա-
ւորս առաքեաց ընդ ամենայն
ատրուշանս աշխարհին իւրոյ.
Ցլուք սպիտակօք Եւ դիսաւոր
նօխազօք առատացոյց զզոհս
կրակի, Եւ խիտ առ խիտ թանձ-
րացոյց անդադարութեամբ ըզ

պաշտօն պղծութեանն իւրոյ . պը-
սակօք եւ պատուվք մեծարեաց
զբազումն ի մոգաց եւ զբազմա-
գոյնս իմոգակետաց . Ետ եւս հը-
րաման յափշտակել զքրիստոնէից
զինչս եւ զստացուածս , որք
էին ի մէջ Պարսկաց աշխարհին :

Եւսպէս հպարտացաւ բարձ-
րացաւ ի միտո իւր , ի վեր քան
զմարդկային ընութիւն ընդվը-
զեալ ապարասանէր , ոչ միայն
յիրս մարմնական պատերազ-
մացն , այլ մեծ ոմն զինքն կար-
ծէր քան զբնութիւն հայրենի
կարգին . վասն սյնորիկ կեղծա-
ւորութեամբ թագուցանէր զին-
քըն ըստ կարծեացն , եւ որպէս
երեւէր իմաստնոցն՝ յանմահից
իմն կարգի դնէր զինքն : Եւ յոյժ-
էր ցասուցեալ ընդ անունն
Քրիստոսի , յորժամ լսէր թէ
տանջեցաւ , խաչեցաւ , մեռաւ
եւ թաղեցաւ :

Եւ իբրեւ այսպէս օր ըստ օրէ
իսոյն միտս ցնորեալ դանդա-
չէր, մի ոմն մանկագոյն ի նա-
խորարացն Հայոց ընդ դէմքանս
եղ եւ ասէ. «Արքայ քաջ, դու
ուստի՞ գիտես զայդպիսի բանս
խօսել զծեառնէ: » Ետ պատաս-
խանի թագաւորն եւ ասէ. «Իմ
իսկ առաջի ընթերցան զգիրս
մոլորութեանն ձերոյ: » Ետ պա-
տասխանի անդրէն պատանին
եւ ասէ. «Ընդէ՞ր, արքայ, զայդ
վայր միայն ետուր ընթեռնուլ.
այլ յառաջ եւս մատո զկարդա-
ցումն, եւ լսես անդ զյարու-
թիւնն, զյայտնութիւնն առ բա-
զումս, զվերացումն յերկինս,
զնստելն ընդ աջմէ Հօր. զիսու-
տումն երկրորդ գալստեան՝ ըզ-
հրաշակերտ յարութիւնն առնե-
լով բոլորեցունց. զհամառօտ հա-
տուցմունս արդար գատաստա-
նին: » Իբրեւ լուաւ զայս թա-

գաւորն , ի խոր խոցեալ՝ վեր ի
վերոյ ծիծաղեցաւ եւ ասէ . «Ամենայն այդ խարէութիւն է : »
Ետ սլատասխանի զինուորն Քը-
րիստոսի եւ ասէ . «Եթէ հաւա-
տարիմ ենքեզ մարմնաւոր չար-
չարանքնորա՝ հաւատարմագոյն
եւս լիցի քեզ երկրորդ ահաւոր
գալուստն նորա : »

Եւ զայս լսելով թաղաւորին՝
բորբոքեցաւ իբրեւ զհուր հնո-
ցին ի Բաբիլոնի , մինչ եւ իւրքն
իսկ անդէն դեռ եւս իբրեւ ըզ
Քաղդէացիսն այրեցեալ լինէին :

Յայնժամ զբոլոր բարկութիւն
սրտմտութեանն եհեղ յայրն
երանելի՝ որումանուն էր Գարե-
գին : Կապեալ ոտիւք եւ կա-
պեալ ձեռօք զերկեամմի տուաւ
ի չարչարանս , եւ հանեալ ի բաց
զտէրութիւնն ի նմանէ՝ ընդու-
նէր զվճիռ մահու :

ԵՐԿՐՈՌԴ ՅԵՂԱՆԱԿ

Իրացն պատահումն յիշխանեն
արեւելից

Ուստ ոգիքն թուլացեալեն
յերկնաւոր առաքինութենէն՝
յոյժ ընդ ահիւ անկեալ է բնու-
թիւն մարմնոյ. յամենայն հող-
մոյ շարժի եւ յամենայն բանէ
խռովի, եւ յամենայն իրաց դո-
ղայ. երազագէտ է այնալիսին ի
կեանս իւրում, եւ յանգիւտ
կորուստն յուղարկի ի մահուան
իւրում. Որպէս եւ ասաց ոմն
ի հնոցն. Մահ ոչ իմացեալ՝ մահ
է, մահ իմացեալ՝ անմահութիւն
է: Որ զմահ ոչ գիտէ՝ երկնչի
իմահուանէ. իսկ որ գիտէ զմահ՝
ոչ երկնչի ի նմանէ:

Եւ այս ամենայն շարիք մտա-
նեն ի միտս մարդոյ յանուսում-

նութենէ : Կոյր զրկի ի ճառա-
դայթից արեգական՝ եւ տղի-
տութիւն զրկի ի կատարեալ կե-
նաց : Հաւ է կոյր աչօք քան կոյր
մտօք : Որսկէս մեծ է հոգի քան
զմարմին՝ այսպէս մեծ է տեսա-
ւորութիւն մտաց քան զմարմնոց :

Եթէ ոք կարի առաւելեալ
իցէ աշխարհական մեծութեամբ
եւ մտօքն աղքատագոյն, այն-
պիսին ողորմելի է քան զբազումն,
որսկէս եւ տեսանեմք իսկ՝ ոչ
միայն ի չափաւոր մարդիկ՝ այլ
եւ յոր մեծն է քան զամենայն:
Թագաւոր եթէ ոչ ունի զիմաս-
տութիւն աթոռակից իւր, ոչ
կարէ ի վիճակին իւրում վայե-
լուչ գոլ : Իսկ եթէ առ մարմնա-
ւորս այսպէս, որշափ եւս առա-
ւելառ հոգեւորսն : Բոլոր մարմ-
նոյս հոգի է կենդանութիւն,
իսկ մարմնոյ եւ հոգւոյ միտք են
կառավար : Եւ որսկէս առ մի

մարդ՝ այսպէս առ բոլոր աշ-
խարհս : Թագաւոր ոչ զիւր մի-
այն տացէ պարտիս՝ այլ եւ որոց
եղեւ պատճառք ի կորուստ :

Բայց մեք թէպէտ եւ ոչ ու-
նիմք հրաման բամբասել զիշ-
խանն, բայց եւ ոչ գովողք կա-
րեմք լինել այնմիկ՝ որ աստուա-
ծամարտն լինիցի : Այլ զանցս ի-
րացն պատմեմք որ ի նմանէ ընդ-
սուրբ եկեղեցիսն էանց, եւ ոչ
դանդաղիմ. ոչ բամբասաէր մը-
տօք, այլ ճշմարտութեամք զելս
իրացն սսելով ոչ լռեցից: Ոչ ի
կարծ ընդստուցեալ, եւ ոչ ի
լուր զարթուցեալ. այլ ես ինք-
նին անձամք անդէն ի տեղւոջն
պատահեցի եւ տեսի . եւ լուայ
զձայն բարբառոյ յանդզնաբար
խօսելով. իբրեւ զհողմսաստիկ՝
զի բախիցէ զծով մեծ, այնպէս
շարժէր եւ տատանէր զամենայն
բազմութիւն զօրացն իւրոց: Եւ

Հանդէս առնէր ամենայն ուս-
մանց, եւ անդաճէր զմողութիւն
եւ զքաւդէութիւն եւ զամենայն
ուսմունս աշխարհին իւրոյ։ Ար-
կանէր իներքս եւ զքրիստոնէու-
թիւն կեղծաւորութեամբ, եւ
ասէր զայրացեալ մոօք։ «Հար-
ցէք, քննեցէք, տեսէք։ Թող որ
լաւն է ընտրեալ կալցուք։ ո Եւ
փութայր որ ինչ ի մտին էր՝ զի
վաղվաղակի կատարեսցի։

Իսկ ի կողմանց կողմանց քը-
րիստոնեայքն որ ի զօրուն էին՝
իմացան զխորհուրդն որ ծածուկ
վառեալ բորբոքէր, եւ կամէր
հրդեհել զլերինս եւ զդաշտս առ-
հասարակ։ Զեռան եւ նոքա ան-
ծախական հրովմ, եւ սաստկա-
պէս սկատրաստեցան առ փոր-
ձութիւն զաղոնի մեքենայիցն։
Սկսան այնուհետեւ բարձր բար-
բառով, սաղմոսիւք եւ երգովք
հոգեւորօք եւ մեծասլայծառ

վարդապետութեամբ յայտ յան-
դիման մեծի բանակին զալաշ-
տօնն ցուցանել . եւ աներկիւղ
առանց զանգիտելոյ՝ ո՛ ոք եւ
երթայր առ նոսա ուսուցանէին
կամակար . Եւ Տէր յաջողէր նոցա
նշանօք եւ արուեստիւք . քանզի
բազում հիւանդք ընդունէին
զբժշկութիւն ի հեթանոսական
զօրուն :

Իսկ անօրէն իշխանն իրբեւ
գիտաց եթէ յայտնեցաւ խորա-
մանկութիւն խորհրդոյն , եւ
պատրաստեալ հուրն՝ մինչ չեւ
ուրուք ի նա փշեալ՝ վառումն
նորայայտնի իմացաւ երկիւղա-
ծացն Աստուծոյ, սկսաւ ծածուկ
նետիւք խոցոտել զմիտս իւրոյ
չարտթեանն . եւ անբժշկական
վէրս հոգիս եւ ի մարմինս տե-
սանէր : Մերթ շանթէր գալա-
րէր իրբեւ զօձ թունաւոր, մերթ
պարզէր դոչէր իրբեւ զառիւծ

զայրացեալ . գելոյր եւ տապա-
էր երկդիմի մտօք . զխորհուրդս
կամացն կամէր կատարել : Քան-
դի ձեռն արկանել եւ ունել ոչ
կարէր , — վասն զի ոչ էին համա-
գունդ իմիում վայրի առնմա— ,
սկսաւ այնուհետեւ յառաջ կո-
չել զկրսերս յաւագաց եւ զա-
նարդս ի պատուականաց եւ ըդ
տղէտս ի գիտնոց եւ զանարիս
ի քաջ արանց . եւ զի՞ մի մի թը-
ւիցեմ , այլ զամենայն արժանա-
ւորսն յետս տանէր . մինչ եւ
զհայր եւ զորդի քակէր ի մի-
մեանց :

Եւ թէսլէտ ընդ ամենայն ազ-
դըս առնէր զանկարդութիւնս
զայս , առաւել ընդ Հայոց աշ-
խարհին մարտնչէր . քանզի տե-
սանէր զնոսա ջերմագոյնս յաստ-
ւածպաշտութեան . մանուանդ
որք էին յազգէ նախարարացն
Հայոց , եւ անմեղութեամբ ու-

նէին զսուրբ քարոզութիւն առաքելոցն եւ զմարդարէից։ Պատրէր զոմանս ի նոցանէ ուկւով եւ արծաթով, եւ զբազումն այլով եւս առատ պարգեւօք։ իսկ զոմանս աղարակօք եւ մեծամեծ գեղօք, զոմանս պատուովք եւ իշխանութեամբքմեծամեծօք։ Եւ այլ եւս սնոտի յոյս ոգւոց առաջի դնէր։ Եւ այսպէս հրապուրէր եւ յորդորէր հանապաղ։ «Եթէ միայն, ասէ, զօրէնս մոգութեան յանձին կալջիք, եւ զձեր մոլորութիւնդ սրտի մոօք դարձուցանիցէք ի ճշմարտութիւն երեւելի մերոց դիւցազնական օրինացս, ի մեծութիւնս եւ յաւագութիւնս հասուցից հաւասար իմոյ սիրելի նախարարացս, նատռաւել եւս զանցուցից։»

Եւ այսպէս կեղծաւորութեամբ խոնարհեցուցանէր զինքըն առ ամենեսեան, խօսելով

ընդ նոսա ի պատճառս սիրոյ ,
զի խորամանկութեամբ որսալ
մարթասցէ զնոսա ըստ առաջին
խորհրդականացն խրատուց . Եւ
զայս առնէր սկսեալ ի չորորդ
ամէն մինչեւ ի մետասաներորդ
ամէն իւրոյ տէրութեան :

Եւ իբրեւ ետես եթէ ոչինչյար-
գեցաւ ծածուկ հնարագիտու-
թիւնն , ոյլ ընդդէմքն յոլովա-
գոյն դործէին —քանզի տեսա-
նէր զքրիստոնէութիւն՝ որ օր
քան զօր յորդեալ տարածանէր
ընդ ամենայն կողմանս հեռաւոր
ճանապարհին ընդ որ ինքն ան-
ցանէր , —սկսաւ հաշել եւ մաշել
եւ հառաչելով յոգւոց հանել :
Յայտնեաց ակամայ զծածուկ
խորհուրդսն . ետ հրաման բարձր
բարբառով եւ ասէ . «Ամենայն
ազդ եւ լեզուք՝ որ են ընդ իմով
իշխանութեամբ՝ դադարեսցեն
յիւրաքանչիւր մոլոր օրինաց , եւ

միայնոյ եկեսցեն յերկրպագութիւն արեգական, զոհս մատուցանելով եւ աստուած անուանելով, եւ սոլաս ունելով կրակի, եւ ի վերայ այսր ամենայնի եւ զմոգութեան օրէնս կատարելով. մի՛ ինչ ամենեւին պակաս առնիցեն : »

Զայս ասելով քարոզ կարդայր իմեծի կարաւանին, եւ պատուէր սաստիւ ի վերայ դնէր ամենեցուն. եւ դեսպանս տոխալաւ արձակէր յամենայն ազգս հեռաւրս, զդոյն պատուէր հրամանի առ ամենեսեան արկանէր :

Սրդ ի սկզբան երկոտաստներորդ ամի թագաւորութեան իւրոյ՝ գունդ գումարէր անհամար բազմութեամբ, յարձակեալ հասանէր յերկիրն թիուղական :

Զայս տեսեալ թագաւորին Քուշանաց՝ ոչ հանդուրժէր ընդ

առաջ ելանել նորա պատերազմաւ . այլ խոյս տուեալ ի կողմանս ամուր անապատին, թագըստեամբ ապրէր հանդերձ ամենայն զօրօքն իւրովք : Իսկ սա ասպատակ արձակէր գաւառաց, տեղեաց, վայրաց . առնոյր զբազում բերդս եւ զքաղաքս, եւ կուտէր զգերին, զառ եւ զապուռ եւ զաւար, ածէր հասուցանէր յերկիր իւրոյ տէրութեանըն: Եւ անդ այնուհետեւ յընդունայն եղեալ ի նոյն խորհուրդս՝ հաստատէր ի կարծիս մոլորութեանն, ասելով ցպաշտօնեայս ամբարշտութեանն . «Զինչ հատուսցուք մեք աստուածոցն փոխարէնս այս մեծի յաղթութեանս՝ որ ոչ ոք կարաց ելանելընդդէմմեր պատերազմաւ: »

Յայնմ ժամանակի առ հասրակ մոգք եւ քաւդեայք բարձին զճայնս իւրեանց միաբան եւ

ասեն . « Աստուածքն որ ետուն
քեզ զտէրութիւն եւ զյաղթու-
թիւն ի վերայ թշնամեաց քոց ,
ոչինչ կարօտ են խնդրել ի քէն
յերեւելի պատուականացս , այլ
զի բարձցես զամենայն ուսմունս
մոլորութեան մարդկան , եւ ի մի
դարձուսցես օրէնս դրադաշտա-
կան սկատուիրանին : »

Հաճոյ թուէր բանն առաջի
թագաւորին եւ ամենայն մեծա-
մեծացն , մանաւանդ որ էին ա-
ռաջակայք օրինացն : Խորհուրդ
ի մէջ առեալ յաղթէր խրատն :
Անդէն ի ներքոյ Պահլ դրանն
արդելոյր զբազմութիւն այրու-
ծիոյն Հայոց եւ զերաց եւ զԱղ-
ուանից , եւ զամենեցուն՝ որ էին
հաւատացեալ ի սուրբ աւետա-
րանն Քրիստոսի : Եւ հրաման
սաստիւ դռնապանացն առնէին՝
եթէ որ յարեւելս առ մեզ գոյ-
ցէ՝ թողցեն . իսկ յարեւելից յա-

բեւմաւսս անանց լիցի ճանապարհ :

Եւ իբրեւ արդել եւ փակեաց զնոսա յամուր եւ յանել գառադիղն, — եւ յիրաւի ասացի ամուր եւ անել, քանզի չիք անդ տեղի փախստի եւ թաքստի, վասն զի շուրջանակի թշնամիք են ընակեալ, — յայնմ ժամանակի ձեռն արկանէր ի նոսա, մեծաւ չարչարանօք եւ պէսպէս տանջանօք վատթարէր զբազումն ի նոցանէ, եւ ստիպէր ուրանալ զճըշմարիտն Աստուած եւ խոստովանել զերեւելի տարերս : Իսկ զօրականըն առ հասարակ գեղեցիկ խորհրդով, քաջապէս զօրութեամբ միաբան աղաղակէին եւ ասէին. « Ակայ են մեզ երկինք եւ երկիր, ոչ երբէք հեղդացեալ եմք յարքունի վաստակը, եւ ոչ խառնեալ վատութիւն ընդ արութիւն քաջու-

թեան. ի զուր եւ անողորմ են
հարուածքս ի վերայ մեր : Յ

Եւ բազմանայր գոչումն աղա-
ղակի նոցա, մինչեւ ինքնին թա-
գաւորն ականատես լինէր իրացն
յանդիմանութեան, եւ անդէն
վաղվաղակի երդմամբ հաստա-
տէր եւ ասէր. « Ոչ թողացուցից
ձեզ, մինչեւ կատարեսջիք զամե-
նայն կամս հրամանաց իմոց : »

Եւ տհա իշխանութիւն առեալ
չարաչար սպասաւորացն, զչորս
զինուորսն ի բուն աւագացն մա-
տուցին ի փորձութիւնս տանջա-
նաց : Եւ զառաջեաւ դառեալ
բազում հարուածովք, նովին
կապանօք անցուցին իտեղիսար-
դելանին : Իսկ սյլոցն խաբէու-
թեամբ առ ժամանակ մի թողու-
թիւն արարեալ, եւ զամենայն
վեասուն պատճառս արկանէր
զկապելովքն . եւ զայս առնէր
սատանացական խրատուն :

Իսկ յետ երկուասան աւուր
հրաման տայր ընթրիս դործել
առատութեամբ եւ աւելի քան
զաւուրց սովորութիւն . Եւ կո-
չէր զբազումս ի զինուորական
քրիստոնէիցն . Եւ ի ժամ դահու-
պատրաստութեան զիւրաքան-
չիւր տեղի շնորհէր նոցա զբազ-
մականին . Եւ սիրով խոնարհու-
թեամբ խօսէր ընդ նոսա ըստ
առաջնում կարգին, զի թերեւս
հաւանեսցին ուտել զմիս զոհեալ՝
զոր ոչ էր երբէք օրէն ուտել
քրիստոնէից : Իբրեւ ոչ կալան
յանձին ամենեքին , ոչինչ կարի
ստիպեաց , այլ հրամայեաց մա-
տուցանել նոցա զսովորական
կերակուրն , Եւ առաւել գին-
եօքն յաւելոյր ի տաճարին զիս-
րախութիւն :

Եւ անտի իբրեւ ի դուրս ելին
ի սրահն արքունի , արգելին զո-
մանս ի նոցանէ ձեռս յետս կա-

պելով, եւ զխոնջանունսն կընքելով. եւ զգուշութեամբ պահէին՝ էր որ զերկուս տւուրս, եւ էր որ զերիս : Բազում եւ այլ եւս յանարժան հարուածս չարչարէին, զոր ոչ ընդ գրով իսկ արժանի համարեցաք արկանել : Եւ զոմանս ի նոցանէ ընդքարշվարէին յօտարութիւն յազնուական սլատուոցն անարգեալ :

Եւ գունդս գունդս դարձեալ գումարէին ինոցանէ յերկիր հեռաստան՝ յամուրս անապատին ի մարտ պատերազմի թշնամեացըն արքայի . Եւ բազմաց իսկ անդէն հասանէր վախճան մահու սրով : Եւ զամենեցուն ըզ կարգեալ թոշակսն նուազեցուցանէին, եւ քաղցիւ եւ ծարաւով տառապեցուցանէին զնոսա, եւ ձմերոցի տեղիս զդժնեայ վայրսն հրամայէին նոցա . Եւ անարգս եւ վատթարս յաչս ա-

մենեցուն զնոսա ցուցանէին:

իսկ նոքա առ սէրն Քրիստոսի յոյժ խնդութեամբ ընդունէին զամենայն չարչարանս՝ վասն մեծի յուսոյն որ առաջոյ պատրաստեալն կայ պատուիրանասլահ համբերողացն։ Որչափ չարութիւն զանարգութիւնն բազմացուցանէր, նոքա եւս քան զեւս զօրանային խսէրն Քրիստոսի. մանաւանդ զի բազումք ինոցանէ զգիրս սուրբս ուսեալ էին ի մանկութենէ, այնու զանձինս մխիթարէին եւ զընկերսն քաջալերէին, եւ աշկարայ զպաշտօնն ունէին եւ բազմացուցանէին։

Վասնորոյ եւ բազումք ի հեթանոսաց՝ որոց հեշտ եւ ցանկալի ճայնքն թուէին, քաջալերէին զնոսա, եւ ասէին բանս մխիթարութեան, իբրեւ եթէ լու իցէ մարդոյ մահու չափ ճգնել՝ քան յայդպիսի օրինաց ուրանալ:

Բայց սակայն թէսլէտ եւ նոքա առ սէրն Քրիստոսի յոյժ զըւարթութեամբ խնդային ըստ ներքին մարդոյն, արտաքին տեսիլն կարի ողորմ էր յօտարութեանն : Այնպիսի սկատուական զինուորութիւն հասեալ էր իշարաշուք անարգութիւն, եւ հայրենի ազատութիւնն չարաչար կայր ի ծառայութեան մարդախոշոշ բռնաւորին, որ եւ ըստ հեթանոսաց օրէնս անցանէր արիւնհեղութեամբ եւ ամենեւին շիարծէր՝ թէ գուցէ այսր ամենայնի վրէժխնդիր յերկնից :

Իս եւ ոչ զերկրաւոր վաստակս ուրուք յիշէր . եւ որ մեծնքան զամենայն է ըստ մարմնաւոր կարգի, քանզի գոյին ումանքինախարացն Հայոց՝ որոց զեղբարս նորա սնուցեալ էր մայրենի կաթամբն իւրեանց, առաւելքան զամենեսեան՝ զնոսա դատէր :

Եւ յայսր ամենայնի վերայ այլ
եւս չարութիւն խորամանկեաց.
Զմի ոմնի ի հաւատարիմ ծառայի-
ցըն իւրոց ի գործ առաքէր յեր-
կիրն Հայոց, որում անունն էր
Դենշապուհ. որ եկեալ հասեալ
հրամանաւ արքունի, զողջոյն բե-
րեալ զմեծ թագաւորին, եւ խա-
ղաղասէր կեղծաւորութեամբ
աշխարհագիր առնելով ամենայն
երկիրն Հայոց ի թողութիւն
հարկաց եւ ի թեթեւութիւն
ծանրութեան այրեւծիոյն : Թէ-
պէտ եւ ի վերին երեսս կեղ-
ծաւորէր, այլ ի ներքոյ խոր-
հուրդք չարագոյն ցուցանէին :

Առաջին, զաղատութիւն եկե-
ղեցւոյ արկանէր ի ծառայու-
թիւն :

Երկրորդ, միայնակեաց քը-
րիստոնեայք՝ որ բնակեալ էին
ի վանորայս, ընդ նովին աշխար-
հագրով էարկ :

Երրորդ , զհարկ աշխարհին
առաւել ծանրացոյց :

Չորրորդ , զնախարարեանն
բանսարկութեամբ արկընդ մի-
մեանս , եւ յամենայն տան արար
խոռվութիւն :

Եւ զայս ամենայն առնէր՝ զի
թերեւս զմիաբանութիւնն քակ-
տեսցէ , եւ զուխտն եկեղեցւոյն
ցրուեսցէ , եւ զմիայնակեացսն
փախուսցէ , եւ զշինականսն
վատնեսցէ . եւ առ յոյժ աղքա-
տութեանն՝ ակամայ դիմեսցեն
յօրէնս մագուց :

Եւ եւս չարագոյն հինգերոր-
դըն . քանզի որ հազարապետն
էր աշխարհին՝ իբրեւ զհայր վե-
րակացու համարեալ էր աշխար-
հականացն քրիստոնէից . գըր-
գուեաց յարոյց զամբաստանու-
թիւն ի վերայ նորա , եւ հանեալ
զնա ի գործոյն՝ փոխանակ նորա
պարսիկ ած յաշխարհն . եւ մեւս

Եւս մոդալէտ դատաւոր աշխարհին, զի զեկեղեցւոյ վառս աղաւաղեսցեն :

Բայց սակայն թէպէտ եւ ամենայն գործքս այս դժնեայ էին, չեւ էր ուրոք ձեռնարկեալ յայտնի յեկեղեցին . վասն այնորիկ եւ ոչ ոք ընդդիմացաւ նմա . թէպէտ եւ էր ծանրութիւն հարկացն : Քանզի ուստի արժան էր առնուլ հարիւր դահեկան, նոյնչափ կրկնէին եւ առնուին . սոյնպէս եւ եսլիսկոպոսաց եւ երիցանց դնէին, ոչ միայն շինաց՝ այլ եւ աւերակաց : Նա բնաւ ովլ իսկ կարէ պատմել վասն ծանրութեան մըտից եւ սակից, բաժից եւ հասից, լերանց եւ դաշտաց եւ մայրեաց : Ոչ ըստ արքունի արժանաւորութեանն առնուին, այլ հինաբար յափշտակելով . մինչեւ ինքեանք իսկ մեծառէս

զարմանային՝ թէ ուստի այս
ամենայն գանձ ելանէ՝ զիա՞րդ
չէն կայցէ աշխարհն Հայաս-
տանեայց :

Եւ իբրեւ տեսին՝ թէ այսու-
ամենայնիւ չկարացաք ձանձ-
րացուցանել, յայնժամ յայտնա-
պէս հրաման ետուն մոգաց եւ
մոգովետաց նամակ մի գրել ըստ
Ճախողակի դենին իւրեանց :
Եւ է պատճէն նամակին այս .

ՄԻՀՐՆԵՐՍԵՀ վզուկ, համանատար
Երան և Աներան, Հայոց մեծաց ող-
ջոյն շատ.

«Դուք դիտասջիք, ամենայն
մարդ՝ որ ընակեալ է ի ներքոյ
Երկնի, եւ ոչ ունի զօրէնս դենի
մազդեզն, նա խուլ է եւ կոյր,
եւ դիւաց Հարամանոյ խարեալ,
«Քանզի մինչ չեւ էին Երկինք
եւ Երկիր, Զրուան մեծն աստ-
ուած յաշտ առնէր զհազար ամ,

եւ ասէր. «Թերեւս լիցի իմորդի
Որմիզդ անուն, արասցէ զերկին
եւ զերկիր. » Եւ յղացաւ երկուս
յորովայնի. մի վասն յաշտ առ
նելոյ՝ եւ զմեւսն եւս ի թերեւսն
ասելոյ. Իբրեւ գիտաց, եթէ եր-
կու են յորովայնի, «Որ վաղ
եկեսցէ, ասէ, նմա տաց զթա-
գաւորութիւնս : »

« Իսկ որ էր իթերահաւատու-
թենէն յղացեալ՝ պատառեաց
զորովայնն եւ ել ի դուրս. Ասէ
ցնա Զրուան. » Ո՞վ ես դու: »
Ասէ. « Որդին քո եմ Որմիզդ. »
Ասէ ցնա Զրուան. « Իմ որդին
լուսաւոր է եւ անուշահոտ, դու
խաւարային ես եւ չարասէր : »
Եւ իբրեւ կարի դառնապէս ելաց
ետ ցնա զթագաւորութիւնն հա-
զար ամ:

« Իբրեւ ծնաւ զմեւս եւս որ-
դի, անուանեաց զնա Որմիզդ.
Եկան զթագաւորութիւնն յԱրհ-

մնէ, եւ ետ ցՈրմիզդն, եւ ասէ
ցնա . « Ցայժմէս քեզ յաշտ ա-
րարի, արդ դու ինձ արա : « Եւ
Որմիզդ արար զերկինս եւ զեր-
կիր . իսկ Արհմն ընդդէմ չար
դործեաց :

« Եւ այսալէս բաժանին արա-
րածքս . հրեշտակք՝ Որմզդի են ,
իսկ դեւքն Արհմնոյն . եւ ամե-
նայն բարիք որ յերկնից եւ այսր
լինին՝ Որմզդի են , եւ ամենայն
վնասք որ անտի եւ այսր գոր-
ծին՝ զայն Արհմն արար , Սոյն-
պէս յերկիրս որ ինչ բարի է՝
զայն Որմիզդն արար . եւ որ ոչն
է բարի՝ զայն Արհմն արար . որ-
պէս զմարդ՝ Որմիզդ արար , եւ
զախտս եւ զհիւանդութիւնս եւ
զմահ՝ Արհմն արար , եւ ամե-
նայն թշուառութիւնք եւ պա-
տահարք որք լինին , եւ պատե-
րազմունք դառնութեան , չարին
մասին արարածք են : Իսկ յա-

ջողութիւնք եւ տէրութիւնք եւ
փառք եւ պատիւք եւ առողջու-
թիւնք մարմնոց, գեղեցկու-
թիւնք դիմաց եւ ճարտարու-
թիւնք բանից եւ երկայնակե-
ցութիւնք ամաց, սյդ ի բարւոյն
առնուն զգոյացութիւն . եւ ա-
մենայն որ ոչ այդպէս է՝ ի նա
չարի մասն խառնեալ է :

«Եւ ամենայն մարդիկ մոլոր-
եալ են որ ասեն՝ եթէ և Զմահ
Աստուած արար, եւ չար եւ բա-
րի ի նմանէ լինին : » Մանաւանդ
որպէս քրիստոնեայք ասեն՝ թէ
« Աստուած նախանձուտ է. վասն
թզի միոյ ուտելոյ ի ծառոյն՝
Աստուած զմահ արար, եւ զմար-
դըն արկ ընդ այնու պատուհա-
սիւ : » Զայդակիսի նախանձ եւ
ոչ մարդ առ մարդ ունի, թող
թէ Աստուած առ մարդիկ . զի
որ զայս ասէ՝ նա խուլէ եւ կոյր
եւ իդիւաց Հարամանոյ խաբեալ :

« Դարձեալ մեւո եւս այլ մո-
լորութիւն. « Աստուած որ զեր-
կինս եւ զերկիր արար՝ եկն,
ասեն, եւ ի կնոջէ ումեմնէ ծը-
նաւ՝ որում անուն էր Մարիամ,
եւ առն նորա Յովաչի. » այլ
ճշմարտութեամբ՝ Բանթորակայ
ուրումն եղեալ նա որդի յան
կարգ խառնակութենէ: Եւ ըզ
հետ այսպիսի մարդոյ մոլորեալ
են բազումք :

« Եթէ աշխարհն Հոռոմոց առ-
յոյժ յիմարութեան տղիտաբար
մոլորեալ են եւ զրկեալ ի կա-
տարեալ դենէս մերմէ, յան-
ձանց ոլայմանեն զվասն իւր-
եանց. դուք եւս ընթէր զհետ
նոցա մոլորութեան ցնորիք: Այլ
զոր օրէնս տէրս ձեր ունի՝ զնոյն
եւ դուք կալարուք. մանաւանդ
դի եւ առաջի Աստուծոյ վասն
ձեր համարս ունիմք տալ:

« Մի հաւատայք առաջնոր-

դացն ձերոց՝ զոր Նածրացիսդ
անուանէք. քանզի յոյժ են խա-
բեբայք, զոր բանիւք ուսուցա-
նեն՝ գործովքոչ առնուն յանձն:
—Միս ուտել, ասեն, ոչ են
մեղք—, եւ ինքեանք ուտել ոչ
կամին.—Կին առնել արժանէ—,
բայց ինքեանք եւ հայել ի նա
ոչ կամին.—Կարասի որ ժողովէ,
ասեն, մեղք են յոյժ—, բայց
զաղքառութիւն առաւել քան
զյոյժ գովեն։ Յարգեն զթշուա-
ռութիւն, եւ պարսաւեն զյա-
ջողուածու. ծաղր առնեն զանուն
բախտի, եւ զիառաւորութիւն
յոյժ այսլանեն. սիրեն զանշը-
քութիւն հանդերձից, եւ յար-
գեն զանարգս քան զպատուա-
կանս. գովեն զմահ՝ եւ պար-
սաւեն զկեանս. անարգեն զծը-
նունդս մարդոյ. եւ գովեն զա-
նորդութիւն։ Եւ եթէ լսէք գո-
յա եւ ի կանայս ոչ մերձենայք,

աշխարհիդ վախճան վաղվաղակի
հասանէ :

«Այլ ես ոչ կամեցայ զամե-
նայն ըստ մասանց ընդ գրով ար-
կանել առ ձեզ. զի բազում ոյլ
ինչ է զոր խօսին դոքա :

«Որ չարագոյն եւս է քան զոր
գրեցաքդ, զԱստուած ի խաչ
ելեալ ի մարդկանէ քարոզեն,
եւ զնոյն մեռեալ եւ թաղեալ
եւ ասլա յարուցեալ եւ վերաց-
եալ յերկինս : Ոչ ահա ձեզէն
իսկ արժան էր անդէն դատաս-
տան առնել վասն այդպիսի
անարժան ուսմանց : Դեւք որ
չարք են՝ ոչ ըմբռնին եւ տան-
ջին ի մարդկանէ, թողլ թէ Աստ-
ւած արարիչ ամենայն արարա-
ծոց. զոր ձեզ ամօթէ ասել, եւ
մեզ կարի անհաւատալի բանք :

«Արդ երկու իրք կանառաջի ձեր.
կամարարէք բան առ բան նամա-
կիս պատասխանի, եւ կամ արիք

ի Դուռն եկայք , եւ յանդիման
լերուք մեծի հրապարակին : »

ԱՆՌԻԱՆՔ ԵՊԻՍԿՈՊՈՍՅՆ

Որք պատասխանեցին նաևակին

ՅՈՒՆԵՓ ԵպիսկոպոսԱյրարատոյ .
ՍԱՀԱԿ Եպիսկոպոս Տարօնոյ .
ՄԵԼԻՏԵ Եպիսկլ . Մանազկերտոյ .
ԵԶՆԻԿ Եպիսկլ . Բագրեւանդայ .
ՍՈՒՐՄԱԿ Եպիսկլ . Բղնունեաց .
ՏԱՃԱՏ Եպիսկոպոս Տայոց .
ԹԱԹԻԿ Եպիսկոպոս Բասենոյ .
ՔԱՍՈՒՆ Եպիս . Տուրուբերանոյ .
ԵՐԵՄԻՍ Եպիս . Մարդաստանի .
ԵՒԼԱԼԻ Եպիսկլ . Մարդոյ աղւոյ .
ԱՆԱՆԻՍ Եպիսկոպոս Սիւնեաց .
ՄՈՒՆԵ Եպիսկոպ . Արծրունեաց .
ՍԱՀԱԿ Եպիսկլ . Խըշտունեաց .
ԲԱՍԻԼ Եպիսկոպոս Մոկաց .
ԳԱՐ Եպիսկոպոս Վանանդայ .
ԵՂԻՆԵ Եպիսկոպ . Ամատունեաց .
ԵՂԲՈՅՅ Եպիսկլ . Անձեւացեաց .
ԵՐԵՄԻՍ Եպիսկլ . Ապահունեաց .

Այս ամենայն եպիսկոպոսք եւ
բազում քորեպիսկոպոսք եւ
պատուական երիցունք ի տեղ-
եաց տեղեաց հանդերձ սուրբ
ուխտիւ եկեղեցւոյ՝ միաբանք
եւ միահաւանք, միահամուռ ժո-
ղովեալք ի թագաւորանիստքա-
ղաքն յԱրտաշատ, հաւանու-
թեամբ մեծամեծ նախարարացն
եւ ամենայն բազմութեամբ աշ-
խարհին արարին նամակին պա-
տասխանի :

ՅՈՎԱԿԵՓ ԵՊԻՍԿՈՊՈՍ

Հանդեա ամենայն միաբանելովիս ի
մեծամեծաց մինչեւ ցիոնունս, Մին-
ևրուեհի մեծի հազարապետիդ Արեաց
եւ անարեաց բազում խաղաղասէր մը-
սօֆ բազմասցի ողջոյն առ ձեզ եւ ամե-
նայն մեծի սպահիդ Արեաց:

« Ի նախնեաց ունիմք սովո-
րութիւն աստուածատուր սլա-
տուիրանաւ աղօթս առնելի վե-
րայ կենաց թագաւորի, եւ ան-

Ճանճրոյթ խնդրել յԱստուծոյ
վասն երկոյն ժամանակաց դո-
րա , զի խաղաղութեամբ վա-
րեսցէ զտիեղերական իշխանու-
թիւնդ զոր աւանդեալ է դմա
յԱստուծոյ . զի ի դորա յերկար
խաղաղութեանն եւ մեք առող-
ջութեամբ եւ աստուածալաշ-
տութեամբ կատարեսցուք ըզ
կեանս մեր :

«Վասն նամակին որ քո ի մեր
աշխարհո տուեալ էր , յառաջ
ժամանակաւ մի ոմն ի մոգուե-
տաց , որ կատարելադոյն էր ի
դենիդ ձերում , եւ դուք առա-
ւել քան զբնութիւն մարդկան
ի վեր համարէիք զնա , հաւա-
տաց նա յԱստուած կենդանի
յարարիչն երկնի եւ երկրի , եւ
բան առ բան ելոյծ եւ խմացոյց
ձեզ զօրէնս ձեր : Եւ իրրեւ ոչ
կարացին բանիւ զդէմ ունել նո-
րա , քարկոծեալ մեռաւ յՈր»

մզդէ արքայէ : Եւ եթէ հաւատարիմ համարիցիս զմեր բանս լսել , ի բազում տեղիս այդր աշխարհիդ ձերոյ գտանին գիրք նորա . ընթերցիր , այտի տեղեկանաս :

« Այլ վասն օրինացս մերոց , ոչ ինչ աներեւոյթ են , եւ ոչ յանկեան ուրեք աշխարհի քարոզի . այլ համատարած ընդ ամենայն երկիր , ընդ ծով եւ ընդ ցամաք եւ ընդ կղզիս . ոչ միայն ընդ արեւմուտս , այլ եւ ընդ արեւելս այլ եւ ընդ հիւսիս եւ ընդ հարաւ եւ ի միջոցս լի է հոծութեամբ : Ոչ ի մարդ ապաստան՝ եթէ վերակացուաւ տարած ես ցի ընդ աշխարհս . այլ ինքն յինքենէ ունի զհաստատութիւն : Ոչ առ այլովք վատթարօքն վեհ երեւի , այլ իվերուստ յերկնուստ ունի զանսուտ օրէնսդրութիւնն ոչ միջնորդաւ , զի մի է Աստ-

ւած, եւ չիք այլ ոք բաց ի նը-
մանէ , ոչ երիցադոյն եւ ոչ
կրտսերագոյն :

«Ոչ սկիզբն առեալ յումեքէ
լինել Աստուած, այլ ինքն ինք-
եամբ մշտնջենաւոր. ոչ ի տեղ-
ւոջ ուրեք , այլ ինքն ինքեան
տեղի . ոչ ի ժամանակի իմիք,
այլ ժամանակք ի նմանէ գոյա-
ցան . ոչ միայն քան զերկինս
երիցագոյն, այլ եւ քան զկար-
ծիս մտաց մարդկան եւ հրեշ-
տակաց : Ոչ ձեւանայ ի տեսիլ
տարրեղէն, եւ ոչ անկանի ընդ
տեսլեամբ ական . եւ ոչ միայն
ձեռին չպննի , այլ եւ ոչ ընդ
միտս ուրուք հարկանի, ոչ մի-
ոյն ընդ մարմնականացս՝ այլ եւ
ընդ անմարմին հրեշտակացն .
ըսյց Եթէ ինքն կամի , իւրոց
արժանաւորացն մտաց իմանի,
այլ ոչ աչաց տեսանի, եւ մտաց՝
ոչ երկրաւորացս, այլ որ յԱստ-

ւած են հաւատացեալ ճշմարտիւ:

«Եւ անուն նորա Արարիչ երկ-
նի եւ երկրի . իսկ յառաջ քան
զերկին եւ զերկիր , որպէս ինք-
նագոյ՝ ինքնանուն է : Ինքն ան-
ժամանակ է , իսկ արարածոցս
յորժամ կամեցաւ՝ սկիզբն արար
ինելոյ , ոչ յընչէ՝ այլ յոչընչէ . զի
ինչ՝ նա միայն է , եւ այլս ամենայն
ինմանէ ընչացաւ : Ոչ եթէ իբրեւ
յետոյ իմացաւ եւ արար , այլ
մինչ չեւ արարեալ էր նորա՝ ի
կանուխ գիտութեանն իւրում
տեսանէք զարարածս . որովհս եւ
այժմ մինչ չեւ է գործեալ մար-
դոյ բարի ինչ կամ չար , Աստու-
ծոյ յայտնի է անգործք մարդ-
կան : Սոյնովհս եւ յայնժամ
մինչ չեւ էր , ոչ խառն ի խուռն
ինչ ճանաչէր զանեղսն , այլ
կարգեալ եւ յարմարեալ կային
առաջի նորա իւրաքանչիւր մա-
սանցն աեսակք . իսկ մարդկան

Եւ հրեշտակաց՝ եւ տեսակքն
եւ որ ի տեսակին լինելոց էին :

«Եւ քանզի արարող զօրութիւն
է, ոչ կարէր խափանել զնորա
բարերարութիւնն՝ մեր չարու-
թիւնս. որպէս եւ եղեւ իսկ, եւ
ունիմք դատաւոր զաջն արարչին:
Չեռք, որ զերկինս եւ զերկիր
հաստատեցին, նոյն եւ տախ-
տակս քարեղէնս փորագրեցին
եւ ետուն մեղ դպրութիւն՝ որ
ունի զօրէնս խաղաղականս եւ
փրկարկանս. զի զիոասցուք զմի
Աստուած արարիչ երեւելեաց եւ
աներեւութից. ոչ այլ եւ այլ,
իբր թէ ոմն բարի եւ ոմն չար,
այլ մի եւ նոյն համակ բարի :

«Բայց եթէ թուիցի քեղ չար
ինչ գոլ յարարածս Աստուծոյ,
ասա համարձակ, զի թերեւս
ուսցիս զճշմարիտն բարի. Չդեւս
չար ասացեր. զո՞ն եւ դեւք բա-
րի՝ զո՞ր եւ դուք եւ մեք Հրեշ-

տակս անուանեմք . Եթէ կամին՝
եւ դեւք բարի լինին , եւ եթէ
կամին՝ եւ հրեշտակք չար լինին :
Այդ եւ ի մարդիկ երեւի , եւ
առաւելի միոյ հօր որդիս . է որ
հնազանդ եւ հսկառակ է հօրն եւ
է որ չարագոյն քան զսատանայ :
Նա եւ ինքն իսկ մարդն առան-
ձին յերկուս բաժանեալ տեսա-
նի , երբեմն չար՝ եւ երբեմն բա-
րի . եւ որ բարին էր՝ նոյն եւ
չարացաւ , դէպ եղեւ զի դարձ-
եալ անդրէն ի բարին շրջեցաւ ,
եւ բնութիւն մի է :

« Բայց այն որ ասեսն , եթէ
վասն թզոյ միոյ մահ արար Աս-
տուած , վատթարագոյն է պա-
տառ մի մագաղաթ քան զթուզ-
ապա եթէ քան թագուորին նը-
կարի ի նմա՝ ո պատառէ զնա՝
մահու ընդունի զսատուհաս :
Իսկ արդ չար արժան է ասել
թագաւորին . քաւ , ես ոչ ասեմ ,

այլ խրատ ի գործ արկեալ եւ
զայլս ուսուցանեմ։ Յսյնժամէր
Աստուած նախանձու՝ թէ չէր
պատուիրեալ չուտել ի ծառոյ
անտի. ապա եթէ յառաջագոյն
զգուշացաւ, զգութ բնական սի-
րոյն իւրոյ յայտնեաց ի նմա։
Իսկ արհամարհելով մարդ՝ ըն-
կալաւ զպատիժս մահուն։

« Բայց այն զոր ասացեր՝ եթէ
Աստուած ի կնոջէ ծնաւ, յայդմ
չէր արժան քեզ խորշել եւ փախ-
չել. զի ահաւասիկ Արհմն եւ Որ-
միզդ ի հօրէ ծնան եւ ոչ ի մօրէ։
որում եթէ քաջ միտ դնես, եւ
ոչ դու յանձն առնուս։ Եւ մեւս
եւս այլ ծայրագոյն քան զայդ,
Միհր աստուած ի կնոջէ ծնաւ,
եթէ ոք ընդ իւրում ծնողին
անկցի։

« Այլ սակաւիկ մի եթէ ի բաց
թողացուցանէիր զիքումն տէ-
րութեանդ, եւ ընկերաբար գա-

յիր ի պայքար , գիտեմ զի իբ-
րեւ այլովդ ամենայնիւ յոյժ
իմաստուն ես , եւ վասն ծնըն-
դեան Տեսոն մերոյ ի սուրբ կու-
սէն՝ ոչ աւելաբանութիւն հա-
մարէիր , այլ առաւել քան զա-
րարչութիւնն յոշնչէ զաշխարհս՝
մեծ ագոյն զվերջին փրկութիւնն
իմանայիր , ազատութեան մար-
դոյն զյանցաւորութիւնն դնէ-
իր , եւ բարերարութեանն Աս-
տուծոյ՝ զազատութիւնն ի ծա-
ռայութենէ :

« Բանզի յորժամ լսես եթէ
յոշընչէ արար Աստուած զամե-
նայն աշխարհս , բանիւ ծնունդ
իմասջիր զարարածս : Իսկ քան-
զի Աստուած որ զայս մեծ մար-
մին առանց չարչարանաց ծնաւ ,
ապաքէն իբրեւ զհայր գութ ու-
նի ընդ սմա : Զի որ ինքն անա-
պական է՝ եւ զարարածս առանց
ասլականութեան ծնաւ . իսկ սա

կամօք գլորեալ ապականեցաւ .
Եւ անձամբ եւս ոչ կարէր կանդ-
նել կալ ի վերայ ոտից : Վասն
զի էր ի հողոյ , անձամբ անձին
արարեալ՝ անդրէն ի նոյն բնու-
թիւն դարձաւ . Եւ իբրեւ ոչ
եթէ յօտար զօրութենէ չարի
ինչ ընկալաւ ուրուք զպառիժս
պատուհասին , այլ ի յիւրմէ հեղ-
դութենէն չլսել բարերարպատ-
ւիրանին , խրատեցաւ ծառա-
յական մասնն մահուամբ զոր
կրեաց յանձն իւր :

«Արդ եթէ զմահ չար աս-
տուածն արար , զի՞նչ գոյացու-
թիւն երեւի մահու ի միջի . Եւ
ոչ ինչ : — Բայց զբարի Աստո-
ծոյ զարարածոն խանդարեաց :
Եթէ այդ այդպէս է՝ նմա եւ
բարի իսկ ասել ոչ մարթի , այլ
կիսագործ ապականացու : Եւ
որոյ աստուծոյ սրարածքն ա-
պականելիք են եւ եղծանելիք՝

նմա անեղծ Աստուած չմարթի
ասել։ Տի՛ օն անդր թողէք զյի-
մարութեան բարբանջմունսդ :

«Միոյ աշխարհի երկու դեհա-
պետք ոչ լինին, եւ ոչ միոյ արա-
րածոյ երկու աստուածք։ Եթէ
ժալրհեսցին եւ լինիցին երկու
թագաւորք միոյ աշխարհի, աշ-
խարհն եղծանի եւ թագաւո-
րութիւնքն խանդարին :

«Աշխարհս նիւթեղէն է, եւ
նիւթքս որիշ որիշ են եւ ընդ մի-
մեանս հակառակ. մի է արարիչ
հակառակորդացս՝ որ ածէ զսսա
ի սիրելութիւն հաւանութեամբ.
որպէս մալեալ կակղէ զներմու-
թիւն հրոյն՝ օդոյս հովութեամբ,
եւ զապառումն բրտութիւն օ-
դոյն՝ հրոյն եռանդմամբ. սոյն-
պէս եւ զմանրամաղ փոշիացեալ
հողս՝ ջրոյնխոնաւութեամբ զան-
գանէ, իսկ զ'ի վայր ծորելի բը-
նութիւն ջրոյն՝ սալայատակ տը-

բամացուցեալ հողոյն կախմամբ .

« Զի եթէ միաբանէին տարերքս , դուցէ ոք ի կարճամըտաց եւ Աստուած անապական զսոսա կարծէր , եւ թողեալ զարիչն՝ արարածոյս զերկրապաւթիւն մատուցանէր , վասն ոյնորիկ որ արար զսա՝ զգուշացաւ յառաջագոյն , զի հայեցեալ մարդիկ իյանդիմանութիւն ասլականացու տարերացս՝ անապական միայն զկառավար սորա իմասցին , զմի եւ ոչ զերկուս . զնոյն արարիչ չորեքկին նիւթոյս՝ յորմէ ամենայնքս ծննդագործին հրամանաւ արարողին իւրեանց :

« Եւ շրջագայութեամբք չորեք յեղանակք կառարեալ դորձեն զտարեւոր սպասաւորութիւնն . եւ չորեքեան հային կամաց ակնարկելոյ արարչին իւրեանց , եւ անզգայութեամբ լծեալ են իգործ հարկաւորու-

թեանն , չյափշտակելով զկարգ
պատուոյն ի միմեանց :

«Եւ ահա պարզաբան լուսա-
ւորութիւն՝ դիւրատար ի յա-
կանջս ամենեցուն :

«Զի այն որ հուրն է՝ գոյա-
ցութեամբ եւ զօրութեամբ
խառնեալ է յերիսն եւս մասունս .
իբրեւ զի գտանի ջերմութիւնն
յոլովագոյն ի քարինս եւ յեր-
կաթս, եւ սակաւագոյն ի յօդ-
եւ ի ջուր, եւ ինքն առանձին
ուրեք ոչ երեւի : Իսկ ջրոյ բը-
նութիւն գոյ առանձինն , գոյ
եւ ի խառնուածն երից եւս մա-
սանց , յոլովագոյն ի հողարոյս
եւ սակաւագոյն ի յօդ եւ ի հուր-
իսկ օդն թափանցանց է ընդ-
հուրն եւ ընդ ջուր , եւ ի ձեռն
ջրոյն ընդ կերակուրս աճեցա-
կանս :

«Եւ այսպէս խառնեալ են
տարերքս այս , եւ գոյացեալ

իրրեւ զմի մարմին , եւ ոչ կո-
րուսեալ զիւրաքանչիւր բնու-
թիւնս , եւ ոչ երբէք զկայան
առեալ հակառակութեամբ , հա-
յելովի մի իշխանն յանխառնն՝
որ զիւառնուածսն յարմարեալ
կազմէ առ ի բնակութիւն կեն-
դանեաց ամենեցուն , եւ տեւո-
ղութիւն յարակայութեան բո-
լոր աշխարհիս :

« Իսկ եթէ առ անբան աշ-
խարհս այսպէս հոգ տանի Աս-
տուած , որչափ եւս առաւել առ
բանաւոր աշխարհս՝ մարդն :

« Զոր եւ ձեր ոմն քաջ յի-
մաստնոցն ասաց , եթէ Միհրն
աստուած մայրածին էր ի մարդ-
կանէ , եւ թաղաւոր աստուա-
ծազաւակէ , եւ համհարզ քաջ
եւդներորդաց աստուածոց : Եւ
եթէ հաւատալ արժանէ առաս-
պելաքանութեանդ — զոր դուք
եւ գործովք իսկ կատարեալ ցու-

յանէք իդենիդ ձերում — մեք ոչ
եւս առասպելացն հաւատամք ,
սյլաշակետք եմք մեծին Մով -
սիսի մարդարէին՝ ընդ որում
Ասուած խօսեցաւ ի մորենւոջն
եւ ի Սինէ , եւ դէմ յանդիման օ-
րէնս գրեաց եւ ետ ցնա . եւ ծա-
նոյց զնիւթեղէն աշխարհն իրրեւ
զարարածս , եւ զիւր աննիւթ-
էութիւնն՝ արարիչ նիւթոցս
յոչընչէ . եւ զերկիրս երկրաւո-
րօքս եւ զերկինս երկնաւորօք
եցոյց նսա զի գործք ձեռաց նո-
րա են : Բնակիչք երկնի՝ հրեշ-
տակք , եւ բնակիչք երկիրի՝ մար-
դիկ . բանաւոր՝ մարդ եւ հրեշ-
տակ միայն , եւ Ասուած ի վեր
քան զերկինս եւ զերկիր :

« Եւ ամենայն արարածք ան-
բանութեամբ կատարեն զհրա-
մանս սլատուիրանի նորա , եւ ոչ
երբէք անցանեն ըստ եղեալ
սահմանն իւրեանց . բայց մարդ

Եւ հրեշտակ ազատ թողեալ ի
կամս անձին , քանզի մտաւորք
են , եթէ կայցեն ի հրամանի նո-
րա , անմահք են եւ որդիք Աս-
տուծոյ , Զբոլոր արարածու տու-
եալ է ի ծառայութիւն , զերկիրս՝
մարդկան , եւ զերկիրս՝ հրեշտա-
կաց . ապա եթէ ստունդանիցեն
եւ անցանիցեն զպատուիրա-
նաւ , զընդդէմսն գործեսցեն
Աստուծոյ , յիւրաքանչիւր պատ-
ւոցն զանարդանս ընկալցին . զի
երեւեսցի տէրութիւնն անբամ-
բաս , եւ յանցաւորք յանցանացն
ամօթալից :

« Իսկ եթէ դու ի տղիտու-
թեանվրիսլեալիցես , ես որ հաս-
տատունս գիտեմ՝ ոչ կարեմ գալ
զկնիքու մոլորութեանդ : Եթէ առ
շակերտիմ անուսումնութեանդ՝
երկոքինս յանգիւտ կորուսոն
մատնիմք , թերեւս ես չարա-
գոյն քան զքեզ , քանզի վկայ

ունիմինձ զինքնասաց ճայնն Աստուծոյ. «Ծառայ, ասէ, որ ոչ դիտէ զկամս տեառն իւրոյ, եւ արժանի գանի ինչ գործ գործէ՝ ըմպել ըմպէ գան, այլ սակաւագոյն. իսկոր տեղեկագոյն է կամաց թագաւորին, եւ յանցանէ ինչ տռաջի նորա, առանց բարեխօսի բազմապատիկ տանջի :

«Արդ աղաչեմ զքեղ եւ զամենեսեան որ ընդ քոյով իշխանութեամբ են, մի՛ դու ընդ իսրազմապատիկ տանջիր, եւ ոչ ես ընդ քեղ սակաւագոյն. այլ ես եւ դու եւ ամենայն բազմութիւնդ հանդերձ արի թագաւորաւդ այնպէս աշակերտեսցուք աստուածային գրոց՝ զի ի տանջանացն ասլրեսցուք, եւ ըզ դժոխս առ ոռն կոխեսցուք, եւ յանչէջ հրոյն զերծանիցիմք, եւ զարքայութիւնն ժառանդիցեմք, եւ անցաւոր կենօք դանանց մե-

ծութիւնն անվախման ունիցիմք:

« Բայց յորմէ դուդ զարհուրեալ ես՝ դիւրահաւան լեր, եւ վաղվաղակի աշակերտիս ճշմարտութեանն :

« Ո՞մն ի հրեշտակաց յանմահիցն դնդէն տոտմբակեալ ի բաց դնաց յերկնից, եւ ի մեր աշխարհո եկեալ՝ պատիր բանիւք եւ սուտ խոստմամբ զանլինելի յոյսն առաջի դնէր՝ իբրեւ տըղայ մանկան՝ անփորձ եւ անկիրթ նորաթեք մարդոյն, ի վեր հայեցուցանելով զմիտու նորա, ուտել ի պտղոյ ծ առոյն — յոր հուսն չհրամայեաց երթալ — զի լիցի աստուած: Իսկ նորա մոռացեալ զպատուիրանն Աստուծոյ, խարեցաւ զկնի մոլար խորէութեանն, կորոյս զոր ունէր ըզ փառս անմահութեանն, եւ չհիշաս երաղայոյս կարծեացն: Վասըն որոյ եւ մերժեալ ի կենաց

տեղւոյն, ընկեցաւ յասլականելի
աշխարհս՝ յորում եւ դուք էք
բնակեալ այժմ, եւ ցնորեալ մո-
լորիք զկնի նորին խրատուի.
ոչ եւս ուտելով ի պատուիրեալ
ծառոյն, այլ զարարածս աստ-
ւած սսելով, եւ անխօս տա-
րերցս երկիր պագանելով, եւ
անորովոյն դիւաց կերակուր մա-
տուցանելով, եւ յարարչէն բո-
լորեցունց ի բաց մերժելով.

«Ոչ յագի չար խրատուն,
այլ կամի զի քան զինքն չարա-
գոյնս արացէ։ Քանզի թեւքն
ոչ եթէ բռնաբար վարեն զոք ի
կորուստ, այլ զմեղս քաղցրացու-
ցանեն ի կամս մարդոյն, եւ ո-
ղոքանօք որսան զանուսմունս ի
խարէութիւն, որպէս բազում
մարդիկ զընկերս իւրեանց ի
գողութիւն եւ յաւաղակութիւն։
Իբր ոչ եթէ բռնի ինչ վարելով,
այլ սլատիր խարէութեամբ տան

գործել բազում չարիս , զոմանս
ի կախարդութիւն , եւ զոմանս
ի պունկութիւն , եւ զոմանսյան-
թիւ ի բազում յայլ իրս աղտե-
ղութեան : Եւ արդար դատաւո-
րօք վրէժ առնուն մահու չափ .
իբր ոչ եթէ բարի Աստուծոյ
դատաւորօք իցեն բարեգործ ,
եւ չարին չարագործ . զի բա-
զումանդամ է զի ի բարի մարդ-
կանէ չարք լինին , եւ յետոյ ի
չարագունից անտի կատարելա-
գոյն բարիք :

« Եւ դատաւորօք սոյզ՝ որք
դատին զչարագործո , ոչ եթէ
չարք անուանին եւ չարչարիչք ,
այլ յոյժ բարիք եւ բարեգործք .
եւ բնութիւն մի է , եւ ոչ երկու .
իսկ ի միոջէ անտի դործք եր-
կութեան երեւին . ոմանց սա-
տակիչք , եւ ոմանց պարդեւա-
տուք : Եւ եթէ առ մարդիկ այս
ոլաշտի , ի ձեռն թագաւորական

Վիճակին խրատուն խնամ տանել իւրում իշխանութեանն, ո՞ր չափ եւս առաւել Աստուծոյ բոլոր աշխարհս. որ ընդ ամենեցուն կեանս կամի եւ ոչ զմահ: Եւ ահա ուր բազմացաւ յանցաւորութիւն՝ տանջեաց զամենեսեան մահուամբ. իսկ ուր եղեւ ունկնդրութիւն հնազանդութեան՝ շնորհեաց սլարդեւս անմահութեան:

«Այն է ճշմարիտ Աստուած՝ բոլորեցունց մեր արարիչ, զորդու աներեսանսակ արձակ բերանով՝ անահ աներկիւղ համարձակ հայհոյես: Թողեալ զՅիսուս Քըրիստոս զիրկական անունն՝ Բանթորակայ որդի անուանես, եւ մարդ մոլորեցուցիչ կարծես. եւ զերկնաւոր փրկութիւնն աղաւաղես եւ անարդես ի կորուստ անձին եւ բոլոր աշխարհիդ: Զոր տալոց եւ հատուցանելոց ես զան-

անցական վրէժ տանջանացն
յանշէջ հուրն սպառնացեալ գե-
հենին, հանդերձ ամենայն գոր-
ծակցօք քոյովք, առաջնովք եւ
միջնովք եւ վերջնովք :

« Ա. յլ մեք այսալէս գիտեմք
զԱստուած, եւ ի սոյն հաւա-
տամք ի յաներկբայս :

« Եւ որ արար զաշխարհս՝ նոյն
եկն եւ ծնաւ ի սուրբ Կուսէն
Մարիամայ, յառաջագոյն նկա-
տելով մարդարէիցն, առանց ի-
րիք պատճառանաց մարմնաւոր
կարգի : Որպէս յոշընչէ արար
զայս մեծամարմին աշխարհս,
սոյնալէս առանց իրիք մարմնա-
կան միջնորդի առ զմարմինն
յանխորձ Կուսէն ճշմարտիւ, եւ
ոչ ստուերագիր երեւմամք : Եր
Աստուած ճշմարտիւ, եւ եղեւ
մարդ ճշմարտիւ . ոչ ի լինելն
մարդ՝ կորոյս զաստուածու-
թիւնն, եւ ոչ ի կալ մնալն Աստ-

ուած՝ աղաւաղեաց զմարդկութիւնն , այլ նոյն եւ մի :

« Ա. յլքանզի ոչ կարէաք տեսանել զանտեսանելին եւ մերձենալ յանմերձենալին , եկն եմուտընդ մերով մարդկութեամբ ըլնդնորա աստուածութեամբն : Ոչ անարդս ինչ համարեցաւ զգենուլզիւր ստեղծուած մարմինս , այլ մեծարեաց իրրեւ աստուածաստեղծ զիւր գործ : Ոչ առ սակաւ շնորհեաց ինչ սմազանմահութեան պատիւն՝ իրրեւ զանմարմին հրեշտակաց , այլ մի անդամայն զբոլոր ընութիւնն մարմնով շնչով եւ հոգւով զգեցաւ եւ միաբանեաց ընդ աստուածութեանն . միութիւն , եւ ոչ երկուութիւն . եւ այսուհետեւ մի գիտեմք զաստուածութիւնն , որ յառաջ էր քան զաշխարհս , նոյն եւ այսօր եւ յաւիտեան :

«Այս Յիսուս Քրիստոս՝ որ
յիւր մարմինն փրկեաց զբոլոր
աշխարհս, սա եկն կամօք ի մահ։
Եւ որպէս ինքն աստուածու-
թիւնն գիտէ՝ թանձրացաւ յա-
նարատ կուսէն, եւ ծնաւ եւ պա-
տեցաւ ի խանձարուրս եւ եղաւ
ի մսուր, եւ շարժեաց ած ըզ
մոդսն յարեւելից կողմանցս յեր-
կրպագութիւն։ սնաւ իրրեւ ըզ
տղայ կաթամբ, աճեաց եւ մե-
ծացաւ ամս երեսուն, մլրտե-
ցաւ ի Յովհաննէ ի յամլորդւոյն
ի Յորդանան գետ։ Արար նշանս
մեծամեծս եւ արուեստս ի մէջ
Հրէիցն։ մատնեցաւ ի քահա-
նայից, դառապարտեցաւ ի Պի-
ղատոսէ սլոնտացւոյ։ Խաչեցաւ,
մեռաւ, թաղեցաւ, յարեաւ յա-
ւուր երրերդի։ Երեւեցաւ եր-
կոտասան աշակերտացն եւ այ-
լոց բազմաց աւելի քան զհինգ
հարիւրոցն։ Եւ շրջելով ընդ նո-

սա զաւուրս քառասուն՝ վերացաւ յերկինս ի լեռնէն Զիթենեաց յանդիման իւրոց աշակերտացն, ել եւ նստաւ ի հայրենի աթոռն : Խոստացաւ երկրորդ անգամ դալ ահաւոր զօրութեամբ յարուցանել զմեռեալս, նորոգել զբոլոր աշխարհս, առնել դատաստան արդար ի մէջ արդարոց եւ մեղաւորաց, տալ սկարգեւո արժանաւորաց, եւ հատուցանել պատիժս չարագործաց՝ որ այսմամենայնի բարերարութեանց ոչ հաւատան :

« Յայսմ հաւատոց զմեզ ոչ ոք կարէ խախտել, ոչ հրեշտակը եւ ոչ մարդիկ, ոչ սուր եւ ոչ հուր, ոչ ջուր, ոչ ամենայն զի՞նչ եւ են դառն հարուածք :

« Ամենայն ինչք եւ ստացւածք մեր ի ձեռսքո, եւ մարմինք մեր առաջի քո կան . ըստ կամաց քոց արա զինչ եւ կամիս :

Եթէ սովին հաւատովք թողուս ,
ոչ յերկրի այլ տէր փոխանա-
կեմք ընդ քեզ , եւ ոչ յերկինս
այլ Աստուած փոխանակեմք
ընդ Յիսուսի Քրիստոսի , որ չիք
այլ Աստուած բաց ի նմանէ :

« Ապա եթէ յետ այսր մեծի
վկայութեան սյլ ինչ հարցա-
նես , աւասիկ կամք , զբոլոր
մարմին տուեալ ի ձեռս քո .
վաղվաղակի արա զինչ եւ կամիս
ի քէն տանջանք եւ ի մէնջյանձ-
նառութիւնք . սուր քո՝ եւ պա-
րանոցք մեր : Զեմք ինչ լաւ մեք
քան զառաջինսն որ յայսր վկա-
յութեան վերայ եղին զինչս
եւ զստացուածս եւ զմարմինս
իւրեանց :

« Զի եթէ անմահք խոկ էաք,
եւ մարթէր մեզ մեռանել վասն
սիրոյն Քրիստոսի՝ արժան էր .
քանզի եւ նա անմահ էր , եւ
այնչափ սիրեաց զմեզ՝ մինչեւ

մահ ի յանձն էառ , զի եւ մեք
նորա մահուամբն յաւիտենա-
կան մահուանէն ապրեսցուք :
Եւ եթէ նա յիւր անմահութիւնն
ոչ խնայեաց , մեք զի կամօք
եղաք մահկանացուք , կամօք
մեոցուք վասն սիրոյ նորա , զի
կամօք յանձն առցէ զմեզ յիւր
յանմահութիւնն . մեոցուք իբ-
րեւ զմահկանացուս , զի ընկալ-
ցի զմեր մահն իբրեւ զանմահից :
«Ս.ՅԼ դու յայսր ամենայնի այլ
զմեզ մի՛ հարցաներ . զի ոչ եթէ
ընդ մարդոյ է ուխտ հաւատոց
մերոց , եթէ պատրիցիմք իբ-
րեւ զտղայս . այլ անլուծու-
թեամբ ընդ Աստուծոյ՝ որում
չիք հնար քակոել եւ ի բաց ելա-
նել , ոչ այժմ եւ ոչ յապա , եւ
ոչ յաւիտեանս , եւ ոչ յաւիտե-
նից յաւիտեանս : »

Ի սմին հաւանութեան ամե-

նայն բազմութիւնն միաբանեաց
ի մեծամեծաց մինչեւ ցփոքունս.
անսուտ երդմամբ եղին վկա-
յութիւն՝ կենօք եւ մահու ի նը-
մին կալ հաստատուն :

Եւ իբրեւ եհաս նամակն յար-
գունիս՝ եւ ընթերցան ի մեծի
խոնասոտանի յանդիման ամենայն
բազմութեան կարաւանին, բա-
զումք այնոքիկ էին որ իբրեւ
լսէին՝ գովկեին զպատասխանիսն :
Թէ ալէտ եւ երկնչէին յահէ տէ-
րութեանն՝ սակայն ի ծածուկ
առ միմեանս զնոյն վկայութիւնս
գովութեանց տային . առաւել
քան ընդ ճարտարաբանութիւ-
նըն՝ ընդ համարձակութիւն ա-
ներկիւղութեանն զարմանային :
Եւ բազումք յահաբեկելոց սկսան
զրահել պնդալէս, եւ զնոյն շշըն-
ջիւն լսէին յամենայն շրթանց :

իսկ չարասէր մողակետն հանդերձ մեծ հազարապետաւն շընչեաց չարախօսութիւն, եւ բորբոքեաց զթագաւորն իբրեւ ըզ հուր անշիջանելի: Եւ սկսաւ կըրճըտել զատամունսն իբրեւ զօրհասական վիրաւոր. Եւ յայտ յանդիման ձայն արկեալ ի մեծ հրապարակին, եւ ասէ. «Դիտեմ ես զչարութիւն բազմութեան մարդկանս՝ որ թերահաւատեն ի մերոց օրինացս, եւ զկնի կախարդութեան մոլորեալ են անդարձութեամբ: Եւ իմ եղեալ է ի մտի՝ թէ ոչ ումեք թողացուցից ի մեծամեծ հարուածոյն՝ մինչեւ ակամայ իրաց կայցեն յայնպիսի վրիպական օրինաց. Եթէ ոք կարի ի մերձաւորաց իցէ, զնոյն անցս եւ ընդնոսա անցուցից: »

Յայնժամ ծերն դառնացեալ բանս ի ներքս ընկէց, եւ ասէ

ցթակաւորն . «Առ ի՞նչէ քո այդ
մեծ տրտմութիւնդ . զի եթէ կայ-
սըր չելանէ ըստ քո հրաման , եւ
Հոնք կան քեզ ի ծառայութեան ,
որ մարդ է յերկրի՝ եթէ կարող է
ընդդէմ դառնալ քում հրամա-
նիդ : Տիրաբար հրաման տուր ի
ներքո , եւ ամենայն որ ինչ եւ
ասես՝ վաղվաղակի կատարի :

Եւ անդէն թագաւորն ի ներ-
քըս կոչեալ զդուրապետն , հր-
ամայէր գրել հրովարտակ . եւ
ոչ եւս ըստ սովորութեանն , այլ
բանս զայրագինս իբր առ առե-
լիս եւ անսկիտանս , չյիշելով ա-
մենեւին զմեծամեծ վաստակս
տիրասէր մարդկանն . այլ մի-
այն կոչոյ հրաման տուեալ յա-
կանէ յանուանէ զարս զոր ինքն
ճանաչէր : Եւ այս անուանք են
նախարարացն :

Ի տոհմէն Սիւնեաց ՎԱՍՈԿ
անուն :

ի տոհմէն Արծրունեաց ՆԵՐ-
ՇԱՊՈՒՀ անուն :

ի տոհմէն Ռըշտունեաց ԱՐՏԱԿ
անուն :

ի տոհմէն Խոռխոռունեաց
ԳԱԴԻՇՈՅ անուն :

ի տոհմէն Մամիկոնէից ՎԱՐ-
ԴԱՆ անուն :

ի տոհմէն Մոկաց ԱՐՏԱԿ ա-
նուն :

ի տոհմէն Ասլահունեաց ՄԱ-
ՆԷՋ անուն :

ի տոհմէն Ամաստունեաց ՎԱ-
ՀԱՆ անուն :

ի տոհմէն Վահեւունեաց ԳԻՒՏ
անուն :

ի տոհմէն Անձեւացեաց ՇՄԱ-
ԻՈՆ անուն :

Զայս նախարարքու յականէ
յանուանէ կոչեցին ի դուռն ար-
քունի . եւ կէսքն առ նմա իսկ
էին ի կարաւանին , եւ սյլքն
ի կողմանց հիւսիսոյ ի Հոնաց

պահակին . թողեալ էր զոմանս
ի նախարարացն անդէն յաշ-
խարհին Հոնաց :

Արդ թէպէտ եւ ոչ համա-
գունդ ի միոջ վայրի դիսլեցան
ամենեքեան , սակայն յառաջա-
դոյն դիսլացեալ զիսորհուրդս
չարաբարոյ բռնաւորին , եւ զհե-
ռաւորսն եւս իրեւ զմերձա-
ւորսն ի միոջ վայրի առ միմեանս
համարէին :

Եւ ի ձեռն Յովսեփու մեծի ե-
պիսկոպոսի նովին ուխտիւ հաս-
տառեալ՝ խաղացին գնացին յիւ-
րաքանչիւր տեղեաց ի դուռն
արքունի : Եւ յոյժ փութային
վասն եղբարց եւ որդեաց եւ
սիրելի դայեկանունդ բարե-
կամացն՝ որ չարաչար կային ի
մեծի նեղութեանն : Վասն որոյ
եւ նոքա զանձինս ի մահ մատ-
նեցին՝ ոչ ինչ զանդիտելով իր-
բեւ զանարի վատասիրտս . այլ

յոյժ քաջութեամբ պնդէին զանձինս , զի թերեւս կարասցեն փրկել զնոսա ի մեծամեծ հարուածոցն :

Եւ իրրեւ հասին ի դուռն արքունի , ի մեծի շաբաթու Զատկին յանդիման լինէին թագաւորին : Բայց թէպէտ եւ տեսանէին զեղբարս իւրեանց ի մեծամեծ վիշտս տառապանաց՝ որ վասն անուանն Քրիստոսի ճըդնեալք էին պնդապէս , ոչ ինչ տրում եւ տխուր զերեսս ցուցանէին հրապարակին : Եւ որչափ նոքա զուարթագին երեւէին ամենեցուն՝ առաւել զարմանային չարասէրքն :

Եւ զի օրէնք էին յառաջ ժամանակաւ , յորժամ ի Հայոց այրուձի ի դուռն երթայր ի ձեռն պատուաւորի զօրագլուի ուրուք , այր ընդ յառաջ յղէր , եւ հարցանէր զողջոյն եւ զխաղաղու-

թիւն Հայոց աշխարհին, եւ երկիցս եւ երիցս անդամ զնոյն առնէր : Եւ զհանդէս գնդին ինքնին տեսանէր թագաւորն, եւ յառաջ քան զիործ պատերազմին հասանելն զգալն իսկ առնա՝ մեծի շնորհակալութեան համարէր, եւ առաջի աթոռակցացն իւրոց եւ ամենայն մեծամեծացն՝ գովութիւն մատուցանէր ամենեցուն, եւ յիշէրզնախնեացն զվաստակս, եւ զառն առն քաջութիւն պատմէր նոցա :

Իսկ այն օր եւ ոչ մի ինչ յայսցանէ ամենեւին ինչ ոչ յիշեաց այլ իբրեւ զչարադեւ մի՝ ոչ դադարէր յուզել եւ շարժել զրուք ձմերայնւոյ : Որպէս եւ նմանեալ իսկ էր ծովածուփ ալեկոծ խռովութեան, ոչ դուզնաքեայ վեր ի վերոյ, այլ անդստին յանդընդոց բարձրանայր փրփրեալ կուտակեալ, եւ վիշապաճայն

որստալով։ Պաղանաբար դոչելով առ հասարակ դողացուցաներ զտիեղերական իշխանութիւնն , որսկէս թէ փլեալ տարածանիցի համատարած ամենայն ի վերայ լերանց , խորոց եւ ճորոց՝ ապականեալ միանգամայն զլայնութիւն դաշտացն վայելչութեան :

Մոնչելով բարբառ արձակեալ եւ ասէ . «Երդուալ իմ յարեգակն , ի մեծն աստուած — որ ճառագոյթիւքն իւրովք լուսաւորէ զամենայն տիեղերս , եւ ջերմութեամբն կենդանածնէ զամենայն դոյցեալսն — եթէ ոչ վաղիւ ընդ առաւօտն , ընդ երեւումն սքանչելոյն , ընդ իս զիւրաքանչիւր ծունր նմա ոչ կրկնեսչիք՝ խոստովանելով զնա աստուած , ոչ ինչ թողացուցից ձեզ՝ զամենայն նեղութիւնս չարչարանացն ի վերայ

ածելով, մինչեւ ակամայ կատարիցէք զկամս հրամանաց իմոց :

Իսկ հաւատացեալքն հաստատեալք ի Քրիստոս՝ ոչ իսպանամանեաց ձմերայնւոյն հովանային, եւ ոչ ի տասկոյ խորշակին ջեռնուին, եւ ոչ յահագին ձայնէն տարսէին, եւ ոչ ի ըսպառնալեաց տանջանացն զանգիոտէին. այլ ի վեր հայեցեալք զզօրութիւնն Քրիստոսի յօդնութիւն եկեալ տեսանէին. եւ զուարթագին դիմօք եւ համեստրանիւք յառաջ մատուցեալ՝ տային սկառասխանի թագաւորին : և Խնդրեմք ի քէն, արքայքաջ, ունին դիր սակաւ բանից մերոց, եւ քաղցրութեամբ լուիցես զոր ասելոցս եմք :

« Քանզի յիշեցուցանեմք քեզ զժամանակն Շապհոյ արքայից արքայի, որ էր հայր հաւուն քո

Յազկերտի . Եւ ետ նմա Աստուած
զերկիրն Հայոց ի Ժառանգու-
թիւն սովին օրինօք որով եւ մեք
իսկ վարիմք այժմ, եւ հարքն
մեր եւ հաւք հարցն մերոց կա-
ցին նմա ի ծառայութեան վաս-
տակս, եւ սիրով կատարէին զա-
մենայն հրաման բանի նորա, եւ
բազում անգամ ի նմանէ մեծա-
պարդեւք ելանէին : Եւ յայնց
Ժամանակաց մինչեւ ի քո հայ-
րենի աթոռդ՝ եւ մեք զնոյն ծա-
ռայութիւն ծառայեցաք . բայց
թերեւս քեզ լաւագոյն քան զա-
ռաջնոյն :

Զայս ասելով ցուցանէին ըզ
քաջութիւն արութեանցն լաւա-
գոյն քան զառաջնոցն ըստ զին-
որութեան կարգի : Իսկ զմտից
եւ զսակից, եւ որ այլ եւս էին
հարկ աշխարհին, բազմագոյն
քան առ հարբն նորա երթայլ
յարքունիս :

« Նա եւ ի սուրբ եկեղեցւոյն ,
որ էր ազատ ի Քրիստոս ըստ
կարգի նախնեացն մերոց ի սկզբ-
բանէ , եւ դու ընդ հարկաւ եղիր .
Եւ մեք առ սէր քոյոյ տէրու-
թեանդ ոչ ինչ ընդդիմացաք
քեզ . Արդ վասն էր յուզեալ
իցէ ցասումնս այս ի վերայ մեր .
ասա դու մեզ զսրատճառս մնա-
սուն . Եթէ օրէնք մեր պատ-
ճառք իցեն անվաստակ լինելոյ
առաջի քո : »

Իսկ չարադեւն լի ամենայն
նենդութեամբ՝ զերեսս ի մի կոյս
դարձուցեալ եւ ասէ . « Վնաս
համարիմ ընդունել ի դանձ ար-
քունի զհարկս աշխարհին ձերոյ ,
եւ անօդուտ զքաջութիւն ա-
րութեան ձերոյ , քանզի տգի-
տաբար մոլորեալ էք ի ճշմարիտ
օրինացս մերոց , եւ զասո-
ւածս անարդէք եւ զկրակ ըս-
տանանէք եւ զջուրս պղծէք ,

եւ զմեռեալս ի հող թաղելով
զերկիր ապականէք, եւ քրտար
չառնելով ոյժ տայք Հարամանոյ.
Եւ որ մեծ քան զամենայն՝ զի
հանասլաղ ի կանայս ոչ մերձե-
նայք. Եւ մեծապէս լինի դիւաց
խնդութիւն, չխրատելով ձեր
եւ չպահելով զամենայն կարգս
մոգաց: Տեսանեմ զձեղ իրեւ
զխաշինս ցրուեալս եւ վայրա-
տեալս յանասլատի, եւ յոյժ զեղջ
է մոտաց խմոց՝ թէ գուցէ ասո
ւածքն բարկացեալ վասն ձեր
ի մէնջ վրէժս առնուցուն: Այլ
դուք եթէ կամիք կեալ եւ կե-
ցուցանել զանձինս ձեր, եւ մեծ-
արանօք անդրէն յուղարկիլ,
զոր ասացի՝ վաղիւ վաղվաղակի
կատարեցէք: »

Յայնժամ երանելի նսխարար-
քըն առ հասարակ զձայնս խր-
եանց բարձին եւ ասեն յանդի-
ման ամենեցուն. « Ո՞՛ դու,

արքայ , եւ մի՛ զայդ այլ եւս առ
մեղ ասեր . քանզի ոչ է եկեղեց
ի շինուած մարդոյ , եւ ոչտուրք
արեգական , որալէս դուդ այլ
ընդ այլոց կարծես՝ թէ աստ-
ած իցէ . ոչ միայն զի աստ-
ած չէ , այլ եւ կենդանի չէ : Այլ
եկեղեցիք ոչ են սլարդեւք թա-
գաւորաց , եւ ոչ արուեստ ճար-
տարութեանց , եւ ոչ դիւտք
իմաստնոց , եւ ոչ աւար քաջու-
թեան զինուորաց , եւ ոչ սլա-
տիր խաբէութիւնք դիւտք . նո-
եւ բնաւ խել ամենեւին զինչ եւ
ասացես յերկրաւորացն , կամ ի
վեհից կամ ի վատթարաց , բնաւ
ուրեք եկեղեցի ի նոցանէ ոչ
գոցի : Այլ շնորհք են մեծին
Աստուծոյ , ոչ միում ումեք ի
մարդկանէ տուեալ , այլ ամե-
նայն բանաւոր աղդաց որք վի-
ճակեալք են ի բնակութիւն ի
ներքոյ արեգականս :

նորա եղեալ են ի վերայ հաս-
տատուն վիմի . ոչ ներքինք շար-
ժել կարեն , եւ ոչ վերինք դըր-
դուեցուցանել : Եւ զոր երկինք
եւ երկիր ոչ դողացուցանէ՝ մի՛
ոք ի մարդկանէ խրոխտասցի
յաղթելնմա : Հանգա , որով օրի-
նակաւ զինչ կամիս առնել՝ կա-
տարեա . պատրաստ եմք ամե-
նեքեան առ ամենայն մեքենայս
հարուածոցն տանջանաց զոր ըս-
տառնացար . ոչ միայն ի չար-
չարել՝ այլ եւ ի մեռանել : Եւ
եթէ դարձեալ եւս զնոյն բանս
հարցանես՝ ի միոջէ միոջէ ըուի-
ցես առաւելքան զգոյն պատաս-
խանի : »

Յայնժամ դառնացեալ քան
զեղի թագաւորն՝ վլուզանէր
անդէն ի փորին զծով կամաւոր
մաղձոյն իւրոյ . եւ ընդ քիթսն
եւ ընդ բերանն առ հասարակ
գոլոշի ջերմախառն ելտնէր , իր-

րեւ ի սաստիկ հնոցէ ծուխ թան-
ձրացեալ, Եւ առ չհանդուրժել
սրտին իւրոյ՝ կոտորէր զզօրու-
թիւնս մարմնոյն, Եւ ծակուտէր
զբազմամթեր աման խորհրդոցն,
ցրուէր Եւ վատնէր զամենայն
խորհումն նենգութեան: Եւ զոր
ոչ երբէք կամէր իւրոց սիրե-
լեացն յայտնել՝ ակամայ առա-
ջի ծառայիցն Քրիստոսի մերկա-
նայր Եւ դնէր զամենայն կար-
գաւ:

Երեքինէր Եւ չորեքինէր զան-
սուտ երդումն յարեղակն, Եւ
ասէր այսակէս. «Ոչ կորէք ա-
ւերել զանխոսք ամուրս իմ, Եւ
ոչ որում ցանկացեալդ էք՝ վաղ-
վաղակի տամ գտանել ձեզ. այլ
զամենեսեան զճեզ Եւ որի զըն-
դիս են՝ չարաշար կապանօք ի
Սագաստան տամ անցուցանել
ընդանձանապարհ տեղիս, որ Եւ
բազումք ի ձենչ ի խորշակէ յեր-

թալն սատակիցին, եւ մնացեալքն
անկցին ի բերդս ամուրս եւ ի
բանդսանելս. Եւ ի ձեր աշխարհն
առաքեցից զօրս անթիւս հան-
դերձ փողօք, եւ զկին եւ զորդիս
ի Խուժաստան տամ խաղացու-
ցանել. եւ զեկեղեցիս, եւ զոր
անուանէք վկայարանս քակեցից,
քանդեցից եւ յապականութիւն
դարձուցից. եւ եթէ ոք ընդդէմ
դարձեալ դացի՝ կոխան եղեալ
դաղանաց անողորմ մեռանիցի :
Եւ զամենայն ասացեալս արա-
րից եւ կատարեցից առ մնացոր-
դըս աշխարհին :

Եւ վաղվաղակի հրամայէր ըզ
պատուական նախարարսն հա-
նել մեծաւ անարգանօք յերե-
սաց իւրոց. եւ զգուշութեամբ
հրաման տուեալ դահճապետին՝
տոանց կապանաց յիւրաքանչիւր
վանս պահել, եւ ինքն զառա-
ծեալ անդրէն դառնայր անմխի-

թար տրտմութեամբ յօթեւանսն
անկանէք :

Իսկ հաւատացեալքն ճշմար-
տութեամբ ի ՚Քրիստոս՝ ոչ ինչ
երկմուտթեամբ թերահաւա-
տէին յառաջին խրառուէ սուրբ
վարդապետացն իւրեանց . այլ
տակաւին խնդրէին հնարս իրա-
ցըն, թէ որովէս զանձինս եւ զսի-
րելիս հանցեն ի մեծ նեղութե-
նէն : Եւ բազում անդամ ջանա-
լով, ի մեծամեծացն որ օգնա-
կանք էին նոցա ի Դրանն ար-
քունի՝ խոստմունս մեծամեծս
առաջի դնէին առ ի յոյս կա-
րասոյ, եւ ոչ սակաւ գանձս
առ ժամայն ծախսէին նոցա :

Եւ իրրեւ յամենայն կողմանց
եկն փակեցաւ անել արդելան
նոցա, յայնժամ զիսորհուրդն
Արրահամու ի մէջ առեալ՝ ալա-
զակէին եւ ասէին ի սիրտս իւր-
եանց : « Ամենեցուն մեր նուի-

բեալ եւ եղեալ զեղբարս եւ զոր-
դիս եւ զամենայն սիրելիս ընդ
կապանօք իբրեւ զՍահակ ի վե-
րայ սուրբ սեղանոյն, ընկալ,
Տէր, զկամաւոր պատարագսմեր,
եւ մի տար զեկեղեցի քո յայսկն
կատականաց անօրէն իշխանիս
այսորիկ : »

Մի ոմն ներքինի ի խորհըր-
դակցացն արքայի ի ծածուկ ու-
նէր զանքակ սէրն ի Քրիստոս
— քանզի մկրտեալ իսկ էր յա-
ւագանն կենդանի — եւ մեծա-
պէս հոգ տանէր հնարից կե-
նաց վշտացելոցն : Եւ իբրեւ
ստուգեաց ճշմարտիւ, եթէ զոր
բազումսպառնացաւ թագաւորն
չարիս՝ զամենայն կամի անցու-
ցանել ընդ աշխարհն Հայոց,
թէսլէտ եւ ոչ ամենեցուն՝ այլ
սակաւոց ի նոցանէ խրատ
ետ եւ ուսոյց ելս հնարից, զի
առ անզամ մի ի նեղութենէ

անսի զանձինս ապրեցուսցեն :

Եւ մինչդեռ գունդ կազմէին՝
որ զնոսա շկօթակարասցեն յան-
դարձ օտարութիւն — որովէս
զբաղում նախարարսն ի Վրաց
աշխարհէն արարին — ի նմին ժա-
մանակի գուժկան հասանէր ի
կողմանցն թուշանաց' եթէ գունդ
հառաւ ի թշնամեացն, որ ելին
աւերեցին զգաւառս բազումն
արքունի : Եւ այս լինէր մեծ օգ-
նականութիւն նոցա յերկնից :
Եւ անօրէնն ձեսլեալ տագնա-
պէր զայրուճին յառաջ արձա-
կեալ, եւ ինքն փութայր ստի-
պաւ զհետ երթալ . եւ խոր
խոցեալ ի խորհուրդսն՝ ցրուէր
զառաջին հաստատուն երդումն :

Իսկ երկիւղածացն Տեառն
զայս տեսեալ՝ մեծաւ յուսով ա-
ղօթելով ասէին միարան . « Դու
Տէր ամենայնի, որ գիտես զծած-
կեալս սրախից մարդկան, եւ

յայտնի են առաջի քո ամենայն
աներեւոյթք խորհրդոց, եւ ոչ
ինչ խնդրես վկայոթիւն յե-
րեւելեաց, որպէս զի եւ զան-
գործո մեր տեսին աչք քո. արդ
առաջի քո հեղումք զխնդրո-
ւածո մեր : Ընկանալ, Տէր, զծած-
կութիւն աղօթից մերոց, եւ
կատարեա զմեղի հաճոյս պատ-
ւիրանաց քոց, զի ամաչեսցէ
չարն որ խորխացեալ մարտնչի
ընդ մեղի իշխանութեամբ անօ-
րինին : Շարժեա, Տէր, զկամա-
կոր խորհուրդս նենդաւորին,
եւ խախիանեցո՛ զկամս ամբա-
րըշտութեան նորա, եւ դարձո՛
զմեղ խաղաղութեամբ խորհր-
դոցն անդրէն ի սուրբ Եկեղե-
ցին . զի մի՛ յանկարծ ակի յափրշ-
տակեալ աւարեսցի չորաչար ի
թշնամեաց :

Եւ անձամբք խրեանց զսյս
ուխտ եղեալ անքակութեամբ

ընդ Աստուծոյ, զի հաստատուն
կայցեն ըստ առաջին խորհըր-
դոցն, սլատղամի ներքս յղին
զնոյն խրատառն իւրեանց, իբր
թէ կատարեսցին կամք անօրէ-
նութեան նորա :

Զայն իրրեւ լուաւ թագա-
ւորն՝ յոյժ ցնծացեալ բերկրե-
ցաւ, կարծեցեալ զդիսն հասա-
նել նմա յօդնականութիւն, շըր-
ջեալ եւ աւերեալ դհաստատուն
խորհուրդս ծառայիցն Աստու-
ծոյ, զի ահա մատուցանեն եր-
կըրպագութիւն արեգական,
սրատուեալ զնա զոհիւք եւ ա-
մենայն օրինօք մոդութեանն :

Եւ զայն ոչ կարաց խմանալ
ցնորեալն՝ եթէ անստուեր լոյսն
արեգականն արդարութեան ըս-
պառէր եւ մաշէր զիսաւարային
խորհուրդս նորա, եւ եղծեալ
ապականէին ամենայն խեղա-
թեւը կամք նորա, եւ կուրա-

ցեալի ճշմարտին յայտնութենէ՝
ոչ ինչ խմացաւ զպատրանս խա-
բէութեանն որով վրիպեացն։
Հեղոյր արկանէր առաջի նոցա
զպարդեւս երկրաւորս, եւ վե-
րըստին ամենեցուն զպատիւս եւ
զգահսն նորոգէր, յառաջ մա-
տուցանելով եւ երեւելի առնե-
լով ընդ ամենայն տիեզերական
իշխանութիւնն։ Եւ անբաւ ա-
ռատութեամբ ագարակս եւ ա-
ւանս միում միում նոցա յար-
քունուսո շնորհէր. սիրելիս եւ
բարեկամս կարդայր զնոսա, եւ
առ հալարտ յանդգնութեան մը-
տացն կամակորութեան՝ կար-
ծէր եթէ փոխանակիցի ճշմար-
տութիւնն ընդ ստութեան։

Եւ զայս արարեալ, բազում
այրուծի գումարէր ընդ նոսա,
եւ ի մոգուցն ոչ սակաւս, աւելի
քան զեւթն հարիւր վարդա-
պետս յղէր ընդ նոսա, եւ զմեծ

ոմն իշխան մոգակետ կացուցա-
նէր ի վերսայ նոցա : Խոնարհէր
եւ աղաչէր պատուիրելով , թէ
մինչ ես ի պատերազմէո դար-
ձեալ գոյցեմ խաղաղութեամբ ,
ձեր արարեալ եւ կատարեալ իցէ
զամենայն ըստ կամաց իմոց : Եւ
սյսպէս շքով եւ պատուով
առաջնորդէր նոցա զերկայնու-
թիւն ճանապարհին անդրէն
յերկիրն Հայոց : Եւ ինքն ա-
ւետիս խնդալիս առաքէր յատ-
րուշանս բազումն , գրէր եւ
ցուցանէր մոգաց եւ մոգակետաց
եւ ամենայն մեծամեծաց կող-
մանց կողմանց աշխարհաց՝ ո՛ր-
ոլէս դիցն օգնականութեամբ
զգործ քաջութեան իմոյ յառաջ
մատուցեալ :

Իսկ խոհերականքն այնուհե-
տեւ յարուցեալ յիւրաքանչիւր
խաւարային դարանաց՝ իղձք լի-
նէին վաղվաղակի զհրամանն կա-

տարել. Ճայն արարեալ յաշխարհը հեռաւորս՝ միանգամայն խաղալ դնալ յերկրին արեւմը-
տից : Եւ մինչ չեւ հասեալ էին
ի մեծ յաշխարհն Հայոց, փայտ
ընկենուին եւ վիճակս արկա-
նէին, թէ ո՞ր լեզու որում դասու
հասցէ յաշակերտութիւն, Զի
առ հասարակ հրաման առեալ
էր յարքունուստ, որպէս Հայոց
աշխարհին՝ նոյնպէս եւ Վրաց եւ
Աղուանից եւ Լինաց, Աղձնեաց
եւ Կորդուաց եւ Ծաւդէից եւ
Դարսան եւ որ այլ եւս ուրեք
ուրեք ի ծածուկ յիշխանու-
թեանն Պարսից ունէին զքրիս-
տոնէութիւն :

Եւ անզգայ յարձակմամբ յա-
ւարի առնուլ փութային ըզ
դանձս սուրբ եկեղեցեացն եւ
իբրեւ զդեւս այնուհետեւ առ
միմեանս հասանէին : Եւ լինէր
զունդ զօրաց բազմաց, եւ չո-

րասէրն սաստանայ իբրեւ զօրավար ի մէջ նոցա երեւէր , եւ անդադար յորդորելով զամենեսկան ձեպեալ վութացուցանէր : Կէտ եղեալ զժամանակն՝ զամիսն վեցերորդ , տագնապէին եւ ստխապէին արքունի հրամանաւ :

«Մինչեւ ի նաւասարդէ նաւասարդ , ասէ , յամենայն տեղիս՝ որ իցեն ընդ իշխանութեամբ թագաւորին մեծի , բարձրին կարդքեկեղեցւոյ , փակեսցին եւ կնքեսցին դրունք սուրբ տաճարացն , գրով համարով առցին նուիրեալ սպասքն յարքունիս , Լուսոցեն ձայնք սաղմոսացն եւ դադարեսցեն ընթերցուածք անսուտ մարդարէիցն : Քահանայք մի՛ իշխեսցեն ի տունս իւրեանց ուսուցանել զժողովուրդս , եւ հաւատացեալքն ի Քրիստոս՝ արք եւ կա-

նայք, որ ընակեալ են յիւրաքանչիւր մենանոցս, վոխեսցեն զհանդերձո իւրեանց ըստ աշխարհական կարգաց :

« Դարձեալ եւ կանայք նախարարացն կալցին զուսումն վարդապետութեան մողացն : Աւստերք եւ դստերք աղատաց եւ շինականաց՝ կրթեսցին ի հրապարակս նոցուն մողաց : Կարձեսցին եւարգելցին օրէնք սուրբ ամուսնութեան զոր ունէին ի նախնեաց ըստ կարգի քրիստոնէութեանն, այլ վոխանակ ընդկնոջ միոյ՝ բազում կանայս արասցեն, զի աճեցեալ բազմացին ազգք Հայոց : Դստերք հարանց լինիցին, եւ քորք՝ եղբարց մարք մի՛ ելցեն յորդւոց, այլ եւ թոռունք ելցեն յանկողինս հաւուց :

« Պատրուճակք մի՛ մեռցին անյաղ, եթէ յօդեաց իցէ եւ ե-

թէ յայծեաց եւ եթէ յարջառաց եւ եթէ ի հաւուց եւ եթէ ի խողաց : Հայսք առանց փանամի մի՛ զանդցին , ծիրոք եւ քակորք ի կրակ մի՛ եկեսցեն . Ճեռք առանց կովմիզոյ մի՛ լըւասցին . շընջրիք եւ աղուէոք եւ նապաստակք մի մեռցին : Օճք եւ մողէսք , գորտք եւ մրջմաւնք , եւ որ այլ եւս խառնախնդոր բազմաճճիք են՝ մի՛ կացցեն . այլ վաղ թուով համարով ի մէջ բերցին ըստ արքունի չափոյն : Եւ որ այլ եւս ինչ սպասք իցեն , կամ զոհից կամ սպանդից , ըստ տօնական կարգին՝ կարեւոր թուականին , եւ ըստ կապճաթիւ մոխրաչափ կարդին :

« Զայս ամենայն որ ասացաք՝ առ ժամանակ մի մինչեւ ի գըլուխ տարւոյ կատարեսցեն ամենեքան . եւ զայլն ամենայն

առ յասլա պատրաստեսցեն : »
իսկ զայս ամենայն հրաման
պատուիրանաց առեալ մոդացն
եւ մոդալետաց, զտիւ եւ զգիշեր
փութային հասանել յաշխարհն
Հայոց. եւ առ յոյժ խնդութեա-
նըն ոչ երբէք յադէին երկայ-
նութեամբ ճանապարհին :



ԵՐԵՌԻՒԹ ՅԵՂԱՆԱԿ



Վասն միաբանութեան սուրբ
ուխտին Եկեղեցւոյ



ԹէՊէՏ ԵՒ ոչ իցեմք բա-
ւական ասել զամենայն չարիսն
որ անցին անդէն ի կարաւանին
ընդ գունդն Հայոց, սակայն եւ
ոչ լոել կամիմք ծածկելով ըզ
վիշտու նեղութեանն. այլ ասաս-
ցուք փոքր ի շատէ, զի ձայնա-
կից լիցուք այնոցիք որք դառ-
նապէս զմեզն ողբային. զի եւ
դու իբրեւ լուիցես՝ ոչ սակաւ
արտասուս հեղուցուս ի վերայ
ազգին թշուառութեան :

Զի սհա անդէն ի մեծ բանա-
կին Պարսից՝ յազդաց ազդաց
որք են հաւատացեալ ի սուրբ

Աւետարանն Քրիստոսի , իրբեւ
տեսին զշար յանձնառութիւնն
Հայոց , յոյժ հարան ի միտս իւ-
րեանց , եւ կործանեցան անկան
ի վերայ դիմաց իւրեանց : Բա-
զումք ի նոցանէ թաղծեալ ի
սուգ ծանրութեան , հարեալ
յոդիս եւ դառնացեալ յարուա-
սուս , եկին եւ յանդիմանեցին
զնախարարեանն , եւ յոյժ դըս-
րովեցին զուխտ քահանայու-
թեանն :

Զզուէին զամենեսեան եւ ա-
սէին . « Զի՞ առնիցէք զսուրբ
Կոտակարանսդ , եւ կամ յո՞ տա-
նիցէք զսպաս տէրունեան սե-
ղանոյն : Մոռանայցէք արդեւք
զհոգեւոր օրհնութիւնսդ , եւ
կամ լոեալ դադարիցէք ի մար-
դարէական ճայնիցդ : Կափու-
ցէք զաչս յընթերցուածոց , եւ
խցէք զականջս ի լսելոյ . միթէ
զմտացդ անմոռացութիւն ոչ յի-

շիցէք : Զի՞նչ առնիցէք զպատ-
ւիրեալն ի Տեառնէ . « Որ ու-
րասցի զիս առաջի մարդկան՝
յուրաստ եղէց եւ ես առաջի
Հօր իմոյ որ յերկինս է , եւ հրեշ-
տակաց սրբոց :

« Վարդապետք էիք առաքե-
լական քարոզութեանցն . արդ
աշակերտք լինիցիք մոլար խա-
րէութեանն : Աւսուցիչք էիք
ճշմարտութեանն , արդ ուսու-
ցանիցէք զպատիր խարէութիւն
մոգաց : Քարոզք էիք արարչա-
կան զօրութեանն , արդ զտա-
րերս աստուածս խոստովանիք :
Յանդիմանիչք էիք ստութեան ,
արդ եւ քան զսուտն ստադոյնք
լինիցիք : Ի հուր եւ ի հոգի էիք
մկրտեալք , արդ ի մոխիր եւ յա-
ճիւն թաթաւիցիք : Կենդանի
մարմնով եւ անմահ արեամբ էիք
սնեալ , արդ ի ճենճեր զոհից եւ
ի շարաւս աղտեղիս մրճոտիցիք :

Տաճար էիք Հոգւոյն սրբոյ , արդ
զոհարան դիւմց լինիցիք . քրիս-
տոսազգեացք էիք ի մանկու-
թենէ , արդ մերկացեալք ի փա-
ռացն՝ դիւաբար արեգական
կաքաւիցէք :

« Ժառանգ էիք արքայու-
թեանն , արդ անձամբ զանձինս
արարէք ժառանգ դեհենին :
Նոցա է սպառնացեալ հուրն
անշէջ , ընդէ՞ր դուք ընդ նոսա
այրեցեալ տոչորիցիք . նոցա
սլարարի որդն անմահ , իսկ արդ
դո՞ւք սլարարիցէք զմարմինս
ձեր նմա ի կերակուր . խաւարն
արտաքին նոցա թանձրացեալ
պահի , դուք լուսազգեստք՝ ըն-
դէ՞ր յուղարկեցայք ընդ նոսա
ի նոյն խաւար : Նոցա էր փո-
րեալ զիսորխորատն , դուք ըն-
դէ՞ր լցէք յառաջադոյն . նոքա
ի վաղնջուց հետէ էին իսկ կու-
րացեալք , դուք զիարդ զկնի

կուրացն կուրացարուք Ե՞րբ ու-
սանիցիք զբազմաթիւ անուանս
աստուածոցն նոցա, այն որ չիք
ուրեք ի միջի եւ ոչ մի . Թեթե-
ւացեալք ի ծանր բեռանց՝ ան-
ձամբ անձին առէք զբեռն ծան-
րութեան . ազատեալք ի ման-
կութենէ՝ չարաչար մոտէք յան-
ազատելի ծառայութեան :

« Եթէ դիտէիք եւ երեւէր
ձեզ յայտնի , սուդ առին եր-
կինք ի վերայ ձեր , եւ թաղծե-
ցաւ երկիրս ի ներքոյ ոտից ձե-
րոց : Հրեշտակք ի վերուստ են
ձեզ բարկացեալք , եւ ի յերկ-
րէս մարտիրոսքն են ձեզ ցա-
սուցեալք : Ողորմիմ ողորմիմ
սիրելեաց ձերոց , եւ բազում
անդամ ողորմիմ անձանց ձե-
րոց : Զի թէ մարդոյ վրկեալէր
զձեզ ի ծառայութենէ , եւ դուք
անձամբ զանձինս այլում ի ծա-
ռայութիւն արկանէիք , ի մեծ

բարկութիւն բրդէիք զառաջին
տէրն ձեր : Իսկ արդ զի՞նչ առ-
նիցէք զատուածասատ հրա-
մանն . « Ես եմ Աստուած , եւ
չիք այլ ոք բաց յինէն , եւ ոչ
զինի իմ այլ ոք լիցի Աստուած .
Աստուած նախանձոտ եմ ես ,
հատուցանեմ զմեղս հարց յոր-
դիս , մինչեւ յեւթն դար : »
Իսկ եթէ որդիքն արդարք վա-
սըն հարցն մեղաց ընդունին ըզ
սատակումն , իսկ յորժամ ին-
քեանք որդիքն իսկ մեղիցեն ,
ոչ ահա միանգամայն զանձանց
եւ զհարց տայցեն ի միասին :

« Դուք էիք մեր ամուր պա-
րիսպ ապաստանի . յորժամ աս-
տի վտանգ հառանէր՝ առ ձեզ
յանդորր ելանէաք . արդ մեծ
ամուրդ այդ հիմն ի վեր տա-
սլալեցաւ : Դուք էիք մեր պար-
ծանս առ թշնամիսն ճշմարտու-
թեան . արդ դուք էք մեր նա-

իստինք առ նոյն թշնամիս :
 Յայժմ վասն ձերոյ ճշմարիտ
 հաւատոցն եւ ի մեղ փոքր ի շա-
 տէ խնայէին . եւ արդ ի սլատ-
 մառս ձեր եւ զմեղ անողորմ
 դատին : Ոչ միայն զանձանց
 դատաստան տալոց էք առաջի-
 ահեղ առենին Ասոռուծոյ , այլ
 եւ բազմաց ամենեցուն՝ որ ի
 ձեր պատճառս եւ զնոսա եւս
 չարչարեսցեն :

Զայս եւ առաւել քան զսոյն
 խօսեցան ընդ մեծամեծս աւա-
 գանւոյն , եւ յաւելին ցաւս ի
 վերայ ցաւոց : Յայտնել եւ ցու-
 ցանելնոցա զխորհուրդն ոչ կա-
 մէին . լոել եւ չառնել սլատաս-
 խանի անհնար էր . հեղձամղձուկ
 եղեալ մեծապէս յարտատւս
 հարկանէին : Ընդնոսին դառնաց-
 եալ լսողք եւ տեսողք յանմիսի-
 թար սուգ լինէին ամենեքեան :
 Յայնմ ժամանակի քահանայ-

քըն որ անդէն ի զօրուն էին ,
առ չժուժեալ սրտիցն բարկու-
թեան՝ քակեալ որոշեցան ի նա-
խարարացն եւ յամենայն բազ-
մութենէն . եւ զմի ոմն դեսպան
ձիով առաքեցին փութապէս
յաշխարհն Հայոց : Գոյժ ի բե-
րան առեալ եւ զօջիս պատա-
ռեալ , հասեալ ի ժողովս եսլիս-
կոպոսացն , մեծապէս յարտա-
սուս հարեալ , կոյր եւ պատմէր
զամենայն անցս չարչարանացն .
այլ ոչ յայտնէր նոցա զծածկու-
թիւն խորհրդոցն :

Յայնմ ժամանակի սփուեցան
եալիսկոպոսքն յիւրաքանչիւր իշ-
խանութիւնս , եւ առաքեցին
զքորեալիսկոպոս ի դեօղս եւ
յագարակս եւ ի բազումամուրս
լեռնային զաւառացն : Դրդեցին
ժողովեցին զքաղմութիւն արանց
եւ կանանց , շինականաց եւ
պատաց , զքահանայից եւ զմե-

նակեցաց . Խրասո եղին , սլընդեցին եւ արարին զամենեսեան զինուորս Քրիստոսի .

Եւ յառաջին բան խորհրդին այս հաստատեցաւ . «Զեռն եղքօր հարազատի ի մերձաւոր իւր լիցի՝ որ անցեալ իցէ ըստ ուխտ պատուիրանին Աստուծոյ . եւ մի՛ խը . նայեսցէ հսյր յորդի , եւ մի՛ ակն առնուցու որդի հօր պատուոյն : Կին կռուեսցի ընդ առն ամուսնոյ , եւ ծառայ դարձի ընդդէմ տեառն իւրոյ : Օրէնք աստուածային կացցեն թագաւոր ի վերայ ամենայնի , եւ ի նմին օրինաց ընկալցին յանցաւորք զպատիժս դատապարտութեան : »

Եւ իրեւ այս այսպէս հաստատեցաւ կաղմեցաւ , երեւեցան ամեննեքեան զինեալք եւ սաղաւարտեալք , սուր ընդ մէջ եւ վահան ի ձեռին՝ ոչ միայն արանց

քաջաց , այլ եւ կանաց առնականաց :

Իսկ գունդն Հայոց ամենայն օդնականօքն հանդերձ եւ մոգացն բազմութեամբ՝ յամսեանն չորրորդի եկին հասին յաշխարհն Հայոց, ի գիւղաքաղաք մի մեծ՝ որում անուն էր Անգղ : Բանակեցան , բոլորեցան , զետեղեցան , եւ յամենայն կողմանց անդր ժողովեցան , եւ էին անթիւ բազմութիւն :

Եւ եղեւ յետ աւուրց քսան եւ հնգից , մողակետն ինքնին մողօքն հանդերձ հասանէր մեծաւ զօրութեամբ՝ քակել զդըրունս եկեղեցւոյն յաւուր միաշաբաթուն . զիւրձ առնուլ կամէր զառաջարկութեան դործոյն : Իսկ սուրբն Ղեւոնդ երէց միաբանութեամբ առաջին խորհըրդակցօքն եւ բազում ուխտիւ . ի տեղուց անդ պատրաս-

տական դիպեցաւ, ոչ ետ թոյլ:
 թէպէտ եւ ոչ էր տեղեկագոյն
 մտացամենեցուննախարարացն,
 եւ ոչ զօրութեան ուժոյ մոգալե-
 տին, ոչ ինչ եկաց մնաց ամե-
 նայն եպիսկոպոսացն, եւ ոչ առ
 սակաւ մի համբեր անօրէն իշ-
 խանին թողացուցանել. այլ բա-
 զում աղմաւկ աղաղակի զօրացն
 եւ մոգաց հասուցանէր. Քանզի
 վիրդս ի ճեռն առեալ՝ զկառա-
 փունս մոգացն եւ մոգալետին
 ջարդեցին. Փախատական յիւ-
 րաքանչիւր վանս արկանէին եւ
 ինքեանք զպաշտօնն բարձրա-
 ցուցեալ յեկեղեցւոջն՝ զտէրու-
 նական կանոնն կատարէին,
 մինչեւ յերեկոյն միաշաբաթին
 անդադար լինելով :

Եւ յետ այսր տագնապի խը-
 ռովութեան՝ յամենայն կողմանց
 յաշխարհէն Հայոց բազմութիւն
 արանց եւ կանանց ի տեղին

Հասանէին : Եւ անդ էր տեսանել զմեծ աղջու տարակուսին . ոմանք զգերարտոսր արձակելով իրր յաղբերականց հոսէին յաշաց իւրեանց այլք բարձրածիչ աղաղակաւ՝ իրր այն թէ զերկինս դողացուցանէին , իսկ կէսքն խիզախնելով եւ ի զէնս ընթանալով՝ զմահ քան զկեանս ընտրէին : Իսկ ոմանք ի սուրբ ուխոէ եկեղեցւոյն՝ զաւետարանն ի ճեռն առեալ , աղօթիւք առ Աստուած կարդային . Եւ այլք ըղձանային զպատառումն երկրին՝ զի անձանց լիցի գերեզման : Եւ այսպէս շտապ տագնապի ի վերայ մոգակետին հասուցանէին : Բազում անդամ աղաչէր զօդնականսն իւր , զի իմահուանէ կարասցեն զնա ապրեցուցանել , եւ ողջանդամ անդէն յարքունիս հասուցանել :

Այլ վասն գործոյն յոր ե-

կեալն էր՝ սոխակէր զնոսա եւ ա-
սէր. և թողդրեմ եւ ցուցանեմ
մեծ թագաւորին, զի ի բաց
թողացուցանէ զայսպիսի իրաց
առաջարկութիւն. զի եթէ եւ
ինքեանք աստուածքն եկեսցեն
յօդնութիւն, չէ հնար օրինացս
մոգութեան ի Հայս առնուլ ըզ
հաստատութիւն. որպէս զիործ
առի զմիաբանութեան ուխտին
եկեղեցւոյ: Զի թէ էին զօրք
աշխարհիս մոգք, ոչ ինչ խնայ-
էին սոքա ի նոսա սատակմամբ՝
ոչ միայն յարտաքինսն, այլ եւ
յեղբարս եւ յորդիս եւ յամե-
նայնմերծաւորս իւրեանց, նա
եւ ոչ յանձինս իւրեանց: Մարդք
որ ոչ ի կապանաց զանդիտեն,
եւ ոչ ի տանջանաց երկնչին, եւ
ոչ ի ստացուածոց պատկա-
ռին, եւ որ յետին չար է քան
զամենայն չարիս՝ զմահ քան
զիեանս ընտրեն, ով է որ կա-

րէ նոցա դիմակաց լինել :
« Լուեալ իսկ էր իմ ի նախ-
նեաց մերոց , եթէ յաւուրս
Շավհոյ արքայից արքայի , իրրեւ
սկսաւ ուսումնիդ այդ աճել եւ
բազմանալ եւ լնուլ զամենայն
երկիրն Պարսից , եւ եւս անդր
յարեւելս հասանել , որ վարդա-
պետքն էին օրինացն մերոց՝
յորդորեցին զթագաւորն , զի
մի բնաւ ամենեւին բարձցին օ-
րէնք մոգութեան յաշխարհէն .
Ես հրաման սաստիկ զի լռեալ
դադարեսցէ քրիստոնէութիւն :
Եւ որչափ նա կամեցաւ արդե-
լուլ , եւս քան զեւս աճեցին եւ
բազմացան , եւ հասին մինչեւ
յաշխարհն Քուշանաց , եւ անտի
ի հարտակողմն մինչեւ ի Հըն-
դիկս տարածեցաւ :

« Եւ այնպէս աներկեւղ եւ հա-
մարձակք էին յաշխարհին Պար-
սից , մինչեւ յամենայն քաղաքս

աշխարհին եկեղեցի շինեցին՝ որ
զսնցուցանէր սլոյծառութեամբ
զթագաւորաբնակ արքունեօքն։
Շինէին եւ վկայարանս իմն ան-
ւանեալս, եւ զնոյն զարդ ե-
կեղեցեաց զարդարէին, եւ յա-
մենայն տեղիս՝ յապատս եւ յա-
նապատս միայնանոցս շինէին։
Եւ իբրեւ ոչ ինչերեւէր յայտնի
օգնութիւն ուստեք, աճելովա-
ձէին եւ բազմանալով բազմա-
նային, եւ մարմնաւոր մեծու-
թեամբ մեծանային։ Զպատ-
ճառս հարստութեան մեք ինչ
ոչ գիտէաք։ Բայց այսչափ ինչ
ձշգրտիւ իմանայաք՝ զի տիե-
ղերք ամենայն զկնի ուսմանց
նոցա գնային։

«Թէալէտ եւ արկ ի նոսա թա-
գաւորն զձեռն իւր խստու-
թեամբ, եւ զբազումն կալաւ եւ
չարչարեաց ի նոցանէ, եւ զեւս
բազումն մահուամբ սատակեաց,

դառնացաւ եւ ձանձրացաւ յանձըն իւր , եւ զնոսա ոչ կարաց նուազեցուցանել ի բազմութենէն : Դարձեալ թէպէտ փակեաց եւ կնքեաց զդրունս եկեղեցեացն ընդ ամենայն աշխարհն Պարսից , նոքա զամենայն տուն եկեղեցի արարին , եւ յամենայն տեղւոջ զիւրեանց օրէնսն կատարէին : Եւ զանձինս իւրաքանչիւր վկայարանս համարէին , եւ լուագոյն զշինուածս մարդկեղէնս քան զհողեղէնսն հաշուէին : Սուրբ սպանողացն միթեցան , եւ նոցա պարանոցքն ոչ ձանձրացան . աւարառուք ստացուածոց նոցա աշխատեցան , եւ աւարն օր քան զօր աճեցեալ բազմացաւ : Մրտմուեալ էր թագաւորն , եւ յոյժ դառնացեալ դահիճքն բարկութեան . իսկ նոքա արթունք եւ զուարթունք , եւ խնդալից ընդունէին

զամենայն հարուածս տանջանացն, եւ սիրով տանէին զամենայն յափշտակովթիւն ընչից խրեանց :

« Եթեւ ետես թագաւորն եթէ դոռհ տուեալ դիմեցին ի մահ իբրեւ խաչինք սուրբ յաղն երկնաւոր, արգել եւ կարճեաց ի նոցանէ զարուածս տանջանացն. եւ հրաման ետ մոդաց եւ մոգպետացն, զի մի՛ ամենեւին ոք խուեսցէ զնոսա, այլ հաստատեալ կոյցն աներկիւ զութեամբ յիւրաքանչիւրուսմունս, մոգն եւ զանդիկն եւ հրեայն եւ քրիստոնեայն, եւ որ այլ բազում կեշտք են ի կողմանս աշխարհին Պարսից : Եւ ապա առերկիրն զիսաղողովթիւն հաստատովթեամբ, եւ լոեալ դադարեցին ամենայն խոռովովթիւնք յուզմանց : Քանզի ընդմերոյ աշխարհին շարժման՝ եւ

արեւմուտք եւս մեծապէս շարժեցան , եւ ամենայն Տաճկատան ընդ նոսին խռովվեցան :

« Զայն ահա ի լսելոյ գիտեմք .
բայց այս որ ես ինձէն աչօք
տեսի , թուի ինձ՝ թէ մեծագոյն
եւս լինի քան զառաջինն : Արդ
գու որ մարզպանդ . ես աշխարհ-
իս , պարտէ քեզ փոյթ յանձին
ունել , գրել եւ ցուցանել յար-
քունիս զմիաբանութիւն բռնու-
թեանս , որպէս աներկիւղու-
թեամբ առ ոշինչ համարեցան
զհրամանս արքունի : Եւ եթէ
չէր մեր աճապարեալ եւ ի փա-
խուստ դարձեալ , միումի մէնջ
ոչ տային ապրել : Եւ եթէ ան-
զէն մարդիկ այդպէս բռնացան ,
եթէ յանեկարծ զինուորս եւս
ընդ ինքեանս միաբանեցուցա-
նեն , ո՞ կարիցէ կալ առաջի դո-
ցա յանդուգն յարձակմանդ :
« Ես ահա անտեղեակ էի սն»

քակ ուխտի եկեղեցւոյդ ի մի-
մեանց . զի այլ է զոր լսէ մարդ ,
եւ այլ է զոր տեսանէ հաստա-
տուն իւրովք աչօք : Դու որ ի-
մանկութենէ յայդմ օրէնս սը-
նեալէիր , եւ ճշմարտեալ գիտէիր
զպնդութիւն մարդկանդ , եթէ
առանց բազում արիւն հեղլոյ
դոքա մեզ ոչ տան ձեռն արկա-
նելյեկեղեցիսդ , ընդէ՞ր ոչ զայդ
ամենայն հաւաստեաւ յանդի-
ման չասացեր թագաւորին :
Քանզի ամենայն նախարարացն
աւագ դու էիր , եւ զրոլոր աշ-
խարհս քեզ յանձն արարեալէր
մարզպանութեամբ . ընդէ՞ր ոչ
մեծապէս հոգ տարար յանձն
քո : Զի յայլ ժամս իմաստուն
էիր եւ ես գիտէի . զայս ոչ
իմաստութեամբ գործեցեր :
Ապա թէ ոչ , յայտ է եթէ եւ
դու ի նոցա բանի ես , եւ քոյով
խորհրդով անցուցին զայս ան-

ցըս ընդ իս եւ ընդ զօրս :
 « Արդ եթէ այդ այդպէս է ,
 եւ քեզ կամք չէ ունել զմոգու-
 թիւն , մի՛ ինչ սկատկառեր դու
 երկիւղիւ յարքայէ . ես գրեմեւ
 ցուցանեմ ի դուռն մովակետան
 մովակետի եւ դերանդարձակե-
 տի եւ մեծ հազարապէտին , զի
 ած ցեն զարքայ ի հաւանութիւն
 որպէս զի ի բաց թողացուսցէ
 ըստ առաջին հրամանին , եւ ի
 կումս մարդկան ապաստան ա-
 րասցեն , զի առ սակաւ սակաւ
 ընդելցին ընդ օրէնս մոգու-
 թեան . զի որք կալցին՝ սիրով
 երեւեսցին կատարեալ զհրամա-
 նըս արքունի : Քանզի մարզէ
 աշխարհս , դուցէ յորժամ վնաս
 ինչ նոցա առնիցեն , եւ ին-
 քեանք ցրուեալ վատնեսցին յօ-
 տարութիւն : Իսկ յորժամ աշ-
 խարհս թափուր լինիցի ի մարդ-
 կանէս , յայնժամ եւ քեզ գըլ-

խովին մեծապէս զնաս հասանէ
յարքունուսո : »

Ես պատասխանի մարզպանն
մոգպետին , եւ ասէ . « Ամենայն
բանը խրատուդ զոր ասացեր՝
Ճշմարիտ են . բայց զառաջինն
զոր շիմացաք՝ տեսեր , եւ մե-
ծալէս զղջացաք այժմ : Բայց
դու արդ զոր ասեմս արա , եւ
բարիոք թուեսցի քեզ . սակա-
ւիկ մի երկայնամիտ լեր եւ ըզ
խորհուրդս քո արզ Ելի բազմաց .
բայց արանց՝ որոց ես ասեմ՝
նոցա յայտնեա , մինչեւ ես ինձ
ոյժ ժողովեցից զօր ի թիկունս
ած ելս , եւ զուխտ եկեղեցւ ոյդ
թերեւս կարացից երկփեղկել :
Եւ եթէ զոյդ ոյդոլէս արարից ,
զիտեմ տալա թէ եւ զհրամանն
արքունի կարող եմ կատարել . »
Եւ անդէն հրոս հանեալ ի
Սիւնեաց աշխարհէն , զիւր գուն-
դըն ստուարացոյք ի թիկունս

օդնականութեան մոգաց եւ
մոգալետին : Եւ ասլա սկսաւ ա-
սել . « Աղէ դու անգամ մի հը-
րովարտակ ի Դուռն տուր վասն
այրու ծիսյն որ յԱղուանսն է
տասն հազար , զի ի ձմերոց ի
Հայս եկեսցեն . եւ յորժամ ըզ
նոսա ի ձեռին ունիցիմք՝ չիք ոք
որ եղծանել կարէ զհրամանն
արքունի : »

Պատասխանի ետ մոգալետն
եւ ասէ ցմարզպալանն . « Այդ
խորհուրդ դարձեալ իմոց բա-
նիցս ընդդէմէ . քանզի մեք
յորժամ բանութեամք կուես-
ցուք ընդ աշխարհիս , աշխարհս
ի բաց քանդի , եւ մեք ի սլա-
տուհասէ չասլրիմք , անձանց
վնաս , եւ արքունի մեծապէս
զետն : »

Եւ ոչ ինչ կամեցաւ ամենեւին
ունկն դնել նմա մարզպանն ,
զի սրաի մոօք կալեալ էր ըզ

սլարսկական օրէնսն : Սկսաւ
այնուհետեւ պատրել զոմանս
կարասեաւ եւ զոմանս ողոքա-
կան բանիւք . զուամիկն ամե-
նայն՝ ահեղ բանիւք սպառնա-
ցեալ սրտաթափ առնէր : Հանա-
պազորդ առատացոյց զուոճիկսն
տաճարին, եւ յերկարէր զնուագ-
ոըն ուրախութեան , մաշելով
զերկայնութիւն գիշերացն յեր-
գըս արբեցութեան եւ ի կա-
քաւս լիտութեան . քաղցրա-
ցուցանէր ոմանց զկարգս երա-
ժըշտական եւ զերգս հեթանո-
սականս . մեծասկէս գովութիւն
մատուցանէր օրինաց թագաւո-
րին : Բերեալ էր եւ յարքու-
նուստ բազմութիւն կարասւոյ ,
եւ միում միում կաշառ գաղտ
խթէր ի պատճառս պարգեւի
եւ պատուոյ . եւ բազում նեն-
գութեամբ զանմեղ մարդիկ հը-
րասլուրէր եւ յինքն արկանէր :

Իսկ զայս ամենայն իբրեւ
տեսին սուրբ Եպիսկոպոսունքն.
Եւս քաջ Դրդեալ յորդորեցան
ի նոյն միաբանութիւն. Եւ հը-
նարագէտ իմաստութեամբ ընդ
երկուս բաժանեցին զբանակն :
Մանաւանդ իբրեւ հաստատեալ
գիտացին ի միտս իւրեանց եթէ
անօրէն իշխանն Սիւնեաց զօր-
հասական վէրսն ի յոդիսն ընկալ-
եալ էր, խորչեցան մերժեցան եւ
ի բաց փախեան ի նմանէ :

Խորհուրդ արարեալ ի գիշերի
միում ամենայն ուխտին բազ-
մութեամբ, կոշեցին եւ զսպա-
րագետն զօրաց ի խորհուրդըն.
Հարցին եւ քննեցին եւ ի վերայ
հասին մտացն անշարժութեան,
որոյ ոչ եւ առ սակաւ մի թե-
րացեալ էր ի սիրոյն Քրիստոսի :
Եւ միաբան աղօթս արարեալ ի
վերայ նորա, վերստին ընկա-
լան զնա յառաքինութիւն : Եւ

Նովու որսացեալ զբազումն ի
նոյն միաբանութիւն՝ որք ոչ էին
քակեալ յառաջին միաբանու-
թենէն, եկին եւ ժողովեցան
գունդ զօրաց բազմաց : Եւ եւս
առաւել հեռագոյն զատան ի
մոգացն եւ ի մոգպետէն եւ յա-
նօրինէն վասակայ :

Իսկ նա այնշափ յիմարեցոյց
եւ ափշեցոյց զմիտս մոգպետին՝
մինչեւ չետ նմա իմանալ զելս
իրացն : Սկսաւ բաշխել մոգս ի
տունս նախարարացն եւ մե-
ծամեծ ոռճիկս կարգել, զոհել
պատրուճակս, եւ բռնաբար
կնքաւոր մարդկանն տալ ուտել
միս յազածոյ, եւ երկիր պագա-
նել արեգականն : Իբրեւ սկը-
սաւ բազմանալ ընդ ամենոյն
աշխարհն այնալիսի պղծագործ-
խառնակոթիւն, յանդգնեցան
եւ եւս կանայք փշտիպանացն
յաւոր կիրակի անցուցանել

զմրագունս եկեղեցւոյն եւ սլատառել զհանդերձս հաւատաւոր կանանց :

Զայս գուժիան աղմկի իրրեւ տեսին միաբան սուրբ եպիսկոպոսունքն, զաւետարանն ի ձեռն տուալ՝ հասին եւ անկան առանց հարցանելոյ ի վանս սպարապետին, ուր ժողովեալ էին զօրքն Հայոց :

Համբարձին զձայնս իւրեանց եւ ասեն. «Աղաչեմք զձեզ զամենեսեան սուրբ աւետարանաւս. Եթէ ձերով խորհրդիւ զօրծէ զայն անօրէնութեան չարիս մարզպանն եւ մագսլետն, նախ զմեր պարանոցս հատէք, եւ ապա յեկեղեցին ձեռնարկեցէք : Ապա թէ առանց ձեր կամաց նոքա զայն չարն գործեն, մյսօր խնդրեսցի վրէժդ այդ ի նոցանէ :

Իսկ որք էին ի ներքս ի վանս

սպարապետին՝ յոտն կացին, մի-
աբան համբարձին զգայնս իւր-
եանց առ Աստուած եւ ասեն.

«Դու Տէր սրտագէտ ամենե-
ցոն, ոչ ինչ պիտի քեզ վկայ-
ութիւն ի մարդկանէ . եթէ խո-
տորեալ իցեմք ի քէն սրտի մը-
տօք, զոյն դու ինքնին քաջ զի-
տես. այսօր իսկ դատեա զմեզ
ըստ մեղաց մերոց : Ապա եթէ
հաստատուն կամքյուխտի սուրբ
Աւետարանիս, դու Տէր լեր մեր
օդնական այսօր, եւ տուր ըզ
թշնամիսն ճշմարտոթեան ի ձե-
ռըս մեր, զի արասցուք ընդ նո-
ստ ըստ կամաց քոց սրբոց :

Զայս իւրեւ ասացին, ամե-
նեքեան զգլուխ զգետնի հար-
կանէին. եւ ողջունեցան յԱւե-
տարանէն եւ յեպիսկոպոսացն :

Իսկ մի ոմն ի նախարարացն
որ անդր դիալեցաւ, էր ի նոցա
խորհրդի, եւ ոչ միաբանեաց ընդ

նոսա ի մեծ վկայութիւնն . եւ
անդէն առ ժամայն ի նոցունց ի
տեղւոջքարկոծեցաւ, եւ ահ մեծ
անկաւ ի վերայ ամենեցուն :

Յայնժամ ամենեքեան ի նա-
խանձ բարկութեան ըրդեցան ,
մինչեւ ամենայն տեսողացն երի-
կամունքն դողային , որք առ ո-
չինչ համարեցան զպարդեւս ար-
քունի , եւ առ ոտն հարին զհրա-
մանս ահագինս : Ընթացան վաղ-
վաղակի ի զէնս իւրեանց , վառե-
ցան կազմեցան զդիշերն ամե-
նայն , եւ ընդ ծագելարեղականն
զգունդն յերիս մասունս բաժան-
եալ ի բանակն արկանէին : Գուն-
դըն առաջին՝ յարեւելից կուսէ ,
գունդն երկրորդ՝ յարեւմտից
կողմանէ , եւ գունդն երրորդ՝ ի
հիւսիսոյ կողմանէ , շուրջանակի
ի մէջ առեալ փակեցին զբաղ-
մաւթիւն բանակին . եւ զբաղումն
կոտորեցին , եւ զեւս բազմա-

գոյնս կապեցին զերեւելի մարդիկ, եւ արկին ի բերդս ամուրս ընդ իւրեանց իշխանութեամբ։ Եւ զառ եւ զապուռ զաւար բանակին ի մի վայր ժողովեալ՝ պահէին իրր հրամանաւ արքունի։

Իսկ զմարզպանն ձերբակալ արարեալ, եւ միաբանէր ընդնոսաւ երդմամբ՝ հաստատուն կալ յուխտին, զղջանայր զառաջին քակումն ի նոցանէ։ Անկանէր ապաշխարութեամբ յոտս սուրբ եսլիսկոպոսացն, եւ աղացէր խաղապատելով՝ զի մի մերժեալ ընկեսցի առ ի նոցանէ։ Կրկնէր եւ երեքկնէր զանսուտ երդումն առաջի բազմութեանն ի սուրբ Աւետարանն, գրէր եւ կնքէր զերդումն եւ կապէր զաւարանէն։ Եւ աղաչէր՝ զի յիշտուծոյ խնդրեսցի վրէ Ճխնդրութիւնն, եւ մի՛ նոքա մարդկարար սատակեսցեն զնս։

իսկ նոքա թէպէտ եւ հաստատեալ դիտէին զնենդութիւն կեղծաւորութեանն նորա , եւ եթէ խաբէտ թեամբ դառնայ անդրէն ի հին մոլորութիւնն , ոչ ինչ փոյթ առնէին ծեռն արկանել ի նա վասն առաջին յանցանացն , այլ սուրբ Անետարանին թողին ի դատապարտութիւն :

Իսկ որք եկեալ էին յաւարի առնուլ զուրբ դանձն եկեղեցւոյն , ակամայ եղին զանձինս եւ զաւարիւրեանց առաջիւրը եալիսկապսացն եւ ամենայն զօրացն . եւ եղծեալ ապականեցաւ հրաման թագաւորին : Եւ յաջողեալք զօրութեամբ Աստուծոյ՝ աղաղակէին եւ ասէին դոհանալով արք եւ իանայք եւ ամենայն ուսմիկ բազմութիւնն . «Պատրաստ եմք ի հալածանս եւ ի մահ եւ յամենայն նեղու-

թիւնս եւ ի չարչարանս վասն
ոռւրբ եկեղեցեաց զոր աւան-
դեցին հարքն մեր առաջինք՝ զօ-
րութեամբ գալստեան Տեառն
մերոյ Յիսուսի Քրիստոսի, որով
վերստին ծնաք ի մի յոյս հա-
ւատոցն միլրտութեամբ ի Քրիս-
տոս Յիսուս, ըստ նմին նմա-
նութեան կամիմք չարչարանօք
եւ արեամբ նորոգել զանձինս :
Քանզի հայր մեր զուրբ Աւե-
տարանն դիտեմք, եւ մայր՝ զա-
ռաքելական եկեղեցի կաթուղի-
կէ . մի՛ ոք չար անջրպետ ի մէջ
անկեալ՝ զմեզ քակեսցէ ի սմա-
նէ :

Ոչ երեւէր այնուհետեւ առա-
ւել տէրն քան զծառայ, եւ ոչ
աղատ փափկացեալ քան զգեղ-
ջուկ վշտացեալ . եւ ոչ ոք քան
զոք նուազեալ յարութենէ . Մի
սիրո յօժարութեան ամենեցուն
արանց եւ կանանց, ծերոց եւ

տղայոց եւ ամենայն միարանելոց ի Քրիստոս . Քանզի առ հասարակ զմի զինուորութիւն զինւորեցան , եւ զմի ագան զրահս հաւ առոց պատուիրանին Քրիստոսի . միով գօտեաւ ճշմարտութեան անդեցին զմէջս արք եւ կանայք :

Ընկեցեալ կայր այնուհետեւ ոսկի , եւ ոչ ոք առնոյր իւր առանձինն արծաթ , եւ արհամարհեալ առանց ագահութեան , անարգեալ պատուական հանդերձք առ ի զարդս մեծարանաց : Նա իւրաքանչիւր ստացուածք ոչ ինչ համարէին յաշս իւրեանց ստացողին . Տեսանէին զանձինս իւրեանց իրրեւ զմեռեալ դիակունս , եւ զիւրաքանչիւր դերեկմանս ինքեանք փորէին , եւ կեանք իւրեանց ի մահ համարեալ էին , եւ մահք իւրեանց անշուշտ կեանք :

Բայց այս բարբառ ստէպ ըստէպ ընթանայր . « Բաջութեամբ միսյն մեռցուք , զանուն եւ զոգիս եւ եթ ժառանգեսցուք , զի կենդանի իցէ ի մեզ Քրիստոս , որում դիւրին է միւսանգամնորոգել զմեզ ի հողոյ եւ զամենայն զյառաջագոյն զննջեցեալսըն , եւ հառուցանել իւրաքանչիւր ըստ գործս իւրեանց : »

Զայս եւ առաւել քան զսոյնս խօսելով , եւ միսիթարելով զանձինս եւ զմիմեանս , դարձեալ միւսանգամ զինուորքն պատրաստեցին զզէնս իւրեանց , եւ աղօթականքն անդադար լինէին յաղօթսն իւրեանց , եւ պահողքըն ճգնէին ի պահս իւրեանց : Զայնք պաշտօնէիցն ի տուէ եւ ի գիշերի անհատ էին ի սուրբ սաղմոսն . ընթերցուածք աստւածային կտակարանացն ոչ երբէք առնուին դադարումն յա-

մենայն ժամ. սոյնպէս եւ մեկ-
նիչքըն ի մխիթարութիւն երկ-
նաւոր վարդապէտութեանն :

Յայնմ ժամանակի դարձեալ
յարձակեցան ի վերայ բերդիցն
եւ աւանաց, զոր ունէին Պար-
սիկքն ի սեղիս տեղիս, յամրոցս
աշխարհին. տապալէին քան-
դէին զբնակութիւնս նոյա :
Առաջին զմեծն Արտաշատ հան·
դերձ աւանօք իւրովք. եւ առ-
նուին զանմատոյց ամուրսն,
զԳառնի քաղաքն, զԱնին, զԱր-
տագերս, եւ զաւանսն իւրեանց.
զԵրկայնորդսն եւ զԱրհնին, եւ
զաւանս իւրեանց. զԲարձրաբու-
ղըն, զԽորանիստն, զԾխանիստն
զանկասկածելի Ողականն, եւ
ընդ նոսա եւ զաւանս իւրեանց.
զԱրփանեալն, զՂանն աւան,
ընդ նմին եւ զաւանսն իւր·
զԳլուեալն եւ զԿապոյն, զՌ-
բոտն եւ զՎասակաշատն :

Զամենեսին զայս իւրաքանչիւր գեղիւք եւ ագարակօք , զօրօք եւ զօրագլխօք ի նմին ամի առեալ տապալեցին , եւ ի գերութիւն վարեցին զարս եւ ըզ կանսցս ընչիւք եւ ստացուած ովք հանդերձ պատուական դանձիւք եւ նոցին սպասուք : Տապալէին քանդէին զշինուածս նոցա , եւ այրէին կիզուին զտունս պաշտօնարկի եւ պաշտաման կրակի : Արբէին զպղծութիւն կռապաշտութեանցն , եւ առնուին զկահ եւ զկազմածս ատրուշանացն , բերէին եւ դնէին ի սուրբ եկեղեցւոջն , եւ ի ճեռն սուրբ քահանսցիցն նուիրէին ի սպաս տէրունական սեղանոյն . Եւ փոխանակ սնոտի պաշտամանցն զոր տապալեցին յամենայն տեղիս հեթանոսացն , զփրկական Խաչն Քրիստոսի կանգնէին . զամենասուրբ Աեղանն ուղղէին , եւ

զկենդանարար Խորհուրդն կատարէին սրբութեամբ . պաշտօնեայս եւ քահանայս ի տեղւոջն կացուցանէին . Յուսով հաստատեալ խնդոյր ամենայն երկիրն առ հասարակ :

Եւ մինչդեռ յայսմ մեծի առաքինութեան կատարեալ գործէին զգործ նահատակութեանը , երեւէր իմն ի վերայ ամենեցուն աստուածային շնորհք . քանզի առանց հրամանի ի զօրացըն Հոյոց , յարեւելից կողմանէ աշխարհին , յարձակեցան ումանք յԱտրապատական աշխարհն , եւ ի տեղիս տեղիս բազում վնաս արարին՝ առնլով եւ աւերելով եւ քանդելով զրազում ասրուշանս :

Իսկ որ ի մեծ ամուրսն անկանէին՝ խաչանշան արարեալ ի վերայ զօրուն յարձակէին . որ եւ երկու մեծամեծ բերդացն

սպարիսպեքն առանց ուրուք մեր-
 ձենալոյ անկեալ կործանեցան .
 Մինչեւ ամենայն բնակչաց երկ-
 րին զահի հարեալի մեծ նշանէն,
 ինքեանք ինքեանց ձեռօք ըզ
 կրակատունս այրէին . ուրանա-
 լով զօրէնս մոդոթեանն՝ խոս-
 տովանէին ի սուրբ Աւետարանն :
 Եւ այլ մեծամեծ աջողու-
 թիւնք կատարէին ի ձեռն զօ-
 րականին . քանզի ուր ոչ էր ա-
 կընկալութիւն եթէ զանուն Աս-
 տուծոյ ոք յիշեսցէ՝ արհաւիրք
 մեծ անկանէին ի վերայ նոցա ,
 Եւ ամենայն մարդ պատմէր ըն-
 կերի իւրում տեսիլս նորա եւ
 զարմանալիս . Սոյնպէս եւ աս-
 տեղք ի յերկինս երեւէին յոյժ
 լուսալիր պայծ առացեալ , զոր
 ոչ ունէին յառաջին բնութեանն :
 Եւ ամենայն տղայք աշխարհին
 իբրեւ զարս պատերազմողս խի-
 ղախէին :

Եւ ահա յետ աւուրց բազմաց
 եկն եհաս հազարապետն Աղ-
 ւանից սուրբ եպիսկոպոսաւ աշ-
 խարհին, մեծաւ տագնապաւ
 փութացուցանէր զզօրսն ասե-
 լով. « Գունդն Պարսից որ էր ի
 կողմանս աշխարհին Հոնաց՝ դար-
 ձաւ այսրէն, եկն եմուտ յաշ-
 խարհս մեր. Եւ բազում եւս եւ
 այլ սյրուճի որ ի Դրանէ եկն :
 Եւ թող զայս ամենայն, այլ ե-
 րեք հարիւր մոգ վարդապետ
 ած եալ ընդ իւրեանս, պառակ-
 տեցին զաշխարհն, եւ զոմանս
 ոմանս յինքեանս արկին, եւ
 կամէին յեկեղեցին ձեռն ար-
 կանել. Եւ հրամանաւ թագա-
 սորին ստիպէին զամենեսեան եւ
 ասէին՝ « Եթէ կամօք յանձն
 առնուք զօրէնսն, պարզ եւս եւ
 պատիւս դտանէք ի նմանէ, եւ
 թողութիւն հարկացն յարքու-
 նուստ լիցի ձեղ. ապա թէ կա-

մօք չառնէք, հրաման ունիմք
ի գեղս եւ ի քաղաքս շինել
ատրուշանս, եւ զվռամական կը-
րակն ի ներքս դնել, եւ կացու-
ցանել մոդս եւ մոդակետս օրէ-
նըսդիր ամենայն աշխարհիդ :
Եւ եթէ ստամբակեալ ոք ընդ-
դէմ դարձցի, ինքն մահու պա-
տուհատ ընդունի, եւ կին եւ որ-
դիք այնպիսւոյն անաշխարհիկ
եղեալ՝ յարքունիս երթիցեն : ո
իսկ գոնդն Հայոց իբրեւ
լուաւ զսյս գոյժ դառնութեան,
ոչ ինչ թաւ լացեալ լրան ի քա-
ջութենէն . այլ դարձեալ հա-
մագունդ ժողով լինէր ամենայն
աշխարհին վասն գուժաբեր հը-
րեշտակացն որ հասին առ նո-
սա: Եւ միաբան քաջալերս տու-
եալ՝ արձակեցին զնոսա, զի առ
ժամանակ մի պատիր խարէու-
թեամբ զնոսա կալցեն, զի խա-
փանեսցին ի չար կամացն՝ չճեռ-

նարկել ի սուրբ ոխտ եկեղեց-
ւոյն իւրեանց . եւ զօրութեամբն
Աստուծոյ խորհուրդ ի մէջ առ-
եալ՝ իրացն հնարիւք եւս խընդ-
րէին :

Յայնմ ժամանակի զմի ոմն ի
մեծ նոխարարացն ի տոհմէն
Գնունեաց՝ Աստմ , ճեպով ա-
ռաքեցին յերկիրն Արեւմտից
ցուցանել զայս ամենայն խոր-
հուրդ զշարիմաց թագաւորին
Արեւելից . միանգամայն եւ պատ-
մալ զիւրեանց քաջութիւն արու-
թեանցն — զոր գործովք կա-
տարեցին՝ առ ոսն հարկանելով
զհրամանն ահեղ , եւ մեծապէս
սատակումն ի վերայ մոգացն հա-
սուցանելով — խնդրել ի նմա-
նէ օգնականութիւն սատարու-
թան , եւ եթէ նա կատեսցի՝
նմա խել մտանել ի ծառայու-
թիւն :

Եւ այս է պատճէն հրովար-

տակին՝ զոր գրեցին առ Թէոդոս
կայսր .

« ՅՈՎԱԿԻՓ ԵԱԼԻՍԼՈՎՈՍ ԲԱՎՈՒՄ
ԵԱԼԻՍԼՈՎՈՍԱԼՈՅԾՈՔ ԽՄՈՎՔ Եւ ա-
մենայն զօրօք Հայոց , Վասակ
մարդուան եւ Ներշապուհ Ռըմ-
բոսեան հանդերձ Սպարապե-
տաւս Վարդանաւ եւ ամենայն
մեծ ամեծ նախարարօքս , առ
մեծանունդ Թէոդոս կայսր ,
բավմասցի սղջոյն մեր առ քեզ
եւ ամենայն զօրաց քոց , որ խա-
ղաղատէր մարդասիրութեամբ
ձերով տիրէք ծովու եւ ցամա-
քի , եւ չիք ոք յերկրաւորացս՝
որ ձերում անարդել տէրու-
թեանդ ընդդէմ դառնայցէ :

« Որպէս մեք խկ ունիմք զան-
սուտ յիշատակարանսն զառա-
քինի նախնեացն ձերոց , ունե-
լով զԵւրովապէ՝ անցին եւ տիրե-
ցին եւ Ասիացւոց կողմանցն ի

սահմանացն Սերայ մինչեւ ի կողմանս Գաղերովիսի , եւ ոչ ոք գտաւ սոսամբակեալ եւ ելանել ըստ ձեռն նոցա :

«Եւ յայնչափ մեծ իշխանութեան՝ Դաստակերտ մեծ եւ սիրելի զշայոց աշխարհս անուանէին : Վասն որոյ եւ նախնին մեր Տրդատիոս յիշելով զառաջին սէրն ձեր , որ ի տղայութեան փախուցեալ ի հայրապան մարդախողխող հօրեղբարցըն իւրոց՝ ապրեալ սնաւ յերկրիդ Յունաց , եւ ի ձէնջ թագաւորեալ տիրէր հայրենի աշխարհիս , սոյնպէս եւ զհաւատոսն որ ի Քրիստոս՝ ընկալեալ ի սուրբ եպիսկոպոսէն Հոռոմոց , լուսաւորեաց զխաւարային կողմանս Հիւսիսոյ . զոր եւ այժմ կամին ի մէնջ կորզել հանել խաւարասէր որդիքն Արեւելից :

«Եւ մեք ի ձեր քաջութիւն

արութեանդ խիզախեալ, էք
ինչ որ ընդդէմ դարձաք նոցա
հրամանացն, եւ բազում այն է
որ արդ առաջի պատրաստեալ
եմք: Բնտրեքաք զմա՞ն աստ-
ւածալաշտութեամբքան զկեանս
ուրացութեամբ. եթէ գուք եւս
ի ձեռն առջիք զմեղ, ահա կըր-
կին կենաց դիալեցաք, եւ ոչ մի
անգամ մահու: Եւ եթէ սակա-
ւիկ մի հեղդայք, գուցէ բա-
զում եւ այլ աշխարհաց հասա-
նիցէ տապ բոցոյ սորա:

Եւ իբրեւ յանդիման եղեն մե-
ծի թագաւորին, եւ ընթերցան
զգիր պաղատանաց Հայոց աշ-
խարհին եւ զյիշառակարանս
նախնեացն, բազում մատեանք
ի մէջ եկեալ ընթերցան՝ որ ըզ
նոյն ուխտ հաստատութեան ի
ներքս գտանէին:

Եւ մինչդեռ երանելին թէո-
դոս հարցանէր զամսնայն սինկ-

ղիտուն, եւ հնարս իրացն կամէք գտանել խաղաղութեամբ, եւ հոգ տանէք մեծաւ յօժարութեամբ՝ զի մի՛ եկեղեցիքն արեւելից յափշտակեսցին յանօրէն հեթանոսացն, ի նմին ժամանակի անդէն վաղվաղակի հասանէք վախճան կատարածի կենացնորս, եւ կարի չար խախանումըն լինէք գործոյն օգնանութեան :

Եւ թաղաւորէ փոխանակ նորա Մարկիանոս կայոր, եւ ի ձեռն վատթար արանց խրատաւայն իւրոց ծառայից, Անատոլեայ՝ որ սպարապետն էր, եւ Փղորենտիոս ասորի, Երկոքեան անարդ եւ վատթար արանցմիանգամայն եւ անաստուածք, ի նոցաբանս ելեալ թաղաւորն, ոչ կամէք անսալ միաբան ուխտին Հայոց, որ ամենայն ուժովըն իւրեանց ընդդէմ կացեալ

էին չարութեանն հեթանոսաց :
 Իսկ անարիս այս լաւ համարէր
 պահել զուխտն հեթանոսաց վա-
 սըն մարմնական խաղաղութեան՝
 քան պատերազմակից լինելուխ-
 տին քրիստոնէութեան : Վասն
 այսորիկ փութացաւ արձակեաց
 դեսպանս առ թագաւորն Պար-
 սից զնոյն Փղորենտիոսն , եւ ե-
 մուտ ընդ նմա յուխտ հաստա-
 տութեան՝ ձեռնթափ լինել ի
 զօրացն Հայոց ղօրու եւ զինու
 եւ ամենայն օդնականութեամբ :

Եւ իբրեւ այսպէս հաստատե-
 ցաւ , եւ հատաւ օդնականու-
 թիւն յուսոյ նոցա ի մարդկանէ ,
 դարձեալ սուրբ եպիսկոպոսքն
 քաջալերել սկսան զանձինս եւ
 զօրսն Հայոց թէպէտ եւ հսյէին
 յիւրեանց սահաւութիւնն եւ
 յերկոցունց թագաւորացն մի-
 աբանութիւն , ոչ ինչ վատա-
 սըրտեալ դոդային , այլ ըստ ա-

առաջին ուխտին խիզախէին եւ
ասէին . «Պատրաստ եմք ի ըս-
պանանել եւ ի մեռանել . դիւ-
րին է Աստուծոյ սակաւուք ըզ
բազմաց գործ գործել , եւ ա-
նարգօք զմեծամեծ իրս կա-
տարել :

Թէպէտ եւ ոչ ունէին թա-
գաւոր առաջնորդ , եւ ոչ ար-
տաքուստ օգնական զոք յօտա-
րաց , սակայն անձանց առաքի-
նութեամբ եւ սուրբ վարդա-
պետացն միսիթարութեամբ՝ հա-
մադունդ ամենայն նախարար-
քըն զօրօքն իւրեանց յիւրա-
քանչիւր տանէ ի մի վայր գային
հասանէին վաղվաղակի . բազում
եւ այլ այրուծի՝ որ յարքունի-
տանէ անտի էր :

Եւ զամենայն զօրսն յերիս
գունդս բաժանեցին .

Զգունդն առաջին տային
ցներշապուհ Ռըմբոսեան , եւ

գումարէին զնա սլահապան
աշխարհին, մերձ ի սահմանս
Առապատական աշխարհին :

Եւ զգունդն երկրորդ տային
ի ձեռն Վարդանայ զօրավարին
Հայոց՝ անցանել ընդ սահմանս
Վրայ ի վերայ մարզպանին ձո-
րայ, որ եկեալ էր աւերել զե-
կեղեցիսն Աղուանից :

Իսկ զգունդն երրորդ տային
ի ձեռն Վասակայ իշխանին Միւն-
եաց, որ ոչ ի բաց կացեալ էր
յուխտէն հեթանոսաց՝ ըստ ներ-
քին խորհրդոցն իւրոց :

Ընտրեաց եւ առ նա ընդ իւր՝
զորոց զիտէր զթուլութիւն հա-
ւասոց նոցա .

Զիշխանն Բագրատունեաց զօ-
րօք իւրովք .

Զիշխանն Խոռխոռունեաց զօ-
րօք իւրովք .

Զիշխանն Ապահունեաց զօրօք
իւրովք :

Զիշխանն Վահեւունեաց զօրոքն իւրովք .

Զիշխանն Պալունեաց զօրօքն իւրովք .

Զիշխան Գաբեղենից զօրօք իւրովք .

Զիշխանն Ուրծայ զօրօքն իւրովք :

Եւ զայլ բազում զօրս յարքունի տանէն արկ յինքն , եւ զսեպուհս ոմանս յայլմէ տոհմէ : Եւ խորամանկ խարէութեամբ դարանամուտ լինէր յամուրս իւրոյ աշխարհին , ի պատճառս կեղծաւորութեան՝ եթէ ընդճապուկ անդր անցանէ ի վերայ գնդին Պարսից՝ հալածականս առնել յաշխարհէն Աղուանից :

Իսկ նա յամրածածուկ հաւալոցէն ճեպով դեսպանս արձակէր առ գունդն Պարսից . « Ահա աւադիկ քակեցի զմիաբանութիւն ուխտին Հայոց , եւ

ընդ երիս կողմանս գունդս
գունդս քակեալ բաժանեցի :
Զգունդն առաջին հեռացուցի
ի կողմանս Հերայ եւ Զարեւան-
դոյ . Եւ գունդս երկրորդ ընդ
իմով ձեռամբ է , որոց ոչ ինչ
տամ վկաս առնել զօրաց ար-
քունի : Եւ զայլ ամենայն որ այր
կոռոյ յաշխարհի աստ գուա-
նէր՝ ցանեցի ցրուեցի ընդ ամե-
նայն միջոցս աշխարհիս : Բայց
զդունդն երրորդ արարի ընդ
Վարդանայ յԱղուանս՝ սակա-
ւածեռն եւ ոչ բազմաթիւ : Ե՛լ
համարձակ ընդ առաջնորա , եւ
մի՛ զանգիտեր ամենեւին տալ
պատերազմ . գիտեմ զի ի պար-
ութիւն մատնին առաջի քոյոյ
մեծի զօրութեանդ : »

Զայս գրեաց եւ եցոյց մարզ-
պանին՝ որում անունն էր Սե-
բուխտ : Իսկ նա իրեւ լուաւ
զայս ամենայն զքաջալերս ի Վա-

սակայ , եւ ստուգեալ հաստատեաց ի միտս իւր՝ եթէ սակաւածեռն դնդաւ դայ սպարապետն Հայոց ի վերայ նորա , ոչ եկաց մնաց կողմանս Ճորայ . այլ կուտեաց զամենայն բազմութիւն զօրու իւրոյ , եւ փութանակի անցանէր ընդ մեծ գեան կուր անուն . եւ պատահէր նմա մերձ ի սահմանս Վրաց Հանդէալ Խաղխաղ քաղաքի , որ Ճմերոց էր թագաւորացն Աղուանից : Անցանէր բաւանդակէր ամենսոյն զօրօք իւրովք . ուազմ արարեալ զբոլոր մեծութիւն դաշտին ի ներքս փակէր . զինեալք եւ վառեալք ամենայն պատրաստութեամբ ի մարտ պատերազմի ընդդէմ դնդին Հայոց :

Իսկ քաջն Շարդան եւ ամենայն զօրքն որ ընդ նմա էին՝ իրեւ աեսին զբազմութիւն պատրաստութեան դնդին հե-

թանոսաց , հայեցան եւ յիւր-
եանց սակաւութիւնն , թէպէտ
եւ կարի յոյժ նուազունք էին
քան զնոսա , ոչ ինչ զանգիտե-
ցին առ ի յոյժ բազմութենէն ,
այլ հասարակ միաբան համբար-
ձին յերկինս զձեռս իւրեանց ,
աղաղակէին եւ ասէին .

« Դատեա՞ , Տէր , զայնոսիկ
ոյք դատին զմեզ . մարտիր ընդ
այնոսիկ որ մարտնչինս ընդ մեզ .
զինու եւ ասպարաւ քով օդնեա
մեզ . Շարժեա եւ դողացո ըզ
գունդագունդ բազմութիւն ա-
նօրինացո . ցրուեա եւ վատնեա
զչար միաբանութիւն թշնամ-
եաց քոց առաջի քոյոյ փրկական
մեծի նշանիս , եւ տուր ի ձեռն
սակաւուցո զքաջութիւն յաղ-
թութեան ի վերայ անհնարին
բազմութեանս : Ոչ ի պարծանս
սնոտի փառասիրութեան անօ-
դուտ վաստակոց ինչ աղաչեմք ,

կամ յագահութիւն ընչասիրութեան զանցաւոր մեծութիւն կապտելոյ, այլ զի ծանիցեն եւ դիտասցեն ամենեքեան այնոքիկ որ ոչն հնաղանդին սուրբ աւետարանին քարոզութեան, եթէ դու ես Տէր կենաց եւ մահու, եւ ի ձեռն քո է յաղթութիւն եւ սպարտութիւն : Եւ մեք պատրաստ եմք ի մեռանել վասըն քո սիրոյդ . Եւ եթէ սպանանել եւս հասանէ զնոսա, ոչ եթէ մեզ ինչ, այլ ճշմարտութեանն եղիցուք վրէ ժխնդիրք : »

Եւ զայս սսելով՝ խումբ արարեալ յարձակէին, եւ զաջթեւն բեկեալ՝ զձախոյ կողմամբն արկեալ, սրոյ ճարակ զամենեսեան տային ընդ երեսս դաշտին, եւ փախստական առնէին մինչեւ յամուր տեղիս մայրեացն առխորագոյն դարիւքն Լոփնաս գետոյ : Ուր ընդդէմ դարձեալ

թագաւորազանց ոմանց Բաղասական արքայի , ընկեցին զոմնի ձիոյ ի նախարարացն Հայոց . ի դնդէն Դիմաքսենից զՄուշ սպանին , եւ զԴազրիկ վիրաւորեցին :

Յայնմ տեղւոջ դէտ ակն ի վեր ամբառնայր Արշաւիր Արշարունի , դոչէր առիւծ արար եւ յարձակէր վարազաբար , հարկանէր եւ սատակէր զկուրկն քաջ զեղբայր թագաւորին Լըփնաց , եւ զբազում համհարզնորին ընդ նմին սատակէր : Եւ այնպէս ամենեքեան առ հասարակ այր զախոյեան իւր յերկիր կործանէր : Եւ առ յոյժ յանդուգն յարձակմանն՝ յոլովագոյն այն էր զոր զետամոյնս առնեին քան զանկեալսն սրոյ ի ցամաքի : Եւ ի բազմութենէ զիականցն անկելոց՝ յըստակ չորք զետոյն յարիւն դառնային , եւ ոչ դտանէր ոք ամե-

նեւին ի նոցանէ ապրեալ եւ թագուցեալ յանտառախիտ մայրիս դաշտացն : Բայց մի ոմն ի զօրականէ թշնամեացն՝ զինուհանդերձ ելեալ ի նիւս երիւարի անցանէր ընդ մեծ դետն, մաղամուր պրծեալ ի պատերազմէն՝ դոյժ տանէր ի մնացեալ բուն բանակն, որք փախստական անկանէին ի մեծ շահատանն :

Յայնմ ժամանակի զօրքն Հայոց կատարելով զմեծ դործ պատերազմին՝ ի դիակասպուտս դառնային, ժողովէին զբազում աւար բանակին, եւ կողոպտէին զանկեալ դիակունսն . եւ կուտէին բազում արծաթ եւ ոսկի, զզէնս եւ զզարդս զարի արանց եւ զքաջ երիվարաց :

Դարձեալ յարձակէին ոչ սակաւ քաջութեամբ ի վերայ բերդիցն եւ քաղաքաց զոր ունէին

Պարսիկքն յաշխարհին Աղուանից, հզօրապէս մարտնչելով եւ այրելով զամուրս արդելանացնոցա, եւ զերամս երամս մոդացն—զորպատրաստականածեալ յաշխարհին գայթակղութիւն—ուր եւ գտանէին յամուրս ամուրս վայրացն, սրոյ ճարակտուեալ՝ դնէին գէշ թռչնոց երկնից եւ գազանաց երկրի: Սրբէին զտեղիսն յամենայն պղծագործ զոհիցն, եւ փրկեալ ազատէին զեկեղեցիսն յանհնարին նեղութենէն:

Եւ բազումք ի նախարարացն Աղուանից եւ յամենայն շինականացն, որք վասն անուանն Աստուծոյ ցրուեալ եւ վառնեալէին յամուրս լերանց կապկոհի, իբրեւ տեսին զաջողութիւն գործոյն զոր կատարէր Աստուած իձեռն դնդին Հայոց, գային ժողովէին եւ նոքա, եւ

խառնէին ի զօրս նոցա . Եւ միաբանք եւ հաւասարք կցորդք լինէին գործոյն նահատակութեան : Խաղային գնային այնուհետեւ ի վերայ պահակին Հոնաց, զոր ունէին բոնութեամբ Պարսիկքն . առնուին քանդէին զպահակն , եւ կոտորէին զզօրսն որ իներքս բնակեալէին, եւ զդուռնըն տային ի ձեռն Վահանայ՝ որ էր յազդէ թագաւորացն Աղւանից : Եւ յայսր ամենայն քաջութեան վերայ ոչ ոք անկեալ վիրաւորեցաւ ամենեւին ի նոցանէ , բայց ի միոյ երանելոյ որ կատարեցաւն նահատակութեամբ ի մեծ պատերազմին :

Եւ անդէն ի նմինտեղւոջ զայրն որում զդուռնն յանձն արարին՝ զնոյն դեսպան արձակեցին յաշխարհն Հոնաց, եւ ի բազում յայլազդս բարբարոսաց որ համագործք էին Հոնաց աշխարհին ,

բանս դնելընդ նոսա եւ ուխտ
հաստատել՝ անքակութեամբ ու-
նել զմիաբանութիւնն . Իսկ նո-
քա իբրեւ զայն ամենայն լուան,
փութապէս վաղվաղակի հաստ-
նէին ի տեղին , եւ ականատեսք
լինէին գործոյն յաղթութեան :
Եւ ոչ ինչ յապաղեցին երդմամբ
յուխտ մտանելըստ կարգի իւ-
րեանց օրինաց . յանձն առին եւ
զերդումն քրիստոնէից՝ պահել
ընդ նոսա հաստատութեամբ ըզ
միաբանութիւն :

Իսկ իբրեւ զայս կատարեցին
եւ արարին իւրեանց մեծապէս
հաստատութիւն , եւ դեռ ան-
դէն ի տեղւոջն զետեղեալ էին
խաղաղութեամբ , գուժկան հա-
սանէր յաշխարհէն Հայոց , զճա-
կատ հարեալ եւ զօջիս պատա-
ռեալ վասն ապստամբին վաստ-
կայ . « Յետոս կացեալ յուխտէն
քրիստոնէութեան եւ աւերեալ

զբազում տեղիս Հայոց աշխարհին, մանաւանդ զճմերոցս արքունի, որ կայանք զօրացն էին, զԳառնին, եւ զԵրամսցիս եւ զԴրասիանակերտն՝ զմեծ Դաստակերտն, զՎարդանաշատն եւ զամուրն Օշական, զՓառախոտն, զՍարդեանսն, զՅոլակերտն աւան եւ զբերդն Արմաւրի, զԿուաշն աւան, զԽրուճն, զԱշնակն եւ զամենայնոտն Արագածու, եւ զնահանգն Արտաշատու եւ զԱրտաշտն ինքնին զլիսովին, եւ զամենայն գեւզս եւ զաւանս որ շուրջ զնովաւ էին, առեալ աւերեալ եւ հրձիգ արարեալ, եւ զամենեցուն ձեր զընտանիս փախուցեալ մերժեալ յիւրաքանչիւր բնակութենէ: Զեռն արկեալ եւ ի սուրբ եկեղեցիսն, տարեալ եւ զսուրբ սպաս եկեղեցւոյն սեղանոյ. զերի վարեալ զընտանիս քահա-

նայից, եւ զնոսին կապեալ եւ
եղեալ ի բանդի եւ ինքն սըփ-
ոեալ տարածեալ ասպատակաւ
աւերէ զերկիրն ամենայն : Եւ
գունդն որ էր ի կողմանս Առըր-
պատականի՝ ոչ ժամանեաց ձե-
ռըն տալ ի միջոց աշխարհին : Եւ
զօրքն որ անդ մնացեալ էին՝
խոյս տուեալ յանօրինէն մեր-
ժեցան յեզր աշխարհին, եւ
դեռ պահեն ընդ ձեզ զուխտ
միաբանութեան սիրոյն Քրիս-
տոսի : Բայց այն որ ընդ նմայն
էին՝ են ոմանք որ փախեան
յիւրաքանչիւր տեղիս, եւ բա-
զումք այն են որ զհետ մոլորե-
ցան նորա ամբարշտութեանն :

Չու արարեալ ի տեղւոջէ ան-
տի՝ դառնալ անդրէն յաշխար-
հըն Հայոց մեծաւ ստիպով եւ
բազում աւարաւ եւ անշափ մե-
ծութեամբ, եւ անտրասում ու-
րախութեամբ երգս ի բերան ա-

ուեալ եւ ասէին ճայնիւ . և Աստովան եղերուք Տեառն , զի բարի է , զի յաւիտեան է ողորմութիւն նորա . ո Եհար զազգումեծամեծս եւ սպան զիշխանս հզօրս , զի բարի է , զի յաւիտեան է ողորմութիւն նորա : » Եւ զայս սաղմոս երգելով մինչեւ ի վախճան կատարեալ աղօթիւք փառատրութիւն սուրբ Երրորդութեանն մատուցանէին : Անդ յանձանձէր ածէր զօրավարըն զկաց եւ զմնաց զօրականին առաջապահօք եւ վերջապահօք , կողմապահօք ողջ եւ առողջ հասուցեալ յաւուրս երեսուն մերձ ի սահմանս հայրենի աշխարհին : Աղդ եղեւ ուրացեալն վասակայ եւ իշխանացն որ ընդ նմա էին՝ քաջութիւն նահատակութեան գնդին Վարդանայ յաշխարհին Աղուանից , եւ միաբանութիւնն եւս Հոնաց : Մինչ չեւ յանդիման

եղեալ էին միմեանց, զգիշեր մի
օդնական գտեալ նորա՝ փախս-
տեայ անկանէր յամուրս իւրոյ
աշխարհին, եւ այնպէս տագնա-
պաւ մերժեցաւ. զգերի եւ զա-
ւարն զոր առեալ էր յԱյրարատ
գաւառէ, ակամայ զիւրն եւս
ի վերայ եթող եւ փախեաւ :

Եւ քանզի ժամանակ ձմերայն-
ոյ հասեալ էր, եւ զուծիկս՝
թշնամեաց գնդին հարեալ էր,
ոչ կարէր զմիով տեղեաւ համա-
գունդ զօրսն դարմանել. այլ
սիրէր տարածանէր ընդ դա-
ւառս դաւառս աշխարհին առ
ի հանգիստ ձմերոցի : Պատուէր
հրամանի տայր պատրաստա-
կան լինել կազմութեամբ առ
ժամանակ դարնայնոյն : Եւ ըզ
սակաւս ի գնդէն յաւագ նա-
խարարացն դործակից իւր թո-
ղեալ, բռնանայր ի վերայ՝ ունե-
լով զթագաւորանիստ տեղիսն :

Եւ գունդս գունդս արձակէր
յաշխարհն Սիւնեաց, առնոյր եւ
աւերէր զբազում գաւառս. Եւ
այնպէս ի նեղ արկանէր զնա եւ
զամենայն զօրսն որ ընդ նմա էր,
զի զէշս եւ զծիս մեռելոտի առ
սովոյն վտանգի անխոփիր ու-
տէին. Եւ բազում հարուածս հա-
սուցանէին ի վերայ ուրացելոցն.
Մինչեւ ժողով սուրբ եպիսկոպո-
սացն եւ ամենայն ուխտ քահա-
նայութեանն դառնապէս ար-
տասուս իջուցանէին ի վերայ
չարաչար վշտացելոցն, որ բոկ
եւ հետի վարէին զարս եւ զիա-
նայս փափկասունս, եւ բազում
տղայք զքարի հարեալ ընկեցան
յանցս ճանապարհաց :

Իբրեւ այս ամենայն աջողու-
թիւն լինէր երկիւղածացն Աս-
տուծոյ, ամենայն եպիսկոպո-
սունք եւ երիցունք սլատուէր
հրամանի տուեալ աշխարհին,

զողջոյն ամիսն Քաղոց պահօք եւ
աղսթիւք առնել խնդրուածս առ
Աստուած , եւ զո՞ն պատերազ-
մացն յաղթութեան խառնելի
սուրբ տօն յայտնութեանն Քրիս-
տոսի , զի անխափան կացցէ մեծ
յիշատակարանս այս ընդ աստ-
ւածային անանց տօնին :

Եւ զոյն զայս ամենայն այցե-
լութիւնս Աստուծոյ որ ի վերայ
աշխարհին Հայոց մեծապէս
երեւեցաւ՝ գրեցին սուրբ եպիս-
կոպոսունքն եւ ետուն տանել
յաշխարհն Յունաց ի մեծ քաղա-
քըն առ սուրբ ուխո եկեղեցւոյն .
զի եւ նոքա աղօթս առնելով
խնդրեսցեն յԱստուծոյ , որսկէս
սկսաքս՝ ինմին եւ կատարեսցուք :

Եւ զոմն յառաջին կապելոցն
Պարսկաց լուծեալ եւ ածեալ զա-
ռաջեաւ նախարարացն , խօսէին
ընդ նմա եւ ցուցանէին զամե-
նայն մկասն որ եղեւ , կամաշ-

խարհացն աւերել, կամ զօրացն արքունի հարկանել, եւ կամոք այլ իրք առաջոյ լինելոց էին : Եւ իբրեւ զայս ամենայն բովանդակ ցուցին նմա , միաբան լինէր ամբաստանութիւն երկոցունց կողմանցն՝ առաքինեացն եւ յետը կացելոց . որպէս զուր եւ տարապարտուց նեղեցան ի հայրենի օրինացն յետս կալ, եւ ըզ խարէութիւն ապստամբին վասակայ , որպէս Հայոց բանիւ խարեաց զթագաւորն , յանձն առնուլ զմոգութիւն . իբրեւ չէր ուրուք ընդ նմա բանս եղեալ, նա յանձնէ սուտակասպաս լինէր :

Իբրեւ լիովզայս ամենայն խմացուցին , արձակեցին զնահրեշտակութեամբ յաղերս ասլաբանութեանեւիհն արս հայթ սյթանաց , թերեւս կարասցեն զեղբարսիրեանց ի նեղութենէն գողանալ :

Այլ առ նա՝ անօրէնն վասա-
կայ գուժկանքն յառաջադոյն
հասեալ էին, պատմել զաղէտս
տարակուսանացն զոր անցու-
ցեալ էր ընդ զօրսն արքունի. Եւ
ամենայն ամբաստանութիւնն
ի սուրբ ուխտ եկեղեցւոյն կը ր-
թեալ էր : Քանզի այն իսկ կամք
էին անօրինին՝ եթէ զմիաբանու-
թիւն եպիսկոպոսացն քակեսցէ
ի նախարարացն . Եւ զայս ոչ էր
տեղեկացեալ տակաւին, եթէ
հոգի եւ մարմին բաժանիցին առ
ժամանակ մի՝ գոյ տեսանելի
քնութեանս, այլ որ սիրով և ս-
տուծոյ յուխտ մտեալ է՝ այսմ
անհնար է լինել :

Արդ երթեալ այրն ի տեղի
ձմերոցին, պատմեաց զայս ամե-
նայն յականջս թագաւորին,
շարժեալ դողացոյց, որ եւ յա-
մենայն զօրութենէն պակասեալ
գտաւ, մանաւանդ զի յարեւելից

պատերազմէն կորակոր եւ ոչ
բարձրագլուխ էր դարձեալ :
Իբրեւ ստուգեալ հաստատեաց
ի վերջին հրեշտակէն որ ե-
հաս առ նա , զամենայն վնասս
դիւր գործոցն զիսորհրդակցօքն
արկանէր : Եւ անդէն շիջանէր ի
բազմաբոց բորբոքմանէն . քան-
դի խցաւ բերան չար խրատուցն
որ անդադար յորդորէին զնա
ի գործ դառնութեան : Խոնար-
հեցաւ իբարձր հալարտութենէն ,
եւ զվայրենացեալ սիրտն դար-
ձոյց ի մարդկային բնութիւն .
հայեցաւ եւ ետես զինքն լի տկա-
րութեամբ . գիտաց եթէ զամե-
նայն զոր կամի առնել՝ ոչ կարէ
կատարել . վասն այնորիկ եւ
դադարեաց յանդուգն յարձակ-
մանէն , եւ լոեցոյց զմոլեգնո-
տարար գոչումն :

Եւ որ մեծաճայն բարբառով
որոտայր , եւ եւս ահագին հրա-

մանօքն զհեռաւորս եւ զմերձաւորս դողացուցանէր , սկսաւ քաղցր եւ աղերս բանիւք խօսել ընդ ամենեսեան եւ ասել . « Զի՞նչ ինչ վիաս գործ եալ է իմ . եւ կամ զո՞րյանց յանցուցեալ կամ առ ազգս կամ առ լեզուս կամ առ անձն իւրաքանչիւր : Ո՞չ ահա բազումուսմունք են յաշխարհիս Արեաց , եւ իւրաքանչիւր պաշտամունք յայտնի են . ո երբէք նեղեաց պնդեաց դարձուցանելի մի օրէնս մոգութեան . մանաւանդ վասն օրինաց քրիստոնէութեանն , որպէս հաստատուն եւ ճշմարիս կացեալ են յիւրեանց դենին , նոյնակէս եւ առ մեզ լաւագոյն քան զամենայն կեշտոն նոքա երեւեալ են : Եւ բիծիսկ ոչ կարէ ոք դնել ընտրեալ օրինաց նոցա . այլ զոյգ եւ հաւասար համարիմ դենիս մազդեղանց , որպէս եւ յարզեալ

իսկ էին նոքա առ նախնեօքն մերովք , զոր ես ինձէն իսկ յիշեմ առ հարբն իմով՝ որ նստէր իմեծ գահոյս յայսմ :

«Յորժամ սկսաւ անդամել եւ քննել զամենայն ուսմունսեւ հաստատութեամբ ի վերայ եհաս , առաւել վեհ գտանէր զօրէնս քրիստոնէից քան զամենեցուն . վասն այսորիկ մեծարեալք ելանէին ի Դրան արքունի եւ առատաձեռն պարզեւօք երահք լինէին ի նմանէ , եւ համարձակութեամբ շրջէին ընդ ամենայն երկիր : Նաեւ որ գըլ խաւորքն էին քրիստոնէից , զոր եւ եսլիսկոպոս անուանեն , ընծայից եւ սլատարազաց արժանիս առնէր զնոսա՝ իբր հաւատարիմոստիկանս Յանձն առնէր նոցա զհեռաւոր մարզսն . եւ ոչ երբէք սկսալ լինէր ի մեծամեծ իրացն արքունի :

«Եւ դուք զմի զայն երբէք
ոչ յիշեցէք, այլ հանապազօռ
ճանձրացուցէք զլսելիս իմ, խո-
սելով զնոցանէ զամենայն չա-
րութիւն։ Տեսէք զի ետուք
գործել ինձ զոր ինչ ոչ կամէի,
եւ եղեն վնասք մեծամեծք ի
սահմանսն ի մէջ երկուց անհաշտ
թշնամեաց։ Եւ մեք դեռ ի հե-
ռաւոր ճանապարհի, եւ ոչ մի
ինչ գործ ի պատերազմիս ի
գլուխ երթեալ, եւ դուք աս-
տէն յիմումտանս յարուցէք իվե-
րայ պատերազմ՝ որոյ չարագոյն
եւս լինելոց է կատարածն իւր
քան զարտաքին թշնամեացն։ »

Զայս ամենայն եւ առաւել
քան զսոյն խօսէր ընդ ամենայն
աւագանին, եւ զվիսասս յանցա-
նացն արկանէր զմոգպետաւն եւ
զմոգօքն։ Եւ ամենայն վզուրկքն
եւ պատուական նախարարք —
որ նստէին յատենին եւ ունկն

դնէին յեղեղուկ լեզուի նորա—
ամաչեցեալ կորանային եւ ընդ
երկիր պշնուին, եւ զգլուխ իվեր
ոչ կարէին համբառնալ:

Բայց սակաւք ինոցանէ զմիտս
հաճելով՝ ասէին զայս. «Այո,
արքայ քաջ, արքայից արքայ,
այդ այդսկէս է որպէս ասացերդ
եւ արդ կարես զամենայն ուղ-
ղութեամբ նուաճել. չիք ինչ այն
որ ըստ քո կամսդ արտաքս կա-
րէ ելանել. զի տուեալ է քեզ
աստուածոցն, զի զամենայն զոր
եւ կամիս՝ կարես առնել. Մի՛
նեղեալ տաղնապիր յանձն քո
եւ հարկաներ զմիտս մեր ամե-
նեցուն. թերեւս եւ դեւր իցեն
հնարք իրացն կատարածի: Եր-
կայնամիտ լեր, եւ համբերու-
թեամբ թողացո մարդկանդ
անդրէն զքրիառոնէութիւն, եւ
դոքօք զստամբակսն ածցես ի
հաւանութիւն: »

Հաճոյ թուեցանքանքն առաջի
թագաւորին . Եւ անդէն վաղվա-
ղակի կոչէր զառաջեաւ յամենայն
ազգացն որ ունէին զքրիստոնէ-
ութիւնն , որ ի զօրու նորա էին
եւ բռնաբար արգելեալէր զնոսա-
զի մի ոք իշխան լիցի յանդիման
պաշտել զ'ևտուած : Քանզի որ
ընդդէմ կացին՝ չարչարեաց եւ
արգելի նոցանէ զյայտնի պաշ-
տոնն , եւ ոմանց ոմանց ակամայ
երկիր ետ պագանել արեգական .
Եւ նստոյց իսուզ որտմութեան
զամենայն զօրականսն :

Իսկ այն օր հրամայէր անդրէն
համարձակութեամբ ըստ առա-
ջին կարգին հաստատուն կալ յօ-
րէնս քրիստոնէութեանն : Իսկ
որք յանցաւորքն էին՝ ոչ կա-
մէին վաղվաղակի առանց մեծի
ապաշխարտ թեանն դալեւխառ-
նելի կարգ քրիստոնէութեան .
հրամայէր թագաւորն՝ զի բռնի

կալցին եւ տարցեն յեկեղեցին
իւրեանց : Եւ երիցանցն համար-
ձակէր , որսլէս զիարդ եւ գի-
տիցեն՝ ըստ կարգին իւրեանց
արացեն . Եւ զհառեալոռձիկոն
կարգէր անդրէն իւրաքանչիւր ,
եւ զարգելեալ բազմականսն ի
նոցանէ՝ ի տեղի հրամայէր մա-
տուցանել , եւ հանալազորդ
յարքունիս մոռանել ոչ արգելոյր
զնոսա . Եւ զամենայն որ զիարդ
եւ կարգեալ էին յառաջադոյն՝
անդրէն յօրինէր . Խոնարհէր եւ
խօսէր ընդ նոսա սիրով ըստ
առաջին սովորութեանն :

Եւ իրբեւ զայս ամենայն արար
եւ կարգեաց , յանդիման նոցա
թողութեան հրովարտակս տուա-
քէր ընդ ամենայն երկիր իշխա-
նութեան տէրութեան . իւրոյ
վասն քրիստոնէից .

«Եթէ ի կապանս ոք կոյցէ ,
արքունի հրամանաւ արձակեալ

լիցի . Եւ եթէ ինչք ուրուք յափըշտակեալ իցեն , դարձցին անդրէն : Այնպէս եւ երկիրք , եթէ հայրենիք , եթէ սլարդեւականք եւ եթէ քսակագինք , եւ հանեալուրուք իցէ , հրամայեցաք զի դարձցին : »

Եւ իբրեւ այսմամենայնի ըզնոսա տեղեակ առնէր , խնդրէր ինոցանէ վկայութիւն հաւատարմութեան յերկիրն Հայոց , եւ երդմամբ յուխտ մտանէր առաջինոցա՝ հաստատութեամբ ամենայն մեծամեծաց իւրոց , եթէ « Ոչ ինչ յիշեցից ամենեւին զքէն վրիժուցն խնդրելոյ : Որպէս ունէիք յառաջ ճշմարտութեամբ զօրէնս ձեր , այսուհետեւ առաւել կալարուք . բայց միայն ի ծառայութենէ մերմէ մի՛ ելանէք : »

Զայս ամենայն գրէր եւ ցուցանէր յերկիրն Հայոց եւ իբա-

զում յայլ աշխարհս՝ որ ունէին
զօրէնս քրիստոնէութեանն . Եւ
ինքն գաղտ խորամանկեալ իու-
թացեալ դեսպանս առաքէր առ
Մարկիանոս կայսր : Եւ իրրեւ
ստուգեալ ճշմարտեաց՝ եթէ
Հռոմքի բաց կացին ճեռնտուլի-
նել քրիստոնէութեանն ոչ զօրու
օդնականութեամբ եւ ոչ այլ
իրօք , դարձեալ անդրէն ի նոյն
յառաջին կարծիս մոլորութեանն
շրջեցաւ : Զանյաջողութիւն ի-
րացն ի ճեռն իւրոց պաշտօնէիցն
համարէր , եւ այնպէս ածէր ըզ
մոռաւ՝ եթէ ըստ առաջին կար-
ծեացն կատարեցից զամենայն :

Իսկ Հայք թէպէտ եւ ընկա-
լան զգիրն խաբերայ ողոքանաց
թագաւորին , որ ի վերոյ ունէր
զաւետիս կենաց եւ ի ներքոյ
զդառնութիւն մահու , զարմա-
ցեալ էին ընդ թերի խորհուրդ-
ուն . ասէին ցմիմեանս . « Քանի

լիրք է խորամանկ խարէութիւն նորա , զի երկիցս եւ երիցս ըզ փորձ առեալ կշտամբեցաւ եւ ոչ ամաչէ : Եւ տեղեակ եղեալ մերոյ անքակ միաբանութեանս , տակաւին լրբի եւ լկնի . զհետ մտեալ՝ կամի զմեզ լքուցանել :

« Իսկ հաւատասցովք անհաստատ հրամանի նորա . զոր բարեգործութիւն տեսաք առ ամենայն եկեղեցիս որ են յաշխարհին Պարսից : Զի որ ինքն իւրչար է , այլում բարի ոչ կարէ լինել եւ որ ինքն ընդ խաւարդնայ , այլում ոչ առաջնորդէ ճշմարտութեան լուսով : Որպէս զի չիք յանիրաւութենէ արդարութիւն , այսպէս եւ ոչ ի ստութենէ ճշմարտութիւն , սոյնալէս եւ ի խուզավասէր մտաց՝ ակնկալութիւն խաղաղութեան :

« Այլ մեք ապրեալքս զօրութեամբն Աստուծոյ , եւ հաստա-

տեալք հաւատովքն ի յոյսն թրիստոսի , որ եկն եւ էառ ի սուրբ Կուսէն զմարմին մերոյ ընութեանս , եւ միացեալ անբաժանելի աստուածութեամբն՝ ընկալաւ զչարչարանս մերոյ մեղաց ի յիւր մարմինն , եւ նովին խաչեցաւ եւ թաղեցաւ եւ յարուցեալ երեւեցաւ բազմաց , եւ վերացաւ յանդիման աշակերտացն առ Հայր իւր , եւ նստաւ ընդ աջմէ զօրութեանն , զսոյն հաւատամք Աստուած ճշմարիտ , եւ նմին ակն ունիմք , որ փառօք Հօր եւ զօրութեամբ գայ յարուցանել զամենայն ննջեցեալս , եւ նորոգել զհնութիւն արարածոց , առնել յամառօտս յաւ իտենից ի մէջ արդարոց եւ մեղաւորաց :

« Ոչ սլատրիմք իբրեւ զտղայ եւ ոչ մոլորիմք իբրեւ զանտեղեակս , եւ ոչ խարիմք իբրեւ

զողեստս , այլ պատրաստ եմք
ամենայն փորձութեանց : Եւ ա-
ղաչեմք զԱստուած , եւ անդա-
դար խնդրեմք ի բազում ողոր-
մութենէ նորա , զի յորումսկը-
սաք՝ ի նմին եւ կատարեսցուք
քաջութեամք , եւ ոչ վատու-
թեամք : Զի արդ արեւելք եւ
արեւմուտք գիտացին զձեր
աստուածամարտդ լինել , եւ ըզ
մեզ ի զուր սսլանանել ի վերայ
ամենայն վաստակոցն մերոց :
Վկայեն մեզ երկինք երկնաւո-
րօք եւ երկիր երկրաւորօք , ե-
թէ չեմք ինչ մեղուցեալ ի միտս
մեր անդամ . եւ ի վերայ պար-
գեւաց եւ բարիս առնելոյ մեզ՝
զճշմարիտ կեանս կամիք հանել
ի մէնջ , որում չիք հնար , եւ այլ
մի լիցի :

« Իսկ արդ հաւատասցո՞ւք
անարժան բերանոյ նորա , որ
ստիպէր չարաչար յուրացու-

թիւն եւ այսօր առանց մի ինչ
բարիս գործելոյ լինիցի՞նա քա-
րոզիչ աւետեաց : Եւ որ հայէո-
յէրն զի՞րիսոս , եւ ուրացու-
ցանէրի նմանէ զհաւատացեալս,
այսօր ակամայ խոստովանու-
թեանն ոչ կարեմք վաղվաղա-
կի յանձն առնուլ : Եւ որ երդ-
նոյր ի սնոտի պաշտամունս
իւրոյ մոլորութեանն , անցուցա-
նել զամենայն չարչարանս ընդ
պաշտօնեայս եկեղեցւոյ , արդ
եկեալ գողանալով գոհութիւն
մատուցանէ . եւ այնու կամի
զամենայն չարութիւն իւր ի մեզ
հեղուլ : Ոչ այդմ հաւատամք ,
եւ ոչ զսուտ հրամանդ յանձն
առնումք : »

Իսկ նա իբրեւ գիտաց՝ եթէ
ոչ կարեմքակել զհաստատու-
թիւն միաբանելոցն , յայնժամ
քակեաց յինքենէ զծերն և
դառնութեամք, յորումհանդու-

ցեալ էր սատանայ զօրութեամբ
իւրով, եւ բազում գործեալ էր
նորա նախմանիրս որոյ կերակուր
կամաց իւրոց էր ի մանկութենէ
անարատ մարմին սրբոց, եւ ըմ-
պելի անյագութեան նորին՝ ա-
րիւն անմեղացն Յաւելոյր եւս ի
վերայ չարութեան նորա եւ
զիւր մահաբեր հրամանն . դուն-
դըս գունդս յամենայն աշխար-
հացն գումարէր ընդ նմա, եւ
բազում երամակս փղաց յԱէր
ընդ նմա :

Հասեալ մերձ ի սահմանս Հա-
յոց՝ մտանէր ի քաղաքն Փայտա-
կարան, եւ զզօրսն ամենայն
սիոէր տարածանէր շուրջ զքա-
ղաքաւն առ ի զզուշութիւն
պատրաստութեան իւրոյ չարա-
հնար խորհրդոցն : Եւ յամուր
որջն մտեալ հին վիշապն չարա-
թոյն, եւ բազում կեղծաւորու-
թեամբ զինքն թաքուցանելով

յաներկիւղութիւն, հեռաւորացըն ահագին ձայնիւ սաստէր, եւ իմերձաւորսն իբրեւ զօծ սողալով փչէր : Սա էր իշխան եւ հրամանատար ամենայն տէրութեանն Պարսից, որում անունն էր Միհրներսեհ . եւ չէր ոք ամենեւին՝ որ իշխէր ըստ ձեռն նորա ելանել: Եւ ոչ միայն մեծամեծ եւ փոքրունք, այլ եւ ինքն թագաւորն հրամանի բերանոյ նորա անսայր. որոյ եւ ձախող իրացն իսկ բուռն հարեալ էր նորա :



ՅՈՐՐՈՐԴ ՅԵՂԱՆԱԿ

—*—

Երկպառակուրիւն քածանելոցն
ի սուրբ ուխտէն

—

Մինջեկ ցայս վայր ոչ ինչ
կարի զանգիտէի պատմել զհար-
ւածս ազգիս մերոյ՝ որ յարտա-
քինթշնամեացն ճշմարտութեան
չարաչար յարեան ի վերայ մեր-
որք սակաւագոյնք հարին զմեզ,
եւ յոլովագոյնք հարեալ գտան
ի մէնջ, քանզի դեռ եւս միա-
բանք եւ հաւասարք էաք : Թէ-
պէտ եւ ոմանք իծածուկ ունէին
զերկմտութիւն նենգութեանն,
սակայն յաչս արտաքնոցն ահա-
ւոր երեւէր միաբանութիւնն,

որսկս յերկուս եւ յերիս տեղիս
ոչ կարացին կալ առաջի :

Արդ յայսմ հետէ եւ անդր ,
ուր սպրդեալ անկանի երկպա-
ռակութիւն ի ներքս , ընդ քա-
կել միաբանութեանն՝ եւ երկ-
նաւոր առաքինութիւնն հեռա-
նայ . եւ անձնընտիրք լինելով՝
յոյժ բազմանայ լալումն ողբոյս :
Քանզի հատեալ անկան անդամ-
քըն՝ որ յառաջագոյն սորուն
սուրբ մարմնոյս էին , վասն որոյ
դառնայ մարդ յարտասուս առա-
ջի մերձակայ դիականն : Եւս
առաւել լնու դառնութեամբ ի
վերայ այնորիկ որ հոգի եւ մար-
մին առ հասարակ դիակնանայ :
Եւ եթէ ի վերայ միոյ անձին այս-
պէս , որչափ եւս առաւելի վերայ
ողջոյն ազգի միոջ :

Այլ յայսմ տեղւոջ ոչ միայն ի
վերայ միոյ ազգի է սղբումնս մեր ,
այլ ի վերայ ազգաց եւ աշխար-

Հաց . զոր եւ յառաջ մատուցեալ
ասացից ըստ կարգի , թէպէտ եւ^{ոչ} խնդրութեան մտօք . Ա. Հասկա-
մայ նշանագրեմ դրազումս որ
կորեան ի ճշմարիտ կենացն իւ-
րեանց , եւ պատճառք եղեն եւ
այլոց բազմաց կորստեանն ,
ոմանց՝ երեւելեացս միայն , եւ
այլոց՝ երեւելեաց եւ աներեւու-
թից : Եւ այն՝ եւս չարէ . քան զա-
մենայն . դուռն՝ զոր բացին կո-
րստեան՝ Աստուծոյ միայն
կարողութիւն է փակել զնա-
այլ ըստ մարդկան սահման՝ ահա
անցեալ է հնար :

Այս անօրէն Միհրներսեհ ,
քանզի յառաջագոյն ստուգեալ
գիտէր զամբարշտութիւնն վա-
սակայ , եւ յայնմ ժամանակի եւս
յղէր եւ կոչէր զնա առ ինքն :
Որպէս նորա իսկ յառաջագոյն
զատեալ եւ որոշեալ էր ի միարա-

նութենէն Հայոց, եկն եւ յան-
դիման եղեւ. եւ ստուգէր զիւր
հաւատարմութիւնն եւ զՀայոց
անիրաւ ապստամբութիւնն. Յա-
ւել եւ պատմեաց եւս առաւե-
լաբանութեամբ զոր ինչ ոչ էր
գործեալ Հայոց, եւ կամէր ըն-
տաներար ընդ միտ մտանել
անօրինին :

Բայց նա թէպէտ եւ ի ներքոյ
յոյժ դսրովէր զնա, այլ արտա-
քին դիմօք մեծարեաց, եւ եղ
առաջի նորա զմեծամեծ պար-
զեւս երկրաւորս : Եւ խոստա-
ցաւ նմա իշխանութիւն աւելի
քան զոր ունէրն, եւ հայեցոյց
զնա ի կարծիս սնոտիս՝ որ ի վեր
էր քան զիւր տէրութիւնն . իբր
թէ անկ իցէ նմա հասանել մինչ
ի թաղաւորական վիճակն . բայց
միայն հնարս իրացն խնդրեսցէ,
թէ որպէս քակտեսցի միաբա-
նութիւնուխտին Հայոց, եւ թա-

գաւորին կամքն կատարեսցին
յաշխարհին :

Եւ իբրեւ յանձն էառ զամե-
նայն ինչ՝ երթալ զինի կամաց
նորա . գիտաց եւ ծերն դառ-
նացեալ եթէ թմրեալ եւ ցնո-
րեալ եւ քակեալ է ի հաստա-
տութենէ միաբանելոցն . յոյժ
միսիթարեցաւ ի միտս իւր տըրտ-
մեալս , եւ ած զմոռաւ՝ թէ եւ
զամենեսեան այսպէս կարիցեմք
որսալ յանգիւտ կորուստն : Եւ
իւրոյ հնարագիտութեանն տայր
զանիմաստութիւն առնն . եւ
այնմ ոչ էր տեղեակ՝ թէ նա
իւրովի զիւր անձն զատեալ եւ
որոշեալ է ի սուրբ եկեղեցւոյն ,
հեռացեալ եւ օտարացեալ ի սի-
րոյն Քրիստոսի :

Քանզի մսուացօնք եղեն նմա
գալուստ Արդւոյն Աստուծոյ , եւ
ոչ յիշեաց զքարովութիւն սուրբ
աւետարանին . եւ ոչ ի սպառա-

լեացն զանգիտեաց , եւ ոչ յաւետիսն մխիթարեցաւ : Ուրացաւ զաւազանն որ յղացաւ զնա , եւ ոչ յիշեաց զընկալուչ սուրբ Հոդին որ ծնաւ զնա : Անարդեաց զմարմինն պատուական՝ որով սրբեցաւն , եւ առ ոտնեհար զարիւնն կենդանի՝ որով եւ քաւեցաւն ի մեղաց : Զնջեաց զդիր որդեգրութեանն , եւ իւրովք ձեռօք խորտակեաց ըզհաստատուն կնիք մատանւոյն : Ելի թուոյ երանելեացն , եւ ասլստամբեցոյցընդ իւր զբազումն :

Զեռն արկ կամսկորութեամբ եւ եմուտ յորդեգրութիւն դիւազաշութեանն , եւ եղեւ աման չարին , եւ ելից զնա սատանայ ամենայն խորամանկութեամբ : Ի ձեռն էառ իրբեւ ըզվահան , եւ ագաւ զնա իրբեւ ըզվրահս , եւ եղեւ իրբեւ զինուոր կատարեալ կամաց նորա : Մար-

տեաւ հնարիւք ընդ իմաստունս,
եւ յոյժ խորագիտութեամբ ընդ
գիտունս . յայտնի ընդ անմեղս,
եւ ի ծածուկ ընդ խորհրդակա-
նըս . ձեռն էարկ եւ եհան զրա-
զումս ի գնդէն ՚Յրիստոսի , եւ
խառնեաց ի գունդս դիւաց : Եւ
ի բազում յայլ տեղիս գողաբար
սովեցաւ եւ եմուտ իբրեւ զօձ
ի մէջ ամրացելոցն . եւ խրամ
հատեալ յափշտակեաց եւ էսու
եւ եհան յայտնութեամբ զրա-
զումս յազատաց եւ զբազմագոյ-
նըս ի շինականաց , եւ զայլ ո-
մանս յանուանեալ քահանայից :

Որոց անուանքն են այս գոր-
ծակցաց նորա .

Իշխանն Արշտունեաց՝ Արտակ
անուն .

Իշխանն Առիստունեաց՝ Գա-
ղիշոյ անուն .

Իշխանն Վահեւունեաց՝ Գիւտ
անուն .

Իշխանն Բաղրատունեաց՝
Տիրոց անուն.

Իշխանն Ապահունեաց՝ Մա-
նէն անուն.

Իշխանն Գաբեղենից՝ Արտէն
անուն.

Իշխանն Ալէոյ՝ Ընջուղ անուն.

Իշխանն Ուրծայ՝ Ներսեհ
անուն.

Իշխանն մեւս եւս Պալունեաց՝
Վարագչապուհ անուն.

Սեպուհ մի Ամատունեայ Մա-
նէն անուն.

Բաղում եւ այլ ազատ մարդիկ ,
որ Ռատանիկսն անուանեն յար-
քունի տանէ .

Եւ բովանդակ զիւր բոլոր աշ-
խարհն ապստամբեցոյց յուրա-
ցութիւն , ոչ միայն ըստ աշխար-
հիկ բազմութեանն , այլ եւ
զբաղումս յուխաէ եկեղեցւոյն .
մանաւանդ սուտ երիցամբքն
որով գործէր զչարիսն . երէց մի

Զանգակ անուն, երէց մի Պետրոս անուն, սարկաւագ մի Սահակ անուն. զորս յղէր առ անմեղ մարդիկ, խաբէր եւ պատրէր. սուրբ աւետարանաւն երդնուին եւ ասէին, Եթէ «Ի թագաւորէն շնորհեսցի ամենեցունց քրիստոնէութիւնդ»: Եւ այսպէս խորամանկութեամբ հանէին զբազումն ի սուրբ միաբանութենէն, ածէին եւ խառնէին ի կունդս ուրացողացն:

Եւ ժողովեաց զամենայն դայթակղութիւն, եւ արար դունդ զօրաց բազմաց. դրեաց եւ եցոյց զբազումն ի նոցանէ յականէ յանուանէ մեծ հազարապետին, եւ զիւր քաջութիւն արութեանն մեծապէս պարծելով՝ որպէս աշակերտաց ի մոլորութիւն խաբէութեան, եւ բաժանեալս եւ երկցեղսեր եւ եցոյց զզօրսն Հայոց: Եւ իբրեւ այս ամենայն չա-

րիք յաջողեցսն նմա , քակեաց
 եւ զմիաբանութիւն աշխարհին
 Արաց ի Հայոց , եւ Աղուանիցն
 ոչ ետ յառաջ խաղալ . եւ զաշ-
 խարհն Աղձնեաց ըստ նմին իսկ
 օրինակի յետս կալաւ : Դրեաց
 հրովարտակ եւ աշխարհին Յու-
 նաց , ցուցանելով նոցա այլընդ
 այլոյ ստութեամբն՝ առ այր մի ,
 որոյ Վասակ անուն էր , յայնց
 Մամիկոնենից , որ կան ի ծառա-
 յութեան Յունաց : Եւ ի թշուա-
 ռութեան ժամանակին այրն այն
 սպարապետ էր ստորին Հայոց ,
 եւ հաւատարիմ զօրացն Հռով-
 մոց ի սահմանին Պարսից , եւ
 արտաքոյ էր օրինացն Աստու-
 ծոյ գործովք իւրովք : Եղիտ
 այս Վասակ զայն Վասակ իւր
 գործակից ի մեծամեծ չարիսն՝
 զոր միաբանեցին երկոքեանն :
 Դրէրնա եւ ցուցանէր հանա-
 պաղորդ , իբր թէ ամենայն

Հայք զկնի իւր միաբանեցին .
Եւ զնոյն գիր մեծաւ զդուշու-
թեամբ ներքին վասակն տայր
տանելի թագաւորանիստ քա-
ղաքն կայսեր . մինչեւ զսուրբ
եպիսկոպոսացն զմիտու եւս ու-
ծացոյց ի նոցանէ , եւ զամենայն
զօրսն Յունաց յերկրայս արար
յուխտէն :

Մանաւանդ զի ի ձեռն սուտ
քահանայիցն սլատրէր եւ խարէր
իբրեւ ճշմարիտ մարդովք . աւե-
տարան հանդերձ խաչիւ տայր
տանել , եւ զիւր զամենայն սա-
տանայական ստութիւնն նոքօք
ծած կէր : Դնէր զինքն յաստուած-
պաշտութեան կարգի , եւ զամե-
նայն կողմուրացելոցն . առաւել
զինքն հաւաստէր հաստատուն
քան զամենայն զօրսն Հայոց . երդ-
նոյր եւ հաստատէր , եւս եւ զա-
մենայն հրամանս թողութեան
յարքունուստ ցուցանէր :

Այն էին եւ կամք Յունաց աշխարհին, լսել զայն ախորժութեամբ. այլ իձեռն նորա առաւել եւս ի նոյն յեղեալ տապալեցան:

Սոյնպէս առնէր եւ ընդ ամենայն կողմանս ամրականաց աշխարհին, ի Տմորիսն եւ ի Կորդիսն, յԱրցախ եւ յԱղուանսն, ի Վիրս եւ յաշխարհն Խաղտեաց. յղէր պնդէր՝ զի ասպնջականութեան ոք սրժանի մի արասցէ:

Եւ ըստ մեծ ի չարութեան նորա առաւել եւս ժամանակն եթեր նմա զյաջողութիւն իրացն. զի ամենեւին արտաքուստ օդնական ոք ոչ գտաւ գնդին Հայոց, բայց յայնց Հոնաց՝ որոց բանս եղեալէր. Սակայն եւվասն նոցակուտեաց զբաղումայրուծին Արեաց, արգել եւ փակեաց զդը բունս ելի նոցա. քանզի ոչ տայր դադար ամենեւին թագաւորին Պարսից, այլ յղէր եւ կոչէր ըդ-

գունդս բազումս ի պահակն Ճորայ, եւ ղՎրաց աշխարհին բովանդակ գումարէր, ղղօրսն Լինաց եւ ղջղրաց, եւ ղվատն, ղԳաւն եւ ղԳղուարն եւ ղԽրսանն եւ ղՀեճմատակն, ղՓառխն եւ ղՓոսխն եւ ղՓխքուան եւ ղամենայն զօրսն թաւասպարանն, ղլեռնայինն եւ ղղաշտայինն, եւ ղամենայն ամրակողմն լերանցն: Էր զոր կարասեաւ, մեծաւ տարդեւօք եւ առատաձեռն բաշխելով զգանձսն արքունի, եւ էր զոր հրամանաւ թագաւորինսատիւ տագնապէր:

Զայս ամենայն իբրեւ արար եւ կատարեաց ըստ հրամանի թագաւորին, օր ըստ օրէ դրէր եւ ցուցանէր մեծ հաղարտապետին Պարսից, որ զօղեալ եւ թագուցեալ էր ի քաղաքն Փայտակարան: Համարձակեցաւ այնուհետեւ եւ նա ցուցանել զինքն բա-

զում աղգաց . Եր որոց ահ ար-
կանէր , եւ էր որոց սիրով պար-
գեւս բաշխէր : Կոչէր առ ինքն
դվասակ , եւ որք ընդ նմա իշ-
խանքն ամենեքեան , բազում
պարգեւս շնորհէր նոցա յար-
քունուստ , եւ զօրացն որ ի նորա
բանի էին : Տարեալ էր զառա-
ջեաւ եւ զուրացեալ երիցունսն .
ցուցանէր , հաստատէր եւ յայտ
առնէր , եթէ սոքօք որսացայց
զնոսա՝ քակտել ի միաբան ուխ-
տէն : Իսկ հաղարապետն իբրեւ
զայն լսէր՝ յոյժ շնորհակալ լինէր
երիցանցն , եւ յոյս առաջի դնէր
նոցա . « Եթէ լիցի մեր յաղթու-
թիւն՝ զայլոց քահանայից կեանս
դոցա շնորհեցից , եւ զմեծ վաս-
տակ դոցացուցից թագաւորին : »

Եւ այսպէս շարժեաց եւ շփո-
թեաց զաշխարհն Հայոց , մինչեւ
զբազում եղբարս հարազատս
քակեաց ի միմեանց . ոչ եթող

միաբան զհայր եւ զորդի, եւ ի
մէջ խաղաղութեան արար խոռ-
վութիւն :

Եւ անդէն իսկ յիւրում աշ-
խարհին եղբօրորդիք երկու էին
նորա ի սուրբ ուխտին առաքի-
նութեան . գրեաց եւ եցոյց
վասն նոցա յարքունիս, եւ էառ
իշխանութիւն ի վերայ կենաց
նոցա , մերժեաց եւ եհան զնոսա
յաշխարհէն, զի մի այլ դարձցին
անդրէն : Հալածեաց եւ փախոյց
զամենայն միայնակեացս աշխար-
հին , ոյք հայհոյէին զանդարձ
ամբարշտութիւն նորա : Արար
եւ կատարեաց զամենայն չարիսն
ընդդէմ ճշմարտութեանն . եւ
զոր ինչ ոչ դիտէին անօրէն հե-
թանոսքն՝ իմացուցանէրնոցա, եւ
վասն ուխտինքրիստոնէութեան՝
եթէ ո՞րպէս հնարիւք կարացէ
բառնալ յաշխարհէն Հայոց :

Զայս ամենայն չարիս իրըեւ

ետեսի նմա Միհրներսեհ , քան
յանձն իւր՝ առաւել ի նա էր
յուսացեալ : Հարցանէր եւ ստու-
դէր՝ թէ քանի այր կայ ի Հայոց
աշխարհին ի գնդին Վարդանայ
ընդ ամենայն բազմութիւնն :
Իբրեւ լուաւ ինմանէ՝ թէ աւե-
լի քան զվաթսուն հազար են ,
խնդրէր եւս տեղեկութիւն վա-
սըն իւրաքանչիւր անձին քաջու-
թեան , եւ կամ քանի այն ոք
իցեն որ սպառազէնքն իցեն , եւ
կամ քանի այն ոք իցեն որ մերկ
առանց զինու աղեղնաւորք ի-
ցեն . սոյնպէս եւ վասն վահա-
նաւոր հետեւակացն :

Եւ իբրեւ լուաւ զթիւ համա-
րոյ բազմութեանն , առաւել եւս
վութացաւ ուսանել թէ քա-
նիք իցեն պարագլուխք քաջ
նահատակացն , զի երիս ընդ միոյ
սպառաստեսցէ առ մի մի ի նո-
ցանէ , թողզայլ ամենայն : Ա. ՅԼ

Եւ դրօշից անգամիւրաքանչիւ-
րոց տեղեկանայր ի նմանէ . Եւ
թէ քանի՛ դունդ զզօրսն բաժա-
նիցեն , եւ ո՛ր ոք ի նոցանէ սա-
ղարք լինիցին , եւ ո՛ր զօրագլուխ
յորմէ՛ կողմանէ իւազմ մտանի-
ցէ , եւ զինչ անուանք իւրաքան-
չիւր համհարզայն իցեն , եւ քա-
նի՛ փողահարք ի մէջ գնդին ձայ-
նիցեն : Ղակի՞շ դործիցեն ար-
դեւք , եթէ արձակ բանակես-
ցեն . ճակատ առ ճակատ դոր-
ծիցեն , եթէ համագունդ ընդ-
մի տեղի դրդիցեն : Ո՛ ոք ի նո-
ցանէ յերկրայս կայցէ , եւ կամ
ո՛ ոք ի նոցանէ զանձն ի մահ դը-
նելով գուն դործիցէ :

Եւ իբրեւ զայս ամենայն տե-
ղեկացաւ ի նմանէ , կոչէր զա-
մենայն զօրագլխեանն , սկա-
տուէր հրամանի տայր ամենե-
ցուն յանդիման նորա , զի խրա-
տու նորա լուիցեն ամենեքեան :

Եւ զամենայն զօրսն զօրագլխօքըն հանդերձ յանձն առնէր առն միում յաւագացն՝ որում անուն էր Մուշկան Նիսալաւուրու :

Եւ ինքն խաղայր անդէն գընայր յերկիրն արեւելից. Եւ յանդիման եղեալ մեծի թագաւորին, պատմէր զամենայն անցս իրացն, զիւր հնարաւոր խմաստութիւնն եւ զվասակայ խաբերայ պատրանս հայթայթանացն. որպէս զառաջինն զիւր զամբարչտութիւնն կամեցաւ ծածկելայնու՝ զի քակեալ երկպառակեաց զգունդն հայոց :

Իրրեւ լուաւ զայս ամենայն թագաւորն իրերանոյ մեծ հազարապետին, դառնացաւ յանձն իւր, եւ ասէ անսուտ երդմամբ. «Եթէ ասլրեսցի անօրէնն այն ի մեծ պատերազմէն, մեծաւ անարգանօք տամ ըմպել նմազբաժակն դառնութեան մահու»:

ՀԻՆԳԵՐՈՐԴ ՀԵՂԱՆԱԿ



Յարձակումն Արեւելեայց

—

Մե՛ս է սէրն Աստուծոյ քան
զամենայն մեծութիւն երկրա-
ռոր, եւ այնպէս աներկեւզս առ-
նէ զմարդիկ, իբրեւ զանմարմին
զօրս հրեշտակաց : Որպէս ան-
դըստին ի սկզբանէ է տեսանել
զբազումս բազում անդամի բա-
զում տեղիս : Մարդիկ, որ սի-
րով Աստուծոյ իբրեւ զինու
վառեալք էին, ոչ ինչ խնայե-
ցին զանդիտելով իբրեւ զանա-
րի, գոլով վատասիրտք, կամ ի
մահ անձանց, կամ յափշտակու-
թիւն ընչից, կամ ի խողխողումն

սիրելեաց, կամ ի գերութիւն
ընտանեաց, ելանել ի հայրենի
երկրէն եւ անկանել ի ստրկու-
թիւն յօտարութեան. առ ոչինչ
համարեցան զայս ամենայն անցս
չարչարանացն. այլ միայն միա-
բան կալ ընդ Աստուծոյ, զի ի-
նմանէ միայն մի՛ գերի ելցեն. եւ
ամենայն երեւելի մեծութեանս
զնարաւական համարեցան՝ ընտ-
րեալ ի միտս իւրեանց: Եւ զու-
րացութիւնն մեռելութիւն վար-
կանէին, եւ զմահ վասն Աստու-
ծոյ՝ անանց կենդանութիւն, եւ
ծառայել յերկրի՝ ազատութիւն
կենաց իւրեանց, եւ ընկենուլ
զանձինս յօտարութիւն՝ ընդ
Աստուծոյ գիւտից:

Որպէս յայսմժամանակի տե-
սաք աչօք մերովք, զի զնոյն
նահատակութիւն նահատակե-
ցաւ եւ աշխարհս Հայոց :

Քանդի իբրեւ ետես մեծն

Վարդան զերկպառակութիւն
աշխարհին իւրոյ, ոչ ինչ թերա-
հաւատութեամբ զանգիտեաց :
Թէպէտ եւ ստուգեալ դիտաց
զբաղմաց այլոց եւս զերկմուռ-
թիւն՝ որ դեռ եւս ընդնմա միա-
բանեալք էին, քաջալերեցաւ
յանձն իւր եւ քաջալերեաց ըզ-
զօրսն իւր. քանզի ինքն իսկ
ըռնացեալ ունէր զթագաւորա-
նիստ տեղիսն միաբանութեամբ
նախարարացն, որ ոչ քակեցան
ի սուրբ ուխտէն : Հրաման տը-
ւեալ ամենայն զօրացն ժողովել
յարտաշատ քաղաք, փոխանակ
յետս կացելոցն որ ելին զհետ
իշխանին Սիւնեաց, զեղբարս
կամ զորդիս կամ զեղբարցն որ-
դիս ի տեղի նոցա մատուցանէր,
եւ զիւրաքանչիւր զօրս տայր
նոցա, զի դեռ եւս ինքն ունէր
զամենայն աշխարհն :

Եւ փութով ամենեքեան ի

տեղի պատերազմին եկեալ հասանէին իւրաքանչիւր զօրօք եւ ամենայն պատրաստութեամբ , նոքա եւ որ բունքն հաստատուն կացեալ էին ի տեղւոջն .

Եերշալուհ Արծրունի ,
Եւ Խորէն Խորխոռունի ,
Եւ ինքն Սպարապետն ,
Եւ Արտակ Պալունի ,
Եւ Վահան Ամատունի ,
Եւ գունդն Վահեւունեաց ,
Եւ Թաթուլ Դիմաքսեան ,
Եւ Արշաւիր Արշարունի ,
Եւ Շմաւոն Անձաւացի ,
Եւ Տաճառ Գնթունի ,
Եւ Ատոմ Գնունի ,
Եւ Խոսրով Գաքեղեան ,
Եւ Կարէն Սահառունի ,
Եւ Հմայեակ Դիմաքսեան ,
Եւ մեւս եւս այլ Դիմաքսեան՝
Գաղրիկ ,
Եւ Ներսեհ Բաջրերունի ,
Եւ Փարսման Մանդակունի ,

Եւ Արսէն Ընձայացի ,
 Եւ Այրուկ Սլկունի ,
 Եւ Վրէն Տաշրացի ,
 Եւ Ապրսամ Մ. թրունեացն ,
 Եւ Շահ Խոռավետն արքունի ,
 Եւ Խուրս Մրուանձտեաց ,
 Եւ Քողեանքն եւ Ակէացիքն
 եւ Տրպատունիքն , եւ զօրքն
 Ռըշտունեաց , եւ ամենայն գոր-
 ծակալքն արքունի խրաքանչիւր
 զօրօքն հանդերձ :

Սոքա ամենեքեան համա-
 գունդք հասանէին ի գործ պա-
 տերազմին ի դաշտն Արտազու ,
 եւ լինէր հանդէս համարուն
 վաթսուն եւ վեց հազար այր ընդ
 հեծեալ եւ ընդ հետեւակ :

Եկին ընդ նոսա սուրբքն Յով-
 սէփի եւ Ղեւոնդ երէց , եւ բա-
 զում եւ այլ քահանայք , եւ եւս
 բազմագոյն պաշտօնեայք : Քան-
 դի ոչինչ դանդիուեցին եւ նոքա-
 գալ ընդ նոսին ի գործ պատե-

բազմին . զի ոչ եթէ մարմնական համարէին զկոխւն , այլ հոգեւոր առաքինութեան . ցանկոյին մահակից լինել քաջ նահատակացն :

Սկսաւ սպարապետն խօսել միաբանութեամբ նախարարացն ընդ զօրսն եւ ասէ .

« Ի բազում պատերազմունս մտեալ է իմ , եւ ձեր ընդ իս . է ուրեք զի քաջապէս յաղթեցաք թշնամեացն , եւ է ուրեք զի նոքա մեզ յաղթեցին . եւ բազում այն է որ յաղթող գտեալ եմք եւ ոչ յաղթեալք . Եւ միանդամայն այն ամենայն էին մարմնոյ պարծանք . քանզիհրամանաւ անցաւոր թագաւորին մարտնջէաք : Որ փախչէր՝ վատանուն յաշխարհի երեւէր , եւ անողորմ մահ ի նմանէ գտանէր . իսկ որ քաջութեամբ յառաջ մատչէր՝ քաջ անուն ազգի ժառանգէր ,

եւ պարզեւս մեծամեծս յանցաւոր եւ ի մահկանացու թագաւորէն ընդունէր : Եւ մեքիսկ աւասիկ յիւրաքանչիւր մարմինս ունիմք վէրս եւ սպիս բազումս . Եւ բազում այն քաջութիւն իցէ , վասն որոյ առեալ իցէ եւ պարզեւս մեծամեծս : Անարդեւ անօգուտ զքաջութիւնսն համարիմ , եւ առ ոչինչ զալարդեւսն զբազումս . վասն զի մենեքեան խափանելոց են :

« Իսկ արդ եթէ վասն մահկանացու հրամանատուին զայն արութիւնս կատարէաք , ո՞րչափ եւս առաւել վասն անմահ թագաւորին մերոյ , որ տէրն է կենդանեաց եւ մեռելոց , եւ դատելոց է զամենայն մարդու դործոց իւրոց : Ապաքէն եթէ կարի շատ յառաջ մատուցեալ ծերացայց , սակայն ելանելոց եմք ի մարմնոյ աստի , զի

մտցուք առ Աստուած կենդանի, որ ոչ եւս ելանիցեմք ի նմանէ :

« Արդ աղաչեմ զճեղ, ովքաջնիկակիցք իմ. մանաւանդ զի բազումք ի ձենջ լաւագոյն էր քան զիս արութեամբ, եւ գահու ի վեր ըստ հայրենի պատուոյն. բայց յորժամ ձերով կամօք եւ յօժարութեամբ առաջնորդ եւ զօրագլուխ ձեզ կացուցէք, հեշտ եւ բաղձալի թուեսցին բանք իմ ի լսելիս մեծամեծաց եւ ի փոքունց : Մի երկուցեալ զանգիտեսցուք ի բազմութենէ հեժանոսացն, եւ մի՛ յահագին սրոյ առն մահկանացուի զթիկունս դարձուսցուք. զի եթէ տացէ Տէր յաղթութիւն ի ձեռս մեր, սատակեսցուք զզօրութիւն նոցա, զի բարձրացի կողմն ճշմարտութեան, եւ եթէ հասեալ իցէ ժամանակ կենաց

մերոց սուրբ մահուամբ պատերազմիս , ընկալցուք խնդութեամբ սրտիւ . բայց միայն յարութիւնս քաջութեան՝ վատութիւն մի՛ խառնեսցուք :

«Մանաւանդ զի անմօռաց է ինձ յիշելով զիմ եւ զոմանց ի ձենչ ի ժամանակին զի զանօրէնն իշխան խորեցաք , պատրեցաք իբրեւ զմանուկ մի տղայ անպիտան , իբր ոյն եթէ ի վերինն երեսս զկամս նորա ամբարըշտութեանն կատարեցաք . բայց ի ծածուկ զխորհուրդս Տէր ինքնին վկայէ մեզ, որսկէս անքակ կացեալ եմք ի նմանէ : Զոր եւ դուք ինքնին իսկ գիտէք , վասն սիրելեաց մերոց որ ի մեծի նեղութեան էին՝ հնարս խնդրէաք վասն յանդորր հանելոյ . զի նոքօք հանդերձ մարտ եղեալ կը-ռուեսցուք ընդ անօրէն իշխանին վասն հայրենի աստուածա-

տուր օրինացն։ Եւ իբրեւ նոցա
ոչինչ կարացաք օդնել, անհնար
իցի այս՝ եթէ վասն մարմնաւոր
սիրոյ զԱստուած ընդ մարդկան
փոխանակիցեմք :

«Իսկ արդ յերկուս եւ յերիս
կոիւս Տէր ինքնին մեծաւ զօ-
րութեամբ օդնեաց մեզ, որպէս
զի զանուն քաջութեան ժառան-
գեցաք, եւ զզօրսն արքունի չա-
րաչար հարաք, եւ զմոգսն ա-
նողորմսատակեցաք, եւ զպը-
ծութիւն կոասլաշտութեանն ի
տեղեաց տեղեաց սրբեցաք, զա-
նօրէն հրաման թագաւորին եղ-
ծաք ապականեցաք, զխոսվու-
թիւն ծովուն ցածուցաք, լեառ-
նացեալ ալիքն դաշտացան,
բարձրադէղ փրփուրն սպառե-
ցաւ, գաղանացեալ սրտմու-
թիւնն դադարեաց։ Որ ի վերայ
ամպոց որոտայր, նկուն եղեալ
քան զսովորական ընութիւնն ի

վայր գտաւ՝ ընդ մեզ խօսելով,
 «Որ բանիւ հրամանաւ կամէր
 կատարել զշարութիւնն իւր ի
 վերայ սուրբ եկեղեցւոյ, արդ
 աղեղամբ եւ նիզակաւ եւ սրով
 կռուի : Որ իբրեւ զհանդերձ
 կարծէր ունել մեզ զքրիատո-
 նէութիւնն, արդ իբրեւ զգոյն
 ի մարմնոյ՝ չկարէ շրջել, թերեւս
 եւ ոչ այլ կարասցէ մինչեւ ի
 կատարած : Քանզի հիմունք
 սորա հաստատութեամբ եղեալ
 են ի վերայ վիմին անշարժու-
 թեան, ոչ ի վերայ երկրի, այլ
 ի վեր յերկինս, ուր ոչ անձրեւք
 իջանեն եւ ոչ հողմք շնչեն եւ ոչ
 հեղեղս յարուցանեն : Եւ մեք
 թէսլէտեւ մարմնով յերկրի եմք,
 այլ հաւատով յերկինս եմք շի-
 նեալ, ուր ոչ ոք կարէ հասա-
 նել յանձեռագործ շինուածն
 Քրիատոսի :

«Հաստատուն կացէք յան-

շուշտ զօրագլուխն մեր , որ ոչ
 երբէք մսոասցի զգործս նահա-
 տակութեան ձերոյ : Ո՞վ քաջք ,
 մեզ այս մեծապէս է՝ զոր կա-
 տարեաց Աստուած ի ձեռն մե-
 րոյ բնութեանս , յորում եւ զօ-
 րութիւնն Աստուածոյ մեծապէս
 երեւի : Զի եթէ զայլս կոտորե-
 լովի վերայ աստուածային օրի-
 նացն՝ պարծանս անձանց ժա-
 ռանգեցաք , եւ զքաջ անուն
 ազգատոհմին մերոյ թողաք եկե-
 ղեցւոյ , եւ վարձուց ակնկալու-
 թիւն ի Տեառնէ է , որ պահի
 իւրաքանչիւր ումէք ի մէնջ ըստ
 սրտին յօժարութեան եւ ըստ
 գործոց առաջարկութեան , որ-
 շափ եւս առաւել եթէ մեք մե-
 ռանիցիմք ի վերայ մեծի վկա-
 յութեան Տեառն մերոյ Յիսու-
 սի Քրիստոսի , որումեւ երկնա-
 ւորքն են ցանկացեալ եթէ դոյր
 հնար : Եւ զի այս պարզեւք ոչ

ամենեցուն է անկ, այլ որում
պատրաստի ի բարերար Տեառ-
նէն, եւ մեզ այս ոչ եթէ յար-
դար գործոց ինչ պատահեաց,
այլ յաննախանձ պարգեւատը-
ւէն. որպէս եւ ասէ իսկ ի սուրբ
կուակարանին . « Ուր առաւել
եղեն մեղքն, անդէն առաւե-
լան շնորհքն Աստուծոյ — :

« Եւ մեզ կարի քաջ ի դէպ
ելանէ հրաման պատասխանւոյս
այսորիկ . որպէս եւ առաւելա-
պէս երեւեցաք մարդկան ամ-
բարշտեալք, կրկին առաւելա-
պէս երեւեցուք արդարացեալք
մարդկան եւ հրեշտակաց եւ
Հօրն ամենեցուն : Զի որ օր
լուան ապաքէն զմէնջ մարդիկ
ի գործ ամբարշտութեանն, ար-
տասուս բազում հեղան ի սուրբ
եկեղեցւոջն, եւ եւս բազմա-
դոյն ի մէջ սիրելեացն մերոց :
Նա եւ ընկերք մեր սրով սըրտ-

մտեալ սպառնային մեղ, եւ
մահ դառնութեան ի վերայ հա-
սուցանել կամէին. եւ ծառայքն
մեր սարտուցեալ փախչէին ի
մէնջ: Եւ հեռաւորաց, որոց լը-
ւեալ էր զանուն քրիստոնէու-
թեան մերոյ, քանզի ոչ էին
տեղեակ խորհրդոցն մերոց, ողբս
ի բերան առեալ անդադար աշ-
խարէին զմեղ, եւ անդիտու-
թեամբ հայհոյութիւնս բազումն
խօսէին զմէնջ: Եւ որ մեծն քան
զամենայն ասացից, ոչ միայն
մարդիկ յերկրի՝ այլ եւ հրեշտա-
կը յերկինս զերեսս իւրեանց
դարձուցին ի մէնջ, զի մի՛ տը-
խուր դիմօք հայեսցին ի մեղ:

« Եւ ահա եկն եհասժամանակ,
զի զամենայն զկեղտ անուն ի
մէնջ ի բաց բարձցուք: Յայնժամ
իբրեւ զթախծ եալ սգաւոր՝ յոդի
եւ մարմին էաք տրտմեալք,
այսօր զուարթացեալ եւ զգաս-

տացեալք յերկոսեան առ հասարակ եմք լրջացեալք, քանզի եւ զՏէրն բարերար ընդ մեզ տեսանեմք յառաջնորդութիւն . չէ մեր մարդ զօրաւար, ոյլ զօրադլուխն ամենայն մարտիրոսաց Երկեւղ՝ թերահաւատութեան է նշանակ . զթերահաւատութիւն մեք իմէնջ վաղ մերժեցաք, ընդ նմին եւ երկեւղն փախիցէ ի մտաց եւ ի խորհրդոց մերոց :

Զայս ամենայն առաքինի զօրավարն խօսեցաւ ընդ ամենայն բազմութեանն . դարձեալ եւ ըդ մի մի ի նոցանէ քաջալերէր ի ծածուկ եւ սրաալնդէր, եւ զամենայն պակասութիւն աղքատութեան ընոյր : Որոյ ոչինչ դոյր զօրականին՝ յանձնէ եւ յընկերաց մատուցանէր . որոյ զէն չէր՝ զէն պատրաստէր . եւ որում հանդերձ պիտոյ էր՝ հանդերձ

զգեցուցանէր, եւ որումերիւար՝
 երիւար տայըր : Եւ առաս սոճ-
 կօք ուրախ առնէր զամնեսեան,
 եւ զուարթագին զինքն ցուցա-
 նէր ամենեցուն : Եւ ըստ պա-
 տերազմական կարգին՝ զբաջ
 արանց զյիշաստակարանո հանա-
 պազ երկրորդէր առաջի նոցա-
 զի եւ ինքն իսկ տեղեակ էր ի
 մանկո թենէ իւրմէ սուրբ կտո-
 կարանց. Զոր եւ ի ձեռն ա-
 ռեալ զբաջ նկարագիրն Մակա-
 րայեցւոց ընթեռնոյր ի լոելիս
 ամենեցուն, եւ յորդառաս ըա-
 նիւք զելս իրացն իմացուցանէր
 նոցա, որպէս մասս ցեալ կը-
 ռուեցան ի վերայ աստւածա-
 տուր օրինացն ընդդէմթազա-
 ւորին Անտիոքացւոց : Զի թէ-
 ոլէտ եւ ինմին կտորեցան մա-
 հուամի, սակայն անուն քաջու-
 թեան եկաց մինչեւ ցայսօր ժա-
 մանսկի, ոչ միայն յերկրի՝ այլ

եւ անմոռաց յերկինս , նա եւ
 զայն յուշ առնէր զօրականին ,
 որպէս ազգատոհմն Մատաթեայ
 քակատեալ բաժանեցան ի միու-
 թենէ նորա , դարձան ի հրաման
 թագաւորին , շինեցին մեհեանս ,
 մատուցին զոհս պղծոթեան ,
 խոտորեցան յԱստուծոյ եւ ըն-
 կալսն զպատիժս պատուհասի
 մահուան ի սուրբ միաբանելոցն :
 Իսկ Մատաթի եւ որք ընդ նմայն
 էին՝ ոչ ինչ լքեալ թուլացան ,
 այլ եւս առաւելապէս սկնդեցան ,
 եւ ձեռնամոխ եղեն ի դործ
 պատերազմին բազում ժամա-
 նակս ։ Զայս ասէր , եւ անդէն
 ի դաշտին զտեղի առեալ՝ զզօրսն
 զետեղէր , եւ յամենայն կող-
 մանց տակաւ զայրուձին կազմէր :
 Իսկ յետ ոչ բազում աւորց
 զօրագլուխն Պարսից խաղայր
 դայր ամենայն հեթանոսական
 բազմութեամբն . եւ եկեալ հա-

սանէր յաշխարհն Հայոց ի Հեր
եւ ի Զարեւանդ գաւառ։ Եւան-
դէն զտեղի առեալ նորա ի գա-
ւառին՝ բանակ բոլորէր, փոս
հատանէր, պատնէշ կանգնէր,
շերտաւոր փակէր, ամրացուցա-
նէր իրրեւ զքաղաք ամենայն
պատրաստութեամբ։ Գունդ
բազում հատանէր ի զօրաց նորա
ասպատակաւ արշաւէր, յաւարի
առնուլ կամէր զդաւառս բա-
զում։

Զայն իրրեւ լուան զօրքն Հա-
յոց, սեպուհ մի յազդէն Ամա-
ստունեաց՝ Առանձար անուն,
ընտրեցին յամենայն զօրականէն
լի խմաստութեամբ եւ քաջու-
թեամբ։ Ելընդ առաջնորա հա-
զարօք երկու, հար սատակեաց
զբազմութիւն գնդին, եւ զմեա-
ցեալսն ի նոցանէանդրէնիախս-
տական ի բանակն արկանէր։ Եւ
ինքն ողջանդամ այսրէն դառ-

նայր, եւ լինէր տօն ուրախութեան մեծ յաւուրն յայնմիկ զօրացն Հայոց :

Դարձեալ միւսանդամ ուրացեալն վասակ անդրէն ի հնարս հոյթայթանաց մտանէր ըստ առաջին կեղծաւորութեանն իւրոյ. շրջեցաւ ի ճեռն սուտ երիցանցն՝ զոր յառաջադոյն ասացաք, նոքօք հրամանաւ արքունի ի սկսովամուորութիւն խօսէր, եւ երդմամբ հաստատէր զքրիստոնէութիւնն անդրէն ունել :

Եւ զայս արարեալ զբազում աւուրս՝ ոչ կարաց զմիաբանութիւնն քակտել, մանաւանդ ըզ սուրբ ուխտ եկեղեցւոյն, որ ոչ էր հեռացեալ ի զօրականէն :

Որպէս երանելի երէցն Աեւնդ հրաման առեալ ի սուրբ ընկերացն՝ ի մեծէն Յովոէլայ եւ յամենայն մեծամեծացն, ի քահանայիցն եւ ի զօրագլխացն,

երաց զբերան իւր եւ ասէ բարձը բարբառով առաջի հրեշտակացն .

« Յիշեցէք ամենեքեան ըզ հարսն զառաջինս , որ յառաջքան զծագումն Որդւոյն Աստուծոյ յիւրաքանչիւր ժամանակս :

« Քանզի իբրեւ մերժեաց եւ ընկեց զմեզ չարն յաստուածային տեղւոյն , գտաք մեք անկեալք ընդ անողորմ դատաստանօք ըստ մեղացն յանցաւորութեան , որ ի կամս ազատութեան մերոյ գործ եցաք զանարժանս , եւ զարարչական զօրութիւնն շարժեցաք ի վերայ մեր ի ցասումն բարկութեան , եւ զողորմած դատաւորն յուզեցաք վրէժ առնուլ անաշառութեամբ յարարածոցս . մինչեւ հրաման տուեալ երկնային ծովուն հեղուէ ի վերայ ցամաքիս , եւ հաստա-

տուն յառակը երկրիս ծակո-
տեալ՝ ընդդէմ զհակառակսն
դործեցին : Վերինք եւ ներքինք
եղեն մեզ դործիք տանջանաց՝
առանց բարեխօսի վրէժ առնուլ
յանցանաց մերոց :

« Ապաքէն արդարն Նոյ միայն
գտաւ կատարեալ յազգի մարդ-
կութեանս , որ ցածոյց զսրտ-
մտութիւն բարկութեան տէրու-
նեան ցասմանն , եւ եղեւ սկիզբն
առաջարկութեան առ աճումն
բազմութեան մարդկային ազ-
գիս : Դարձեալ եւ Աբրահամի
փորձութեանն իւրում գտաւ ա-
ռաքինի , եւ զընկալեալ սկար-
դեւսն յԱստուծոյ՝ ինքեան ձե-
ռօք փոխ անդրէն նմին մատու-
ցանէր . վասն սյսորիկ եւ յառա-
կըս ընկալաւ զնա Աստուծոյ , զի
ի նմա տպաւորեալ տեսանէր
զաներեւոյթ գալուստ Որդւոյն
Աստուծոյ , եւ զըմբռնումն անըմ-

բըոնելոյն եւ զզենումն անմահին, որ խրով մահուամբն խափանեաց զիշխանութիւն մահու: Եւ եթէ մահուամբ մահ մեռանի, մի երկիցուք մահակիցք լինել Քրիստոսի: զի ընդ որում մեք մեռանիմք, ընդ նմին եւ կենդանանամք:

« Յիշեցէք, առաքինիք, ըզ մեծն Մովսէս, որ մինչեւ հասեալ էր յարութեան հասակն՝ խորհուրդ սուրբ նահատակութեանն ի տիս տղայութեանն երեւէր նմա: Եւ տուն թագաւորին Եգիպտացւոց ի ծառայութիւն մտանէր նմա, եւ ակամայդայեկութեամբ սնուցանէր ըզ նա: Եւ ի ժամ փրկելոյ զժողովուրդն ի նեղութենէն՝ միջնորդ եղեւ երկնի եւ երկրի, միանգամայն եւ աստուած անուանեցաւ ի վերայ Եգիպտացւոցն: Քանզի ուր գտաւ սուրբ խորհուրդն զօ-

բացեալ՝ անձամբ իւրով վրէժ
առնոյր զԵգիստացւոյն. իսկ
ուր աստուած ային յայտնութիւ-
նըն ի վերայ նորա լինէր, ի ձե-
ռըն դաւազանին դործէր զմե-
ծամեծ սքանչելիան : Եւ վասն
սուրբ նախանձուն զոր ունէր՝
եհար զԵգիստացին եւ ընդաւա-
զեաց . վասն որոյ զմեծ անուն
դնէր նմա , եւ առաջնորդ ժո-
ղովրդեանն զնա կացուցանէր :
Եւ բազում այն է՝ որ հեղմամբ
արեամբն արդարացաւ , եւ ա-
նուանեցաւ մեծ քան զամենայն
մարգարէս . ոչ միայն զարտաքին
թշնամիսն կոտորելով , ոյլ եւ
զազգատոհման՝ որ փոխանակե-
ցին զԱստուած ընդ որթուն յա-
նապատին :

« Եւ եթէ նա ի հեռուստ այն-
պիսի վրէժ խնդրէր գալստեան
Որդւոյն Աստուծոյ , մեք որ
ականատեսք եղաք , եւ մեծա-

պէս վայելեցաք յերկնաւոր պար-
գեւսն շնորհաց նորա, եւսառա-
ւել պարտիմք վրէժխնդիր լի-
նել մօտակայ ճշմարտութեանս :
Որ եղ մահուամք զանձն իւր ի
վերայ մեղաց մերոց, արդարա-
ցոյց զմեզ յանհնարին դատա-
պարտութենէն, դիցուք եւ մեք
զանձինս մեր մահուամք ի վերայ
անմահ զօրութեանն, զի մի նը-
ւազք քան զվրէժխնդիրսն ա-
ռաջինս դտանիցիմք :

«Յիշեցէք զմեծ քահանայն
Փենեհէզ, որ սպանմամք երարծ
զսլծութիւնն ի ժամ պատե-
րազմին, եւ ազգէ յազգ երդ-
մամք հաստատեաց զքահանա-
յութիւնն : Մի՛ մոռանայք եւ
զսուրբ մարդարէն զեղիսս, որ
ոչ կարէր հանդարտել հայել ի
կռապաշտութիւնն Աքարու . եւ
արդար նախանձուն իւրոյ զութ
հարեւրսն ինքեան ձեռօք սա-

տակեաց, եւ զերկուս յիսունսն
անշէջ հրոյն մատուցանէր լուց-
կիս. եւ զաստուածային վրէժն
խնդրելով՝ անըմբոնելի եւ ահա-
գին կառօքն յերկրէ ի յերկինս
վերացաւ: Դուք՝ եւս մեծի մա-
սին վիճակի հասեալ էք. զի ոչ
եւս կառք առաքին ձեզ ի վե-
րացումն, այլինքնին Տէրն կա-
ռաց եւ երիվարաց հզօր զօրու-
թեամբ եւ սրբովք հրեշտակօք
ընդ առաջ եկեալ՝ ձեզ իւրա-
քանչիւր թեւս բուսուցանէ. զի
նորա ուղեկիցք լինիցին եւ նմին
քաղաքակիցք:

« Եւ այլ զի՞նչ եւս երկրոր-
դեցից առաջի ձերոյ քաջ նահա-
տակութեանդ. զի քան զիս տե-
ղեկագոյնք եւ հմտաք էք սորք
կտակարանացն: Դաւիթ ի սան-
կութեան ժամանակին քարիւ
կործանեաց զմեծ քլուրն մսեղէն,
եւ ոչ ինչ զանգիտեաց յահագին

սրոյ հսկային. ցրուեաց զգունդս
այլազգեացն , եւ ապրեցոյց ըզ
զօրսն ի մահուանէ , եւ զժողո-
վուրդսն ի դերութենէ. եւ եղեւ
անդրանիկ թագաւորացն իս-
րայելի , եւ անուանեցաւ հայր
Որդւոյն Աստուծոյ : Նա անուա-
նեցաւ առ ի ալէտս ժամանա-
կին , եւ դուք ճշմարիտ ծնեալք
ի սուրբ Հոգւոյն՝ որդիք էք Աս-
տուծոյ եւ ժառանդակիցք Քը-
րիստոսի: Մի՛ ոք զձեր բաժինն
իձէնջ հատանիցէ , եւ զձեզ օտա-
րախորդս արարեալ՝ տարարա-
ժին հանիցէ :

« Յիշեցէք զամենայն զօրա-
վորսն զառաջինս իսրայելի , ըզ
Յեսու , զԳեղէովիւ , զԵփթայեա
եւ զայլս ամենեսեան , որք ճըշ-
մարիտ հաւատովք էին , հարին
կոտորեցին զզօրսն հւ թանոսաց ,
եւ սրբեցին զերկիրն ի ալիլծ կը-
ուալաշտութենէն : Եւ վասն

հաստատուն արդարագործութեանն՝ որ ոչ ինչ երկմոեցին ի խորհուրդս իւրեանց, արեգակն եւ լուսին առանց ականջաց լուսն եւ կատարեցին զբան հըրամանի նոցա. Ճով եւ գետք ճանապարհ գործեցին առաջի նոցա ըստ ոչ սովորութեան : Եւ բարձրացեալ պարիսպք քաղաքին Երիքովի Ճայնիւ լոկով անկեալ կործանեցան ի վրէժինդրութիւնօրինացնարդարութեան : Եւ այլքն ամենայն որ ըստ հաւատոց քաջութիւնս կատարեցին ի դարս իւրաքանչիւր, դովեցան ի մարդկանէ եւ արդարացան յԱստուծոյ :


Յ. Ապաքէննոյն Տէրէ ի սկըզբանէ եւ մինչեւ ցայսօր եւ առյապա, եւ յաւիտենիցյաւիտեանըս, եւ անդր քան զամենայն յաւիտեանս. Ոչ նորոգի, զի ոչ հնանայ. ոչ մանկանայ, զի ոչ

ծերանայ. ոչ փափոխի անյեղեղեղուկ բնութիւնն Աստուծոյ. որսպէս եւ ինքն ասէր բերանով սուրբ մարգարէիցն. — Ես եմ, ես եմ, ես նոյն եմ ի սկզբանէ մինչեւ յաւիտեան. ոչ տամ ըզ փառսիմայլում, եւ ոչ զքաջութիւնս իմ դրոշելոց : —

« Զայս գիտելով, եղբարք, մի՛ թուլութեամբ լքանիցիմք, այլպնդութեամբ սրտիւ եւ հաստատուն հաւատովք կամակար յարձակեսցուք ի վերայ թշնամեացն՝ որյարուցեալ գան ի վերայ մեր : Մեր յոյսն մեզ կրկին երեւի. եթէ մեռանիմք՝ կեանք, եւ եթէ մեռուցանեմք՝ մեզ նոյն կեանք առաջի կան : Յիշեսցուք զքանն Առաքելոյ, որ ասէ, թէ Փոխանակ ուրախութեանն որ նմա առաջի կայր՝ յանձն էառ զհամբերութիւն մահու եւ մահու խաչի . վասն այսորիկ եւ

Աստուած զնա առաւել բարձրացոյց, եւ ետ նմա անուն՝ որ ի վեր է քան զամենայն անուն. զի յանուն Յիսուսի Քրիստոսի ամենայն ծունը կրկնեցի երկնաւորաց եւ երկրաւորաց եւ սանդարամետականաց — :

« Եւ քանզի որ ճշմարտութեամբ միացեալ է ընդ Որդւոյն Աստուծոյ, հոգւոյն աչօքտեսանէ զաներեւոյթ յստակ լոյսն ճառագայթից խմանալի արեգական, որ յամենայն ժամ եւ յամենայն օր գեր ի վերոյ ծաղեալ երեւի ամենեցուն. եւ սրբաւեսիլ եւ սրբահայեացս անպղտոր յստակութեամբ ձգտեցուցանէ զհայեցուածս, եւ թափանցանց եղեալ ընդ երկիրս՝ յանմատոյց տեսիլն մերձեցուցանէ, եւ կորովութեամբ կշռէ զերկրպագութիւն զերից հատուածոցն միաւոր զօրութեան. եւ արդ որ



գործիցին . ընդ մեծութիւն
խառնեալ է յափիշտակութիւն
ընչից աղքատաց , ընդ սուրբ
ամուսնութիւնն զէմ պղծու-
թիւն : Յորս վայելենն՝ անընտ-
րութեամբ, նոցուն երկրապագու-
թիւնս իրրեւ Աստուծոյ մատու-
ցանեն , մոլորեալք ի ճշմարիտ
կենացն :

« Ո՞չ տհա ամենայն աշխար-
հըս՝ արարչին բոլորեցուն է զո-
յացութիւն . եւ զոր նոքայն
սլաշտեն եւ պատուեն՝ ապաքէն
ի սմիննիւթոց է մասն , իսկ արդ
մասունքն մասանց կան ի ծառա-
յութիւն : Զի եթէ մի մասն աշ-
խարհիս ապականացու է , հարկ
է թէ եւ ամենայն մասունքն ընդ
նմին ապականին : Նա եւ ի մա-
սանց անտի՝ պարտ է թէ եւ
ընտրութիւնք երեւեսցին . իսկ
արդ որ լաւ է՝ յայտնի է ամե-
նցուն , եւ որ գիտեն իմանալ

նա է ընտիր ի մասանցն : Ապա
թէ այդ այդակէս է , քան զամե-
նայն պաշտամունս հեթանոսաց
որում երկիր պագանեն՝ երկր-
պագուքն են առաւելեալք քան
զանբան տարերսն՝ որոց չարա-
չար կան ի ծառայութեան . եւ
զին Աստուած որ ի մարդ կեր-
պարանեցաւ՝ չպաշտեն , այլ ա-
րարածոց տանին երկրպագու-
թիւն . որոց մեղաց չիք քաւու-
թիւն յարդար ատենին :

« Օն անդր ի բաց թողցուք
զիսաւարային խորհուրդս մոլո-
րելոցն . եղկելիս եւ ողորմելիս
քան զամենայն մարդիկ զնոսա-
համարեսցուք . մանաւանդ զի
կամօք են կուրացեալք եւ ոչ ի
հարկէ , եւ ոչ երբէք գտցեն ըզ
ճանապարհն ճշմարտութեան :
Այլ մեր բացահայեաց աչօք տե-
սեալ զլոյսն երկնաւոր , մի պա-
տահեսցէ մեղ խաւարն արտա-

քին : Զի ոյք էին ի խաւարի ,
եկն առ նոսա լոյսն ճշմարիտ .
կուրացեալք վրիպեցան ի կենա-
ցըն : Իսկ որք ընկալայքդ հա-
ւատովք՝ որդիք էք եւ ոչ օտա-
րախորդք , սիրելիք եւ ոչ թըշ-
նամիք , բաժանորդք եւ ժառան-
գորդք վերին խմանալի քաղաքին :

« Անդ է առաջնորդ փրկու-
թեան մերոյ . աստ քաջութեամբ
նահատակեցաւ , եւ զնոյն ու-
սոյց ամենայն նիզակակից գոր-
ծակցաց իւրոց Առաքելոց . ընդ
որս եւ դուք էք այսօր կրկին
երեւեալ , օրհնեալք հաւատովք
ընդդէմաներեւոյթ թշնամւոյն ,
պատենազէն զրահիւք դէմ ընդ
դէմ ընկերակից սատանայական
գործոյն : Եւ եթէ այսպէս եւ
եթէ այնալէս , զերկոսեան կող-
մանսն ի պարտութիւն մատնէք ,
որպէս եւ Տէրն ինքնին արար
աշխարհի . թուեցաւ թէ մեռաւ ,

այլ նա յայնժամ տարաւ զիա-
տարեալ նահատակ առաքինու-
թեանն . զախոյեանն ընկեց , ըդ
պատերազմն եհար , զթշնամիսն
ցրուեաց , զաւարն ժողովեաց ,
զգերիսն դարցոյց , զպարզեւոն
բաշխեաց ամենայն սիրելեաց
իւրոց ի ձեռն իւրաքանչիւր
առաքինութեանց :

« Դիտէք դուք ամենեքեան .
յառաջ ժամանակաւ հասեալ
ձեր ի գործ պատերազմի , թէ-
պէտ եւ էր ձեր սովորութիւն՝
քահանայից հանասլազորդել ի
մէնջ բանակիս , ի ժամ ճակա-
տուցն յանձնեալ ձեզ ի նոցանէ
ազօթիւք՝ յամուրտեղոջորդէք
թողուիք զնոսա . իսկ այսօր ե-
սլիսկոպուք եւերիցունք եւ սար-
կաւագունք , սաղմոսերդողք եւ
գրակարդացք իւրաքանչիւր կար-
գեալք կանոնաւ՝ իրր վառեալք
զինու եւ պատրաստեալք ի պա-


տերազմ, կամին ընդ ձեզ յար-
ձակել հարկանել զթշնամիսն
ճշմարտութեան։ Եւ եթէ մեռա-
նել եւս հասանէ ի նոցանէ, սա-
կայն եւ յայնմանէ ոչ են զան-
գիտելոց։ Քանզի լաւագոյն ըզ
մեռանելն կամին քան զմեռու-
ցանելն։

« Որպէս զի կրկին աչս ստա-
ցեալ ունիցին, հաւատոյ աչօք
զքարկոծանս մարդարէիցն տե-
սանեն, եւ մարմնոյ աչօք զքա-
ջութիւն ձերոյ նահատակու-
թեանդ։ Մանաւանդ թէ ի ձեզ
զերկոսեան իսկ տեսանեմք։
Քանզի եւ դուք իսկ տեսանէք
զչարչարանս սուրբ տռաքելոցն
եւ զսպանմունս զամենայն քաջ
մարտիրոսացն, որոց մահուամբն
հաստատեցաւ սուրբ եկեղեցի,
եւ հեղումն արեան խրեաց եղեւ
ի պարծանս վերնոցն եւ ներք-
նոց։ Արդ մինչեւ ի դալուստն

երկրորդ՝ նոյն նահատակութիւն
կատարի չսրչարանօք առաքի-
նեացն եւ ընտրելոց նահատա-
կաց՝ յորոց միջի եւ դուք էք
հանդիսացեալ այսօր, եւ հրաւի-
րեալ ի լուսաւորչացն ձեր սըր-
բոց հասանելի գունդս նոցա եւ
ժառանդորդս խոստացելոցն լի-
նել անանց բարութեանց ի Քը-
րիստոսէ Յիսուսէ, որ է օրհ-
նեալ յաւիտեանս :

Յայս վայր խօսեցաւ ի գիշե-
րին յայնմիկ սուրբ երէցն Ղե-
ւոնդ, եւ փառատրելով կատա-
րեաց զԱմէնն ասելով: Եւ սե-
ղան ուղղեալ՝ զամենասուրբ
խորհուրդն կատարեցին. ուղղե-
ցին եւ աւազան, եւ եթէ գոյր
ոք երախայ ի բազմութեան զօ-
րուն՝ զգիշերն ամենայն մկրտե-
ցին, եւ ընդ առաւօտս սուրբ
օրինացն հաղորդեցան, եւ այն-

պէս լուսաղգեստ եղեն որպէս ի
տերունեան մեծ ի սուրբ զատկին:
Եւ մեծաւ զուարձու թեամբ
եւ յոյժ խնդու թեամբ աղաղա-
կեաց ամենսյն բազմութիւն զօ-
րացն եւ ասեն. « Հաւասարեսցէ
մահ մեր ընդ մահու արդարոցն,
եւ հեղումն արեան մերոյ ընդ-
արեան սուրբ մարտիրոսացն. եւ
հաճեսցի Սոտուած կամաւոր
պատարագաւս, եւ մի՛ տացէ
զեկեղեցի իւր ի ձեռու հեթա-
նոսաց : »



ՎԵՑԵՐՈՐԴԻ ՅԵՂԱՆԱԿ

—•••••—

Պատերազմն Հայոց

ՅԵՏ այսորիկ իրեւ ետես
զօրավար դնդին Պարսից՝ եթէ
հատան պատգամաւորքն ի մի-
ջոյ խարել զնոսա , եւ բարձաւ
յոյս ակնկալութեան իւրոյ ցը-
րուել զնոսա յանքակ միաբա-
նութենէն , յայնմ ժամանակի
յառաջ կոչէր զանօրէնն վասակ
եւ զամենայն ուրացեալ իշխան-
ուն , որ էին ընդ նմա յաշխար-
էն Հայոց . հարցանէր զնոսա ,
եւ ուսանէր ի նոցանէ զհնա-
րագիտութիւն յաղթութեան :
Եւ իրեւ հասեալ տեղեկացաւ
զառն առն իւրաքանչիւր քա-

ջութիւնս, կոչէր եւ զբազումն
ի զօրագլխացն՝ որ էին ընդ իւ-
րով ձեռամբ, եւ հրամայէր ա-
ծել զառաջեաւ զերամակս փը-
ղացն, եւ ի գունդս գունդս ըզ
դազանսն բաժանէր, եւ առ մի
մի փիղ երեք հազար սպառա-
վէնք, թող զոյլ զօրս ամենայն :

Իյօնէր եւ ընդ մեծամեծսն ար-
քունի հրամանաւ եւ ասէր. «Յի-
շեցէք այր իւրաքանչիւր զսլա-
տուէր մեծի թագաւորին, եւ
դիք առաջի զանուն քաջութեան
ընտրեցէք զման քան զկեանս
վատութեամբ : Մի մոռանսյք
զեւզն եւ զպսակն եւ զուռսն
եւ զառատաճեռն սլարդեւսն՝
որ շնորհի ձեզ յարքունուսու-
ժեարք էք իւրաքանչիւր գաւա-
ռաց, եւ ունիք իշխանութիւն
բազում. դուք ձեզէն գիտէք
զբաջութիւն աշխարհին Հայոց,
եւ զառն առն իւրաքանչիւր նա-

Հատակութիւն արութեան ըզ
փորձ առեալ ճանաչէք . դուցէ
ձեր ի պարտութիւն մատնեալ՝
կենդանեաւ վրիպիցիք ի մեծ
կենացն զոր ունիցիք : Յիշեցէք
զկին եւ զորդիս ձեր , յիշեցէք
զսիրելի բարեկամս ձեր . դուցէ
ոտնհար լինիցիք յարտաքին
թշնամեացն եւ ողբակիցքիներ-
քին սիրելեացն :

Նա եւ յուշ եւս առնէր նոցա
զբազում ընկերակիցս փախու-
ցեալս , որք թէպէտ եւ ի սլա-
տերազմէն ապրեցան , որով ըն-
կալան զվճիռ մահուն իւրեանց .
ուստերք եւ դստերք եւ ամե-
նայն ընտանիք իւրեանց յանաշ-
խարհիկս զրեցան , եւ ամենայն
հայրենի դաւառք հատան ի
նոցանէ :

~~Զոյս ասէր , եւ առաւելքան~~
զսոյն սաստկացուցանէր զհրա-
մանն արքունի : Կարգէր կաղ-

մէր զզօրսն ամենայն , եւ տա-
 րած անէր երկայնէր զճակառն
 յերկայնութիւն դաշտին մեծի:
 Եւ իւրաքանչիւր դաղանացն
 յաջմէ եւ յահեկէ զերեք հազա-
 րեան սպառագէնսն պատրաս-
 տէր , եւ զընտիր ընտիր նահա-
 տակացն շուրջ զիւրեաւ դումա-
 րէր . Եւ այսպէս ամրացուցանէր
 զդունդն Մատեան իբրեւ դաշ-
 տարակ մի հզօր եւ կամ իբրեւ
 զբերդ մի անմատոյց : Նշանս
 բաշխէր , դրօշս արձակէր , եւ ի
 ձոյն մեծի փողոյն պատրաստ
 հրամայէր լինել : Իսկ զգունդն
 զԱպարհացի , եւ զկաշտացն եւ
 զՀոնաց եւ զԳեղաց , եւ զայլս
 եւս ամենայն զընտիր ընտիր զօ-
 րուն մարդիկի մի վայր ժողովէր ,
 եւ հրաման պատռիրանի տայր
 ընդ աջմէ կողմանէ գնդին իւ-
 րոյ պատրաստ լինել ընդուէմ
 Հայոց զօրավարին :

իսկ արին Վարդան յառաջ
մատուցեալ եւ զաւագանին հար-
ցանէր, եւ միաբան ամենեցուն
խրատու զզօրագլուխան կարգէր
այսպէս :

Զգունդն առաջին տայրիձեռն
իշխանին Արծրունեաց, եւ նի-
զակակից նմա զմեծ իշխանն Մո-
կաց եւ զայլն ամենայն նախա-
րարեան համհարզ երկոցուն-
ցըն, եւ զամենայն բաղմու-
թիւն գնդին թեւս աստի եւ
անտի կազմէր նոցա :

Եւ զգունդն երկրորդ տայր
ի ձեռն Խորենայ Խորխոսունեաց
եւ նիզակակից նմա զընծայինն
եւ զներսեհ Քաջրերունի :

Եւ զգունդն երրորդ մատու-
ցանէր ի ձեռն թաթլոյ Վանան-
դեցւոց, եւ նիզակակից նմա
հրամայէր զՏաճառ Գնթունի,
եւ զրազումն ի քաջ արանց աս-
տի եւ անտի ի թեւս նոցա :





2. Dried Lemons
Lemons
Lemons

թենէ գետոյն՝ զտեղեաւն զեռալ
սկսան : Իսկ գունդն Հայոց հա-
սեալ անցանէին , ձի ի վերայ
առեալ յարձակէին մեծաւ զօ-
րութեամբ : Սանտկապէս բա-
խեալք ընդ միմեանս , յերկո-
ցունց կողմանց բազում վիրա-
ւորք յերկիր անկեալդիաթաւալ
խաղային :

Յսյնմ մեծ տագնասլի ի վեր
հայեցաւ քաջն վարդան , եւ
տեսանէր զընտիր ընտիր քաջ
նահատակաց Պարսից զօրուն՝
զի զճախակողմն շարժեցին զՀա-
յոց գնդին , մեծաւ ուժով յար-
ձակէր ի տեղին , եւ զաջ թեւն
Պարսից գնդին բեկեալ՝ արկա-
նէր զգազանօքն , եւ շրջան ա-
ռեալ կոտորէր մինչեւ ի նոյն
տեղի : Եւ այնպէս շտապ տագ-
նասլի ի վերայ հաստցանէր , մին-
չեւ գունդն Մատեան քակեալ
բաժանեցան ի մեծամուր սկսու-

բաստութենէն, դեռ եւս քաջ
քաջի փախուստ դառնային :

Ապա դէտ ակն ի վեր համ-
բառնայր Մուշկան Նիսալա-
ւուրտ, քակեալ զոմանս տեսա-
նէր ի գնդէն Հայոց, եւ զկնի
մնացեալ ի հովիտս լերանցն :
Վասն որոյ զաղաղակ բարձեալ՝
քաջալերէր շուրջ զիւրեաւ զզօրս
Արեաց, որք զտեղի առեալ կա-
յին ընդդէմ գնդին Վարդանայ:
Եւ անդէն ի տեղւոջն երկոքին
կողմանքն զսլարտութիւն խոս-
տովանէին, եւ առ յոյժ թանձր
անկեալ դիականց իրրեւ զքա-
րակոյտս դերբկաց երեւէին :

Զայն իրրեւ ետես Մուշկան
Նիսալաւուրտ, մնայր գաղա-
նացն Արտաշրի, որ ի վերայ նո-
ցա նստէր ի բարձր դիտանոցին
իրրեւ յամուր քաղաքի . եւ ի
ձայն մեծ գալարափողոցն զիւր
դունդսն ստիպէր, եւ յառա-

ջամարտիկ զօրօքն զնա ի մէջ
փակէր :

Իսկ կորովին Վարդան իւրովք
քաջ նիզակակցօքն ոչ սակաւ
նախճիրս ի տեղւոջն գործեաց ,
յորում տեղւոջ եւ ինքն իսկ ար-
ժանի եղեւ առնուլ զկատարեալ
նահատակութեանն սկսակ :

Եւ յերկարեալ գործոյ սկսաե-
րազմին՝ օրն տարաժամէր , եւ
մօտ առ երեկս կարճատէր . բազ-
մաց օրահասք մահու հասանէին .
մանաւանդ ի թանձրու թենէ դի-
ակաց մօտ առ մօտ խտացեալ իր-
բեւ զփայտահարս մայրաւորաց :

Անդ էր տեսանել զբեկումն
նիզակացն եւ զխորտակումն ա-
ղեղանց . վասն այնորիկ եւ ոչ
կարէին կալ ճշմարտիւ ի վերայ
սուրբ մարմնոյ երանելեացն . եւ
սաստիկ խուճապ տազնասլի էր
կողմանցն երկոցունց անկելոց :
Եւ որք մնացեալքն էին՝ վատ-

նեալք եւ ցրուեալք լինէին ի լըռ-
նադաշտու ամուր ձորոցն . Եւ
յորժամ պատահէին միմեանց՝
դարձեալ միւսանգամ զմիմեանս
սատակէին . Եւ մինչեւ ի մուտու
արեգականն անդադար լինէր
գործ դառնութեանն :

Եւ քանզի գարնանային էր
ժամանակն , ծաղկալից դաշտքն
դառնային յորդահոսանս ար-
եանց բազմաց : Մանաւանդ յոր-
ժամ տեսանէր ոք զբազմակոյտ
դիականցն անկելոց , սիրոն բե-
կանէր եւ աղիքն գալարէին՝ լսել
զմնչիւն խոցելոցն եւ զմոնչիւնս
բեկելոցն , զթաւագլոր խաղալ
սողալ վիրաւորացն , զփախուսա
վատացն , զթաքուստ լքելոցն ,
զսրտաթափումն զանարի արան-
ցըն , զճնչիւն կանացեացն , զողբս
սիրելեաց , զաշխարումն մերձա-
ւորաց , զվայ եւ զաւաղ բարե-
կամացն : Քանզի ոչ եթէ կողմ

էր որ յաղթեաց, եւ կողմ՝ էր որ
պարտեցաւ, ոյլ քաջքընդ քաջս
ելեալ՝ երկոքին կողմանքն իպար-
տութիւն մատնեցան :

Բայց քանզի անկեալ էր մեծ
սպարապետն Հայոց ի պատե-
րազմին, ոչ ոք գոյր այնուհետեւ
ի մէջ գլխաւոր՝ յոր յեցեալ ժո-
ղովէին գունդն մնացելոցն։ Թէ-
պէտ եւ բազում այն էր որ ապ-
րեցան՝ քան թէ որ մեռանն, սա-
կայն ցանեալ ցրուեցան, եւ հա-
սեալ անկանէին ի տեղիս տեղիս
յամուրս աշխարհին, եւ բռնա-
նային ի վերայ բազում գաւա-
ռաց եւ բերդից, զոր եւ ոչ առ-
նուլ իսկ ոք կարէր :

Եւ այս անուանք են քաջնա-
հատակացն՝ որ անդէն ի տեղ-
ոջն կատարեցան :

Յազդէն Մամիկոնէից ՔԱԶՆ
ՎԱՐԴԱՆ հարեւը երեսուն եւ
երեք արամբք .

**Յաղդէն Խորխոռունեաց ԽՈ-
ՐԵՆՆ ԿՈՐՈՎԻ իննեւտասն ա-
րամբք.**

**Յաղդէն Պալունեաց ԱՐԻՆ ԱՐ-
ՏԱԿ յիսուն եւ եւթն արամբք.**

**Յաղդէն Գնթունեաց ԶԱՐՄԱ-
ՆԱԼԻՆ ՏԱՃԱՏ իննեւտասն ա-
րամբք.**

**Յաղդէն Դիմաքսենից ԻՄԱՍ-
ՏՈՒՆՆ ՀՄԱՅԵՍԿ քսան եւ երկու
արամբք.**

**Յաղդէն Քաջրերունեաց ՀՐԱ-
ՇԱԿԵՐՏՆ ՆԵՐՍԵՀ Եւթն արամբք**

**Յաղդէն Գնունեաց ՄԱՆՈՒԿԻՆ
ՎԱՀԱՆ ԵՐԻւք արամբք.**

**Յաղդէն Ընծայնոց ԱՐԴԱՐՆ
ԱՐՄԵՆ Եւթն արամբք.**

**Յաղդէն Սրուանձտայ ՅԱՌԱ-
ԶԱԴԵՄՆ ԳԱՐԵԳԻՆ ԵՐԿՈւ հարա-
զատօքն եւ ութուտասն ա-
րամբք.**

**Այս երկերիւք ութսուն եւ
եւթն նահատակք, ընդ ինն մե-**

ծամեծ նախարարսն անդէն ի
տեղւոջն կատարեցան : Եւ յար-
քունի տանէն եւ ի տանէն Արծ-
րունեաց եւ յիւրաքանչիւր նա-
խարարաց տանէն . թող զայս
երկերիւր ութսուն եւ եւթնս ,
եւ այլ եւս եւթն հարեւր եւ քա-
ռասուն այր , որք զանուանս
իւրաքանչիւր ի դպրութիւն կե-
նաց գրեցին ի նմին աւուր իմեծ
պատերազմին : Եւ միահամուռ
լինի ամենայն հազար եւ երե-
սուն եւ վեց :


Իսկ ի կողմանէ ուրացելոցնեւ
հեթանոսաց անկանէր յայնմա-
ւուր երեք հազար հինգ հարեւր
քառասուն եւ չորք այր : Ինն այր
ի նոցանէ ի մեծ պատուաւորացն
էր , վասն որոյ եւ կարի յոյժ ի
խոր խոցեցաւ Մուշկան Նիսա-
ւաւուրտ : Մանաւանդ իբրեւ ե-
տես զանհնարին հարուածսն ե-
ռապատիկ զիւրոյ գնդին քան

զՀայոցն , լեւկաւ անկաւ զօրութիւն ուժոյն իւրոյ , եւ ոչ հանդարտէր կալ ի վերայ խորհրդոց մտացն . քանզի ոչ որպէս կարծէր զալատերազմն՝ կատարեցաւ : Մանաւանդ իրրեւ հայէր տեսանէր զբաղմութիւն անկելոց իւրոյ կողմանն , եւ թիւ համարոյ եւս առնէր , եւ իրրեւ այնչափ յոլով գտանէր զիւր անկեալսն քան զՀայոց գնդին , եւս առաւել վասն երեւելի արանցն զորս յականէ յանուանէ զիտէր թագաւորն , ի մեծ տագնապի լինէր այրն յանձն իւր : Արդարութեամբ զիրսն գրել եւ ցուցանել՝ ի թագաւորէն երկնչէր . դարձեալ եւ թաքուցանել եւս ոչ կարէր , քանզի ոչ ծածկէր այնպիսի մեծ կոիւ :

Եւ մինչդեռ յայսմ մտաց խորհրդի էր յանձն իւր եւ նեղէր ի միտս իւր , ուրացեալն վասակ՝

որ զանձն իւր ի մէջ գաղանացն
թագուցեալ ասլրեցուցանէր՝ մը-
լովիթար մատուցտնէր մտացն
լքելոց, եւ ուսուցանէր նմա
հնարս նենգութեամբ, թէ որ-
պէս կարասցէ մարտնչել ընդ ա-
մուրսն խարէութեամբ: Երդ-
մունս կնքէր արքունի հրամա-
նաւ եւ վկայութեամբ անձին
իւրոյ եւ խաբերայ երիցամբքն
որ ընդ նմայն էին. պատգամա-
ւորս տռնէր զնոսա, եւ երեւե-
ցուցանէր զթողութիւն ապըս-
տամբութեանն առ ի շինութիւն
եկեղեցւոյ շնորհել անդրէն, եւ
զամենայն կարգս անդրէն յար-
մարել ըստ առաջին սովորու-
թեանն: Թէպէտ հրաման թա-
գաւորին հաստատութեամբ էր
տուեալ—վասն զի յոյժ բեկաւ
զօրութիւն նորա, որպէս զի եր-
կոքին կողմանք նորա հարան—
սակայն զօրքն Հայոց վասն նեն-

զութեանն Վասակայ, որ բա-
զում անդամ հասեալ էին ի վե-
րայ ստութեան նորա, վասն
այնորիկ եւ հրամանի թագա-
ւորին վաղվաղակի ոչ կարէին
հաւատալ:





ԵՒԹՆԵՐՈՐԴԻ ՅԵՂԱՆԱԿ

—
—

ՅԵՐԿԱՐՈՆՄԻ ԽՐԱՑԻ ԽՈԽՎՈՒՐԵԱՆ

ԱՐԴ դարձեալ յայնժամ
դրդեաց զՄուշկան Նիսալաւ-
ուրու եւ զամենայն աւաղանին
Արեաց. առեալ զզօրսն հասա-
նէր ի վերայ ամրոցին՝ յոր ան-
կեալ էին գունդ մի ի զօրացն
Հայոց հանդերձ սուրբ քահանա-
յիւքն, եւ մարտ եղեալ կոռուէին
շուրջ զբերդաւն. Եւ իրի եւ ոչ
ինչ կարացին ազդելնոցա, դար-
ձեալ յերդմունս ապաստան ե-
ղեալ, զի ուխտիւ իջուսցեն զնո-
սա առանց դաւ ինչ դործելոյ,
եւ երկիցս եւ երիցս անդամ ե-
տուն տանել զաւետարանն. Թէ-

պէտ եւ քահանայքն յանձն առնուին զիջանելն կալ առաջին ,
բազումք ի զօրականացն ոչ կարէին հաւատառալ սուտ ուխտին
•կասակայ . քանզի սկսաւ երթալ
Մուշկան նիսալաւուրտ զհետ
չար խրատուն կասակայ :

Մի ոմն ի քաջ զօրականէն Հայոց , որ անկեալ էր ի բերդն վախստեամք՝ Բակ անուն , ելեալ ի
պարիսպն թշնամանս դնէր անօրինին , եւ ցուցանէր առաջի Պարսից զօրագլխին զամենայն չարիսն զօր անցուցեալ էր նորաընդ աշխարհն Հայոց : Զոր եւ բազումք լուեալ՝ արդարացուցանէին զամբաստանու թիւնն ,
ոչ միայն ի Հայոց կողմանէն , այլ եւս առաւել զօրքն Պարսից : Սոյն այրս այս ի նմին գիշերի եւթն հարեւր արամք ել գնաց ի բերդէ անտի , եւ ոչ կարացին ձեռն արկանել ինա :

իսկ որ ի ներքս յամրին մնացին, թէպէտ եւ դիտէին ճշմարտիւ զխաբերայ երդմունս նոցա, ոչ ունէին համբար ի ներքս։ Իբրևեւ ոչ կամաւ իջեալ կացին առաջի, հրամայեաց սպանանելի նոցանէ երկերիւր եւ երեքտասան այր։ Աղաղակեցին ամենեքեան եւ ասեն. «Գոհանամք ըզ քէն Տէր Աստուած մեր, մինչդեռ չէն են եկեղեցիք եւ անգակ տաճարք վկայից եւ միաբան սուրբ ուխտ եկեղեցւոյ եւ առաքինացեալ, արժանի արարեր ըզ մեզ կօշմտնդ երկնաւորի։ Հաւասարեսցէ մահս մեր ընդ մահքաջնահատակացն, եւ խառնեսցի արիւնս մեր ընդ արիւն անկեալ վիրաւորացն, եւ հաճեսցի Տէր ընդ եկեղեցիս իւր՝ բազմութեամք կամաւոր զուարակացն որ ելանեն ի վերայ սուրբ սեղանոյս։ » Զայս ասելով ի տեղւոջն

կատարեցան Երկերիւրքն Եւ
Երեքտասանք :

Իսկ սուրբ քահանայքն՝ որ անդ
դիպեցան յամուրսն, Երանելիքս
այս Յովսէփի Եւ Ղեւոնդ՝ բազում
ընկերակցօքն իւրեանց, մատու-
ցին Եւ նոքա զսլարանոցս իւ-
րեանց առաջի սրոյ դահճապե-
տին, ասելով զնոյն բանս՝ զոր
խօսեցան Երկերիւրքն : Քանզի
ոչ Եթէ ակնկալութիւն ինչ էր
Երանելեացն ըստ մարմնաւոր կե-
նացն, այլ իմաստութեամբ հնա-
րըս խնդրէին Ախել փոխանակ
ամենայն աշխարհին շինութեան:
Վասն որոյ Եւ բողոք ի Դուռն
կարդային, Եւ զամենայն ամբաս-
տանութիւն արկանէին զանօ-
րէնն զՎասակաւ : Զայս իրեւ
լուաւ Մուշկան Նիսալաւորո,
ոչ իշխեաց ինոսածեռն արկանել
մահուամբ . այլ զՅովսէփի Եւ ըկ
Ղեւոնդ գան հարեալ, հրամայ-

եաց սլահել զգուշութեամբ ,
քանզի բողոք ի Դուռն կարդա-
ցին . իսկ զայլ քահանայսն ար-
ձակեցին յիւրաքանչիւր տեղիս ,
հրաման տուեալ վասն շինու-
թեան եւ խաղաղութեան աշ-
խարհին :

Ա. յլ մարդիկն Հայոց , որ հա-
սեալ էին ի վերայ յեղյեղուկ
հրամանաց թագաւորին եւ ու-
րացեալ չարիմացին Վասակայ ,
ոչ ինչ հաւատային սուտ թո-
ղութեանն . այլ քաջալէրէին ըզ
միմեանս եւ ասէին . « Զի պիտոյ
է մեզ ընաւ կեանք անցաւոր
աշխարհիս , եւ կամընդէ՞ր տե-
սանեմք զարեւ յետ մերոց սիրե-
լեացն : Զի եթէ քաջնահատակ-
քըն մեր անկան ի մեծ սլատե-
րազմին , եւ բազում վիրաւորք
տասկալեցան յարիւն յասկաժոյժ
ի մէջ դաշտին , եւ ամսնեցուն
մարմինքն եղեն գէշ թռչնոց եւ

կերակուր գաղանաց , եւ պատուական նախարարքն մեր հասին յանարդութիւն թշուառութեան , լրին զիւրաքանչիւր իշխանութիւն եւ են ի հալածանս նեղութեան , որ եւ ամենայն փափկութիւնն Հայոց եհաս ի վիշտս վտանգի եւ յանհնարին ապականութիւն , ոչ անսամբ խարերայ հրամանացի եւ անկանիմք իձեռս անօրէն իշխանացդ :

Թողին այնուհետեւ իւրաքանչիւր զգեւլս եւ զաւանս եւ զադարակս : Ելին հարսունք յառագաստից եւ փեսայք իսենեկաց , անկան ծերք յաթոռոց եւ տղայք իզրկաց . երթային երիտասարդք եւ կուսանք եւ ամենայն բազմութիւն արանց եւ կանանց , հասեալ ունէին զամուրս անապատին եւ զանխար տեղիս բազում լերանց : Լաւ համարէին զգազանարար բնակութիւննաստուած-

պաշտութեամբ ի գարանձաւս
կելոյ , քան ուրացութեամբ
փափկանալ յիւրաքանչիւր շի-
նուածս . Առանձ տրանջելոյ համ-
բերէին խոտաբուտ կերակրոցն ,
եւ ոչ յիշէին զսովորական խոր-
տիկսն . Համարեալէին նոցա դա-
րափորքն իբրեւ զյարկս բարձ-
րաբերձ շինուածոց , եւ գետ-
նանկողինքն իբրեւ զնկարեալ
պատշպամս :

Սաղմոսք էին նոցա մրմնջունք
երգոց , եւ ընթերցուածք սուրբ
գրոց կատարեալ ուրախու-
թիւնք , Ամենայն մարդ յանձն
իւր եկեղեցի էր , նոյն ինքն
քահանայ . մարմինք իւրաքան-
չիւր՝ սուրբ սեղան , եւ ոգիք
նոցունց՝ պատարագ ընդունելին
Քանզի ոչ ոք ի նոցանէ ողբայր
յուսահատութեամբ զսնկեալսն
ի սրոյ , եւ ոչ ոք հեծեծելով
հառաչէր ի վերայ մերձաւոր

սիրելեաց իւրոց : Խնդութեամբ
ընկալան զյափշտակութիւն ըն-
չից բազմաց , եւ ոչ յիշէին ամե-
նեւին՝ եթէ եղեալ իցեն նոցա
ստացուածք : Համբերութեամբ
ճպնէին եւ մեծաւ առաքինու-
թեամբ տանէին զքաջ նահա-
տակութիւնն : Զի եթէ ոչ բա-
ցաւ աչօք տեսանէին զյոյսն
խնդալից , եւ ոչ կարէին գոր-
ծել զայնովիսի մեծ առաքինու-
թիւն :

Քանզի բազումք յազգէ ի մեծ
նախարարացն էին , եւ եղբարք
եւ որդիք եւ դստերք , հան-
դերձ ամենայն սիրելեօք իւր-
եանց ի մէջ ամրական վոյրացն ,
ոմանք յանլոյս երկրին Խաղ-
տեաց , եւ այլ բազումք ի կող-
մանս հարաւոյ՝ յանմատոյց ա-
մուրսն Տմորեաց , եւ կէսքն ի
թանձրախիտ մայրիսն Արձախոյ ,
եւ այլ ոմանք անդէն ի միջոց

աշխարհին բռնացան ի վերայ
բազում ամրոցացն։ Եւ ամենե-
քին մեծաւ համբերութեամբ տա-
նէին զբազում նեղութիւնն վա-
սըն սիրոյն Քրիստոսի, եւ զայս
միայն աղաչելով խնդրէին յԱս-
տուծոյ, մի՛ տեսանել նոցա զա-
ւեր սուրբ Եկեղեցեաց։

Ա. Ա որպէս ցուցաք բազում
անգամզամբարշտին չարութիւն,
յորդորէր եւ ստիպէր զզօրսն
Պարսից ի մօտաւոր կողմանց աշ-
խարհին, զի հրամանաւ արքու-
նի զօր Եկեսցէ յօդնականութիւն
նոցա։ Եւ հասեալ բազում այրու-
ծի յաւելոյր ի թիւ անկելոցն,
եւ լինէր գունդ բազմութեան
իբրեւ զառաջինն։ Եւ յառաջ խա-
ղոյին ի միջոց աշխարհին, մարտ
եղեալ կոռէին ընդ մեծ ամուրս
կապոյտ լերինն։ Իսկ որ ի ներք-
ուըն էին՝ քաջութեամբ մարտու-
ցեալ հարկանէին զբազումս ի

գնդէն Պարսից, եւ զմնացեալսն փախստական ի բանակն արկանէին։ Իսկ նոքա դարձեալ յողոքանս մտուցեալ, նուաճելիսաբէութեամբ կամէին։

Իբրեւ ոչ ոք հաւատաց իջանել առ նոսա, զի մի՛ մատնեսցին չարտչար ի ձեռս թշնամեացն, սակայն վասն երդմանցն հարկ եղեւ քահանայի մի իջանել առ նոսա, որում անունն էր Արշէն։ Խօսէր ընդ նոսա յաղերս ընտանութեամբ, եւ ցուցանէր զանմաս փախուստ անմեղացն, արկանէր գութ առաջի ուրացելոյն վասակայ, եւ պաղատելով յիշեցուցանէր նմա զառաջին կարգուխտին քրիստոնէութեան, զի թերեւս սակաւիկ մի քաղցրացի յանհնարին դառնութենէն։ Նէն։ Այլ նա ոչ ինչ լուաւ եւ անսաց բազում բանիցն նորա, կապեաց եւ խաղացոյց զերանե-

լին եւ որք ընդ նմա իջեալ էին։
Մանաւանդ իբրեւ ետես եթէ
երթոյ զօրաւարն զհետ խրատու
կամաց նորա , սկսաւ այնուհետեւ
ի բազում տեղիս արձակել
զասպատակաւորն , եւ զոր ար-
տաքոյ քան զամուրսն գտանէր
զբազմութիւն մարդկանն՝ վա-
րեցին ի գերութիւն . եւ զամբար
ի ձեռն առեալ հրձիգ առնէին
զբազում տեղիս :

Իսկ որք էինյամուրս Տմօրեաց ,
իբրեւ լուան զայս ամենայն չա-
րիս զոր գործ եցին զօրքն արքու-
նի , ոչ ինչ շահ օգտի համարէին
զկալն ի մէջ ամրականացն : Քա-
ջութեամբ ելեալ յարձակեցան
օդնականութեամբ ամրականա-
ցըն , եւ հասեալ ի մօտաւոր աշ-
խարհն Պարսկաց , յանխնայ կո-
տորելով՝ նախնձիրս արեան գոր-
ծէին , եւ զմնացեալսն գերի ա-
ռեալ տանէին , եւ անդէն յա-

մուրսն արկանէին, եւ զշինուած սըն աշխարհին՝ զամբար ի ձեռն առեալ հրոյ ճարակ տային :

Դարձեալ եւ որք էին ի լերինս Խաղտեաց, իբրեւ տեսին եթէ յանդգնաբար զօրքն Պարսկաց յաներկիւղս իջանէին յամուրս աշխարհին Հայոց, յարձակեցան եւ նոքա մեծաւ զօրութեամբ ի ծորագաւառն Տոյոց : Եւ գտին անդ գունդ բազում ի զօրացն արքունի, որ գերի առնուլ կամէին զամբականս աշխարհին . դարձեալ եւ կարծէին եւս եթէ դանձք նախարարացն անդ իցեն, վասն այնորիկ եւ յանխնայ յուզէին զվայրսն :

Նաեւ տեսին եւս անդ ի գեւզըս երկուս, որ զեկեղեցիսն այրեցեալ էր . առաւել եւս վասն այնր ի նախանձ բրդեցան բարկութեամբ : Յարձակեցան, հարան ի դիմի միմեանց, եւ իտ-

մակարութեամբ յաղթեալ, ըեկեալ արկին զզօրութիւն գնդին Պարսից, եւ կոտորեցին զբազումն ի նոցանէ, եւ զմնացեալսն փախստական հանէին յաշխարհէն։

Եւ յայնչափ յանդուզն յարձակմանէն՝ միայն երանելին Հըմայեակ, եղբայր սպարապետին Հայոց Կարդանայ, յանխնայ քաջութեամբ մարտուցեալ՝ կատարեցաւ նահատակութեամբ իվերայ սուրբ ուխտին միաբանութեան։ Եւ այլքն ամենայն ողջանդամ ապրեալք երթային ըդհետ փախստականին։

Եւ իբրեւ այս այսպէս կատարեցաւ, դադարեցին զօրք թագաւորին խառնամուխ լինել յամենայն տեղիս անխորութեամբ, եւ եւս առաւել ձեռնպահ լինել յեկեղեցեացնու Դարձեալ միւսանդամ անդրէն հարցանել սկըսան յարքունիսն։

Նու եւ որ յԱրձախաց մայրիսն
անկեալքն էին փախստոկանք,
ոչինչ լռեալ դադարեցին խաղա-
ղութեամբ. այլ յանապաղ յղէին
յաշխարհն Հոնաց, շարժէին եւ
յորդորէին զգունդն Հոնաց, եւ
յիշեցուցանէին նոցա զուխտն
զոր եղեալ էր ընդ Հայս եւ ան-
սուտերդմամբ հաստատեալ. Հա-
ճոյ թուէր բաղմաց ի նոցանէ
լսել զբանսն քաղցրութեամբ:
Նաեւ մեղադիր եւս յոյժ լինէին
նոցա, եթէ «Ի կոիւն ընդէր ոչ
եկիք պատրաստութեամբ. » Եւ
իբրեւ յառաջնումն ինչ ոչ հնա-
րէին զմիմեանս հաւանեցուցա-
նել, ապա զունդ բաղում զումա-
րէին՝ եւ անդէն յարձակեալ հա-
սանէին իսահմանս տէրութեանն
Պարսից. Եւ զբաղում զաւառս
հարեալ, բաղմագոյն եւս գերի
առեալ տանէին յաշխարհն իւ-
րեանց, եւ յայտնի ցուցանէին

թագաւորին զմիաբանութիւն
զոր ունէին ընդ գնդին Հայոց:

Իսկ իբրեւ այս ամենայն աղ-
դումն հասանէր առ զօրաւարն
Պարսից, սրտմտեալ զայրանայր,
եւ մեծաւքարկութեամբ կուտէր
զվասն ի վերայ անօրինին վա-
սակայ. իբր թէ նա իցէ սկիզբն
եւ առաջնորդ ամենայն չարեա-
ցըն որ գործեցան : Եւ անդէն
չու արարեալ գնայր խաղայր
հասանէր յաշխարհնՊարսից. գը-
րէր եւ ցուցանէր յարքունիս զա-
մենայն ստուգութեամբ, եւ ըզ-
վաս գործոյն արկանէր զուրա-
ցելով:

Իբրեւ լուաւ թագաւորն զա-
մենայն աւեր աշխարհին, եւ ըո-
տուգեաց զիրս մեծի պատերազ-
մին, բեկանէր անկանէր ի մեծ
խրոխտալոյն, եւ լոեալ դադա-
րէր ի հանապազորդ եւ ի խարէ-
բայ խորհրդոցն. յուզէր եւ քըն-

նէր զվրիպումն անհանճար գործոյն, եւ կամէր տեսանել ասելով. «Ո՞ ոք իցէ որ զիս ճշմարտութեամբ ի վերայ իրացդ հասուսցէ» ։ Իսկ որ էր գիտակ անօրէն գործոյն, անդէն ի Դրան արքունի, նոյն հաղարապետն Միհրներսեհ, յառաջ մատուցեալ ասէ ցիտակաւորն. «Զայդ ես ասեմ քեզ, արքայ քաջ. Եթէ կամիս ստուգութեամբ լսել զարդարն, որք գլքաւորք քրիստոնէիցն են ի Հայոց տոր կոչել, եւ դան յօժարութեամբ եւ ասեն քեզ զամենայնարդարութեամբ» ։
 Յայնժամ զմի ոմն յաւագնախարացն՝ Ատրորմիզդ անուն, որոյ իշխանութիւնն իսկ խառնէր ընդՀայոց աշխարհին եւ գործակից էր զօրաւարին ինմինպատերազմի, գրէր եւ յանձն առնէր նմա զաշխարհն Հայոց մարզպանութեամբ. Եւ զլյուշկան Նի-

սալաւուրտ հանդերձ ամենայն
մնացեալ զօրուն գումարէր յաշ-
խարհն Աղուանից եւ Լինաց եւ
ծղբաց եւ ի Հեճմատակաց եւ ի
թաւասպարաց եւ ի Խիբիովան
եւ յամենայն ամիսականն՝ զորս
աւերեալ էր գնդին Հոնաց վասն
ուխտին Հայոց։ Որպէս եւ յոյժ
իսկ տրտմեալ էր թագաւորն, ոչ
միայն ընդ աւեր աշխարհացն
եւ ընդ անկանելն զօրացն, այլ
եւս առաւել ընդ աւերել սլահա-
կին՝ զոր ի բազում ժամանակաց
հաղիւ ուրեմն կարացին շինել.
որ եւ յայնմ ժամանակի դիւրեաւ
առեալ քանդեցաւ, որում եւ չէր
իսկ ակնկալութիւն շինութեան։
իսկ զկասակ հանդերձ զվասւոր
քրիստոնէիւքն ի Դուռն հրա-
մայեաց կոչել։

Արդ եկն եմուտ մարզպանն
Ատրորմիզդ յաշխարհն Հայոց սի-
րով խաղաղութեամբ։ Հրամա-

նաւ արքունի կոչեաց առ ինքն
զԱհակ սուրբ եպիսկոպոսնիշշ-
տունեաց, ուսանել ի նմանէ զի-
րացն ամբաստանութիւն: Բայց
թէսլէտ եւ նորա աւերեալ էր
առրուշան մի, եւ բազում չար-
չարանօք հարեալ էր զպաշտօ-
նեայս կրակին, ոչ ինչ դանդի-
տեացգալյատեանհրապարակին:

Դարձեալ եւ ի տանէն Արծ-
րունեաց բարեպաշտօն երէց մի
Մուշէ անուն, որ առաջնորդէր
աշխարհին Արծրունեաց, աւե-
րեալ էր եւ նորա զկրակատուն
մի, եւ կապանօք եւ տանջանօք
բազում չարչարանս անցուցեալ
էր ընդ մոգսն. եւ սա ինչ ոչ
դանդիտեաց, այլ կամաւ եկն եւ
յանդիման եղեւ մարզպանին:

Եւ երկու եւս այլ քահանայք
երանելիք, որոց անուանքն են
Սամուէլ եւ Արքահամ. քանդեալ
էր եւ սոցա զատրուշանն յԱր-

տաշատ, եւ յառաջագոյն ըմբռնեալ էին ի կապանս յուրացեալն Վասակայ. ածին եւ զնոսա յառաքինի ընկերսն :

Եւ ժողովեցին եւս ի նոյն տեղի զմեծն Յովսէփի եւ զնեւոնդ եւ զբաջաջ եւ զԱրշէն. Եւ իրրեւ ուսաւ եւ տեղեկացաւ յամենեցունց մարզպանն, գրեաց եւ եցոյց յարքունիս զամենայն ճշմարտութեամբ որպէս զիարդլուաւ ի բերանոյ նոցա :

Բոյց Վասակ թէպէտ եւ յառաջագոյն հասեալ էր ի Դուռն, ըստ կամաց իւրոց այլընդ այլոյ երթեալ սլատմէր զամենայն սլտութեամբ, սակայն իմիտս թագաւորին ոչ կարէր զանձն արդարացուցանել. այլ պատասխանի արար նմա եւ ասէ. « Յորժամ քրիստոնեայքն եւս եկեսցեն՝ հասարակ լուայց յատենի : » Իսկ զսուրբ քահանայսն՝ վասն

զի կապանօք տանէին՝ յետ երկուս ամսոց եւ քսան աւուր հասանէին ի ձմերոցն արքունիւ Իրբեւ լուաւ մեծ հազարապետն՝ եթէ ածին զնոսա ի քաղաքն՝ ինքնին իսկ ականատես լինէր նոցա : Բայց թէպէտ եւ տեղեկութեամբ լսէր ի նոցանէ զամենայն, ոչ կարէր ձեռն արկանել եւ չարչարել զնոսա . քանզի բազումք ի նախարարացն Հայոց դեռ եւս բռնացեալ ունէին զամուրս աշխարհին, եւ դեռ եւս մարզպանն յերկիւղի էր : Կասն որոյ զգուշութեամբ հրամայեաց պահել զսուրբսն, եւ զաշխարհն հրամայէր սիրովնուաճել . վասն որոյ եւ ինքն իսկ շրջէր եւ ժողովէր եւ շինէր ուխտիւ հաստատութեան :

Եւ եպիսկոպոսացն հրաման տայր ունել զիւրաքանչիւր իշխանութիւնս, եւ ըստ առաջին

սովորութեանն պաշտել յայտ-
նութեամբ, եւ Համարձակ եւս
դալ ի հրապարակ: Նո եւ ըն-
ծայից եւ պատարագաց արժա-
նի առնէր զառաջեաւ կոչելով:
Եւ քանզի բազում դաւառս ա-
ռեալ եւ աւերեալ էր զօրակա-
նին, թողուլ հրամայէր զհարկս
աշխարհին. եւ զայրուձին եւս
զարքունի թեթեւացոյց առ ժա-
մանակ մի. Եւ միայնակեացք որք
ելեալ եւ կորուսեալ էին՝ հրա-
մայէր դալ եւ ունել զիւրաքան-
չիւր տեղիսն:

«Զամենայն կարգս աստուած-
ալաշտութեանն, որպէս զիարդ
եւ ունէին յառաջ ժամանա-
կաւ առ նախնեօքն, նոյնալէս
եւ այժմ, ասէ, կալցին: Եւ եթէ
ոք ի հեռի աշխարհ ուրեք գնա-
ցեալ եցեն, ունիմիշխանութիւն
յարքունուստ, եթէ յազատաց
իցեն, եթէ ի շինականաց իցեն,

եթէ յեկեղեցւոյ, զինչ կեանս եւ
թողեալ իցէ, եկեսցէն եւ կալ-
ցեն զիւրաքանչիւր զարարս :

Զայս ասէր եւ երդմունս կըն-
քէր եւ առաքէր ի կողմանս կող-
մանս : Որ եւ բազումք իսկ եկին
եւ ժողովեցան, եւ կալան զիւ-
րաքանչիւր կալուածս :

Նա եւ որ մեծն է քան զա-
մենայն, որ ի բռնութենէ ոք ա-
կամայ կալեալէր զմոգութիւնն,
հրովարտակս առաքէր յարքու-
նուա՝ անդրէն ունել զքրիստո-
նէութիւնն : Եւ յանդիման խօսէր
թագաւորն, որքէին իտանն ար-
քունի, եթէ « Որք ոչ սիրով ու-
նին զօրէնս դենի մազդեզն, այն-
պիսեաց եւ աստուածքն են ցա-
սուցեալ, եւ ես ոչինչ եմ շնոր-
հակալ . Եւ այսօր զնոյն հրաման
տամամենեցուն, իկամս մարդոյն
թողեալ ըստ իւրաքանչիւր մը-
տաց . որպէս զինչ եւ կամի պաշ-

տել՝ պաշտեսցէ . ամենեքեան իմ
ծառայք են : » Զայս ասէր , եւ
գրով հրաման տայր ամենայն
աշխարհին :

Իբրեւ զայն լուան եւ տեսին
բազումք՝ որ էին ցանեալ եւ ցը-
րուեալք ի հեռաւոր տեղիս , գա-
յին եւ ունէին զիւրաքանչիւր
արարս : Իսկ նախարարքն որ էին
յամաւրս աշխարհին եւ կամ ի
հեռաւոր օտարութեան , իբրեւ
տեսին զշինութիւն երկրին , մա-
նաւանդ զեկեղեցւոյն հաստա-
տութիւն , քաջալերեցանհամար-
ձակեցան եւ նոքա յանդիման
լինել արքային : Վասն որոյ եւ
պատգամ յղեցին առ մարզպան
աշխարհին , զի ի Դուռն ցուցցէ
զբանս նախարարացն : Իսկ նա
վաղվաղակի յարքունուստ գիր
ողօքանաց եւ ուխտ հաստատու-
թեան տայր տանել առ նոսա
հրամանաւ արքունի , Բայց թէ-

պէտ եւ գիտէին նոքա զդառ-
նութիւն տէրութեանն՝ թէ սուտ
են յամենայնի, կամեցան չարչա-
րակից լինել որբոցն. զի եթէ
մահ եւս առաջի կայցէ՝ ոչ ինչ
զանգիտեսցեն երկիւղիւ :

Եւ զայս լուեալ թաղաւորին,
ոչ կապանօք՝ այլ արձակ ոտիւք
եւ արձակ ձեռօք հրամայեաց
առ ինքն կոչել: Ածին վաղվաղա-
կի զկին եւ զորդիս, եւզինչս իւ-
րաքանչիւր ետուն իճեռս մարդ-
ուանին, եւ ինքեանք փութանա-
կի դնացին ի ձմերոցն արքունի:

Եւ մինչդեռ անդէն ի ձմե-
րոցին էր թաղաւորն, ատեան
հարցափորձի ի մէջ նոցա հրա-
մայէր լինել: Եւ նստաւ հազա-
րամետն՝ զի լուիցէ կողմանցն
երկոցունց: Եւ իրքեւ յերկարե-
ցաւ ամբաստանութիւնն զաւու-
րըս բազումն, պարտաւորեցաւ
կողմ ուրացելոյն :

Քանզիցուցանէինզթուղթսն՝
զոր տուեալ էր Վասակայ ամե-
նեցուն որ ընդ նմա յուխտ ա-
պստամբութեանն. թուղթ միի
Վրաց աշխարհէն, եւ թուղթ
մի յԱղուանից աշխարհէն. սոյն-
պէս եւ թուղթ մի յԱղձնիս, եւ
Հրովարտակ մի առ թագաւորն
Յունաց, եւ թուղթ մի առ մեծ
սպարապետն Անտիոքայ : Եւ ի
բոլորեսին յայսոսիկ թուղթ սն
վաւերականն մատանի Վասակայ
եղեալ էր : Սոյնպէս խառն էր
նա եւ ի մահ մոգուցն ի Զարե-
հաւանի : Եւ զրազում բերդս՝
զոր հանին ի Պարսկաց, յայտ
առնէին զնորա առ այն թուղթ-
որն եւ զհրամանսն. քանզի նա
էր մարդկանն ի ժամանակին :

Որպէս եւ հրեշտակութեամբ
իսկ զոր յղէր առ Յոյնս նախա-
րար մի, որումանունն էր Ատոմ
յազդէն Գնունեաց, սա մասու-

ցեալ յանդիմանէր զնա առաջի
մեծի առենին հրովարտակաւն
իսկ զոր տուեալէր նորա իւրով
մատանեաւ :

Նա եւ ի մէջ իսկ բերէմ զամ.
բաստանութիւն նորա Մուշկան
Նիսալաւուրտ , եւ յայտ առնէր
սպատերազմակից ընկերօքն իւ-
րովք , որ եւ յետ վճարելոյ սպա-
տերազմին բազում արիւն ետ հե-
ղուլ Վասակ . թէ որպէս սուտ
երդմամբք խարէր եւ իջուցանէր
յամրոցաց անտի . էր զոր կոտո-
րէր , եւ էր զոր գերի տանէր
զծառայս եւ զաղախնայս արքու-
նի : Եւ ի վերայ այսր ամենայնի
վիասու , եւ գող եւս գտանէր
յարկի աշխարհին՝ որ յարքու-
նիսն երթայր :

Նա եւ յուրացեալ ընկերացն
նորա բազումք էին որ յայտ ա-
րարին զչարիս նորա՝ զոր գոր-
ծեալ էր ընդ աշխարհն Հայոց ,

Եւ ի մնացեալ մոդացն եւ ի իրշտիպանացն՝ որք իկապանսն առըրեալ էին եւ ապա ածին յարքունիս, հարցին եւ ցնոսա վասն նորա եւ ասեն. — Դուք էք ինչ տեղեակ վասն չարութեան նորա. — Ետուն պատասխանի եւ ասեն. — Ամենայն անցք չարչարանաց որ անցին ընդ մեզ, եւ բազում հարուածք որ եղեն ի զօրսն արքունի, եւ աւեր եւ գերութիւն աշխարհին Հայոց, եւ կորուստ հարկացն արքունի, ըսկիզբն եւ առաջնորդ չարեաց այրդ այդ եղեւ. — :

Եւ մինչդեռ այս ամենայն ամբաստանութիւն զնմանէ կուտէք զայնչափ բազում աւուրս, յառաջ մատեան եւ իւր աղդականքըն, որ եւս յառաջադոյն դատախաղ լեալ էին զնմանէ առաջի արքային, ոկսան կարգաւցուցանել եւ յայտ առնել, որ

սլէս զի բարեկամացեալ էր նա
ընդ Հեռանայ Հոնի միաբա-
նութեամբ Բաղասական արքա-
յին, ի ժամանակին՝ զի կոտո-
րեաց Հեռանն այն զօրուն Պար-
սից յԱղուանս, եւ ասպատակաւ-
եհաս յերկիրն Յունաց, եւ բա-
զում գերի եւ աւար խաղացոյց
ի Հոռոմոց եւ իշայոց եւ իվրաց
եւ յԱղուանից. որպէս զի Խլերայ
իսկ եհաս Խորհրդոցն ինքն իսկ
թագաւորն, եւ սսրան զԲաղա-
սականն արքայ. Եւ վասակ
մարզպան էր Հայոց ի ժամանա-
կին, եւ թշնամեացն արքունի
Խորհրդակից դտաւ. Յուցին եւ
յայտ արարին աղդականքն նո-
րա, որպէս զի հմուտ եւ տեղեակ
իսկ էին չար Խորհրդոցն նորա.
զամենայն ցուցանէին եւ յայտ
առնէին առաջի թագաւորին.
եւ զայլ եւս բազմագոյն խար-
դախութիւնսն, որ ստութեամբ

վարեր զկեանս իւր՝ ոչ միայն
առ ընկերս, այլ եւ առ թաղա-
ւորն ինքնին գլխովին. զի ոչ
երբէք արդարութեամբ վաս-
տակեալ էր ի մանկութենէ :

Յայնմ ժամանակի հրաման ետ
հաղարապետն եւ ասէ . — Ա.ծէք
այսր եւ ի կապելոցն, որք են ի
բանտի անդ — : Լուծինեւ ածին
յերանելեացն զՄահակ եպիսկո-
պոս Ռոշտունեաց, եւ զսուրբն
Յովսէփ եւ Ղեւոնդ երէց :

Եւ իրեւ մերկացան ամենայն
բանք առենին առաջի նոցա, ետ
սկատասխանի Սահակ եպիսկո-
պոսն եւ ասէ . «Որ յայտնի ու-
րացեալն են իմշմարիտն Աստո-
ծոյ, ոչ դիտեն զինչ դործեն եւ
կամ զինչ խօսին . քանզի խաւա-
րեալ է խորհուրդք նոցա . ըլ-
տեարս պաշտեն սուտ պատճա-
ռանօք, եւ ընդ ընկերս մտանեն
յուխտ սոսութեան : Եւ են նո»

քա դարանք սատանայի, զի նո-
քօք իսկ կատարէ զղառնութիւն
կամացն իւրոց, որպէս երեւի իսկ
ի դոյն յայդ Վասակ : Քանզի
մինչ ունէր զանուն քրիստոնէու-
թեան, վերին երեսօք կարծէր
ծածկել եւ թագուցանել զամե-
նայն չարութիւն իւր տոաչի ձե-
րոյ անդէտ տէրութեանդ, եւ
զամենայն նենդութիւնն իւր
քրիստոնէութեամբն ծածկէր :
Ուստի եւ ձեր իսկ կարծեցեալ՝
մեծասլէս պատուեցէք զղա ա-
ռաւելքան զարժանն իւր: Հա-
ւառայէք դմա զաշխարհն Վրայ.
Հարցէք՝ եթէ դո՞ւ իցէն զղմա-
նէ: Ետուք դմա զտերութիւնն
Սիւնեաց . լուարուք յազդակա-
նաց այտի դորա, զի՞նչ պատմեն
զղմանէ: Արարէք զղա մարզպան
Հայոց . զոր նախնեացն ձերոց
մեծաւ աշխատութեամբ գտեալ
էր, դա իմիում ամի կորոյս զեր-

կիրն ամենայն տեսե՞ր, իբրեւ
բարձաւ ի դմանէ ալատուական
անունն Աստուծոյ՝ զոր ունէր
ստութեամբ, մերկ երեւեցաւ
ամենայն չարագործութիւն դո-
րս : Զի եթէ առ Աստուածն իւր
սուտ գտաւ, առ ո՞ ոք ի մահ-
կանացուաց աստի դա արդար
գտանիցի :

« Արդ ամենայն ամբաստա-
նութիւն՝ որ սոյժմ յայտնի եղեւ
զդմանէ, ոչ ահա ձեր իսկ յառա-
ջագոյն լուեալէր բայց յոր դէոյր
ծածկեցէքն՝ դուք ձեզէն իսկ
քաջ գիտէք: Ինձ այսովէս թուի,
եթէ սուտ յուսով դա զձեղ խըն
դացոյց: Այլ ոչ դուք եւ ոչ դա,
եւ ոչ որ զինի ձեր դալոց է՝
զայն ի մեզ ոչ կարէ տեսանել:
Արդ արարէք ընդ դա որսօվէս եւ
կամիք: ցմեղ զի՞ հարցանէք:

Զարմացաւ մեծ հաղարասլեան
ընդ միտա իւր, եւ ի խորհուրդս

իւր քննէր զամենայն բանս ա-
տենին, Քանզի հասեալ էր իվե-
րայ՝ եթէ յիրաւի դատավարաւե-
ցաւ այրն ըստ արժանի դործոցն
իւրոց, եմուտ եւ եցոյց զամե-
նայն բանս ատենին յարքունիս
եւ իրբեւ լուսւ թաղաւորն եւ
սոռուդեաց ի հաղարապետէն
զառնն պարտաւորութիւն, բար-
կացաւ յոյժ եւ ի խոր խոցե-
ցաւ. բայց միայն երկայնմտու-
թեամբ կամեցաւ հասուցանել
դնա ի մեծ անարդութիւն: Լուռ
եկաց աւուրս երկուսամ, մինչ
ի գլուխ չողաւ փուրսիշ ամբաս-
տանութեանն :

Եւ եղեւ յաւոր միօջ մեծի
զամենայն երեւելի եւ զպատուա-
կանսն հրամայէր յընթրիս կոչել
կոչեցին եւ զուրացեալն. եւ նա
ըստ առաջին կարգի օրինացն
արքունիարկանէր զպատուական
հանդերձն զոր ունէր ի թաղա-

ւորէն. կապէր եւ զսլատիւ վար-
սին եւ զխոյրն ոսկեղէն դնէր ի
վերայ, եւ զկռանակուռ ձոյլ ոսկի
կամարն ընդելուղեալ մարդար-
տով եւ ակամբք պատուականօք
ընդ մէջ իւր ածէր, եւ զգինդսն
յականջսն, եւ զգումարտակն ի
սկարանոցին, զսամոյրսն զթիկամ-
բըն, եւ զամենայն օրէնսս պատ-
ւոյն զանձամբ արկեալ՝ երթայր
յարքունիս. շքեղ եւ երեւելի
քան զամեննեսեան երեւէր բալ-
մութեանն :

Իսկ նախարարքն որք կամօք
ի Հայոց չողան՝ անձամբ տուեալ
զանձինս ի փորձութիւնն, եւ
սուրբքն որյառաջադոյն հասեալ
էին, կապանօք ունէին զամենե-
սեան առ Դրանն արքունիս Իր-
բեւ տեսին զնա զարդարեալ եւ
շքեղացեալ, եւ բազմամբոխ գըն-
դաւ դայր յարքունիս, ի միտո
իւրեանց սկսան ոյսկանել եւ առ

սել. «Ո՞վ անմիտ վաճառական,
զանմահ եւ զանանց պատիւ ե-
տուր, եւ զանցաւորդ գնեցեր,
զոր եւ զայդ եւս ընդ մօտոյ ա-
ւուրս կորուսանելց ես : »

Եհաս եւ նստաւ ի ներքին
դահլիճսն, որ էր հրապարակ մե-
ծամեծացն. Արդ եկն ել սենե-
կապանն յարքունուստ, հարցա-
նէր ցնա եւ ասէր. «Արքայ յը-
ղեաց առ քեզ, յորմէ գտեալէ,
քո զայդ ամենայն պատուական
պատիւդ, ասա վաղվաղակի ,
վասն որոյ արդար վաստակոց : »
Եւ յուշ առնէր նմա զամենայն
բանս առենին յորում զանա-
պարտեցաւն. նա եւ զոր ոչ եւս
անդ խօսեցաւն՝ զայն եւս յայտո-
նէր նմա. Զի ոչ ըստ կարդի ու-
նէր նա զտէրութիւնն Սիւնեաց
աշխարհին, այլ նենդութեամբ
եւ քսութեամբ ետ սովանանել
զհօրեղբայր իւր զաղինակ , եւ

յինքն տարաւ զտէրութիւնն՝
իբրեւ քրտիկեար յարքունիս :
Նա եւ այլ եւս բազում բանիւք
դատապարտեցին զնաւ որումա-
մենայն աւագանին վկայ գային :
Պապանձեցաւ ամենեւին , եւ
չդտաւ բան ճշմարիտ ի բերան
նորաւ Իբրեւ կրկնեցին եւ երեք-
կնեցին ցուցանելով իներքս յար-
քունիսն , հատաւ վճիռ մահու ի
վերայ նորա :

Արդ եկն ել դահճապետն ,
եւ մատեաւ առաջի ամենայն
Ահծամկծացն , մերկեայց ինմա-
նէ զպատիւն զոր ունէր յարքու-
նուստ , եւ զգեցոյց նմա հան-
դերձ մահապարտի : Կապեցին
զոտս եւ զձեռս , եւ կանանցա-
րար նստուցին ի ձի մասակ տա-
րան եւ ետուն յայն զընդան՝
ուրկոյինմահապարտք ամենայն ,
Իսկ նախարարքն Հոյոց եւ
սուրբ եպիսկոպոսքն հանդերձ

երիցամբքն , թէպէտ եւ էին ի
մեծի պատուհասի , ոչ ինչ յիշէին
զնեղութիւնսն որ անցեալ էր
ընդ նոսա , եւ կամ որ այլ եւս
ակնկալութիւն էր գալի վերայ .
այլ զարմացեալ էին ընդ մեծ
յայտնութիւնն որ եղեւ յԱս-
տուծոյ : Միսիթարէին զմի-
մեանս եւ ասէին . « Քաջու-
թեամբ պատերազմեցաք , առա-
ւել եւս համբերութեամբ ճըգ-
նեցուք : Լուեալ է մեր ի սուրբ
Հարցն մերոց՝ եթէ գլուխ ամե-
նայն առաքինութեան համբե-
րութիւն է , եւ իմաստութիւն
երկնաւոր՝ կատարեալ աս-
տուածալաշտութիւն . Եւ զայս
ոչ ոք կարէ գտանել առանց
չարչարանայ : Իսկ չարչարանքն
յորժամ ընդերկարանայ . ի վե-
րայ՝ յայնժամ բազմանայ վարձ
հասուցմանց պարդեւին : Ապա
թէ այդ այդպէս է , զայս միայն

աղաչեսցուք զԱստուած՝ զի
համբերել կարասացուք ամենայն
փորձութեանց . Եւ տէր ինքնին
արասցէ հնարս մերում վրկու-
թեան :

« Լուեալ է մեր զդատաստան
քառասուն զինուորացն Քրիս-
տոսի , որք բազում հարուածս
աանջանաց ընկալան : Մինն ի
նոցանէ փութացաւ ի բաղա-
նիսն , Եւ վրիպեաց ի սլսակէն .
իսկ երեսուն Եւ ինն համբերու-
թեամբ կառարեցան , Եւ հասին
այնում աւետեացն , որում ցան-
կացեալն էին : Իսկ մեր ընկե-
րակիցն աւանիկ՝ որ յառաջադոյն
որոշեցաւ ի մէնջ , ահա եղեւ
գործակից ստունայի : Մինչ
դեռ ոգիքն ի մարմնին են՝ ըն-
կալաւ զառհաւաշեայ գեհե-
նին տանջանաց , որ ոչ միայն
սրբոց է ողբալի , այլ Եւ ամե-
նայն գաղանաբարոյ մարդկան : »

Զայս ասէին , եւ բազում արտասուս ի վերսց կորուսելոյն հեղուին , անդէն զերգս հոգեւորս ի բերան առեալ ասէին :

« Բարի է յուսալ ի Տէր քան յուսալ ի մարդիկ . բարի է յուսալ ի Տէր քան յուսալ յիշխանս . ամենայն աղինք շրջեցան զինեւ , եւ անսւամբ Տեառն յաղթեցի նոցա : » Քաջալերէին զմիմեանս եւ ասէին . « Զայս գիտելով , եղբարք , մի՛ երկիցուք յանաստուած ազգէս հեթանոսաց , որքան զմեղուս վատթարագոյն եւս են իզայրանալն իւրեանց , զի եւ նոցա ցասումն իստուկումն անձանց իւրեանց լիցի . այլ մեք զանուն Տեառն կարդասցուք , եւ վանեսցուք զամենեսեան : » Իսկ ուրացեալն Վասակ հայէր ի միարանութիւն սուրս կապելոցն , որք մեծաւ ինդոթեամբ ընդունէին զչարչարանոն , եւ

պուարթագոյն եւ սլայծառք
 երեւէին որպէս յառաջագոյն
 յարքունիսն , հայէր եւ կարօ-
 տէր , եւ ոչ ոք խառնեաց զնա
 ի նոսա , այլ ուրոյն նովին կա-
 պանօք ոլահէին : Եւ օր ըստ օրէ
 բերէին իրեւ զգէշ ընկենուին
 ի մեծ հրապարակին , ձաղէին
 եւ այսլանէին , եւ տեսիլ ամե-
 նայն կարաւանին զնա առնէին :
 Կողովարեցին հանին եւ ոչ ինչ
 թողին զոր ընդ իւրն ունէր .
 այնպէս ձաղեցին աղքատու-
 թեամբ , մինչ հաց մուրանային
 եւ բերէին նմա իւր ծառայքն :
 Եւ այնպէս սաստիկ արկին ըզ-
 պարտերս հարկաց աշխարհին ի
 վերայ տան նորա , որ մինչեւ
 զհարց եւ զհաւուց եւ զիւր
 արարս եւ զզարդս կանանց եւս
 եղ ի վերայ , եւ ետ եւ տուժե-
 ցաւ . եւ ոչ կարաց հատուցանել
 զպարտսն արքունի : Եւ յայն

տեղի հասուցին՝ մինչեւ հարցանելնմա՝ — Եթէ կայցէ ինչ գանձ ի գերեզմանս նախնեացն մերոց — . Եւ եթէ գտեալէր նորա, հանէր եւ տայրընդ իւր եւ ընդընտանեացն տուղանս . որպէս զի բազում մարդիկ խել չողան ի տուժի :

Եւ իբրեւ այսպէս յամենայն կողմանց հարեալ վատթարացաւ, անկաւ յախտս դժնդակս անդէն ի կառանսն : Զեռաւ փոր նորա, եւ հարան եւ տրոքեցան գոքք նորա, եւ քամեալ մզեցաւթանձրամսութիւննորա Եռացին որդունք ընդ աչս նորա եւ ի վայր սորեցին ընդ ոնդունքս նորա . խցան լսելիք նորա, եւ ծակոտեցան չարաշար շըթունք նորա . լուծան ջիլք բազկաց նորա, եւ յետ կոյս կորացան կրկունք ստից նորա : Բըլխեաց ի նմանէ հոտ մահու, եւ

ժիախսատկան եղեն ի նմանէ
ձեռնասուն ծառայք նորա, կե-
զուն միայն կայր զառդասը լ'
բերան նորա, եւ ոչ գտաւ խոս-
տովանութիւն ի շրթունս նորա
ծաշակեաց զմահ հեղձամղձուի,
եւ էջ ի դժոխս անհնարին դաւ-
նութեամբ։ Ոտնհար եղեն նմա-
ամենայն սիրելիք նորա, եւ ոչ
յագեցան սաստիկ հարուածովք
ամենայն թշնամիք նորա։

Եւ այն որ կամէրն թագաւոր
ինել մատնութեամբ՝ Հայոց
աշխարհին, եւ ոչ գերեզմանի
նորա տեղի երեւեցաւ ի նմին.
քանզի իբրեւ պշուն մեռաւ եւ
իբրեւ զէշ քարշեցաւ։

Ոչ յիշեցաւ անուն նորա ի
մէջ սրբոց, եւ ոչ մատեաւ յիշա-
տակ նորա առաջի սուրբ սեղա-
նոյն յեկեղեցւոջն։ Ոչ ինչ եթող
չարիս՝ զոր ոչ գործեաց ի կեանս
իւր, եւ ոչ ինչ մնաց ի մեծա-

մեծ շարեաց՝ որ ոչ անցին ընդ
նա ի մահուան նորա :



Գրեցու յիշատակարանս ոյս
վասն նորա, առ ի կշտամբումն
յանդիմանութեան մեղաց նորա.
զի ամենայն՝ որ զայս լուեալ
զիտասցէ, նզովս ի հետ արկցէ,
եւ մի՛ լիցի ցանկացող գործոց
նորա :

ԱԿԱՐՏԵՑԱՆ

ԵՒԹՆ ՑԵՂԱՆԱԿԻՆ



ԱՐՏԱՔՈՅՑ

ԵՒԹԵՆ ՅԵՂԱՆԱԿԻՆ

ՈՒԹՅԵՐՈՌԴ



ՎԱՍՆ ԶԱՐԶԱՐԱՆԱՅ

Սուրբ Քահանայիցն եւ նաև
ակուրեան.



ԱՐԴ ի վեշտասաներորդի
ամի տէրութեան նորին թագա-
ւորի՝ դարձեալ անդրէն խաղայր
գնայր յաշխարհն Քուշանաց մե-
ծաւ որտմտութեամբ ի գործ
պատերազմի . Եւ գնացեալ ի
Վրկանէ, եւ ելեալ յԱպար աշ-
խարհ , նովին կասլանօք գնա-
խարարսն եւ զքահանայսն հրա-
մայեաց ալահել ի դղեկ քաղաքի
ի նիւշապուհ . եւ զերկուս յե-

բանելի կտակելոցն ընդ իւր խաղացոյց : Ահ արկանէր ամենայն քրիստոնէութեան ընդ որ անցանէր :

Իբրեւ զայն տեսանէր Հոն մի,
որ էր յազդէ թագաւորացն ի
Խայլանդրաց աշխարհէն , Բէլ
անուն, եւ ի ծածուկ խոնարհէր
առ քրիստոնեայսն, եւ սիրով
յօժարութեամբ ուսանէր ի նու-
ցանէ զճշմարտութիւնն , եւ կա-
մօք իւրովք նուաճեալ էր ընդ
իշխանութեամբ թագաւորին ,
եւ կարի յոյժ դառնանայր ի
միտս իւր յորժամ տեսանէր
չարչարեալ զսուրբսն : Եւ իբրեւ
այլ ոչ ինչ էր ձեռնհաս , փա-
խըստական անկանէր առ ար-
քայն Քուշանաց : Երթայր եւ
սլատմէր նմա զամենայն անցո
չարչարանացն, զոր անցոյց թա-
գաւորն ընդ աշխարհն Հայոց :
Թեղեակ եւս առնէր զնա վասն

Խորամատութեանն սլահակին Հո-
նաց . ցուցանէր եւ զերկպառա-
կութիւն զօրացն , որ բազում
աղգք բաժանեցան ի սիրոյ թա-
գաւորին . աղղէր նմա եւ զուր-
տունջ զԱրեաց աշխարհին :

Զայս իբրեւ լուաւ թագաւորն
Քուշանաց , ոչ ինչ երկմոռու-
թեամբ թերանայր յառնէն , եւ
ոչ կարծիք լրտեսի անկանէին
ի սիրոս նորա : Քանզի սակաւ
մի յառաջագոյն նորա լուեալ
էր , դարձեալ իբրեւ ստուգեաց
ի ԲԵԼՍՅ զսյն եւս Եթէ խաղա-
ցեալ գայ ի վերայ աշխարհին
Քուշանաց , փութացաւ վաղվա-
ղակի զօր ժողովէր գունդ կազ-
մէր՝ ելանել նմա ընդ առաջ հզօր
ձեռամբ : Զի թէպէտ եւ ոչ կա-
րէր յանդիման տալ սլատերազմ
ընդդէմ նորա , այլ ի վերջ այս
թեւոցն անկեալ՝ բազում հար-
ուածս հասուցանէր ի վերայ զօ-

բացն արքունիւ Եւ այնպէս նեղեալ շտապէր՝ զի անձուկ լաշկարաւ վաստակարակ արարեալ այսրէն դարձուցանէր, Եւ ինքն ասպատակաւ զհետ մոռեալ աւերէր զբազում գաւառս արքունի, Եւ ողջանդամ անդրէն յերկիրն իւր դառնայր :

Եւ թագաւորն իրրեւ ետես եթէ անարգանօք Եւ վատթարութեամբ դարձեալ եմ ի ոլտարազմէս, զիջաւ փոքր մի ի հաղարտութենէն, Եւ գիտաց եթէ յերկպառակութենէ զօրացն եղեն չարիքն ամենայն, Եւ առ մղձկել սրտին՝ չգիտէր թէ յո՛ թափէր զթոյնս դառնութեանն : Իսկ մեծ հաղարտապետն յոյժ էր յերկիւզի, քանզի ինքն էր սլատճառք ամենայն չարեացն որ գործենաց :

Սկսաւ բանս ի բերան դնել մոգսպետին Եւ մոգացն, որք մա-

տուցեալ յանդիման ասէինցթագաւորն . «Արքայ քաջ , մեք ի դենէ իսկ գիտեմք , զի ոչ ոք ի մարդկանէ կարէ կալ առաջի քոյոյ մեծի զօրութեանդ . այլ վասնքրիստոնէից — որ են ընդդէմ օրինաց մերոց — բարկացեալ են մեզ աստուածքն , զի մինչեւ ցայսօր կենդանի ոլոհեցեր զնոսա : » Եւ յիշեցուցանէին եւս նմա , որպէս նոքա ի բանտի անդ անիծանէին զքեզ : Եւ բազում եւ այլ հահոյութիւնս խօսէին զսրբոցն՝ եւ զոր հանապազ զնոսա յաչաց հանէին , եւ զմիտս թագաւորին ածէին ի ցասումն բարկութեան . մինչեւ փութացաւ վաղվաղակի հեղու զարիւն անմեղացն :

Ետ հրաման վասն երկուցն որ անդէն ի կարաւանին առ իւրն էին — Սամուել եւ Արրահամ — զի գաղտ կարուցեն զնոսա :

իսկ որք էին ի դղեկքաղաքին,
հեռի էին ի կարաւանէն իրեւ
օթիւք հնգետասան։ Հրամա-
յեաց Համբարակապետին, ո-
րում անունն էր Դենշապուհ, զի
յառաջ քան զնա երթիցէ ի քա-
ղաքն, ուր էին սուրբ քահա-
նայքն Տեսոն, եւ չարաչար
տանջանօք իշխեսցէ դատել եւ
հարցանել, եւ որով վախճանել։

Այլ զնոսա մողակետին յառա-
ջագոյն — որում յանձն արա-
բեալ էր — բազում անգամ տ-
ելի քան զհրամանն արքունի
չարչարեալ էր. քանզի իշխան
Դենպետ էր Ապար աշխարհին,
եւ առաւել ջերմագոյն էր ի մո-
գութեանն. քան զբազում գի-
տունսն եւս տեղեակ էր զրա-
դեշտական օրինացն։ Նա եւ
զոր մեծ սլարծանս համարէին
ըստ իւրեանց մոլորութեանն
կարգին, Համակդեն անուն էր.

գիտեր եւ զԱմսլարտքաշն, ու
սեալ էր եւ զԲողպայիտն, ունէր
եւ զՊալհաւիկն եւ զՊարսկա-
դենն. Քանզի այս հինգ կեշոք
են որ գրաւեալ ունին զամե-
նայն օրէնս մոգութեանն. բայց
արտաքոյ սոցա է մեւս եւս այլ
վեցերրորդ, զոր Պետմոգն կոչեն:

Յունէր իմն անձին՝ եթէ կա-
տարեալ իցէ ամենայն գիտու-
թեամբ. հայէր ընդ երանելիսն,
եթէ առ տղիտութեան մոլոր-
եալ են ի մեծ գիտութենէս
մերմէ: Եղ սնոտի կարծիս ի
մտի՝ անդադար չարչարել ըզ
նոսա, զի թերեւս առ չժուժալ
մարմնոյն նեղութեանց՝ լուայց
ի նոցանէ բանս ինչ ողոքանաց:
Վասն որոյ զատ եւ որոշեաց ի
նախարարացն զքահանայսն, եւ
հեռացոյց ի նոցանէ բացադոյն,
եւ արկ զնոսա ի ներքնատուն մի
գէճ խաւարչտին: Եւ հրամայէր

վեց առն երկու քաշկինս ժամե-
ի ժամ, եւ դորակ եւ կէս ջուր-
եւ ամենեւին ոչ զոք թողոյր
մօտ երթալ ի դուրս բանտին :

Եւ իբրեւ աւուրս քառասուն
այսու նեղէր զնոսա, եւ ոչ լուս
ի նոցանէ բան թուլութեան, այլ
իմն ած զմուտ, որպէս թէ ոք
յիւրաց ծառայիցն դադտ եղիտ
ինչ ի նոցանէ, եւ ի ծածուկ
տայցէ նոցա կերակուր : Ինքն
երթեալ կնքէր զերդ եւ զդուռն
բանտին, եւ զկարգեալ ոոճիկն
տոյր յիւր հաւատարիմն տա-
նել նոցա . եւ արար զայս աւուրս
հնգետասան :

Սակայն եւ այնպէս երանե-
լիքն ոչ ինչ շտապեալ տագնա-
սլեցան . այլ մեծաւ համբերու-
թեամբ տանէին զճզնութիւնն,
եւ անդադար սաղմափր կային
ի հանտաղորդ պաշտամանն .
եւ ի կատարել աղօթիցն զուար-

թաղին գոհանալով, սակաւիկ
մի հանգչեին ի գետնախշտի
յանկողինսն :

Իսկ պահապանքն որ ի վերայ
կաղելոցն կային՝ յոյժ էին զար-
մացեալ ընդ առողջութիւն ան-
հիւանդութեան նոցա, իբրեւ
լուին զանդադար հնչումն ձայ-
նիցն: Վասն այնորիկ սպասմեցին
յականջս մոդպետին եւ տաեն.
— Աչ են արքն այն լոկ տուանց
մեծի զօրութեան. զի եթէ սլո-
ղընձի մարմինք ունէին նոքա-
պրդ լուծեալ էր ի դէճ խոնաւոյ
անտի: Բազում ժամանակք են
մեր՝ զի յանձն է մեղպահպանու-
թիւն բանտիս. ոչ յիշեմք՝ եթէ ի
կաղելոց ոք ամսօրեսյ ժամանակ
կեցեալ իցէ ի տանդ յայդմիկ:
Արդ մեք տսեմք քեզ. եթէ տ-
ուեր հրաման մահու նոցա եւ
սպանանես՝ դու դիտես. ապա
թէ ոչ, սպահել յանձն արարաւ

քեզ եւ ոչ դատել ղնոսա՝ չարաշար վտանգ է կապելոցն : Եա եւ մեք զահի հարեալ եմք եւ յոյժ երկնչիմք, յորժամտեսանեմք զայնսլիսի անհնարին նեղութիւնս — :

Եւ իբրեւ զայս լուաւ մողական, յարուցեալ ինքնին երթայր ի մէջ գիշերին յերդ բանտին : Եւ հայեցեալ ի ներքս ընդմութ գիշերոյն, այն ինչ լինէր նոցա ի պաշտամանէն հանդչել : Եւ տեսանէր զանձն իւրաքանչիւր կապելոցն՝ զի իբրեւ զկանթեղ անշիջանելի վառեալ բորբոքէր : Զահի մեծի հարաւ, եւ տաէր ընդ միտս իւր . — Զինչէ այս մեծ ոքանչելիքս . աստուածք մեր ուրեմն եկեալ իշեալ են ի բանտս, եւ նոցափառաւորութիւնն լուցեալ բորբոքի : Եւ եթէ նոքա առ սոսա ոչ մերձենան, մարդոյ լոկոյ ան-

Հնարին է զայսպիսի պայծառութիւն լուսոյ զգենուը իմ այսպիս լուեալ էր վասն կեշտիս այսորիկ՝ եթէ առ յոյժ յիմարութեանն մոլորեալ են, եւ սոռութեամբ կերպարանին ի յաչս տգետ մարդկան. թերեւս եւ այս տեսիլ այնպիս ինչ երեւեցաւ ինձ — :

Եւ ոչ կարէր համօրէն կալ ի վերայ իրացն երեւման. Եւ մինչդեռ յայսմ մտաց խորհրդի էր, դարձեալ սուրբքն յիւրաքանչիւր խշտեկացն կանգնեցան կացին ի սովորական պաշտամանն. Յայնժամ ճշմարտեալ գիտաց մոգսպետն, եթէ ոչ այլընդոյլոց տեսանէր՝ որ երեւեցաւն նմա, այլ ի նոցունց յանձանց փայլէր լուսաւորութիւնն. Յայնժամ կրկին անդամ զահի հարաւեւ ասէ. «Ո՞ւմ ի կապելոցն եղեւ այսպիսի յայտնութիւն. ևս

եւ ոչ զմի ոք ոչ գիտեմ, եւ ոչ
լուեալ էիմ իհարցն յառաջնոց—։
Եւ քանիզի անհնարին շարժեցաւ
ի մեծ սքանչելեացն, եւ դողա-
ցին ամենայն մարմինքն, եւ թըլմ-
բրեալ կիսամեռ լինէր ի վերայ
տանեացն մինչեւ յառաւօտն։
Եւ ի ծագել լուսոյն իրբեւզբազ-
մօրեայ հիւանդ յարուցեալ եր-
թայր ի վանս իւր, այլ եւ ոչ ու-
մեք իշխեաց ամենեւին սրատմել
զր ինչ ետեսն։

Կոչեաց առ իւր զպահա-
սլանսն եւ ասէ ցնոսա։ «Երթայր
հանէք զկապեալսն ի վերնա-
տուն մի ցամաքադոյն։ Եւ անդ
պահեցէք զնոսա զգուշու-
թեամբ, որպէս եւ ասացէքն։»
Մի ոմն ի դահճաց անոի իրբեւ
լուաւ զհրամանս մոգակետին,
փութով ընթացեալ երթայր,
իրբեւ մեծ իմն աւետիս տանէլ
նոցաւ—Հրամայեաց ձեզ, ասէ,

ելանել ի ցամաք վերնատուն մի.
արիք վաղգաղակի, եւ մի հեղ-
դայգ, քանզի եւ մեք իսկ պա-
ղատեցաք վասն ձերոյ տառա-
պանացդ : »

Իսկ սուրբն Յովսէի հեղաքար
սկսաւ խօսել ընդ դահճապետին
եւ ասէ . « Երթ եւ առա ցյիմար
առաջնորդն ձեր . չէ լուեալ քո
վասն հանդերձեալ դալստեան
Տեառն մերոյ եւ կամ վասն մերոյ
հրաշակերա շինուածոցն՝ որք
մեզ կան պահին ի սկզբանէ
պատրաստութեամք, վասն որոյ
դիւրաւ համբերեմք մեծի նե-
ղութեանս առ սէր այնր յուսոյ
զոր տեսանեմք : Դու բարւոք
արարեր , զի արգահատեցեր
մեծի նեղութեանս մարմնոյ . այլ
ոչ ինչ եմք ձանձրացեալք իբրեւ
զանաստուած ոք՝ որ չիք այլ
ինչ յոյս իմիտո նորա քան որ
երեւինս : Այլ մեք առ սէր

Քրիստոսին մերոյ՝ ընդ այս յոյժ
եմք խնդացեալ. եւ կատարեալ
պարզեւս զսա իսկ համարիմք,
զի ժամանակեայ վշտօքս զան-
ժամանակ երանութիւնսն ժա-
ռանդեսցուք :

«Եթէ չինուածոց իցեմք ցան-
կացեալք, ունիմք չինուածս
յերկինս առանց մարմնաւոր
ձեռագործի, որ ոչ երեւին
ձեր արքունիքդ առ նոքօք :
Նոյնպէս եւ հանդերձից եւ փա-
ռաց եւ անախտ կերակրոց. զոր
եթէ ոք կամեսցի ասել ձեզ,
չհանդարտէ լսել ձեր տկարու-
թիւնդ. վասն զի կուրութեան
հնութեամբն չտեսանէք եւ ոչ
լսէք եւ ոչ իմանայք, յայն սակա
զմեզ զուր եւ անիրաւ եւ առանց
յանցանաց անողորմն դատիք:
Այլ մեր թագաւորն առատ է եւ
բարերար, եւ բաց է դուռն ար-
քայութեան նորա. եթէ կամես-

ցի ոք դիմել՝ դիմեսցէ համարձակ . իդարձելոց յապաշխարհութիւն չնախանձի եւ ոչ ընդումեք երբէք :

« Բայց վասն դիւրութեանս որ դու հրամայեցեր առնել մեզ , էր մեր իշխանութիւն անդրէն յաշխարհին մերում չանկանել մեզ ի ձեռս թաղաւորիդ , որպէս եւ այլքն՝ զի ասլրեցան յայսպիսի փորձանաց . այլ որպէս կամօք եւ յօժարութեամբ եկաք , իրրեւթէ դիտէաք զվիշտս վտանգիս , ոչ ինչ զանդիաէաք յայսպիսի ճգանց , սոյնպէս եւ կամիսք՝ զի եւ այլ եւս ծանրացուցես ի վերայ մեր , մինչեւ քո չարութիւն կամացդ յաղեսցի ի մեզ : Զի թէ Աստուածն մեր , որ է արարիչ երկնի եւ երկրի եւ ամենայն երեւելեաց եւ աներեւութից , եւ առ սէր իւրոյ բարերարութեանն խոնարհեցաւ առ ազգս մարդ-

կան, եւ զգեցաւ մարմին չար-
շարելի, եւ անց ընդ ամենայն
հանդէս առաքինութեան, եւ
կատարեաց դամենայն գործ
տնտեսութեան, ի կամս իւր
մատնեցաւ ի ձեռու խաչահա-
նուացն, մահու մեռաւ եւ եղաւ
ի գերեզմանի, եւ զօրութեամբ
աստուածութեանն իւրոյ յարու-
ցեալ երեւեցաւ աշակերտացն եւ
այլոց բազմաց. եւ վերացաւ առ
Հայր իւր յերկինս, եւ նստաւ
ընդ աջմէ հայրենի աթոռոյն, եւ
շնորհեաց մեզ զօրութիւն երկ-
նաւոր, զի ըստ նորա անմահու-
թեանն՝ եւ մեք մերով մահկա-
նացու մարմնովս կարիցեմք չար-
շարակից լինել անմահ մեծու-
թեանն, եւ նա ոչ եւս իրեւ
զմահկանացու համարի զմեր
մահն, այլ իրրեւ անմահակից
հատուցանէ մեզ զվարձս վաս-
տակոց մերոց։ Արդ փոքր համա-

րիմք մեք զշարչարանս զայս առ
սէր փոխարինին զոր էարկ առ
աղդս մարդկան » :

Իբրեւ լուաւ զայս ամենայն
բանս մոգպետն ի դահճապետէ
անտի, խոռվեցաւ, պղտորեցաւ ի
միտսիւր, եւ հատաւ քունյաչաց
նորա զբաղում դիշերս : Իսկ յա-
ւուր միոջ յերեկուն պահուն յա-
րուցեալ երթայր առ նոսա միայ-
նիկ լոիկ, եւ ոչ զոք առնոյր ընդ-
իւր ի սպասաւորացն : Եւ իբրեւ
եհաս ի դուրս տանն, հայէր ընդ-
ծակ մի ի ներքս եւ տեսանէր
ըստ առաջին տեսլեանն . բայց
նոքա ի քուն կային խաղաղիկ:

Հեղաբար կարդաց յանուանէ
զեպիսկոպոսն, քանզի քաջ իսկ
զիտէր պարուկերէն: Եկն իդուրս
եւ հարցանէր . «Ո՞վ ես դու: —
Ես ինքն իսկ եմ, ասէ . կամիմ ի
ներքս մոտանել եւ տեսանել
զձեզ — :

Եւ իբրեւ եմուտ ի մէջ ուլլր-
բոցն, ոչ եւս երեւէր նմա այլ
նշանն. եւ պատմեաց նոցա զեր-
կիցս երեւումն սքանչելեացնու
ետ պատասխանի Դեւոնդ ե-
րէցն եւ ասէ. «Աստուած, որ
ասաց ի խաւարի լոյս ծագել,
որ եւ ծագեաց եւ լուսաւորեաց
իմաստութեամբ զաներեւոյթ-
արարածս, նոյն զօրութիւն եւ
այսօր ծագեաց ի խաւարեալ
միտս քո, եւ բացան աչք կուրա-
ցեալ ոգւոյդ, եւ տեսեր զանշի-
ջանելի լոյս շնորհացն Աստուածոյ.
միութա, մի՛ հեղդար. գուցէ
դարձեալ կուրացեալ ընդ խա-
ւար գնայցես » :

Եւ զայս իբրեւ ասաց, յոտն
կացին ամենեքեան ասելով ի
քառասներորդ երկրորդ սաղմո-
սէն. «Առաքեա, Տէր, զլոյս քո
եւ զՃշմարտութիւն քո, զի
նոքա առաջնորդեսցեն եւ ած-

ցեն զմեղի լեառն սուրբ եւ ի
յարկս քո: Արդարեւ ճշմարտիւ
Տէր, առաջնորդեցեր եւ ածէր
զմոլորեալս զայս յանանց ուրա-
խութիւնդ եւ յանմերժելի հան-
դիսոդ: Ահա նմանեալ է օրս
այս սուրբ չարչարանացն քոց-
որսէս ապրեցուցեր զմահա-
սլարտ աւաղակն յերկրորդ մահ-
ուանէն, եւ նովաւ բացեր զաղ-
խեալ դուռն Ադենայ, այսպէս
դտեր եւ զայս կորուսեալս, որ
էր պատճառք մահու բազմաց,
արդ արարեր զսա պաճառք
կենաց մեղ եւ անձին իւրում:
Դոհանամք զքէն, Տէր, գոհա-
նամք եւ ճայնակիցք լինիմք
սուրբ մարդարէին. Մի մեղ Տէր,
մի մեղ, այլ անուան քո տուր
փառս վասն ողորմութեան եւ
ճշմարտութեան քո. զի մի՛ եր-
բէք ասասցեն ի հեթանոսս, թէ
ուր է Աստուած նոցա. որպէս

Եւ այսօր իսկ յայտնի եղեւ զօրութիւնքու մեծ իմէջ ապարասան խաւարազգեստ ազգիս ։ :

Իսկ որ ձրին եզիտ զաստուածատուր շնորհսն, սկսաւ եւ նա առանձինն ասել. «Տէր լոյս իմ եւ կեանք իմ, ես յումմէ երկեայց. Տէր ապաւէն կենաց իմոց, ես յումմէ դողացայց։ Քանզի գիտեմ ճշմարտիւ՝ եթէ բազում են այսուհետեւ թշնամիք իմ, եւ կամին մերձենալ եւ ուտել զմարմինս իմ. այլ դու, Տէր ամենայնի, եկիր վասն ամենեցուն կենաց, զի դարձցին եւ կեցցեն առաջի քոյոյ մարդասիրութեանդ։ Մի՛ որոշեր զիս ի սուրբ գառանցս յորս խառնեցայ, զի մի՛ ըստ քո փարախսդարտաքս ելեալ՝ չար դազան դարձեալ բեկանիցէ զիս։ Մի՛ հայիր, Տէր, ի բազմամեայ ամբարշտութիւնս իմ, զի մի՛ մոլո-

րեալ ի ճշմարիտ կենացդ՝ զբա-
զումս անդրէն ի կորուստ աշա-
կերտիցեմ, այլ որոց եղէ պատ-
ճառք մահու՝ նոցին եղէց եւ
պատճառք կենաց : Սատանայ՝
որ ինեւ խրոխտացեալ պարծէր
ի մէջ մեծի կորստականացս, ի-
նեւ կորացեալ ամաչեսցէ ի մէջ
իւրոց աշակերտացն» :

Եւ զայսիբրեւ սսացին, նմին
իսկ ետուն կատարել զաղօթսն,
եւ դադարեցին նովաւ հանդերձ
մինչեւ ի պահն երրորդ, եւ
այնպէս խաղաղացեալ կացին ի
քուն ամենեքեան մինչեւ ի ժամ
առաւօտուն :

Իսկ նորա յոտն կացեալ, եւ ի
քուն ոչ մտանէր, այլ զՃեռսն
իւր ի վեր համբարձեալ՝ կայր
յաղօթս: Եւ մինչդեռ ընդ երդ-
պշուցեալ հայէր յերկինս, յան-
կարծակի տունն լի եղեւ լուսով.
Եւ երեւեցան նմա սանդուղք

լուսեղէնք՝ որ կանգեալ էր
 յերկրէ ի յերկինս. եւ դունդք
 դունդք զօրաց ելանէին ի վեր.
 եւ էր ամենեցուն տեսիլն նոր եւ
 չքնաղ եւ ահաւոր եւ սքանչելի
 իբրեւ զտեսիլ հրեշտակի : Ու-
 նէր եւ դժիւ համարոյ ի միտս
 իւր զիւրաքանչիւր դնդիցն զոր
 տեսանէր, էր որ զհաղարի, էր
 որ զերեսուն եւ վեցից, էր որ
 զերկերիւրոց եւ զերեքտասա-
 նից. Եւ այնպէս մօտագոյնս մեր-
 ձենոյր, մինչեւ ճանաչել նմա
 զերիս ի նոցանէ, զկարդան եւ
 զԱրտակ եւ զկորէն: Եւ ունէին
 ինն պսակ իձեռին. խօսէին ընդ
 միմեանս եւ ասէին. «Ահա եկն
 եհաս ժամ, զի եւ սոքս խառ-
 նեցին ի դունդս մեր. քանզի
 եւ մեք սոցա իսկ մնայաք, եւ
 առհաւատչեայ պատիւսոցա բե-
 րաք: Եւ որում ոչ եւս մնայաք
 եկն երեւեցաւ եւ խառնեցաւ,

եւ եղեւ իրրեւ զմի ի զինուո-
րացն Քրիստոսի ։ :

Այս երիցս անդամ երեւեցաւ
չքնաղ տեսիլս առն երանելոյ :
Զարթոյց զսուրբսն ի քնոյ անտի-
եւ պատմեաց նոցա զամենայն
տեսիլն կարգաւ :

Իսկ նոքա յարուցեալ կացին
յաղօթս եւ ասէին . « Տէր Տէր
մեր, զի՞ սքանչելի է անուն քո
յամենայն երկրի . համբարձաւ
մեծ վայելչութիւն քո ի վերայ
քան զերկինս . ի բերանոց ման-
կանց տղայոց ստընդիացաց
հաստատեցեր զօրհնութիւն, զի
եղծցի թշնամին եւ հակառա-
կորդն : Զի ոչ եւս է այսուհե-
տեւ ասել, եթէ « Տեսից զեր-
կինս զգործս մատանց քոց » .
այլ թէ տեսից զքեզ Տէր երկնի
եւ երկրի . որպէս երեւեցար իսկ
այսօր ի ճեռն սուրբ զօրակա-
նացն քոց հեռաւոր օտարիս , որ

անցեալ էր ըստ ակնկալութիւն
կենաց իւրոց :

« Ահա դու, Տէր, ողորմու-
թեամբ քով պատկեցեր զսիրելիս
քո, եւ գթութեամբ քով ելեր
ի խնդիր կորուսելոյս, դարձու-
ցեր եւ խառնեցեր իդասս ընտ-
րելոց քոց : Ոչ միայն ետես սա
զերկինս՝ զգործս մատանց քոց,
այլ ետես զերկինս եւ զբնակիչս
նորա, եւ մինչդեռ է յերկրիս՝
խառնեցաւ ի գունդս բիւրաւոր
հրեշտակաց քոց : Ետես եւ զօ-
գիս արդարոց կատարելոց, ե-
տես եւ զնմանութիւն փառաց
աներեւոյթ պատրաստութեան-
ցըն, ետես եւ ի ճեռին նոցա
զանշուշտ ուարունայն՝ որ հան-
դերձեալ պահի ի ճեռն ճարտա-
րապետին : Երանի՛ սմա վասն
սուրբ տեսլեանս, եւ երանի՛ է
մեզ վասն սորա մերձաւորու-
թեանս առ մեզ քանզի հաստա-

տեալ դիտացաք սովաւ , Եթէ
որում այսպիսի սքանչելիք յայտ
նին՝ մեծ մասն ընկալաւ առ
յանսպառ քոց բարութեանցդ :
Անսպառ են պարզեւքն քո ,
Տէր , եւ առանց խնդրելոյ տաս
ում եւ կամիսքոյովյորդ եւ ան-
նախանձ առատութեամբդ : Եւ
Եթէ որ ոչն խնդրեն՝ չարգելուս
ի նոցանէ . բաց մեզ , Տէր , ըզ-
դուռն ողորմութեան քո , որ ի
մանկութենէ մերմէ ցանկացեալ
եմք բարեմասնութեան սրբոց
քոց : Զնորագիւոր դաստակերտս
քո բարեխօս առնեմք վասն ան-
ձանց մերոց , մի ընկղմեսցի նաւ
հաւատոց մերոց ի մէջ ալէկո-
ծեալ ծովու մեղաց » :

Եւ այսպէս յերկար կատարե-
լով զաղօթսն , յորդ եւ առատ
արտասուս հեղուին ի վերայ ան-
ձանցիւրեանց : Դութողոքանաց
արկանէին առաջի բարերարին՝

զի լսելի լիցի ճայն պաղատանաց
նոցա, եւ հաստատուն կացցեն
ի վիշտս ճգանցն, զի մի զրկես-
ցին ի ցանկալի պսակացն զոր ու-
նէին Սուրբքն ի ճեռս իւրեանց,
որպէս եւ ազդեցաւ իսկ նոցա ի
Հոգւոյն սրբոյ՝ զի մերձեալ էր
ժամանակ կոչման նոցա . որպէս
զի երթիցեն եւ աներկիւղ դա-
դարեսցին ի կասկածելի ակն-
կալութենէն . որում համբերէին
բազում տառապանօք, զի առ-
հաւատչէիւ փոքու հասցեն երկ-
նաւոր մեծութեանն, որում ի
վաղնջուց իսկ էին ցանկացեալք:

Եւ քանզի ինքն իսկ մոդպետն
իշխան էր աշխարհին, եւ նմա-
յանձն արարեալ էր զկապեալսն
քաղաքին, վասն այնորիկ եւ
համարձակութեամբ ընդ առա-
ւոտն հանեալ տանէր յապա-
րանսն իւր: Հուանայր եւ սրբէր
զնոսա ի չարչարանաց բանտի,

առնոյր զջուր լուացման սրբոցն
եւ արկանէր զիւր մարմնով։
Ուղղէր ի տան խրում աւազան
եւ ընդունէր ի նոցանէ զսուրբ
մկրտութիւնն , հաղորդէր ի
կենդանարար մարմինն եւ ի քա-
ւիչ արիւնն Տեառն մերոյ Յիսու-
սի Քրիստոսի : Բարձր բար-
բառով աղաղակէր եւ ասէր .
— Մկրտութիւնս այս լիցի ինձ ի
լուացումն մեղաց իմոց, եւ ի ծը-
նունդս նորոգութեան վերստին
Հոգւոյն սրբոյ, եւ ճաշակումն
անմահ խորհրդոյս ի ժառան-
գութիւն երկնաւոր որդեգրու-
թեանն . Դնէր եւ ըստ մարմնոյ
առաջի նոցա սեղան կերակրոյ,
եւ մխիթարութեան բաժակ մա-
տուցանէր նոցա , եւ միաբանէր
ընդ նոսա հացին օրհնութեան :

Այլ թէպէտ եւ ինքն եհաս
յերկնաւորբարիսն, եւ աներկիւղ
էր ի մարդկանս հարուածոց ,

սակայն վասն ընտանեացն յոյժ
ունէր կասկած, զի մի՛ իբրեւ
վիասսակարք մատնեսցին յիրս
արքունի։ Վասն այնորիկ ի ծա-
ծուկ կոչէր ի գիշերի եւ զնախա-
րարսն՝ որ ի նմին քաղաքի էին
ի կապանս, եւ առնէր ծախս
մեծամեծս։ Եւ էին ամենեքեան
ի մեծի խնդութեան վասն սքան-
չելեացն որ երւեցաւ նոցաւ Ոչ
յիշէին ամենեւին եթէ վիշտք
ինչ անցեալ էին ընդ նոսա :

Բայց ի ժամ քաղմականացն
կարծիքիմն եղեն խմիտս սրբոցն
վասն երիցու միոյ՝ որ էր ընդ
նոսա ի սուրբ կապանսն. զի ի
մէջ շինական մարդկան կեցեալ
էր, եւ տղիտագոյն եւս էր ի
գրոց մխիթարութենէ։ Հրամա-
յեցին ունել զդլուխ քաղմակա-
նին. Ետ պատասխանի երանե-
լին եւ տսէ. «Զի՞նչ է այդ զոր
դուքդ գործէք. եւ կամ յինէն

զի՞ թաքուցանէք զծածուկս
խորհրդոցդ : Ես քան զկրսերս
ձեր խոնարհագոյն եմ, եւ քան
զեւս փոքունս յաշակերտաց ձե-
րոց տղիտագոյն եմ. զիա՞րդ կա-
րացից այդմ տանել : Այս իսկ
մեծ էր ինձ, զի սուրբ կապտ-
նաց ձերոց հաղորդեալ եմ այ-
սօր : Եթէ արժանի համարիք
ձերում սեղանոյդ, կալարուք
դուք զիւրաքանչիւր տեղի բազ-
մականիդ, եւ հրամայեցէք ինձ
զիմ տեղին » : Եւ բռնադատեաց
մեծ եսլիսկոպոսն Յովսէփի միա-
բանսւթեամբ ամենայն սրբոցն,
եւ ի վերոյ քան զամենեսեան
բազմեցուցին զնա :

Եւ իբրեւ բոլորեցաւ ակումբ
բազմականին, եւ հաղորդե-
ցան ամենեքեան ի կերակուրն
զուարթութեամբ, յոտն եկաց
սուրբն Յովսէփի, եւ սկսաւ
զուրախութեան նուազն մա-

տուցանել եւ ասել այսպէս .
 « Ուրախ լերուք ամենեքեան
 ի Քրիստոս . քանզի վաղիւ այս
 ժամ իցէ՝ ահա մոռացեալ իցէ
 մեր զամենայն նեղութիւնս եւ
 չարչարանս զոր կրեցաք : Եւ
 փոխանակ սակաւ աշխատու-
 թեանս մերոյ՝ բազմապատիկ
 հանդիսած ընդունելոց եմք , եւ
 փոխանակ խաւարային արգե-
 լանի բանտիս՝ մոռանելոց եմք
 յերկնից քաղաքն լուսաւոր , որոյ
 քաղաքի քաղաքապետ ինքն
 Քրիստոս է , եւ հանդիսապետ
 ասպարիսին՝ յորումնախ ինքն ա-
 ռաքինացաւառնելով շան յաղ-
 թութեան : Եւ այսօր նոյն Տէր
 է որ յաջողէ մեզ զնոյն նշան ըն-
 դունելով ի փրկութիւն անձանց
 մերոց եւ ի պարծանս մեծախառ-
 սուրբ եկեղեցւոյ : Եւ զորօրինակ
 տեսէք դուք զեղբայրս զայս ի
 գլուխ բազմականիս մերոյ՝ սոյն-

սլես սա նախ ընդունելոց է վա-
ղիւ զպսակն ի ձեռն կատարմանն
իւրոյ : Զի ահաւասիկ եկն եհաս
եւ մերձեցաւ առ մեզ թշնամին
կենաց մերոց եւ սպակիչ սուրբ
չարչարանաց ծառայիցս Քրիս-
տոսի ։ :

Զայս իրեւ ասաց, լուաւ ի
նմանէ բանս սլնդութեան, որով
յոյժ մխիթարեցան ամենեքեան.
Ասէ . « Ի սուրբ աղօթից ձե-
ռոց այդպէս արասցէ ինձ Քրիս-
տոս, եւ կատարեսցէ զելս վախ-
ճանին իմոյ յաշխարհէս ըստ բա-
նի քում. Եւ ահա ընդ ասելո-
քո ազգումն եղեւ հոգւոյս իմոյ,
եւ յիշեցի ես զմարդասիրու-
թիւնն Քրիստոսի, որոյ եւ գա-
լուստ իսկ նորա յաշխարհս վասն
մեր մեղացն եղեւ : Գթասցի յիս
որպէս եւ յաւազակն ի ժամ խա-
չին . զոր օրինակ նովաւ զդրունս
փակեալ դրախտին եբաց, եւ

յառաջեցաւ լինել կարապետ
այնոցիկ՝ որ անդրէն ինոյն տեղի
դառնալոց էին յուրախութիւն,
արասցէ եւ զիս այսօր Տէր Յի-
սուս Քրիստոս սպասաւոր ձե-
րում մեծաշուք գնդիդ :

«Աւանիկ վասն միոյ մեղաւո-
րի որ դառնայ յապաշխարու-
թիւն՝ անվախճան լինի ուրա-
խութիւն հրեշտակաց յերկինո-
որսէս զի զիսուն իսկ զկամն
Տեառն իւրեանց : Քանդի վասն
միոյ կորուսելոյ ոչխարին եկն
ի խնդիր, վասն այնորիկ եւ նո-
քա խնդակիցք լինին վասն միոյ
դարձելոյ յապաշխարութիւն :
Յերեւս վասն իմ եկետլ էր մեծ
զօրաւարն Հայոց բազում սուրբ
ընկերակիցօքն իւրովք, զպսակն
վասն ձեր բերեոլ էր, այլ զու-
րախութեան աւետիսն հասա-
րակաց տայր : Եւ առաւել եւս
ընդ իս էին զարմացեալ . . զի ոչ

ճանաչեին զիս ի կեանս խրեանց,
ահա ի սուրբ մահն խրեանց՝ կա-
մեին զի եւ ես մասն ընկալոյց
ընդ երանելիսն :

« Աղաշեմ զձեզ, տեարք իմ
եւ հարք, աղօթս արարէք ի
վերայ անարժանութեանս իմոյ,
զի արժանի եղէց մեծի աւե-
տեացն հասանել՝ որ յանսուտ
ձերոց բերանոցդ բարբառեցաւ
ի լսելիս իմ։ Արդ փութամ տե-
սանել զօրն, եւ յաւուր անդ
զժամն եկեալ հասեալ ի վերայ
մեր :

« Երբ իցէ զի ելից ի թանց-
րադանդաղ ճանձրալի մարմնոյս
այսորիիլ. Երբ իցէ զի տեսից
զքեզ Տէր Յիսուս. Երբ իցէ զի
տղիտութիւնս իմ հասցէ ի կա-
տարեալ գիտութիւն։ Օգնեա
ինձ, Տէր, օգնեա ինձ, եւ կար-
կառեա զամենազօր աջդ յօդ-
նականութիւն։ զի ըստ խոստա

ման բանիցս իմաց եւ դործք
արդեամբք կատարեսցին ի վե-
րայ իմ. եւ փառաւոր լիցի յիս
ի մեղաւորս անուն Տէառն մերոյ
Յիսուսի Քրիստոսի » :

Զայս իբրեւ ասաց Երանելին
յոտն կացին ի բազմականացն
անդ, գոհանային ասելով ·
« Փառքքեզ, Տէր, Փառքքեզ
թագաւոր, զի ետուր մեզ կե-
րակուր ուրախութեան. լոյ զմեզ
Հոգւովդ սրբով, զի գտցուք
առաջի քո հաճոյք եւ մի ամա-
չեցեալք, զի դու հառուցանես
իւրաքանչիւր ըստ գործս իւր » :

Ի նմին ժամու եղեւ խորհուրդ
մեծ ի մէջ նոցա, թէ զինչ օրի-
նակաւ կարասցեն ապրեցուցա-
նել զմոդպետն, զի մի՛ լուեալ
յարքունիսն՝ իբրեւ զհուր բոր-
բոքեսցի ի վերայ մնացելոցն ·
իբրեւ ոչ ինչ կարացին ի ժա-
մուն վճարել, միաքանութեամբ

աղօթս արարեալ՝ յԱստուած ա-
պաստան առնէին զկեանս առ-
նըն հաւատացելոյ :

Իսկ նախարարքն հրաժարե-
ցին ի սրբոցն յորդառատ ար-
տասուօք, եւ ողբալից ուրա-
խութեամբ անկեալ յոտս նոցա
աղաչէին մեծաւ պաղատանօք՝
յանձն առնել զնոսա Հոգւոյն
սրբոյ. «Զի մի ոք ի մէնջ, ասեն,
թուլացեալ եւ ելեալ արտաքս
ի հաւասար միաբանութենէս,
կերակուր լիցի չարաբարոյ գա-
ղանին » :

Իսկ երանելիքն միաբան քա-
ջալերէին զնոսա եւ ասէին.
«Զօրացարուք, Եղբարք ի Տէր-
միսիթարեցարուք ի մարդասի-
րութիւնն Աստուծոյ, որ ոչ
թողու զձեզ որբս, եւ ոչ ի
բացէ առնէ զողորմութիւնն իւր
ի մէնջ հաւատով ի Քրիստո-
բազում բարեխօսիւքն զոր ու-

նիմք առ նո , ոչ շիջանի վառումն կանթեղաց ձերոց . Եւ ոչ ուրախ լինի խաւարասէր թշնամին կենաց ձերոց : Այլ նոյն Տէրէ որ զօրացոյց զառաջին նահատակսն՝ խառնելով զնոսա ի գունդս հրեշտակաց իւրոց . նոցուն սուրբ ոգիք եւ ամենայն դասք արդարոց հասցեն ձեզ յօդնականութիւն համբերութեան , զի ընդ նոսին նոցունց պսակացն արժանի լինիչիք :

Զայս խօսէին ընդ նոսա , եւ զգիշերն ամենայն սաղմոսիւք ի գլուխ տանէին . իսկ ի ժամ առաւօտուն ասէին ամենեքեան . « Ծագեա , Տէր , զողորմութիւնս քո՝ ոյք ճանաչեն զքեզ , զարդարութիւնս քո՝ ոյք ուղիղ են սրտիւք : Մի՛ եկեսցէ ի վերայ մեր ոտն ամբարտաւանից , եւ ձեռք մեղաւորաց մի՛ դողացուսցեն զմեզ : Անդ անկցին ա-

մենեքեան որ գործեն զանօրէ-
նութիւն , մերժեցան , եւ այլ
մի կարասցեն հաստատել » :

Եւ անդէն վաղվաղակի հասին
դահիճքն ի դուռն բանտին ,
մոխին ի ներքս եւ տեսին՝ զի որ
յառաջ մոգպետն էր , եւ նմա
խկ յանձն արարեալ էր պահել
զնոսա , նստէր ի մէջ նոցտ եւ
լոէր ի նոցանէ . նա եւ քաջա-
լերեր եւս զնոսա չերկնչել ի
մահուանէ : Իբրեւ տեսին զմեծ
սքանչելիսն դահիճքն՝ յոյժ զար-
մացան ընդ իրսն , այլ ոչ ինչ
իշխէին հարցանել ցնա . բայց
չոքան եւ պատմեցին Դենշապ-
հոյ , որում յանձն արարեալ էր
զչարչարանս սրբոցն :

Իսկ նա իբրեւ լուաւ ի դահ-
ճացն արքունի . զահի մեծի հա-
րաւ ի միտս իւր , թէ գուցէ եւ
ինքն անձամբ ի ներքս լիցի ,
քանզի եւ ծանօթագոյն եւս էր

առնն։ Հրամայեաց հանել ի
բանտէ անտի զամենեսեան կա-
պանօքն, եւ հեռացուցանէր ի
քաղաքէ անտի երկուսասան
պարսիկ հրասախտ։ Եւ ի ծա-
ծուկ խօսէր ընդ մոգպետին՝
եթէ զի՞նչ պատճառք իցեն զա-
ւանցանաց նորա։ Ետ պատաս-
խանի այրն եւ ասէ ցնա. «Մի՛
խօսիր ընդ իս ի ծածուկ, եւ
մի՛ լսեր զխորհուրդս լուսոյ ի
մէջ խաւարի, զի բացան աչք
իմ արդ, քանդի տեսի զլոյսն
երկնաւոր։ Եթէ կամիս լինել
խորհրդակից կենաց, հարց ցիս
յանդիման, եւ պապմեմ քեզ.
զի տեսի զմեծամեծսն Աստու-
ծոյ։ »

Եւ իբրեւ լուաւ ի նմանէ զա-
մենայն, եւ ստուգեաց եւս վա-
սըն իւրոյ միաբանութեանն,
եթէ ոչ քակտի ի սրբոցն հաւա-
նութենէ, ոչ իշխեաց ձեռն ար-

կանել ինա , թէսլէտ եւ ունէր
հրաման յարքունուսա . Այլ փու-
թացաւ , եւ ինքն երթեալ պատ-
մէր թագաւորին ի ծածուկ զա-
մենայն որպէս զիարդ լուաւ ի
նմանէ :

Ետ պատասխանի թագաւորն
եւ ասէ ց' Դենշապուհ . «Մի՛ ոք
ամենեւին լուիցէ զայդ իքէն ,
մանաւանդ վասն տեսլեանն մե-
ծի որ երեւեալ է նմա . զի մի՛
տգէտ մարդիկ երկմտեալ՝ բա-
ժանեսցին ի մեր հաստատուն
օրինացս : Մինչ մեք զայլս կա-
մէաք հնագանդեցուցանել՝ թէ
բեւս զոգիս գտցեն , իբրեւ նոցա
ոչ ինչ կարացաք առնել , մեր
որ վարդապետ օրինացդ էին՝
զինի նոցա մոլորութեանն խո-
տորեցան » :

«Նա եւ այն եւս չար է մեզ
քան զամենայն , զի ոչ դուզնա-
քեայ ոք խոտորեցաւ ի նոցա

օրէնսն , այլ այր մի Համակղ են
երեւելի ընդ ամենայն վերին
աշխարհու : Եթէ փայքարիմք ընդ
նմա , նա տեղեկագոյն է քան
զամենայն վարդապետու աշխար-
հիս . գուցէ ի հիմանէ խարիսա-
րեալ աւերէ զօրէնս մեր : Եւ
եթէ դատիմք զնա ընդ այլ չա-
րագործոն . նա եւ այնպէս հըռ-
չակեալ ելանէ համբաւ քրիս-
տոնէութեան նորա , եւ մեծ ա-
նարդանք զկնի դենիս ձգին :
Եւ եթէ սրով եւս վախճանեսցի ,
բազում են քրիստոնայք ի կա-
րաւանիս , ընդ ամենայն երկիր
ցանեալ ցրուեսցեն զոսկերս նո-
ցա : Սակաւիկ ինչ էին մեզ ա-
նարդանք առամենայն մարդիկս ,
ուր մեծարեալ պատուէին ոս-
կերք նածրացւոցդ . իսկ եթէ մո-
դացդ եւ մոդալետաց զնոյն պա-
տիւ կրեսցեն , մեք մեղն լինի-
ցիմք քակտիչք օրինացն մերոց :

«Ա. յլ այժմ իմ է քեզ երդու-
մըն տուեալ յանմահ դիսն. նախ
զդառնացեալ ծերն կոչեա տ-
ռաջի քո. եթէ հաւանեսցի սի-
րով, եւ զղջացեալ ապաշաւես-
ցէ զկախարդութիւն նոցա, մե-
ծարեսջիր զնա սիրով՝ պատ-
ւով ըստ առաջին կարդին. Եւ
մի՛ ոք դիտասցէ զթշնամանս
նորա ամենեւին : Ապա թէ ոչ
հաւանեսցի, եւ ոչ կամեսցի
անսալ բանից իմոց, յարուսջիր
ի վերայ նորա բազում ամրաս-
տանս յաշխարհէ անտի, զի վնա-
սակար գացի յիրս արքունի. Եւ
աշխարհաւ փուրսիշն ի վերայ
յարուսջիր եւ շկօթակ արասջիր
յայնկոյսքան զկուրան եւ զՄա-
կուրան եւ անդընկեցեալ զնա ի
վիրապ մի, եւ ընկալցի զմահ
թշուտութեան: Եւ զայլադենսն
փութանակի կարմեա ի կենաց
աշխարհիս, զի մի՛ դզրդեսցն

զօրէնս մերոյ աշխարհիս : Զի
եթէ ղճարտար մոդակետն սյն-
պէս արագ աշակերտեցին , տը-
դէտ մարդիկ զիածրդ կարասցեն
կալ տռաջի նոցա պատիր իսա-
բէութեանն » :

Արդ ել նստաւ Դենչապուհ
արտաքոյ բանակին յատենի , որ-
պէս ասացաք , հեռի երկոտա-
սան հրասախաւ : Հարցանէր
ցմոդակետն եւ ասէր . « Իշխա-
նութիւն առի վասն քո , ոչ մի-
սյն բանիւ հորցանել , ոյլ եւ
ամենայն հարուածովք տանջա-
նաց : Մինչչեւ ձեռն արկեալ է
իմի քեզ , ընկալ զմեծարանս
եւ արհամարհեա զանարդանս ,
եւ խնայեա ի պատուական ա-
լիսդ : Թող անդր ի բաց զքրիս-
տոնէութիւնդ՝ զոր ոչ ունէիր
ի բնէ , եւ դարձիր անդրէն ի
մոդութիւնն , որպէս զի վար-
դասկետ էիր բազմաց » :

Ետ պատասխանի երանելին
եւ ասէ . — Աղաչեմ զքեզ, տէր,
որ յառաջ իրրեւ զհարազատ
եղբայր համարեալ էիր յաչս իմ .
Եւ այսօր թշնամի կատարեալ .
մի՛ ըստ առաջին սիրոյն դթար
դու յիս, այլ կատարեա ի վերայ
իմ զկամս չարութեան թագա-
ւորին ձերոյ . Եւ որպէս առեր
իշխանութիւն ի վերայ իմ՝ դա-
տեա զիս — :

Յայնժամ իրրեւ ետես Դեն-
շապուհ՝ եթէ առ ոչինչ զսպառ-
նալիսն արքունի համարեցաւ .
Եւ ոչ ողոքանացն երեսս ինչ
արար, եւ քան ի ծածուկ՝ յայտ-
նի եւս կամէր զի խօսեսցի, կտ-
տարեաց ի վերայ նորա ըստ
խրառուն արքունի . Եւ դադ-
տագողի ընկեցաւ ի հեռաւոր
օտարութիւն . որպէս զիարդ եւ
ուստ ի վարդապետէն՝ եւ ա-
րար :

Եւ հրամամայեաց եւս Դեն-
շապհոյ երկուս եւս ընկերակիցս
օգնականս յաւագ գործակա-
լացն . զջնիկանն , որ էր մարզ-
պետ արքունի , եւ զՄովան
հանդերձապետ՝ իձեռանէ Մով-
պետան մովպետի :

Արդ երկոքեան սոքա իւրա-
քանչիւր սպասաւորք առին ըզ-
սուրբսն յայնմ անապատէ , եւ
փոխեցան նոյնչափ եւս հեռա-
գոյն ի մեւս եւս դժնդակ տեղի
ի նմին գիշերի : Եւ զոք ի կա-
րաւանէ անտի ոչ թողին տե-
սանել , ոչ ի Հայոց եւ ոչ յա-
մենայն քրիստոնէից , եւ ոչ բնաւ
յարտաքին հեթանոսաց : Եւ
սպասաւորքն որ էին ի վերայ
կապելոցն անդէն ի քաղաքին ,
հրամայեցին պահել զգուշու-
թեամբ , զի զհետս նոցա մի՛ ոք
գիտասցէ՝ ընդ որ տանիցեն ի
մահու տեղի , մի՛ նոքա եւ մի՛

ամենեւին ոք ի մարդկանէ :

Բայց այր մի խուժիկ անուն ի զօրացն արքունի — որ ի ծածուկունէր զքրիստոնէութիւնն, եւ վիճակեալ էր ի դասս դահճացն, եւ կայր խաղասու օրապահացն հանդերձ գործիական տանջարանօքն, եկն եմուտ ի մէջ գիշերին եւ խառնեցաւ ի դասս նախարարացն : Առաջին դասն ի միջնոյն կարծէր զնա, եւ միջինն երրորդին, եւ երեքեանն միմեանց համարէին զնա. Եւ ոչ ոք ի նոցանէ եհարց՝ եթէ «Դու ով ես ընդ մեղ, » ոչ խոերանցն եւ ոչ ի սպասաւորացն :

Իբրեւ հասին ի տեղի անապատին՝ որ ամենեւին անբոյս էր ի դալարւոյ, եւ այնպէս էր ապառաժ դժնեայ՝ զի եւ ոչ նըստելոյ անգամ տեղի դտաւ անդնոցա, իջին հեռագոյն նախարարքն երեքեան, եւ հրամայեցին

դահճացն իւրեանց կապել զոսս
եւ զձեռու նոցա։ Եւ արկին պա-
րանս երկայնս յոտս նոցա, եւ
երկու երկու լծեցան եւ առին ի
քարշ։ Եւ այնակէս ճգեցին եւ
ճեղքեցին ընդ ապստաժ տեղիս
քարշելով, զի ամենեւին խայծ
ոչ մնաց ի մարմինս երենելեացն։
Եւ ապա լուծին եւ ածին ի մի
տեղի։

Եւ թուեր իմն նոցա այսակէս
եթէ կակլեցաք զիստութիւն
նոցա, եւ հնազանդեցուցաքը ըլ-
րիրու ապստամբութիւն նոցա։
Եւ արդ զինչ եւ խօսիցիմք՝ ան-
սայցեն բանից մերոց, եւ առնի-
ցեն զկամս թագաւորին, եւ ապ-
րեալ լիցին յանհնարին տանջա-
նացն։ Եւ զայն ոչ կարացին քաջ
իմանալ՝ եթէ իրրեւ զքաջ զին-
ւորս վառեցին զնոսա, եւ ի հրա-
հանգս կրթութեան վարժեցին
զնոսա, եւ իրրեւ զդազանս վայ-

թենիս այրունախանձս ուսուցին
զնոսա. Եւ եթէ ունէին սակաւ
ինչ կասկած յառաջագոյն, հայե-
ցեալ նոցա ի չարաչար վերս մար-
մնոյն իւրեանց՝ զառաջին եր-
կիւղն իրաց մերժեցին. Սկսան
իբրեւ արբեալք անզգայք զմի-
մեամբք ելանելիրանից պատաս-
խանիս, եւ փութային իրը ծա-
րաւիկյաղբիւր՝ եթէո՛ նախ վաղ
զիւր արիւնն հեղցէ յերկիր :

Եւ մինչդեռ յայսմ պատրաս-
տութեան էին սուրբքն, խօսել
սկաւ ընդ նոսա ՚իենշապուհ եւ
ասէ ամբքայ յղեաց զիս առ ձեզ.
ամենայն աւեր աշխարհին Հայոց,
ասէ, եւ կոտորածք զօրացն՝ որ
հասին ի վերայ, ի ձենչ եղեն
վիասքն ամենայն. Եւ բազում
նախարարք՝ որ ոյժ մ կան կապա-
նօք չարշարեալ, վասն ձերոյ
յամառութեանդ եղեւ այդ ամե-
նայն. Այլ եւ արդ եթէ կամիք

ինձ լսել՝ ասեմ ձեզ որպէս եղեռուք պատճառք ամենայն չարշարանաց մահուն՝ այսօր լերուք պատճառք կենաց ձերոց : Եւ նախարարքն՝ որ կան ի կապանս ի ձեռն ձեր է իշխանութիւն արձակել զնոսա . Եւ աւեր աշխարհին ձերոյ ձեւք շինի, եւ բազումք որ վարեալ են ի գերութիւն՝ անդրէն դառնան :

«Ահա դուք ձերոյին աչօքդ տեսէք այսօր, եթէ զորսիսի այր տոհմիկ, զոր թագաւորն ինքնին յականէ յանուանէ ճանաչէր վասն մեծի գիտութեան օրինացս մերոց, եւ կատարեալ էր յամենայն ի դենիս եւ ամենայն մեծամեծաց սիրելի, եւ գրեթէ բոլոր աշխարհս կախեալ էր զնմանէ . Եւ վասն զի անարդեաց զդենիմազդեզն, եւ պատրեցաւ ի ձեր տիսմար գիտութիւնդ, ոչ ինչ խնայեաց

թագաւորն ի մեծ պատիւ նորա , այլ իբրեւ զգերի մի զանաշխարհիկ շիօթակ արարի զնայանչափ օտարութիւն հեռաւոր , զի ընդ երթալն իսկ ոչ ժամանէ ի տեղի պատուհասին իւրոյ :

« Արդ եթէ ի բուն դայեկութիւնն վասն պատուական օրինացն ոչ խնայեաց ի նա , ո՞րչափ եւս առաւել ի ձեզ յօտարաշխարհիկսդ , որ մահապարտ իսկ էք յիրս արքունի : Եւ չիք ինչ ձեզ այլ հնար կենաց , բայց եթէ երկիրագագանիցէք արեգական , եւ կատարիցէք զկամս թագաւորին , որպէս եւ ուսոյց զմեզ մեծն Զրագաշուն եթէ զոյդ առնէք՝ ոչ միայն արձակիք ի կապանացդ եւ ապրիք ի մահանէ , այլ եւ մեծամեծ պարգեւօք յուղարկիք յաշխարհն ձեր : »

Յառաջ մատուցեալ Ղեւոնդ
երէց եւ թարգման կացոյց ըղ-
Ասհակ Եպիսկոպոս. «Զիարդ
լուիցուք, ասէ, Երկղիմի հրա-
մանացդ քոց. ահա զերկրպա-
գութիւնն նախ Ետուր արեգա-
կան, եւ զիատարումն Երկրպա-
գութեան ի կամս թագաւորին
ձգեցեր. մեծարեցեր զարեգա-
կըն՝ յառաջ ճայնելով զանուն
նորա, եւ մեծացուցեր զթա-
գաւորն աւելի քան զարեգակն .
եւ յայտ արարեր՝ Եթէ առանց
կամաց իւրոց սպասաւորէ արե-
գակնն արարածոց, իսկ թա-
գաւորն ի կամս ազատութեանն
իւրոյ՝ զոր կամի աստուածա-
ցուցանէ, եւ զոր կամի ծառա-
յեցուցանէ. եւ ինքն ի ճշմար-
տութեանն վերայ չեւէ հասեալ
Մի խօսիր ընդ մեզ իբրեւ ընդ
տղայս, զի հասակաւ կատա-
րեալս եմք, եւ զիտութեան ոչ

եմք անտեղեակ : Ուստի սկսար
դու , այտի տաց քեզ պատաս-
խանի :

«Ապաքէն զմեզ եղիր պատ-
ճառս աւերածոյ աշխարհին մե-
րոյ եւ հարուածոց զօրացն ար-
քունի . մեր օրէնքն զմեզ սյդ-
ոլէս ոչ ուսուցանեն , այլ յոյժ
ոլատուել հրամայեն զերկրաւոր
թագուորս , եւ սիրել զնոսա
յամենայն զօրութենէ մերմէ ,
ոչ իբրեւ զմարդ ոք դուզնա-
քեայ ի մարդկանէ , այլ իբրեւ
Աստուծոյ ճշմարտի կալ ի ծա-
ռայութեան . եւ եթէ զրկիմք
ի նոցանէ , փոխանակ ընդ երկ-
րաւորիս զերկնիցն խոստացաւ
մեզ զարքայութիւն . Եւ ոչ մի-
այն զարբանեկութիւն հսկատա-
կութեան պարտիմք հարկանել
նոցա , այլ եւ մահու չափ զան-
ձինս ի վերայ դնել սիրոյ թա-
գաւորին : Եւ որպէս յերկրի ոչ

ունիմք իշխանութիւն փոխա-
նակել զնա ընդ այլում տեսառն,
նոյնպէս եւ յերկինս չունիմք
իշխանութիւն փոխանակել ըզ-
ճշմարիտ Աստուածն մեր ընդ-
այլում, որ չիք Աստուած բայց
ի նմանէ :

« Բայց ասեմքեզ՝ որում սա-
կաւիկ մի տեղեկագոյն ես: Ո՞վ
ի քաջ զօրականէն զկնի մոտանի-
ցէ ի պատերազմ: Եւ եթէ զայս
արասցէ, ոչ քաջ անուանի նո-
այլ յոյժ վատ: Եւ կամ ո՛ յի-
մաստուն վաճառականաց ըզ-
պատռական մարդարիտն փո-
խանակիցէ ընդ անարդ թրու-
շայի, բայց եթէ յիմարեալ իցէ
տղիտութեամբ, որսկս եւ ձեր
մոլորութեան առաջնորդքդ:

« Միայն գտեր զմեզ ի բազում
յառաքինեացն մերոց, եւ կա-
միս գողութեամբ աւերել զա-
մուրս խորհրդոց մերոց: Հեմք

մեք միայն՝ որպէս եւ դուդ
կարծես. չիք տեղի ունայն, ուր
չիցէ Քրիստոս թագաւորն մեր.
բայց միայն այնոքիկ են թա-
փուր ի նմանէ՝ որ իբրեւ զքեզ
եւ զչարագեւ իշխանն քո, որք
ուրացեալ էք ի նմանէ. Զի եւ
զինուորք աշխարհին մերոյ—որ
աշակերտեալքն էին մեւք ի
Քրիստոս—առ ոտն հարին զա-
հագին հրամանս թագաւորին
ձերոյ, եւ զմեծամեծ պարգեւս
առ ոչինչ համարեցան, եւ զհայ-
րենի տէրութիւնն ի բաց կողով-
տեցան, չխնայեցին ի կին եւ յոր
դիս եւ ի գանձս մարմնաւորս
կենաց աշխարհիս. Նա եւ ոչ
զարիւնն իւրեանց ածէին զմտաւ
ինչ վասն սիրոյն Քրիստոսի, այլ
զերկրագուս արեգականն —
որ ձեր վարդապետք էին — չա-
րաչար հարուածովք սատակե-
ցին ղնոսա, եւ մեծամեծ չարիս

Հասուցին ի վերայ զօրացն ձեռոց, եւ բաղումք ի նոցանէ; անկանէին ի նմին պատերազմի, եւ այլք մատնեցան ի պէս պէս փորձութիւնս, եւ կէսքն ընկեցան ի հեռաւոր օտարութիւն, եւ եւս բազմագոյնք վարեցան ի դերութիւն: Եւ ամենեքին նոքայառաջեցին քանզմեզ յարքայութիւնն Աստուծոյ, եւ խառնեալ են ի դունդս վերին հրեշտակացն, եւ ցնծան ի պատրաստեալ յուրախութիւնս, յոր հասեալ խառնեցաւ երանելի այրն զոր դու ասես շկօթակ արարի: Երանի տամ նմա, եւ երանի երկրին՝ ընդոր նայն անցանիցէ, եւ տեղւոյն՝ ուր նայն վախճանեսցի: ոչ միայն զարքունեօք ձերովք անցանէ պատուականութեամք, այլ եւ զերկինից լուսաւորօք՝ որում դուքդ երկիր պագանէք: »

Ետ պատասխանի Մովան
հանդերձապետ եւ ասէ ցնոսա
«Աստուածքն բարերար են, եւ
երկայնմտութեամբ ջանան ընդ
ազգի մարդկան, զի գիտասցեն
եւ ծանիցեն զիւրեանց փոքըը
կութիւնն եւ զնոցա մեծու-
թիւն. եւ վայելեսցեն ի պար-
դեւս աշխարհիս, զոր տուեալէ
յիշխանութիւն ի ձեռս թագա-
ւորի, եւ ի բերանոյ նոցա ելա-
նեն հրաման մահու եւ կենաց :
Եւ ձեղ ոչէ իշխանութիւն այդ-
պէս ընդդիմանալ կամաց նոցա
եւ ոչ առնուլ յանձն զերկրպա-
գութիւն արեգական, որ ճառա-
գայթիւք իւրովք լուսաւորէ զա-
մենայն տիեզերս, եւ ջերմու-
թեամբ իւրով հասուցանէ զկե-
րակուր մարդկան եւ անասնոց.
Եւ վասն հասարակաբաշխ առա-
տութեանն եւ անաչառ մատա-
կարարութեանն անուանեցաւ

Միհր աստուած, զի չիք ի նմա
նենդութիւն եւ անիմաստու-
թիւն : Վասն որոյ եւ մեք եր-
կայնամիտ լինիմք ի վերայ տը-
գիտութեան ձերոյ . քանզի չեմք
մարդատեացք իբրեւ զգաղանս
շաղղակերս եւ արիւնաբուս Խը-
նոյեցէք յանձինս ձեր , եւ մի՛
խառնէք զմեզ ակամայ յարիւնդ
ձեր: Թողէք անդր զառաջին յան-
ցանս ձեր , եւ զառաջիկայ իրս
ուղղեցէք , զի եւ այլոցն վասն
ձեր լիցի ողորմութիւն ի մեծ-
թագաւորէն: ۴

Առ այս ետ պատասխանի Սա-
հակ եպիսկոպոս եւ ասէ. «Իբ-
րեւ ուսեալ եւ յոյժ խրատեալ՝
զգեղեցիկ հոգ յանձին ունիս շի-
նութեան աշխարհի եւ փառաց
թագաւորին . բայց զայս կարի
տդիտարար ուսուցանես, զի աս-
տուածս բազումն խոստվանիս
եւ զմի կամս ոչ ասես ամենե-

ցուն. Եթէ վԵհքն առ միմեանս
մարտուցեալ են՝ մեք խոնարհա-
գոյնք քան զնոսա զիա՞րդ կա-
կարասցուք հաւանել բանից քոց
Միաբանեա զջուր եւ ղկրակ, զի
ուսցուք ի նոցանէ զխաղաղու-
թիւն. կոչեա զարեգակն ի տուն
որպէս կրակ, եւ եթէ նմա ոչ
մարթի գալ՝ զի մի աշխարհ ի
խաւարի մնասցէ, յղեա զդա առ
նա, զի ուսցի ի նմանէ զանկա-
րօտութիւն :

« Եւ եթէ մի է բնութիւն աս-
տուածոցն քոց, հաւասարեսցեն
առմիմեանս զուգութեամբ. լիցի
անկերակուր կրակ իբրեւ զարե-
գակն, եւ մի խափանեսցին ծա-
ռայքն արքունի ի ծախս ոռճ-
կաց սորա : Արդ մինդ անյագ
ուտէ, եւ հանապազ մեռանի .
եւ մինն որ չուտէ, առանց օդոյն
նուազի լոյս ճառագայթից իւ-
րոց. ցրտանայ ձմերայնի, եւ սա-

ոռւցանէ զամենայն բոյս դա-
լար խոտոյ . տօթանայ յամա-
րայնի , եւ հրակէզ առնէ զամե-
նայն կենդանիս : Եւ որ ինքն
յար ի փոխոխման կայ , ոչ կարէ
հաստատուն կեանս ումեք շնոր-
հել : Եւ քեզ ոչ կարեմ մեղաղիք
լինել , որոյ ոչ տեսեալ է զմեծ
թագաւորն , պատուաւորացն
մատուցանէ զերկրովագութիւն .
իսկ եթէ ոք զայս ի հմուտ գիտ-
նոցն արասցէ , վաղվաղակի մահ
ի վերայ հրամայեն :

« Ա. ՅԼ վասն արեգական , եթէ
կամիցիս ուսանել , զճշմարիտն
ասացից քեզ : Մասն է նա աշ-
խարհիս արարածոց , ի բազում
մասանց մի մասն որոշեալ է .
կէսքն ի վերայ են քան զնա , եւ
կէսքն ի ներքոյ նորա : Ոչ է նա
առանձին սուրբ յստակ լուսով
այլ ի ձեռն օդոյն հրամանաւն
Աստուծոյ տարածանէ զճառա-

դայթս իւր, եւ հրային մասամբ
ջեռուցանէ զամենայն գոյացեա-
լըս ի ներքոյ իւրոյ կայանին :
Իսկ վերինքն ոչ ինչ մասն ունին
ի նորա ճառագայթիցն . քանզի
իրրեւ յաման ինչ արկեալ է ըզ-
լոյսն ի գունդ նորա, եւ ի վայր
կոյս հեղու բերանացեալ՝ առ ի
պէտս ներքնոցս վայելչութեան,
եւ զոր օրինակ նաւ մի թուռ-
ցեալ ի վերայ ծովային ջուրցն
բազմութեան, անդիտութեամբ
դնայ զուղեւորութիւն ի ձեռն
հմուտ եւ ճարտար նաւապետին,
այսպէս եւ արեգակն ի ձեռն
կառավարին իւրոյ ունի զիո-
փոխմունս շրջանին իւրոյ տարե-
ւոր ժամանակին :

« Եւ սրպէս այլ մասունք աշ-
խարհիս հասուատեալ են վասն
մեր կենացն, եւ զնա իրրեւ զմի
յայլոց մասանց տուեալ է մեզ
յառաջնորդութիւն լուսոյ , որ-

ալէս զլուսին եւ զաստեղս եւ զօդս
յարածուիս եւ զամակս անձ-
րեւաբերս . նոյնալէս եւ յերկրիս
մասանց զծովեւ զգետս եւ զաղ-
րիւրս եւ զամենայն պիտանացու
ջուրս, նոյնալէս եւ զցամաքայի-
նըս ամենայն պիտոյիւք իւրովք:
Աստուած՝ եւ զմի ոք ի սոցանէ
չ արժան անուանել. եւ եթէ
Ժպրհիցի ոք ասել՝ զանձն տղի-
տարար կորուսանէ, եւ աստ-
ւածանունն մեծարելով զնոսա՝
նոքա ոչ ինչ օդտեցան: Միոյ իշ-
խանութեան երկու թագաւորք
ոչ լինին. եւ եթէ մարդ զայդ
քեզ յանձն ոչ առնու, քանի եւս
հեռի է յԱստուծոյ բնութենէն
այդուիսի կարդ շփոթեալ:

« Արդ եթէ կամիս ուսանել
զծշմարիտն, քաղցրացո զդառ-
նութիւն սրտիդ, եւ բաց զաչս
մացդ, եւ մի յարթնութեան
կուրութեամբ ընդ խաւար գնայ-

ցես, որ անկեալ ես ի խորխորատ.
 Եւ զամենեսեան կամիս առ քեզ
 ձգել: Եւ եթէ քոյքն դան զկնի
 մոլար վարդապետութեանդ՝ որ
 ոչ տեսանեն եւ ոչ խմանան, մի՛
 եւ զմեզ կարծէր դոյն օրինակ.
 Քանզի բաց են աչք մտաց մերոց
 Եւ սրատեսիլ եմք: Մարմնոյ. ա-
 չօք զարարածս տեսանեմք, եւ
 խմանամք զսա յայլմէ արարեալ.
 Եւ ամենեքեան են ընդ ապա
 կանութեամք: Իսկ արարիչն ա-
 մենեցուն աներեւոյթ է ի մար-
 մնաւոր աչաց, այլ մտաց խմանի
 զօրութիւն նորա:

« Եւ վասն զի ետես զմեզ ի
 մեծի տղիտութեան, եւ ողոր
 մեցաւ մերում անուսումնու-
 թեանն, յորում եւ մեք իրեւ
 զձեղդ երբեմն զերեւելիսս կար-
 ծէաք արարիչ եւ գործէաք զա-
 մենայն անառակութիւնս, վասն
 այնորիկ առ սէր իւր եկն մար-

մնացաւ ի մարդկանէ, եւ ուսոյց
մեղ զաներեւոյթ աստուածու-
թիւնն իւր։ Այն զի բարձրացոյց
զինքն ի խաչն կախաղանի, եւ
զի մարդիկ զհետ լուսաւորացդ
մոլորեցան, մերկեաց յարեգակ-
նէ զլոյս ճառագայթիցն իւրոց,
զի եղիցի խաւար սպասաւոր
մարդկութեան նորա. զի որ իւր-
եւ զձեղ անարժանք իցեն, մի
տեսիցեն զկեանս իւրեանց ի մե-
ծի անարդութեան։ Որպէս եւ
այսօր, որ ոչ խոստովանի զխա-
չելեալն Աստուած՝ նոյն խաւար
մածեալ է զոգւով եւ մարմնով
նորա. որպէս եւ դու իսկ այսօր
ի նմին խաւարի կաս, եւ զմեղ
դեռ եւս չարչարես։ Պատրաստ
եմք ըստ օրինակի Տեառն մերոյ
մեռանել, որպէս զիարդ եւ կա-
միս կատարեա զկամս դառնու-
թեան քո։ »

Յայնժամ իրեւ հայեցաւ ի

նոսա անօրէնն Դենշապուհ, եւ
ետես ի մեծի ուրախութեան
զուարթագին զամենեսեան, գի-
տաց եթէոչ գնան առնոսաբանք
սպառնալեաց եւ ողոքանաց :
Հրամայեաց զմի ոմն ի կրսերա-
դունիցն յառաջ մատուցանել, ե-
րէց մի Արշէն անուն, վասն որոյ
յառաջ կասկածն իսկ եղեւ սըր-
բոցն : Կասկեցին զոտսն եւ ըզ-
ձեռսն, եւ մեծաւ ուժով պրկե-
ցին, մինչեւ ճարճատիւն հատաւ
տմենայն ջղացն . եւ այնպէս
կայր մեծ ժամս յանհնարին
պրկոցն :

Եթաց սուրբն զբերան իւր եւ
ասէ . « Ահա շրջեցան զինեւ
շունք բազումք . եւ ժողովք չա-
րաց ալաշարեցին զիս . ծակեցին
զոտս իմ եւ զձեռս իմ, եւ փո-
խանակ բերանոյ իմոյ աղաղակե-
ցին ամենայն ոսկերք իմ : Լուր
ինձ, Տէր, եւ լուր ճայնի իմում,

Եւ ընկալ զոգի իմ ի ժողովս
սուրբ զօրականինքո, որ երեւե-
ցաւ նորակերտ դաստակերտին
քոյ: Եւ որ կրսերս իմ յամենե-
սեան, ողորմութիւն քո զթա-
ցեալ յառաջեցոյց զիս :

Եւ զոյս իրրեւ ասաց, ոչ եւս
կարէր բանալ զբերանն յանհը-
նարին սլրկոցաց գելարանին: Եւ
անդէն վաղվաղակի դահիճքն
հրաման առեալ յերից նախարա-
բացն՝ սրով հատանել զպարանոց
երանելոյն, եւ ընկեցին զմար-
մինն ի խորիսորատ մի ցամաք:

Եւ անդէն ի տեղւոջն սկսաւ
խօսել Դենշապուհ ընդ եսլիսկո-
պոսին եւ առէ. «Յորժամ եկի ես
յաշխարհն Հայոց՝ զտարի մի եւ
վեց ամիս եհաս շրջել ինձ անդ
ոչ յիշեմ ես ամենեւին՝ եթէ բան
մի տրոտնջ յումեքէ լուսյ վասն
քո, նոյնալէս եւ առաւել վասն
Յովսեփայ. զի դա իսկ էր իշխան

ամենայն քրիստոնէից, եւ հա-
ւատարիմ յամենայն իրս ար-
քունի. Նա եւ որ մարզպան աշ-
խարհին լեռալ էր յառաջքան զիմ
երթալն՝ մեծապէս գոհ էր զառ-
նէս զայսմանէ. Եւ ես ինձէն ա-
չօք իմովք տեսի, զի որպէս հայր
հաստատուն համարեալ էր ամե-
նայն աշխարհին, եւ անտչառու-
թեամբ սիրէր զմեծամեծս եւ
զիոքունս :

«Արդ փոխանակ ընդ ձեր՝
ես աղաչեմ զճեզ. խնայեցէք ի
պատուական անձինս ձեր, եւ
մի մատնիք ի մահ չարչարանաց
ըստ առաջնոյն կարգի. զոր տե-
սէք աչօք ձերովք. Քանզի թէ ի
դոյն միտս յամառութեան կայք
եւ իմ եղեալ է ի մտի իմում
բազում չարչարանօք կարճելըզ-
ձեզի կենաց ձերոց. Ես գիտեմ,
զի ի հրապոյր առնդ սյդորիկ
ելեալ էք դուք. քանզի ինքն

ախտացեալ է մարմնով, եւ ձեռնարկութեամբ բժշկաց շիք գըտեալ առողջութիւն. Եւ հիւանդու կենօք ձանձրացեալ է, եւ փափազէ ի մահ քան ի կեանս. »

Առ այս ետ պատասխանի սուրբն Յովսէփ եւ ասէ. «Գովաւթիւնդ՝ զոր ետուր դու նախ եպիսկոպոսիդ եւ ապա ինձ, յիրաւի՛ արարեր եւ ըստ կարգի պատուեցեր վասն ալեացդ, այդպէս իսկ արժան է. Այլ ճշմարիտ ծառայից Աստուծոյ ոչ է օրէն դիմադարձ լինել երկրաւոր իշխանաց, եւ ոչ զոք ի ժողովը դոց տրաւնջ առնել վասն մարմնաւոր զօշաքաղութեան. այլ ցածութեամբ եւ հեղութեամբ ուսուցանել զսլատուիրանս Աստուծոյ, եւ առանց խարդախ խմաստութեան խաղաղասէր լինել առ ամենեսեան, եւ անաշառ վարդապետութեամբ առ

մի Տէրն արարածոյ առաջնորդել բոլորեցունց :

« Ա. ՅԼ վասն առնս այսորիկ հրապուրանաց՝ զոր ասացեր, եւ զայդ ոչ ստեցեր, այլ կարի ըզ ճշմարիտն ասացեր. Զի ոչ իբրեւ զօտար ոք հրապուրէ զմեղ, եւ ոչ իբրեւ զպատրող ոք խարե. բայ մոլորեցուցանէ զմեղ, այլ յոյժ սիրէ. Բանզի մի է մայր մեր եկեղեցի՝ որ երկնեացն զմեղ, եւ մի է հայր մեր սուրբ Հոգին՝ որ ծնաւ զմեղ. զիա՞րդ համահարք եւ միոյ մօր որդիք երկպառակք լինիցին, եւ ոչ միաբանք. Որ քեզ թուին՝ թէ հրապոյրք իցեն, մեր ի տուէ եւ ի գիշերի գոյն խորհուրդ էր՝ զի անքակ ունիցիմք զկենաց միաբանութիւնս. Խսկ եթէ սա ձանձրացեալ իցէ ելանել յախտակից մարմնոյս, առաւել եւս մեք ամենեքեան. զի չիք ոք ամենեւին

ի ծնունդս կանանց՝ որ ունիցի
զմարմինս առանց ցաւոց չար-
չարանաց : »

Ետ պատասխանի Դենչալուհ
եւ ասէ . « Զայդ ոչ գիտէք ,
ո՞րչափ երկայնամիտ լինիմ ես ի
վերայ ձեր . այս ոչ հրամանաւ-
արքունի է այսչափ երկայնաբան
լինել ընդ ձեզ պայքարաւ , այլ
յիմմէ քաղցրութենէ թողացու-
ցի ձեզ . զի չեմ իրեւ զձեզ ա-
նագորոյն , զի անձանց ատելի
էք եւ այլոց թշնամիք : Իմ զի
աղ եւ հաց կերեալ է յաշխար-
հին ձերում , գութ եւ սէր ու-
նիմ ընդ աշխարհն ձեր : »

Ետ պատասխանի Դեւոնդ
երեց եւ ասէ . « Որ առ արտա-
քինսն գութ եւ սէր ունի , ըզ
սկառուիրանսն Աստուծոյ կա-
տարէ , այլ պարտի եւ յիւր
ողիսն խնայել . զի չեմք անձանց
տեարք , այլէ որ համարս խնդրէ

ի մէնց եւ վասն արտաքնոց եւ
վասն ներքնոց։ Ա.յլ որ ասացեր՝
յինէն անսամ ձեղ եւ ոչ հրա-
մանաւ թագաւորին։ Եթէ դուք
սովոր էք անցանել ըստ հրամա-
նաւ թագաւորին ձերոյ, զայդ
բարիոք առնէք, զի աւերիչ աշ-
խարհի է եւ սատակիչ անմեղ
մարդկան, բարեկամ սատանայի
եւ թշնամի Աստուծոյ։ Ա.յլ մեք
ոչ կարեմք անցանել զհրամանաւ
մերոյ թագաւորին, եւ ոչ զա-
նանց կեանսն մեր կարեմք փո-
խանակել ընդ ասկականացու
պատրանս աշխարհիս :

« Ա.յլ վասն իմ զի ասացեր՝
չդժեալ զառողջութիւն ի բժըժ-
կաց, սիրէ զմահ քան զկեանս,
այդ բանք ոչ այնոցիկ են որ
տեսանեն զամենայն չարչարանս
աշխարհիս : Աղէ ցածո զքեզ
սակաւիկ մի ի զայրագին սըրտ-
մտութենէդ, եւ եկ զհետ ճշմա-

րիտ բանից իմոց , եւ հայեաց
կարգաւ ընդ իրս աշխարհիս .
Ո՞ ոք ի մահկանացուածս ունի
կեանս անտրտունջս . ոչ ահա ա-
մենայն լի են ախտիւք , է որ ի
ներքոյ եւ է որ արտաքոյ ցուրտ
եւ տօթ , քաղց եւ ծարաւ եւ
ամենայն աղքատութիւն կարո-
տութեան : Արտաքոյ՝ անիրա-
ւութիւն , յափշտակութիւն ,
գէճ պղծութիւն անառակ յար-
ձակ մամիք . ի ներքոյ՝ ամբարը-
տութիւն , ուրացութիւն , տղի-
տութիւն , անդարձ մոլորութիւն ,
ի կամաւոր ազատութենէն :

« Բայց դու որ զբժիշկս խոտ-
եալ անարգեցեր , թէ չիք իմ
ինոցանէ գտեալ զառողջութիւն ,
չեն ինչ զարմանք . վասն զի մար-
դիկ են նոքա . է ցաւ որում
գտանեն հնարս առողջութեան ,
եւ է որ ասկատամիէ ի հնարից
նոցա . վասն զի ամենեքեան եմք

մահկանացուք, այն որ բժշկէն
եւ որ բժշկին : Այլ երանի՛ թէ
եւ դուք ըստ բժշկական արուես-
տին բերէիք զնմանութիւն . զի
ոչ փոքր է ճշմարտութիւն նոյա-
բժշկութեանն . Յանզի յորժամ
տեսանեն նոքա զոք հիւանդա-
ցեալ, ոչ յապաղեն երթալ առ
նոսա, այլ փութացեալ հնարին
մատուցանել զառողջութիւն :
Մանաւանդ եթէ յարքունիս մի
ոք սիրեցեալ թագաւորին ախ-
տանայցէ, եւ հասեալ ի մեծ
հրապարակն՝ տեսանիցէ զբաղ-
մութիւն սլատուաւորացն եւ
զառողջութիւն գեղեցիկ երի-
տասարդացն, եւ եւս ի ներքս
մատուցեալ ի սրահսն արքունի,
եւ անդ տեսանիցէ զամենայն
սպասաւորացն զչքնաղ եւ զըս-
քանչելի տեսիլն, ոչ ինչ զար-
մանայ ընդ հրաշակերտ տեսիլն:
Նա եւ եթէ գահոյք ականա-

կապքիցեն եւ համակ ոսկեղբէնք՝
յորոց վերայ հիւանդն անկեալ
դնիցի, չէ ինչ նմա փոյթ զայնմ
ամենայնէ. այլ ի բաց հրամայէ
առնուլ զոսկեհուռ վերարկուսն
եւ ձեռն ի ներքս տարեալ՝ զննէ
զամենայն մարմինն, եթէ ջե՞րմ
իցէ բնութիւնն, եւ եթէ սիրոն
ի տեղւոջն հանդարու կայցէ, եւ
կամ թէ լեարդն կակուղ իցէ,
եւ կամ թէ շարժք երակացն
յարմա՞ր իցեն. եւ ըստ նմին ըզ
դարման բժշկութեանն առնիցէ՝
շնորհելով նմա զառողջութիւն:

« Իսկ արդ եթէ մարդկային
բժշկութիւնն այսպիսի գիտէ
քամահել զամենայնիւ, եւ միայն
զիւր արտեստն յառաջ մասու-
ցեալ՝ զգործն կատարէ, որչափ
եւս առաւել ձեզ արժան էր,
որ զբոլոր աշխարհս ունիք յիշ-
խանութեան մեծի, հոգ յան-
ձինտանել՝ նախ զհոգիսդ բժըշ-

կել յամենայն ախտալից մոլորութեանց աշխարհիս, եւ մարմնովք իսկ կային ամենեքեան ձեզ ի ծառայութեան : Արդսյժմ դի դուք տգիտացարուք, եւ զանմահ հոգիսդ մահկանացու արարէք յանչէջ հուր դեհենին, մարմնովդ՝ եթէ կամիք եւ եթէ ոչ կամիք՝ ախտացեալէք յախտաւորութիւն անառողջութեան . եւ զմեզ նախատէք մարմնոյ ցաւովք, որ ոչ ի կամս մերոյ ազատութեան է, այլ որպէս դիպեցաւ ի բնութեանս մարմնոյ իւրաքանչիւր մարդոյ :

« Եւ Քրիստոս ճշմարիտ Աստուած կենդանարար՝ ի կամս իւրոյ բարերարութեան եղեւ բժիշկ հոգւոց եւ մարմնոց. եւ նախ ինքն ի ցաւս չարչարանաց իւրոց բժշկեաց զամենայն ազգս մարդկան : Եւ եւս խանդառագոյն գթացեալ, վերստին

ծննդեամբն ծնեալ զմեղ յառողջութիւն՝ անցաւս եւ անվէրս, եւ ի ծածուկ հարուածոց զհին ծակոտուածսն վիշապին ողջացոյց, եւ արար զմեղ անըսպիս եւ անարատ հոգւով եւ մարմնով, զի իցեմք բանակակից հրեշտակաց եւ զօրք երկնաւոր թագաւորին մերոյ. Եւ քոյ զայս ոչ գիտացեալ, եւ ոչ վայելեալ յերկնաւոր պարգեւսն Աստուծոյ, եւ ոչ եւս այլ կամիս, ուսանել ի մէնջ. այլ եւ զմեղ եւս վրիսկեցուցանել կամիս, որում չիք հնար, եւ մի այլ լիցի, եւ ոչ կարես խոկ տռնել.

« Այլ վասն իմոյ ախտալից մարմնոյս ասացից քեզ կարճառուս, ինդամ եւ ուրախ եմ յորժամ տեսանեմ զմարմինս իմ չարչարեալ. գիտեմ զի զօրանայ յիս առողջութիւն հոգւոյս իմոյ. Մանաւանդ զի ունիմ

ինձ գրաւական զմեծ վարդապետն հեթանոսաց, որ ի ցաւս մարմնոյ անձին մխիթարէր, եւ ի կոփումն սատանայական մարմնոյ պարծէր, եւ ասէր. «Զի եթէ տնկակիցք եղաք նմանութեան մահու նորա, որչափ եւս առաւել լիցուք հաղորդք յարութեան նորա: » Այլ դու որ ունիս իշխանութիւն ի վերայ մեր, դատեա զմեզ ըստ չարութեան կամաց քոց: Զեմք ինչ զանդիտելոց յահագին յահաւոր սովառնալեացդ քոց, եւ ոչ երկիւղած ի դառն մահուանէն՝ զոր ածելոց ես ի վերայ մեր: »

Յայնժամմեկուսացոյց սակաւիկ մի զերանելիսն ի միմեանց, եւ միայն ասէ ցսուրբ եալիսկոմուսն. «Դովութիւն, զոր ետուքեզ յառաջ, ոչ իմացար պատիւ անձին քոյ: Յիշեցուցանեմ քեզ զչարիսն զոր գործեցեր դու,

զի անձամբ զանձն քո արասցես
մահապարտ։ Արդարեւ դու տ-
ւերեցեր զատրուշանն յիշտու-
նիս, եւ կամ զկրակն դու սպա-
ներ։ Նու եւ որսէս լուայ եւ
ստուգեցի, թէ եւ զմոգսն դու
չարչարեցեր, եւ զսպաս սպաշ-
տամանն դու տարար։ արդ եթէ
արդարեւ դու առեր, պատմեայ
ինձ։ »

Ետ սլոտասխանի սուրբն եւ
ասէ. « Ա՞րդ կամիս ուսանել
զայդ յինէն՝ եթէ յառաջադոյն
դիտէիր։ »

Դենչապուհ ասէ. « Այլէ համ-
բաւ, եւայլ է ճշմարտութիւն։ »
Եպիսկոպոսն ասէ. « Որսէս
կարծեսդ՝ ասա ինձ։ »

Դենչապուհ ասէ. « Իմ լուեալ
էր, եթէ զամենայն վնասն յիշ-
տունիս դու արարեր։ »

Եպիսկոպոսն ասէ. « Եւ զի
այդսկէս հաւաստեաւ ի վերայ

հասեր, կրկին զի՞ հարցանես : »

Դենշապուհ ասէ . « Զճշմարիտն ի քէն կամիմ ուսանել : »

Եպիսկոպոսն ասէ . « Ոչ զօդուտ կենաց քոց կամիս ուսանել յինէն, այլ արեան իմոյ ցանկան միտք քո : »

Դենշապուհ ասէ . « Զեմ գաղան արիւնախանձ , այլ վրէժինդիր եմ աստուածոցն անարդութեան : »

Եպիսկոպոսն ասէ . « Զտարերս համերս աստուածս անուանես , եւ զպատկերակիցս քո մարդիկ խողխողել կամիս . տալոց հատուցանելոց ես վրէժ թագաւորան քով յանկաշառ ատենին Աստուածոյ : Եւ զոր քո չար կամօքդ կամիս լսել յինէն , զայդ ես ասեմ քեզ : Զտունն արդարեւ ես աւերեցի , եւ զմոգսն չարչարեցի դանիւ , եւ զկահ պղծութեան որ ի տանն էր՝ ի

ծովս ես ընկեցի: Այլ զիրակ ովկ
կարէ սսլանանել. քանզի ամե-
նիմաստ արարիչն արարածոց
հոգ խնամոյ տարեալ յառաջա-
գոյն՝ անմահս հաստատեաց ըզ-
բնութիւն չորից նիւթոցս: Աղէ
սպան դու զօդ՝ եթէ կարես,
եւ կամ սպականեա զհող՝ զի
մի՛ բուսուսցէ զդալարի, փո-
ղոտեա զգետ՝ զի մեռցի: Եթէ
զայդ երեսին կարես առնել,
սպա եւ զիրակ կարես սպա-
նանել:

« Ասլա եթէ ճարտարապետն
մեր միաբանեաց զչորից տարե-
րացդ զանքակութիւն, ահա եւ
դտանի բնութիւն հրոյ իքարինս
եւ յերկաթս եւ յամենայն տա-
րերս զննելիս, ընդէ՞ր սոսո-
թեամբ զրոլարտես զիս՝ թէ դու
զիրակ սպաներ: Աղէ դու սպան
զներմութիւն արեգական, զի
ունի նա մասն հրոյ, եւ կամ

տուր հրաման՝ զի մի թափեցի
հուր յերկաթոյ : Մեռանի այն
որ չնչէն եւ շարժի եւ դնայ եւ
ուտէ եւ ըմալէ . երբ տեսեր դու
զկրակ դնայուն կամ խօսուն
կամ գիտուն : Արդ զոր կենդա-
նի քո չէ տեսեալ՝ մեռեալ խօս-
տովանիս : Քանի անթողի է
ամբարշտութիւնդ ձեր քան զա-
մենայն հեթանոսաց , որ գիտ-
նագոյնք են քան զծեզ . որ
թէպէտ եւ ի ճշմարիոն Աստու-
ծոյ մոլորեալ են , զանխօս տա-
րերս աստուած ոչ խօստովանին :
Արդ եթէ դու անգիտութեամբ
կորնչելի ասես զբնութիւն հրոյ,
ոչ առնուն քեզ յանձն արա-
րածքս . քանզի խառն է դա յա-
մենեցունց :

Դենշապուհ ասէ . « Ոչ ինչ
մտանեմ ես ընդ քեզ ի պայքար
քննութեան վասն բնութեան
արարածոցս . այլ խօստովանեա

ինձ, եթէ դու անցուցերզկրակն՝
եթէ ոչ :

Պատասխանի ետ երանելին
եւ ասէ . « Ոորոհետեւ ոչ կամե-
ցար լինել աշակերտ ճշմարտու-
թեանն , ասացից զկամն հօրն քո
սատանայի : Ես ինձին մտի ի
կրակատունն ձեր , եւ տեսի զի
կային պաշտօնեայքամբարշտու-
թեանն սնուոի կարծեացն ձերոց ,
եւ կրակարանն լի հրով առաջի
նոցա բորբոքեալ այրէր Հարցի
ցնոսա բանիւ եւ ոչ գանիւ ,
թէ զի՞նչ համարիք ի միտս ձեր
զկրակ պաշտամանս այսորիկ :
Ետուն պատասխանի եւ ասեն .

— Մեք ինչ ոչ գիտեմք . բայց
այսչափ ինչ իմանամք , զի սովո-
րութիւն է նախնեացն եւ հրա-
ման բուռն թագաւորին — :

« Ասեմ դարձեալ ցնոսա . Եւ
զբնութիւն կրակիդ զի՞նչ իմա-
նայք . արարիչ կարծէք , թէ

արարած։ Ասեն միաբան ամենեքետան։ — Արարիչ մեք զդա ոչ գիտեմք, նա եւ ոչ հանդուցիչ աշխատելոց։ Զեռք մեր փառարեալ են ի կացնի, եւ ողունք մեր տեռեալ են ի փայտակրի։ աչք մեր գիջացեալ են արտասուօք ի կծութենէ ծխոյ դորա, եւ երեսք մեր մրոտեալ են ի խոնաւութեանց թանձրութենէ նորին ծխոյ։ Եթէ շատ մատուցանեմք նմա զկերակուրն, յոյժքաղցնու։ Եւ եթէ բնու չտամք, ամենեւին անցանէ։ Եւ եթէ մօտ երթամք եւ երկիր պագանեմք, կիզու զմեզ։ Եւ եթէ ոչ երթամք մօտ ամենեւին, մոխիր լինի։ Մեր այդպէս հասեալ է ի վերայ բնութեան դորա։

« Ասեմ դարձեալ ցնոսա. Իսկ լուեալ է ձեր, եթէ ոյր ուսուցեալ է ձեզ զայդպիսի մոլորութիւն։ Ետուն պատասխանի եւ

ասեն . — Զի՞ ի լսելոյ հարցանես
զմեղ , այլ հայեաց ընդ առա-
ջիկայ իրսդ . զի օրէնսդիրքն մեր
հոգւովք մնոաց միայն կուրա-
ցեալ են , այլ թագաւորն մեր
մարմնով միով ակամքն կոյր է ,
այլ ոգւոյն բնաւ չիք իսկ աչք — :

«Վասն այնորիկ եւ ես իբրեւ
լուայ զայս ի մոդուցն , յոյժ ո-
ղորմեցայ . զի տգիտութեամբ
զարդարն խօսեցան : Սակաւիկ
մի չարչարեցի զնոսա դանիւ ,
եւ նոցուն իսկ ետու զկրակն ի
ջուրն ընկենուլ , եւ ասացի այս
ոլէս . Ասուուածք որ զերկինս եւ
զերկիր ոչ արարին՝ կորիցեն
ի ներքոյ երկնից . եւ ապա զմոգ-
ուըն ի բաց արձակեցի : »

Զայս ամենայն իբրեւ լուաւ
Դենշալուհ ի բերանոյ սուրբ
եպիսկոպոսին , անհնարին զահի
հարաւ ի թշնամանաց թագաւ-
որին եւ յանարդանաց դենին :

Վասն որոյ եւ երկեաւ իսկ մատուցանել զնա ի տանջանս հարածոց, թէ գուցէ այլ եւս մեծանարդանս զթագաւորէն տացէ ասել յատենին, եւ ի նա ձգիցին կարծիք թշնամանացն, զի երկայնամութեամբ սլայքարեցաւ ընդ նոսա:

Եւ քանզի սուսեր ընդ մէջ ածեալ նստէր յատենի ահ արկանելով սրբոցն, գոչեաց իբրեւ առեւծ ծայրագին, եւ հանեալ զսուսերն՝ դաղանաբար յարձակեցաւ ի վերայ երանելեացն, եւ եհար եպիսկոպոսին զաջ ուսն, թիկամբն հետ եւ զճեռն ի վայր ընկեց: Եւ նորա յահեակ կողմն յերկիր անկեալ, եւ դարձեալ անդրէն պատսսլարէր, տոնոյր զաջ ի ձեռն ի վեր. աղաղակեաց մեծաձայն եւ ասէ, « Ընկալ, Տէր զիամաւոր սլատարագն՝ որ ինձէն զիս քեզ մատուցի բոլորո»

վիմ, եւ խառնեա զիս ի գունդս
սուրբ զինուորացն քոց : »

Դարձեալ քաջալերէր զընկե-
րակիցսն իւր եւ ասէր. « Հա-
սլա առաքինիք, եհաս ժամ կա-
տարման մերոյ . Խցէք զաչս
մարմնոյ վայր մի, եւ այժմ տե-
սանէք զյոյսն մեր Քրիստոս : »
Եւ թաւալելով ընդ արիւն ան-
ձինն իւրոյ ասէր. « Օրհնեցից
զծէր յամենայն ժամ, հանապաղ
օրհնութիւն նորա ի բերան իմ.
Ի տէր պարծ եսցի անձն իմ, լուի-
ցեն հեղք եւ ուրախ եղիցին : »
Եւ ասելով զսաղմոսս զայս կա-
տարէր մինչեւ ցայս տեղի .
« Բազում նեղութիւնք են ար-
դարոց . յամենայնէ միրկէ զնոսա
Տէր եւ պահէ զամենայն ոսկերս
նոցա : »

Եւ մինչդեռ կայր յուժի մար-
մնոյն սակաւիկ մի, իւրովք աշօք
իսկ հայեցեալ տեսանէր յերկ-

Նից եկեալ գունդս բազում հրեշ-
տակաց եւ վեց պսակ ի ձեռին
հրեշտակապետին : Դարձեալ եւ
լսէր եւս բարբառ ի վերուստ, որ
ասէր . « Քաջալերեցարուք , սի-
րելիք իմ . զի ահա մոռացայք
զվշտակի կեանսդ , եւ հասէք
երանելի սլսակացդ՝ որ ձերով
ճարտարութեամբդ կազմեցէք .
առէք դիք յիւրաքանչիւր դլուխ
Զի նիւթ պատրաստական ի ձէնջ
հիւթեցաւ , իսկ ճշմարտութիւն
գործոյդ յամենասուրբ ձեռացն
Քրիստոսի կազմեցաւ . զոր ի
սպասաւորաց այտի իսկ ընկո-
լեալ , ընդ Ստեփաննոսի լինիք
պտակակից » : Նա եւ զայն եւս
քաջապէս տեսանէր , զի դեռ
եւս շողայր սուրն ի վերայ պա-
րանոցի երանելեցն :

Զոր իբրեւ ետես սուրբն Ղե-
ւոնդ , եթէ ոչ եւս զմի մի կա-
մին հարցանել եւ դատել , այլ

միանդամայն հրաման եղեւ մահու, ասէ ցերանելին Յովսէփ. «Մատիր, յառաջեա ընդդէմ սրոյն, զի դու աստիճանու ի վեր ես քան զամենեսեան »։ Եւ զայս իբրեւ ասաց, կարդեցան կացին մի ըստ միոջէ. Եւ առ ձեզ տաղնապի ստիսլելոյ դահճացն՝ միանդամայն հատին ընկեցին զպարանոցս երանելեացն առաջի սուրբ եպիսկոպոսին. Եւ նորա ընդ հանել ոգւոցն աղաղակեաց եւ ասէ. «Տէր Յիսուս, ընկալ զոգիս մեր ամենեցուն, եւ խառնեա զմեզ ի գունդս սիրելեացն քոց. » Եւ միանդամայն կատարեցան ամենեքեան ի նմին տեղւոջ :

Եւ եթէ զմագպետն եւս՝ որ հաւատաց ի Քրիստոս՝ կամիցիս ընդ նոսա ի համար արկանել, թուով են եւթն. թող զերկուսն եւս որ ի Վարդէան կատարե-

ցան, եւ միւս եպիսկոպոսն
թԱթիկ անուն յասորեստանի:
Բայց անդէն ի տեղւոջն վեցե-
քին, որոց անուանքն են այսո-
քիլ.

ՍՍՀԱԿ եպիսկոպոս յԻշտու-
նեաց.

Սուրբ ՅՈՎՈՒԵՓ ի Նայոց ձո-
րոյ՝ ի գեղջէ Հողոցմանց.

ՂԵԽՈՆԴ Երեց ի Վանանդայ՝
ի գեղջէ Իջաւանից.

ՄՈՒՆԵ Երեց յԱղբակոյ.

ԱՐՇԵՆ Երեց ի Բագրեւան-
դայ՝ ի գեղջէ յԵղեգեկայ.

ՔՍԶԱԶ սարկաւագ՝ ուստի
եպիսկոպոսն էր յԻշտունեաց:
Իսկ Երանելին ՄՈԳՊԵՏՆ ի Նիւ-
շապուհ քաղաքէ.

ՍՍՄՈՒԵԼ Երեց յԱյրարատոյ՝
ի գեղջէ յԱրածոյ.

ԱԲՐԱՀԱՄ սարկաւագ ի Նմին
գեղջէ:

Արդ զվեց զայս սուրբս յա-

նապատին՝ ուր կատարեցին, Դենշապուհ, մողակետն եւ Զնիկանն եւ մայպետն անդէն ի տեղւոջն պահապանս ընտրեցին յիւրաքանչիւր սպասաւորացն, եւ պահել հրամայեցին զմարմինս երանելեացն ցաւուրս տասն կամ եւս առելի, մինչեւ կարաւանն արքունի անցեալ գնայցէ. զի մի՛ սյլադենքն եկեալ բառնայցեն զոսկերս դոցա, եւ բաշխեալ սիրեսցեն ընդ աշխարհս ամենայն, յոր եւ մարդիկ եւս առաւել յորդորեալ մոլորիցին զկնի նածարացւոց աղանդին.

Իսկ Խուժիկն, զոր յառաջադոյն ասացաք, զինու հանդերձ մնայր անդէն ընդ պահապանս որպէս զմի ի նոցանէ. այր լի ի մասութեամբ եւ կատարեալ աստուածային գիտութեամբ, սպասէր եւ դէա ակն ունէր՝

եթէ որով օրինակաւ հնարս
դոցէ զսոկերս սրբոցն գողանալ
ի նոցանէ :

Եւ իբրեւ աւուրք երեք ան-
ցին ի վերայ, արհաւիրք մեծ-
անկանէին ի վերայ ամենեցուն,
եւ իբրեւ թմբրեալ եւ կիսա-
մեռք անյարիրք անկեալ դնէին
զերիս աւուրսն՝ երկուք ի պահա-
պանացն չարաչար լըլկեցան ի
դիւէ : Դարձեալ հասարակ դի-
շերաւ չափ՝ ճայնք ահեղք հըն-
չէին, եւ թնդիւնք եւ որոտա-
ճայնք իներքուստ՝ որպէս դպրո-
դումն գետնաշարժի . երկիրն
գողայր ի ներքոյ նոցա, եւ շո-
ղիւնք սուսերաց փայլատա-
կունս արձակէին շուրջ զնոքօք՝
եւ զամենեսեան զդիակունսն
կանդնեալ տեսանէին, եւ զնոյն
բանս ատենին ահագինս բար-
բառէին ի լսելիս նոցա . մինչեւ

խուճառել նոցա ընդ միմեանս
դեռ եւս զիրեարս սատակէին,
Եւ այսպէս տագնառալեալք եւ
ցնորեալք, մինչեւ այր զընկեր
ի փախուստ չդիտէր ընդ որ
երթայր. Եւ եկեալ պատմէին
մեծաւ զարմացմամբ զամենայն
անցս չարչարանացն զոր կրեցին:

Ի խորհուրդ մտին նախարար-
քըն երեքեան, եւ սկսան զար-
մանալովասել ցմիմեանս. «Զի՞նչ
դործ եսցուք, զի՞նչ արասցուք
վասն անքնին աղանդոյն քրիս-
տոնէից. քանզի մինչդեռ կեն-
դանի էին, զարմանալի էր կեանք
նոցա. ընչառեացք էին իբրեւ
զանկարօս, սրբասէրք էին իբ-
րեւ զանմարմինս, անաշոռք
էին իբրեւ զարդարադասս, ա-
ներկիւղք էին իբրեւ զանմահու-
եթէ զայս ամենայն տսեմք իբ-
րեւ զադիտաց եւ իբրեւ զյան-
դըդնելոց, խոկ զայն զի՞ առնի-

ցեմք՝ զի ցաւոտք ամենայն ի
կարաւանի աստ նոքօք առող-
ջանան : Եւ կամ որ մեծս է քան
զայդ ամենայն , ոյր ուրուք դի
կանգնեալ երեւեցաւ ի կենդա-
նեաց , կամ բարբառ բանից ոք
լուաւ ի նմանէ :

« Զի սուտ չեն մեր սպասա-
քորքն . մեր մեղէն խև հասեալ
է ի վերայ ստուգութեան սոցա-
ւ եթէ կամեցեալ էր սոցա
մարմնաւոր ինչ աղահութիւն ի
ներքս խառնել , սակաւ մի ակ-
նարկէին քրիստոնէից ի կարա-
ւանիս , զիշիո իւրաքանչիւր
մարմնոց նոցա ոսկի առնուին :
Դարձեալ եւ արքդ , որ ի դիւէ
չարչարեցան , զի յայնժամ ցա-
ւոտք չէին՝ եւ մեք զիտեմք .
յայտ է եթէ այսօր նշան մեծ
երեւեցաւ : Եթէ լուռ լինիմք
այսպէս , մեզ եւ անձանց մերաց
կասկած խև է . եւ եթէ տա-

նիմք զդոսա առաջի թագաւորին, լսելով նորա ի դոցանէ զայդ ամենայն մեծամեծ սքանչելիս, գուցէ եւ օրինացս մերոց քակառմն ինչ հասանիցէ : »

Ետ պատասխանի մոգսկետն եւ ասէ ցնոսա . « Ո՞չ զիս ոստիկան արարին ի վերայ ձեր երկոցունցդ . զի՞ այդշափ նեղեալտագնապիք յանձինս ձեր . դուք զդործ ձեր կատարեցէք, եւ զհրամանն արքունի ի դլուս տարայք : Արդ եթէ համբաւդ այդ յայտնեսցին, եւ հարցափորձ ինչ լինիցին առաջի արքային, այդ խնդիր մեր մոգացէ, դուք անհոգ լերուք, եւ մի՛ ինչ ածէք զմուաւ : Եւեթէ զարհուրեցայք ինչ յոգիս ձեր, վաղագոյն առաւօտուցն ի դարիթիր եկայք, զի վաղիւ անդ Մովսետան մովակետ ոստյագէ, եւ նոյն հաճեալ հաւանեցուսցէ զմիտս ձեր : »

իսկ Առաքիկն իբրեւ լուաւ
զայս ամենայն, եւ գիտաց՝ ե-
թէ փոյթ ինչ ոչ է նոցա յայնմ
հետէ սուրբ սպանելոցն, փու-
թացաւ վաղվաղակի էաւ տասն
այր, որոց զչափ գիտէր զքրիս-
տոնէութեանն, եւ հասեալ ի
տեղին՝ շէն եղիտ զամենեսեան:
Եւ քանզի կասկած ունէր տա-
կաւին ի նոցուն ի դահճացն,
դարձեալ փոխեցին անտի ըզ
սուրբսն յայլ տեղի բացագոյն
իբրեւ երկու հրասախօք: Եւ
իբրեւ յանհոգս եղեն, սրբեցին
կազմեցին զոսկերս երանելեա-
ցըն. բերին ի բանակն եւ ու-
նէին ի ծածուկ. եւ առ սակաւ
սակաւ յայտնեցին նախ զօրա-
կանին Հայոց, եւ ապա բազում
քրիստոնէիցն որ էին ի կարա-
ւանին: Եւ զառաջի պառող ըն-
ծային մատուցանէին կապեալ
նախարարացն. եւ անդէն վաղ-

վաղակի արձակեցան նոքա ի
կապանաց իւրեանց, եւ սպառ-
նալիք մահուանն անցին զնոքօք,
եւ հրովարտակը թողութեան
առաքեցան յաշխարհն Հայոց :

Արդ երանելի այս իյուժիկս,
որ արժանի եղեւ ի ծածուկ
սպասաւոր լինել սրբոցն, որ ինչ
ի մահուանէն եւ այսր ասացաւ
դատակնիք վճռիս այսորիկ՝ սա
երկրորդեաց մեզ զամենայն
կարգաւ. զչարաչար քարշումն,
եւ զհարց եւ զփորձ դատաւո-
րացն, եւ զիւրաքանչիւր ան-
ձանց սրբոցն զպատասխանիսն,
եւ զկատարումն մահուան նո-
ցա, եւ զահագին արհաւիրսն
որ ի վերայ պահապանացն ան-
կաւ, եւ զհեծեծումն քննու-
թեան՝ նախարարացն երեցունց,
եւ զամիփոփումն սուրբ ուկերաց
նոցա. ոչ խառն ի խուռն ի մի
վայր ժողովելով, այլ զմի մի ի

նոցանէ ուրոյն ուրոյն ի վեց
տապանս ժողովէր , Եւ զանուա-
նլս իւրաքանչիւր ուսեալ Եւ ի
վերոյ տապանացն նշանակեալ
էր : Եւ զկապանսն երկաթիս ընդ
իւրաքանչիւր ոսկերսն եղեալ
էր , քանզի դահճացն ի բաց ըն-
կեցեալէր . որովհետ եւ զհանդերձս
զիւրաքանչիւր տապանակի նշա-
նակեալ էր :

Եւ կատարեցան սոքա վեցե-
քեան սուրբ Եւ ցանկալի մահ-
ուամբն իւրեանց որ օր քսան Եւ
հինգ էր հրոտից ամսոյ՝ ի մեծ
անապատին յԱսլար աշխարհի
ի սահմանս Նիւշապուհ քաղաքին



Վ. Ա. Ս Ն

ԽՈՍՏՈՎԱՆՈՂԱՑՆ ՀԱՅՈՑ

ԽՈՐԵՆԱԿ ԵՒ Ա. ԹՐԱ. ՀԱՄՈՒ



Իսկ աշակերտք երանելեացն ի կապանս կային ի ներքս ի քաղաքին. Եկն դահճապետ մի արքունի եւ եհան զնոսա ի քաղաքէ անտի արտաքս :

Եհան ի նմին քաղաքէ ասորեստանեայս քրիստոնեայս արս հինգ, քանզի եւ նոքա ի կապանս էին վասն անուանն Քրիստոսի. Եհարց զնոսա բանիւք, եւ ոչ հաւանեցան երկիրպագանել արեգական. Զարչարեաց զնոսա գանիւ, եւ նոքա եւս առաւել ի նոյն միտո պնդեցան. Կտրեաց զնոցա ունչս եւ զականջս, եւ ետ տանել յԱսորեստան, զի կայցեն ի մշակութեան արքունի։ Երթային մեծաւ յօ-

Ժարութեամբ, իրրեւ այն՝ թէ
մեծ պարզեւս գտեալ ի թա-
գաւորէն :

Արդ եկն դարձեալ նոյն դահ-
ճապետն առ աշակերտս սուրբ
սպանելոցն, ընորեաց երկուս ի
նոցանէ որ համեստագոյնք էին,
առեալ մեկուսի յայլոցն եւ ասէ-
ցնոսա. Զի՞նչ անուանք են ձեր:

Ետ պատասխանի մինն եւ
ասէ. «Առ ի ծնողաց ինձ Խորեն,
եւ դմա Աբրահամ. իսկ ըստ
շնորհատուր կարգիս՝ ծառայք
Քրիստոսի եմք, եւ աշակերտք
երանելեացն զոր սպանէք»:

Ետ պատասխանի դահճապետն
եւ ասէ ցնոսա. «Իսկ արդ զի՞նչ
գործ է ձեր, եւ կամ բնաւ ոյր
իսկ ածեալ է զձեզ սյսր»:

Առ այս ետ պատասխանի Աբ-
րահամ եւ ասէ ցնոսա. «Զայդ
ձեզ ի վարդապետաց մերոց ար-
ժան էր ուսանել. զի ոչ դուզ-

նաքեայք ոք էին նոքա , այլ
ունէին ստացուածս հայրենիս
ըստ արժան բաւականին , ըստ
նմին եւ սպասաւորս , էր որ
իբրեւ զմեզ , եւ էր որ լաւա-
գոյն քան զմեզ . որոց սնուցեալ
եւ ուսուցեալն էր , ընդ նոսա
եմք եկեալ . Քանզի եւ սպաս-
ուէր խոկ ունիմք յաստուածա-
տուր օրինացն մերոց՝ սիրել
զնոսա իբրեւ զսուրբ ծնողս , եւ
սպաս տանել նոցա իբրեւ հո-
գեւոր տերանց :

Ճասեաւ դահճապետն եւ ա-
սէ . « Իբրեւ զանխրատ եւ զա-
ներիլիւղ ստամբակս խօսիս :
Մինչդեռ ի խաղաղութեան եւ
յաշխարհի էիք , բարիոք էր .
յորժամ գրուահ եղեն նոքա
յիրս արքունի եւ մահապարտ
գտան ըստ գործոց խրեանց ,
ձեզ չէր արժան ամենեւին մօտ
երթալ առ նոսա : Ո՞չ տեսանէք

ի մեծ կարաւանիս, յորթամ ոք
ի պատռաւորացն ի դիսլահոջն
արքունի լինիցի, սգոյ հանդերձ
ագանի, եւ զատեալ եւ որո-
շեալ ի բացէ նստի միայնիկ,
եւ ամենեւին հուպ ոչ ոք իշխէ
երթալ առ նոսա : Եւ դու այդ-
պէս իբրեւ զանցանցի աշակերտ
պարծ ելով խօսիս : »

Առ այս ետ պատասխանի
Խորէն եւ ասէ . « Ոչ ձեր կարգդ
անիրաւ է եւ ոչ մերս ստու-
թեամբ . նախարարն յանցաւոր՝
ուստի զպարգեւն գտեալ էր,
այնպէս պարտ էր նմա հպատակ
լինել . զի ի պատուոյն վերայ եւ
այլ եւս պարգեւս մեծամեծս
դտանէր ի նմանէ : Արդ փո-
խանակ զի զայն չարար , ձախո-
ղակի յետս ընդդէմքն պատահ-
եաց նմա : Եւ մեր վարդապետ-
քըն եթէ առ Աստուած յան-
ցուցեալ էին , եւ կամ առ թա-

գաւորն մեղուցեալ ինչ էին ,
նոյն օրինակ եւ մեք առ նոսա
առնէաք . ոչ յաշխարհի մօտ
երթայաք , եւ ոչ ի տար աշ-
խարհ այսր զհետ նոցա գնայաք :
Բայց քանզի առ երկոսին կող-
մանսն արդարութեամբ կեցեալ
են , եւ դուք զուր տարապար-
տուց սպանէք զնոսա , մեք արդ
եւս առաւել սպասաւորեմք
սուրբ ոսկերաց նոցա : »

Ասէ ցնա դահճապետն . « Ես
յառաջագոյն իսկ ասացի՝ եթէ
կարի ստամբակ ոմն ես դու . ահա
յայտ եղեւ աւագիկ , եթէ յամե-
նայն զնաս նոցա խառնէք դուք : »

Աբրահամ ասէ . յո՞ր զնաս : »
Դահճապետն ասէ . « Առա-
ջին ի մահ մոգուցն , ապա եւ
յայլն ամենայն : »

Աբրահամ ասէ . « Այդ ոչ մի-
այն ի մէնջ է , այլ ըստ կարգի
եւ ձերոց օրինացդ . թագաւորք

Ճեղ տան հրաման , եւ դուք ի
ձեռն ճերոց սպասաւորացդ
դործէք : »

Դահճապետն ասէ , « ի Միհր
աստուածերդուեալէ իմ , խստա-
գոյն եւս խօսիս քան զվարդա-
պետսն քո . յայտ է եթէ վնա-
սոկարագոյնք եւս էք դուք :
Արդ ոչ է հնար ճեղ ապրել ի
մահուանէ , բայց եթէ երկիր
պագանէք արեգական , եւ կա-
տարիցէք զկամս օրինաց մերոց :

Խորէն ասէ . « Ցայժմ իբրեւ
զմարդ չարախոսէիր , եւ արդ
իբրեւ զշուն անպիտան ընդ վոյր
հաջես : Եթէ դոյր արեգական
ականչք , դու տայիր նմա թըշ-
նամանս դնել . արդ նա ընու-
թեամբ անզգայ է , եւ դու չա-
րութեամբ անզգայագոյն քան
զնա : Յիմ տեսեր զմեզ պակա-
սագոյն քան զհարսն մեր . մի՛ բա-
նիւք զփորձ առնուլ կամիս զմեր ,

այլ հանդէս արա քում չարութեանդ եւ մերում բարութեանը, եւ ամաչեցեալդտանի հայրըն քո սաստանա, ոչ միայն ի մէնջ՝ որ կատարելագոյնքս եմք, այլ եւ որ կարի փոքրիկն թուի քեզ՝ նա դիցէ վէրս սաստիկս յոգիս եւ մարմինս քո : »

Զայս իբրեւ լուաւ դահճապետըն, սրամտեալ բարկացաւ ի վերայ նոցա : Ետ քարշել չարագոյն քան զառաջինսն . եւ այնչափ սաստիկ քարշեցին, մինչեւ բազմաց կարծիք եղեն՝ թէ մեռան :

Իսկ իբրեւ ժամք երեք ի վերայ անցին, դարձեալ խօսել սկսան երկոքեանն եւ տսեն . « Փոքր համարիմք զանարդանս զայս եւ առ ոչինչ զցաւս մարմնոյս առ մեծ սէրն Աստուծոյ, որով կատարեցան հարքն մեր հոգեւորք : Հասկա մի՛ դլար եւ

մի դադարեր, այլ զոր ինչ առ
նոսայն արարեր՝ զնոյն եւ առ
մեզ կատարեա : Եթէ չարագոյն
թուին քեզ դործքն նոցա, կըր-
կին եւ զմերս համարեսջիր . զի
նոքա բանիւք հրամայէին , եւ
մեք դործովք զարդիւնսն կա-
տարէաք » : Յայնժամ եւս տու-
ւել զայրագնեցաւ ի վերայ նո-
ցա , եւ հրամայեաց զմահու դան
Հարկանել : Եւ առ մի մի ի նո-
ցանէ փոխեցաւ վեց վեց այր
ի դահճացն : Եւ մինչդեռ կի-
սամեռք յերկիր անկեալ դնէին,
հրամայեաց զերկոցունց ական-
ջըս մօտ կտրել : Եւ այնպէս ըը-
րեցին՝ որպէս թէ չիցէ լեալ ի
տեղւոյն :

Զարթեան որպէս ի քնոյ ի
սաստիկ հարուածոցն , սկսան
աղաչելով պաղտուանս մատու-
ցանել , եւ ասեն . « Աղաչեմք
զքեզ , քաջ զինւոր թագաւորին ,

կամ կտտարեա զմեզ իրրեւ ըզ
հարսն մեր մահուամբ , եւ կամ
արա զպատուհասդ ըստ օրինա-
կի վերջնոցս : Զի ահա լսելիք մեր
առողջացան զանախտաւորու-
թիւն երկնաւոր . իսկ հոտոտե-
լիքս դեռ եւս աստին ի տեղւոյ
կան յանձս չարչարանաց . մի՛ կի-
սապարդեւ առներ զմեզ յերկ-
նից բարութենէն : Սրբեցեր ըզ
մարմինս մեր քարշելով , եւ ըզ
լսելիս մեր կտրելով . սրբեա եւ
զոնգունս մեր հատանելով . քան-
դի որչափ տգեղս առնես զմեզ
երկրաւորաւս , գեղեցկագոյնս
առնես զմեզ երկնաւորաւն :

Ետ սլատասխանի հեզու-
թեամբ դահճապետն եւ ասէ .
«Եթէ եւ այլ յամեմ ես առ ձեզ
մօտ կալով , կարծեմ՝ եթէ եւ ,
աշակերտէք զիս ի ձեր յամա-
ռութիւնդ : Զի ահա արդ եւ ըզ
խորհուրդս արքունի ի վեր հա-

նեմ ձեզ : Յայդ վայր եղեւ հը-
րաման պատուհասիդ ձերոյ , եւ
ի վերսյ դորին պատուհասի՝ եր-
թալ ձեզ յԱսորեստան , եւ լինել
ձեզ մշակ յարքունիս . զի որ ընդ
ձեզ հայեսցի , մի ի դմին յամա-
ռութեան պնդեսցի ընդդէմ
հրամանաց թագաւորին : »

Ասեն ցնա երանելիքն . « Դու
զմեր երկիրս կիսագործ թողեր .
մեք յարքունի երկիրն կէս մարմ-
նովք մերովք ոչ վաստակեմք : »

Իբրեւ զայս լուաւ դահճապե-
տըն , աղաչեաց զզինուորսն որ
տանէին զնոսա , եւ ասէ . « Միայն
աստի դուք առէք գնացէք , եւ
հասեալ յԱսորեստան՝ ուր կամ
իւրեանց է եւ շրջեսցին : »

Այս են Հայոց խոստովանողք,
որ զիսեղութիւնն եւ զչարչա-
րանսն խնդութեամբ ընկալան
յանձինս իւրեանց : Եւ վասն զի
վրիսլեցին իսուրք մահուանէն ,

սգով եւ տրտմութեամբ երթային զերկայնութիւն ճանապարհին : Ոչ ծանր թուէին նոցակալանք ոտիցն եւ ձեռացն , իբրեւ զայն՝ թէ ընդէ՞ր ոչ եղաք արժանի հաւասարել ընդ քաջ նահատակսն :

Եւ իբրեւ տարան հասուցին զնոսա յերկիրն Բարիլացւոց , ի գաւառ մի զոր Շահուղն անուանեն , թէպէտ եւ էին յարքունի պատուհասին , սակայն եւ յայտ եւ գաղտ մեծապէս ընկալեալ եղեն ի բնակչաց աշխարհին : Սակայն երանելիքն եւ յայնմ յոյժ տրտմագին էին , իբր այն՝ եթէ սակաւ վաստակեցաք եւ մեծապէս հանգչիմք . եւ հանապազ ի նմին զեղջի կոյին :

Եւ անդէն թեւակոխէին տեսանել զսուրբ կալանսն նախարարացն , լինել սպասաւոր մարմնաւոր պիտոյից նոցա : Իմացու-

ցին զայս մեծամեծաց աշխարհին, որք էին ի նմին սուրբ ուխտի քրիստոնէութեանն : Եւ հաւանեալ ամենեցուն մեծամեծաց եւ փոքրունց՝ ազդ առնել ամենայն երկրին, զի հաճոյ թըւեսցի ամենեցուն՝ ի ձեռն մարմնաւոր պիտոյիցն կցորդ լինել սուրբ կապելոցն ի հեռաւոր օտարութեանն :

Եւ այսպէս ամյամէ ժողովէին՝ ըստ իւրաքանչիւր կարի մարդկանն . ոմն սակաւ եւ ոմն շատ, ոյր զի՞նչ եւ իձեռս պատրաստութիւն լինէր, եթէ դրամոց եւ եթէ դահեկանաց, ժողովէին կազմէին տային յերանելիսն՝ տանել նոցաւ : Եւ այսպէս յարրանեկութեան կային, մինչեւ տասն ամն լցաւ սպասաւորութեանն :

Եւ վասն զի յոյժ խստագոյնս պահէին ի ջերմոջ աշխարհին, եւ անդադար էին ի ճանապար-

Հորդութեանն ընդ նոյն Շահուղ, ընդ Մեշովին եւ ընդ Քաշկար եւ ընդ ամենայն Ասորեստան եւ Խուժաստան, սաստիկ տապով հարեալ ի խորշակէ մեռանէր սուրբն Խորեն, եւ աւանդեալ լինէր ի բնակչաց աշխարհին ընդ սուրբ վկայսն :

Իսկ երանելին Աքրահամ կոյր ի նմին առաքինութեան անդադար. եւ զամենայն տուրս հաւատացելոցն շրջէր ժողովէր եւ տանէր ի մեծ հեռաստանն, եւ ինքն մատակարարէր ըստ իւրաքանչիւր կարօտութեան : Եւ այնպէս յերկարեցաւ մինչեւ յերկուոսաներորդ ամին պատժաւորացն, մինչեւ աղաչել զնամիաբան ամենեցուն, զի հաւանեսցի երթալ յաշխարհն Հայոց. զի ընդ մտանել նորա առ նոսա՝ ի նմա տեսցեն եւ զքաջ նահատակսն որք կատարեցան սրով,

ի նմա տեսցեն եւ զուրբ կա-
պանս չարշարանացն :

Եւ յորժամ մարտիրոսք եւ
խոստովանողք եւ կալեալք նո-
վաւ տեսանին, նովաւ օրհնի
աշխարհն ամենայն, նովաւ օրհ-
նին եւ տղայք նոցա յաճումն,
նովաւ զգաստանան երիտա-
սարդք նոցա ի սրբութիւն, նո-
վաւ համեստանան ծերք նոցա
յիմաստութիւն : Նովաւ ուսա-
նին իշխանք նոցա զմարդասի-
րութիւն, նովաւ անկանի գութ-
յԱստուծոյ ի սիրու թագաւո-
րին՝ շինել եւ խաղաղութիւն
առնել բոլոր աշխարհին : Նովաւ
եկեղեցիքն ուարծին իբրեւ քաջ
եւ կատարեալ զինուոր, նովաւ
վկայարանքն զարդարն, նովաւ
եւ վկայքն ցնծացեալքերկրին:
Նովաւ եւ դաշտն Աւարայրի
պայծառացեալ ծաղկալից լինի,
ոչ յանձրեւաբեր ամսլոց, այլ

ի սուրբ եւ յարիւնաբոխ վկա-
յից շանեալ եւ ցրուեալք սպի-
տակութիւնք սուրբ ոսկերացն :
Յորժամ կոխեսցեն ամենավաս-
տակ ոտք խօստովանողին, զլայ-
նատարած տեղիս պատերազմին,
յորժամ կենդանի մարտիրոս
ընդ նա շրջեսցի, կենդանի առ-
կենդանիս երթեալ՝ ամենայն
աշխարհին կրկին լինի կենդա-
նութիւնն :

«Գիտեմք, ասեն, յորժամ
տեսցեն զսա ամենայն միայ-
նակեացք աշխարհին Հայոց, սո-
վու յիշեսցեն զհոգեւոր գուն-
դըս պատերազմողացն, որ փո-
խանակ մեր, ասեն, ետուն զան-
ձինս ի մահ, եւ հեղին զարիւնս
իւրեանց ի հաշտութիւն պատա-
րագ Ասուծոյ : Սովու յիշին
սուրբ քահանայքն, որք խող-
խողեցան յօտարութեանս եւ
յածուցին զսրտմատութիւն բար-

կութեան թագաւորին : Սովու
թերեւս զի զմեր կապանս յի-
շեսցեն , եւ աղօթս առնելով
խնդրեսցեն յաստուծոյ , զի գե-
րէդարձ լիցի մեզ անգրէն ի
հայրենի երկիրն մեր :

« Քանզի յոյժ անձկացեալ
եմք՝ ոչ միայն ըստ մարմնոյ կա-
րօտութեան , այլ առաւել տե-
սանել զսուրբ եկեղեցիսն մեր
եւ զսրբասէր պաշտօնեայսն մեր ,
զոր ի նմա կարգեալ հաստատե-
ցաք : Եւ եթէ միւսովս յաջո-
ղեսցէ մեզ Աստուած երթալ
եւ լնուլ զկարօտութիւն մնացե-
լոցն , դիտեմք զի եւ մեզ բա-
նայ Աստուած զդուռն ողոր-
մութեան իւրոյ՝ ընդ նոյն ճա-
նապարհ երթալ , ընդ որ ոտք
սրբոյս կարապետեն : »

Զայս խորհուրդ խորհելով
աստուածաշնորհնախարացն ,
մեծաւ . թախանձանօք ածէին

զիսոստովանողն իհաւանութիւն։
Եւ վասն զի ոչ էր սովորութիւն
երբէք բարւոյն ընդդէմ դառ-
նալ, ըստ առաջին սովորութեան
եւ յայսմ վայրի փութացաւ
վաղվաղակի կատարել զհրամա-
նըն զմիաբան հաւանեցելոցն
յաստուածային առաքինութիւ-
նըն։ Եկն եմուտ յաշխարհն
Հայոց։

Փութացան եւ ելին ընդ ա-
ռաջ նորս վաղվաղակի արք եւ
կանայք, մեծ ամեծք եւ փո-
քունք, եւ ամենայն բազմու-
թիւն աղատաց եւ շինականաց։
Անկանէին եւ փարէին զոտիւք
եւ զձեռօք առաջի սրբոյն եւ
ասէին. «Օրհնեալ Տէր Աստուած
ի բարձունս, որ սոաքեաց մեզ
հրեշտակ յերկնից՝ բերել մեզ
աւետիս յարութեան, զի լինի-
ցիմք ժառանգք արքայութեան։
Զի ահա ի քեզ կնրպարանեալ

տեսանեմք զամենեսեան զհրա-
ժարեալսն յուսով յարութեամբ,
եւ դիապեալսն ակնկոլութեամբ
արձակելոյ : Ի քեզ տեսանեմք
եւ զաշխարհիս շինութիւն խա-
ղաղութեամբ . քեւ եկեղեցիքն
մեր ցնծացեալ բերկրին , եւ
քեւ սուրբ վիայքն մեր անդա-
դար լիցին մեզ ի բարեխօսու-
թիւն առ Աստուած : Օրհնեա
զմեզ , սուրբ հայր մեր . դու ես
բերան հանգուցելոցն , խօսեաց
ընդ մեզ յոյտնի օրհնութեամբ,
զի յոգիս մեր լուիցուք ի ծա-
ծուկ զօրհնութիւնս սրբոցն :

«Հորդեցեր ճանապարհ այնո-
ցիկ՝ որ անձկացեալ էին դալ
յերկիր իւրեանց . խնդրեա յԱս-
տուծոյ՝ զի ստէպ եկեսցեն զհետ
սուրբ կարասպետիդ : Եւ որպէս
հորդեցեր զարդելեալ ճանա-
պարհ երկրի , բայց եւ յերկինս
զդուռն աղօթից մերոց , զի եւ

մեր մեղաւորաց մտցեն պաղա-
տանք առաջի Աստուծոյ ի բա-
րեխօսութիւն նոցին կալելոց .
Եւ մինչ դեռ եմք յերանելի մար-
մինս , որպէս տեսաք դքո երա-
նելի սրբութիւնդ , տեսցուք եւ
զսիրելի անձկալիսն մեր , որ ի
բազում ժամանակաց հարեալ
եւ սփառարեալ եմք յոդիս եւ
մարմինս մեր : Արդ հաւատամք
յանսուտ յոյսն , զի որպէս լցեալ
կատարեցաւ ի քեզ տեսիլս ի
սուրբ սէրքո , այսպէս եւ ընդ
մօտոյ ունիմք տեսանել զճշմա-
րիտ վկայսն Քրիստոսի , որ հա-
նապաղ խանդակաթ եմք ի տե-
սիլս երկնաւոր գեղոյ նոցա» :

Բայց երանելի խոստովանողն ,
թէպէտ եւ այսպէս սիրով ըն-
կալեալ եղեւ յամենայն աշխար-
հէն , ոչ ինչ կամեցաւ ամենեւին
մերձենալ առ ոք ըստ մարմնոյ
կարօտութեան . այլ ընտրեաց

իւր տեղի մի զատ յամենայն
բազմամբոխ ժողովրդոց, եւ ա-
ռաքինի եղբարբք երիւք կա-
տարեաց զկեանս իւր մեծաւ
ճգնութեամբ :

Զոր եթէ կամիցի ոք ի կարգ-
արկանել, դժուարաւ կարասցէ
ասել զվարս տուաքինութեան
նորա : Զի եթէ զտքնութիւնն
ասիցես, իբրեւ զկանթեղ ան-
շէջ կայր զամենայն գեշերս . եւ
եթէ զտակաւապիտութիւնս կե-
րակրոցն, համարեաց՝ եթէ զան-
կերակուր հրեշտակացն բերէր
զնմանութիւն : Եթէ զհեզու-
թիւն ցածութեանն կամիցիս
ասել, ոչ զոքի կենդանեաց կարի-
ցես գտանել նման նմա . եւ եթէ
զանընչափութիւնն կամիցիս
ասել, դարձեալ զոր օրինակ
չպատրի մեռեալ ի կարասի, ըզ-
նոյն օրինակ ճշմարտութեամբ
եւ առ երանելին իմասջիր :

Անյաղական ճայնիւ հանա-
սլազորդեալ էր ի պաշտաման ,
եւ անհատ աղօթիւք միշտ ընդ-
Աստուծոյ ի բարձունս խօսէր :
Աղ եղեւնա անհամելոց, եւ խը-
թան ընդուստուցիչ ամենայն հեղ-
դացելոց: Դսրովեցաւ նովաւ ա-
գահութիւն, եւ կարի յոյժ ամա-
չեաց նովաւ շուայտութիւն որ-
կորամոլութեան: Առողջութիւն
եղեւ նա աշխարհիս Հայոց, եւ
բազում վիլաւորք ի ծածուկ նո-
վաւ գտին զառողջութիւն: Եղեւ
նա վարդապետ կատարեալ վար-
դապետաց իւրոց, եւ սուրբ հայր
խրատու հարանց իւրոց: Ի լուր
համբաւոյ նորա իմաստնացան
տգէտք, եւ ի տեսիլ մերձաւո-
րութեան նորա զգաստացան
լիտիք: Բնակեալ էր ըստ մարմ-
նոյ ի նեղ խցկանն, եւ տհ սրբու-
թեան նորա արկեալ էր զհեռա-
ւորօք եւ զմերձաւորօք: Զարո-

Հուրեցան դեւք եւ վախեան
ի նմանէ , իջին հրեշտակք եւ
բանակեալ էին զնովաւ :

Յոյնք երանի՛ ետուն վասն
նորա աշխարհին Հայոց , եւ
բազում բարբարոսք փութա-
ցան տեսանել զնա մարմնով :
Սիրելի եղեւ նա սիրելեացն
Աստուծոյ , եւ զբազումսի թըշ-
նամեաց ճշմարտութեանն ած
ի հաւանութիւն սուրբ սիրոյ :
Սկիզբն սրար առաքինութեանն
անդստին ի տղայ տիոց իւրոց ,
եւ նովին առաքինութեամբ կա-
տարեցաւ ի վախճան կենաց իւ-
րոց : Որպէս ոչ խառնեցաւ ի
կարգս սուրբ ամուսնութեան
աշխարհիս , այսպէս չեմուտ ընդ
մարմնաւոր պիտոյիւք ամենայն
ասլականացու իրաց աշխարհիս :
Եւ եթէ պարտէ սլարդաբար ա-
սել , որպէս փոխանակեաց ըզ-
պէտս մարմնոյ ընդ պիտանացու

Հոգեւոր իրաց, այսպէս վոխա-
դրեալ եղեւ յերկրէ ի յերկինս:



ԱՆՈՒԱՆԻ ՆԱԽԱՐԱՐԱՑՆ

*Orf կամօֆ յօժարութեամբ վասե սի-
րոյն Քրիստոսի ետուն զանձինս ի կա-
պանս արքունի:*



Յազգէն Սիւնեաց երկու եղբարք
Բարզէն եւ Բակուը. — Յազգէն Արծ-
րունեաց Ներշապուն եւ Շաւասպ եւ
Շնզին եւ Մեհրուժան եւ Պարզեւ եւ
Տաճառ. — Յազգէն Մամիկոնէից Հա-
մազասպեան եւ Համազասպ եւ Ար-
տաւազդ եւ Մուշեղ. — Յազգէն Կամ-
սարականաց Արշաւիր եւ Թար, Վարձ,
Ներսէն եւ Աշոտ — Յազգէն Ամա-
ռունեաց Վահան եւ Առանձար եւ
Առնակ. — Յազգէն Գնունեաց Առում.
— Յազգէն Դիմաքսէնից Թարուլ եւ
Սատոյ, երկու եւս այլովք ընկերօք.

— Յազգեն Անձեւացեաց Շմաւոն եւ
Զուարեն եւ Առաւան . — Յազգեն
Առաւեղենից Փապակ եւ Վարազդեն
եւ Թատ . — Յարծրունեաց տոհմեն
Ապրսամ . — Ի Տոհմեն Մանղակուն-
եաց Սահակ եւ Փարսման . — Յազ-
գեն Տաշրացեաց Վըէն . — յԻափ-
սոնեան տանեն Բարիկ եւ Ցոհան :

Այս երեսուն եւ հինգ արք ,
են որ յաւագ նախարարացն , եւ
են որ ի կրտերագունիցն , սակայն
ամենեքեան ըստ մարմնոյ են
նախարարագունք , իսկ ըստ հո-
գեւոր առաքինութեանն ամե-
նեքեան երկնային քաղաքացիք :
Եւ բազում եւս այլ ազատ մար-
դիկ . են որ յարքունի տանէ ,
եւ են որ ի տանէ նախարարացն
իսկ նոցուն , նիզակակիցք եւ
մարտակիցք քաջ նահատակացն :
Եւ ամենեքին սոքո կամօք
մատոնեցան ի սուրբ կապանս
չարչարանացն :

Այլ մեք առ սյժմ ոչ ընդ
 այս եմք զարմացեալ միայն՝ զի
 կամօք չոգան մտին ի փորձու-
 թիւնն , այլ առաւել ընդ այն
 եմք սքանչացեալ , զի մարդիկ
 փախուկ իբրեւ զնոսա՝ ընդար-
 ձակասուն բնակիչք ծիւնեղէն
 լերանց՝ եղեն բնակիչք խորշա-
 կարեր դաշտաց : Որ զօրէն ա-
 զաա էրէոյ շրջէին ի մէջ ծաղ-
 կարեր լերանց, ընկեցան ի բոցա-
 կէզ աշխարհն արեւելից կա-
 պեալ ոտիւք եւ կապեալ ձեռօք:
 Հաց նեղութեան եւ ջուր կարօ-
 տանաց , խաւարարգել ի տուէ
 եւ անլոյս ի դիշերի , անվերար-
 կուք եւ անանկողինք , դազա-
 նաբար դեռնախշտիք լինէին
 զինն ամ եւ զվեց ամիս : Եւ
 այնալէս մեծաւ խնդութեամբ
 տանէին զնեղութիւնն , զի ամե-
 նեւին ոչ ոք տրտունջ հայհոյու-
 թեան ի բերանոյ նոցա լուաւ ,

Մյլ յորդառատ գոհացողութիւն
ըստ նմանութեան բարեկեցիկ
մարդկան, որ են յաստուած-
պաշտութեան :

Եւ մինչդեռ էին յսյնպիսի նե-
ղութեան, կարծիք եղեն ի միտս
թագաւորին՝ թէ առ յոյժ վշտին
ձանձրացեալ են դառնութեան
կենօքն իւրեանց : Յղեաց առ
նոսա զմեծ հազարապետն եւ
ասէ. «Գոնեայ յայսմ հետէ ըզ-
դաստացայք յանձինս ձեր, եւ
մի՛ կայք ի նոյն յամառութեան.
Երկիր սկադէք արեգական, եւ
արձակիք ի չարաչար կապա-
նացդ, եւ ունիք անդրէն զիւրա-
քանչիւր հայրենի կեանս ձեր» :

Ետուն պատասխանի երանե-
լիքն եւ ասեն . «Սու փո՞րձ ինչ
եկեալ հարցանես ցմեզ, եթէ
արդարեւ թագաւորնիսի յղեաց
զքեզ» : Երդուաւ հազարապետն
եւ ասէ. «Զիք այդրբան աւելի

կամ պակաս՝ որ ոչ ի բերանոյ
նորա ելեալ է ։ Ասեն ցնա
անդրէն . և Որք միանգամ աշա-
կերտեալ են ճշմարտութեանն,
ոչ երբէք փոխին ի նմանէ . այլ
որ ենն՝ նոյն կան . Միթէ յայն-
ժամառ չիմանալինչ պնդեցաք,
եւ այսօր նեղութիւնս իմաստ,
նացոյց ինչ զմեզ . ոչ այնպէս :
Այլ զղջումն մտաց մերոց այս է,
եթէ ընդէ՞ր ընդ առաջինսն չկա-
տարեցաք զկեանս մեր . Բայց
արդ աղաչեմք զքեզ եւ քեւ ըզ-
թագաւորն ձեր , մի՛ այլ վասն
այդպիսի իրաց հարցանէք ցմեզ
այլ զինչ եղեալ է ի մտի ձերում
վասն մեր՝ կատարեցէք ։

Իբրեւ լուաւ զայս մեծ հազա-
րապետն, յոյժ գովեաց ի միտս
իւր զպնդութիւն հաստատու-
թեան նոցա . եւ յայնմ հետէ
սկսաւ արկանել սէր ընդ նոսա
իբրեւ ընդ սիրելիս Աստուծոյ :

Եւ բազում բանիւք ողոքանօք
ածէր զթագաւորն ի հաւանու-
թիւն, զի թողութիւն արասցէ
նոցա ի կապանացն իւրեանց։ Զի
թէպէտ եւ փոխեցաւնա ի գոր-
ծոյ հազարապետութեանն ար-
քունի, եւ ի բազում իրս գտաւ
վսասակար, ինքն իսկ յանձն իւր
կրթէր զաւեր աշխարհին Հայոց.
վասն որոյ եւ մեծաւ անարդա-
նօք յուղարկեցաւ ի տունն իւր,
սակայն զկապելոցն ոչ երբէք
չարախոս կամեր լինել մինչեւ
ցօր վախճանի կենաց իւրոց։

Իսկ յերանելեացն բազումք
ի նոցանէ որ մանկագոյնքն էին՝
ուսան զդալրութիւն հայրենի
աշխարհին իւրեանց, եւ եղեւ
նոցա այն կերակուր հոգեւոր,
որով զանձինս քաջալերէին եւ
զընկերսն միսիթարէին։ Եւ այն-
պէս զմայլեցան ի միտս եւ յո-
զիս իւրեանց, զի եւ որ ծերա-

գոյնքն էին ի նոցանէ՝ փափկացան մատաղացան մանկացան : Զի թէպէտ եւ փրկութեան ժամանակըն անցեալ էին , սակայն բազում սաղմոսս ի բերան առեալ՝ հոգեւոր երգակից լինէին մատաղերամբազմութեան մանկըտոյն :

Եւ այնպէս բարձրացուցանէին զպաշտօնն սրբութեան , մինչեւ ոմանք ի դառն դահճացն՝ մեծապէս քաղցրութիւն անկանէր ընդ լսելիս նոցա , եւ որչափ ի ձեռս իւրեանց էր , արտաքոյ արքունի հրամանին դիւրութիւն առնէին նոցա , եւ սէր խնամոյ ունէին առ ամենեսեան , եւ բազում անգամ զմարմնաւոր պէտս նոցա լնուին նոքա : Մանաւանդ զի նշանք եւս բժշկութեան յԱստուծոյ յաջողեալլինէր ի ձեռս նոցա . որպէս զի բազումք ի դիւահարաց սրբե-

ցան ի նմին քաղաքի՝ ուր. կապեալքն կային. իբրեւ ոչ ոք գոյր առ նոստ քահանոյ, դիմէին առ նոստ հիւանդք եւ ախտաժետք քաղաքին, եւ ընդունէին ի նոցանէ զիւրաքանչիւր ցաւոց զառողջութիւն :

Նա եւ որ մեծ իշխանն էր աշխարհին, զոր եւ Հարեւշղում Շապուհ անուանէին, եւ նմա խալ յանձն էին ամենայն պատժաւորքն, մեծասլէս գութ սիրոյ էարկ առ ամենեռեան : Իզծ երս ի նոցանէ առ հարս ունէր, եւ զմանկագոյնս ի նոցանէ իբրեւ զսիրելի որդիս գութէր : Բազում անգամ գրեաց եւ եցոյց յարքունիս զվիշտս նեղութեան կալելոցն, եւ զառն առն իւրաքանչիւր զբարս տղնուականութեանն ցուցանէր նոցա առաջի մեծամեծացն տառասլէր ջունայր ազգի ազգի հնարիւք, մին-

չեւ բազում բարեխօսիւք ածին
ի հաւան զթագաւորն : Հրամա-
յեաց լուծանել զկազանս նոցա,
եւ բառնալ ի նոցանէ զսուգ
պատուհասին , եւ ագանել նոցա
հանդերձ զօրէն նախարարու-
թեանն . կարգեաց նոցա ոռճիկ,
եւ զպատրաստութիւն սպառա-
զինութեանն հրամայեաց յար-
գունուստ : Դրեաց եւ յանձն ա-
րար մեծ սպարապետին , զի ընդ
զօրս արքունի երթիցեն ի գործ
պատերազմի :

Եւ իբրեւ այս այսպէս կար-
գեցաւ , եւ կազմեցաւ նոր հրա-
ման թագաւորին , ի բազումտե-
ղիս՝ ուր եւ հասին՝ սուսելեալ
գտան ի գործ արութեան , մին-
չեւ գովութեան հրովարտակ
վասն նոցա ի Դուռն տային : Որ-
պէս զի քաղցրացաւ իսկ մտաց
թագաւորին , հրամայեաց զամե-
նեսեան ածել զառաջեաւ : Եկին

Եւ յանդիման եղեն Յազկերտի
արքայից արքային։ Եւ տես զնոսա
զուարթութեամբ, խօսեցաւ ընդ
նոսա բանիւք խաղաղութեամբ,
Եւ խոստացաւ տալ նոցա զիւրա-
քանչիւր իշխանութիւն ըստ
կարգի հայրենի պատուոյն, Եւ
արձակել զնոսա յաշխարհն օրի-
նօք քրիստոնէութեանն, յորոյ
վերայ Եւ մեծապէս էին չար-
չարեալ։

Եւ մինչդեռ անդէն մեծաւ
խնդութեամբ շրջէին ի կարաւա-
նին առաջի թագաւորին, ի նմին
ժամանակի հասանէր վախճանկե-
նաց թագաւորին՝ յինն Եւ տաս-
ներորդ ամի թագաւորութեանն
իւրոյ։ Եւ ընդ հակառակս ե-
լեալ երկու որդիքնորա ի վերայ
տէրութեանն կուէին. սաստ-
կանսյր դործ դառնութեան
պատերազմին զերկուս ամս։

Եւ մինչդեռ նոքա յայնմխոռ-

վութեան էին, առաստամբեաց
եւ Աղուանից արքայն. Վասն զի
քեռորդի էր նոցա, եւ ըստ
կարգի հայրենի հաւատոցն՝
քրիստոնեայ էր յառաջ, եւ Յազ-
կերտ արքայից արքայ բռնի մոգ
արար. Եւ նորու գտեալ ժամա-
նակ անձինն պարապոյ, հարկե-
ցաւ զանձն ի մահ դնել. լաւ հա-
մարեցաւ մեռանել ի պառե-
րազմի, քան ուրացութեամբ ու-
նել զթագաւորութիւնն. Վասն
այսր ամենայնի յապաղումնեղեւ
արձակելոյն նոցա յաշխարհն
իսկ կրտսեր որդւոյն Յազկերտի
դահեակն, Ռահամանուն ի Միհ-
րան տոհմէն, թէսկէտ եւ ետես
զգունդն Արեաց ընդ երկուս
բաժանեալ, սակայն կիսովն գա-
զանաբար յարձակեցաւ ի վե-
րայ երէց որդւոյ թագաւորին.
Հար, սասակեաց զգունդն, եւ
ձերբակալարեալ զորդի թա-

գաւորին՝ անդէն ի տեղւոջն
հրամայէր սպանանել, եւ զմնա-
ցեալ զօրսն ածէր հաւանեցու-
ցանէր, եւ առնէր միաբանու-
թիւն ամենայն Արեաց գնդին.
Եւ թագաւորեցուցանէր զիւր
սանն, որում անուն է Պերող:

Զի թէպէտ եւ Արեաց աշ-
խարհին առնէր մեծապէս խա-
ղաղութիւն, սակայն Աղուանից
արքայն ոչ կամէր նուաճել անդ-
րէն ի ծառայութիւն. այլ խրա-
մատեաց զպահակն Ճորայ, եւ
անցոյց յոյս կոյս զզորսն Մաս-
քթաց. միաբանեաց զմետասան
թագաւորս զլեառնորդայսն, եւ
ընդդէմ եկաց պատերազմաւ
Արեաց գնդին, եւ բազում վեա-
սսս արար զօրացն արքունի:
Թէպէտ եւ երկիցս եւ երիցս ե-
տուն հրովարտակ աղաչանաց,
ոչ ինչ կարացին ածել զայրն ի
հաւանութիւն. այլ գրով եւ

սլատգամաւ յանդիմանէր զնոսա՝ վասն զուր աւերածի աշխարհին Հայոց։ Յիշեցուցանէր նոցա զմահ նախարարացն եւ զչարչարանս կապելոցն։ «Ի վերոյ այնչափ սիրոյ եւ վաստակոց, փոխանակ կեանս առնելոյ՝ զարեւ կատէք, ասէր։ Լաւ լիցի ինձ, ասէ, զնոցա չարչարանսն յանձն իմ առնուլ։ Քան թողուլ զքրիստոնէութիւնն»։

Եւ իբրեւ տեսին, թէ ոչ բռնութեամբ եւ ոչ սիրով կարացաք ածել ի հաւանութիւն, գանձս սաստիկս ետուն տանել յաշխարհն Խայլանդրաց, բացին զդրունս Ալանաց եւ հանին զունդ բազում ի Հոնաց, եւ կռուեցան տարի մի ընդ Աղուանից արքայի։ Թէպէտ եւ թօթափեցան եւ ցրուեցան զօրքն իւր ի նմանէ, սակայն զնա ոչ կարացին հնազանդել։ այլ եւ հար-

ուածք եւս մեծամեծք հասին ի
վերայ նոցա, էր որ կռուով եւ
էր որ ախտիւ չարչարանօք : Եւ
յայնչափ ժամանակաց ընդ եր-
կարել պաշարմանն, մեծ կէս աշ-
խարհին աւերեցաւ, այլ ոչ ոքի
նմանէ երկմտեալ բաժանեցաւ :

Յղեաց առ նա դարձեալ թա-
գաւորն Պարսից, «Զքոյրդ իմ,
ասէ եւ զքեռորդիդ ի բաց տուր
ածել, զի ի բնէ մոգք էին եւ
դու քրիստոնեայ արարեր, եւ
աշխարհդ քեզ լիյի:» Իսկ սքան-
չելի այրն ոչ ի տերութեանն
վերայ կռուէր, այլ յաստուած-
պաշտութեանն: Զմայրն եւ ըզ-
կինն ետ տանել, եւ զաշխարհն
բովանդակ ի բաց եթող: Եւ
ինքն զաւետարանն առ եւ յաշ-
խարհէն ի բաց կամէր գնալ:

Զայս իրրեւ լուաւ թագաւորն
կարիզեղջ եւ ապաշաւ անկանէր
ի միտս նորա, եւ զամենայն

վեասս իրացն զհարբն իւրով ար-
կանէր։ Անսուտ երդումն կնքէր
եւ տայր տանել առ նա , եթէ
յաշխարհէդ միայն մի՛ գնար ,
եւ զինչ ասես առնեմ։ Խնդրեաց
զմանկութեան սեփէականն , զոր
հօր իւրոյ շնորհեալ էր նմա ի
տղայութեանն հազար երդ . առ
զայն ի թագաւորէն , եւ նստաւ
ի նմա միայնակեցօք հանդերձ -
եւ այնպէս հանապազորդեաց
զինքն յաստուածային պաշտա-
մանն , զի եւ չյիշէր ամենեւին
թէեւթագաւորլեալիցէ յառաջ։
Եւ այս ամենայն յերկարխու-
վութիւնք , որ եղեն մինչեւ ի
հինդերորդ ամն Պերոզի արքա-
յից արքայի , պատճառք եղեն
չարձակելոյնախարարացն Հայոց
այլ ոռճկաւ եւ ի տաճար մտա-
նել յարքունիս մեծապէս ա-
ռատացոյց քան զամաց սովո-
րութիւնն :

Եւ ի նմին հինգերորդ տմին
զբազմաց նոցա անդրէն զկեանս
շնորհեաց, եւ այլոցն առ յոյսն
խոստացաւ՝ յամն վեցերորդ մի-
անգամայն արձակել դամենե-
սեան կենօք եւ պատուով :

Բայց ի տեղի այսր ինձ դար-
ձեալ դալ սկսի :

Իսկ կանայք երանելի առա-
քինեացն եւ կասկելոցն եւ անկե-
լոցն ի պատերազմին՝ ընդ ամե-
նայն աշխարհն Հայոց համօրէն
համարել ես ոչ կարեմ. զի բա-
զում այն են զոր ոչ գիտեմ,
քան թէ գիտիցեմ. Զի հինգ
հարիւրով չափ յականէ յանուա-
նէ ճանաչեմ. ոչ միայն որ աւա-
գագոյքն էին, ոյլ զբազումս
ի կրտսերագունաց անտի :

Ամենեքեանմիահամուռ զերկ-
նաւոր նախանձ բերելով, ոչ ինչ
ընդհատ երեւեցան յայնցանէ՝
որ ոչ ճաշակեցին զաշխարհ :

Քանզի եթէ աւագագոյնք էին,
եւ եթէ մանկագոյնք, զմի առա-
քինութիւն հաւատոյ զգեցան :
Ոչինչ յիշեցին ամենեւին զանուն
փափկութեան մայրենի ազա-
տութեանն, այլ իբրեւ մարդք՝
որ վշտամբերք լեալ իցեն անդս-
տին ի շինական սովորութեանցն
տանջելով վարեալ զկեանս աշ-
խարհիս, անդրագոյնք եւս քան
զնոսա յանձն առին զհամբերու-
թիւն վշտաց :

Ոչ միայն յոգիսն մխիթարեալ
կացին առ աներեւոյթ զօրու-
թիւն յուսոյն յաւիտենից, այլ եւ
մարմնոյ նեղութեամբք առաւել
եւս բարձին զբեռն ծանրու-
թեան : Զի թէպէտ եւ ունէին
զիւրաքանչիւրձեռնասուն սպա-
սաւորս : ոչ ոք երեւէր ի նո-
ցանէ՝ թէ ո՛ր տիկինն իցէ եւ կամ
որ նաժիշտն . մի հանդերձ էր
հասարակաց, եւ միապէս գետ-

նախշտիք երկոքեան։ Ոչ ոք ու-
մեք անկողնարկ լինէր.քանզի եւ
չճանաչէին իսկ զխոտեղէնսն ըն-
տրել ի միմեանց. մի գոյն թխու-
թեան փսիրայիցն, եւ մի գոյն
սեւութեան սնարից բարձիցն։

Ոչ գոյր նոցա համեմիսախա-
մոք անուշարար առանձինն, եւ
ոչ հացարարք որոշեալ ի պէտս
սպասու ըստ ազատաց կարգի,
այլ հասարակաց էր։ Շաբաթա-
մուտն ըստկարգի միայնակեցաց,
որ յանապատի բնակեալ են։ Ոչ
ոք ումեք ջուր ի ծեռս արկա-
նէր, եւ ոչ կրտսերք աւագաց
դաստառակս մատուցանէին։
Ճանկաւ օշնան ի ծեռս փափիկա-
սուն կանանց, եւ ոչ մատուցաւ
եւղ ի զուարթութիւն խրախու-
թեան։ Զեղան առաջի սուրբ
սկտեղք, եւ ոչ անկան բաժա-
կակալք յուրախութիւն։ Ճեկաց
ուրուք նոցանուիրակ առ դուրս,

եւ ոչ կոչեցան սկառուականք յարանց ի տաճարս նոցա . Հյիշեցան նոցա՝ թէ դուցէ ոք ամենեւին ի բնակասնունդ դայեկաց եւ կամ բնաւ ի սիրելի հարազատաց :

Փոշոտեցան եւ ծխոտեցան սրահակիք եւ սրսկապանք նորեկ հարսանց , եւ սարդի ոստայնք ձգեցան ի սենեակս առապատաց նոցա . կործոնեցան բարձրագահք տաճարաց նոցա , եւ խանգարեցան սրասք երախանաց նոցա . անկան կործանեցան ապարանք նոցա : Եւ տապալեալ աւերեցան ամուրք ապաստանի նոցա : Չորացան ազագեցան բուրաստանք ծաղկոցաց նոցա , եւ դաշտախիլեղեն որթք զիներեր այգեաց նոցա :

Ա. չօք իւրեանց տեսին զյափիշտակութիւն արարոց իւրեանց , եւ ականջօք իւրեանց լուան ըլ-

չարչարանս վշտից սիրելեաց իւ-
րեանց . առան գանձք իւրեանց
յարքունիս , եւ ոչ մնացին ամե-
նեւին զարդք երեսաց իւրեանց :

Տիկնայք փափիլասունք Հայոց
աշխարհին , որ գրգեալք եւ
գղուեալք էին յիւրաքանչիւր
բասուեռունս եւ ի գահաւորա-
կըս հանապազ բոկ եւ հետի եր-
թային ի տունս աղօթից , ան-
ձանձրոյթ խնդրեալ ուխտիւք՝
զի համբերել կարասցեն մեծի
նեղութեան : Որ ի մանկութենէ
իւրեանց սնեալ էին ուղղովք
զուարակաց եւ ամճովք էրէոց ,
խոտաբուտ կենօք իրրեւ զվայ-
րենիս ընդունէին զկերակուրն
մեծաւ խնդրութեամք , եւ ոչ յի-
շէին ամենեւին զսովորական
փափիկութիւնն : Սեւացեալներ-
կան մորթք մարմնոյ նոցա . վասն
զի ցերեկ արեւակէզք էին եւ
զամենայն գիշերսն զետնարեկք :

Սաղմոսք էին մշտնջենաւորք՝
մրմունջք ի բերանս նոցա , եւ
մխիթարութիւնք կատարեալք
ընթերցուածք մարդարէիցն :
Միաբանեցին երկու երկու իրրեւ
ամոլք հաւանք եւ հաւասարք՝
ուղիղ տանելով զակօսն արքա-
յութեան, զի առանց վրիպելոյ
հասցեն ի նաւահանգիստն խա-
ղաղութեան :

Մոռացան զկանացի տկարու-
թիւն , եւ եղեն արուք առաքի-
նիք ի հոգեւոր սլատերազմին .
մարտ եղեալ կոռւեցան ընդ
մեղսն կարեւորս , հատին կտրե-
ցին եւ ընկեցին զմահաբեր ար-
մատս նորա : Միամտութեամբ
յաղթեցին խորամանկութեան,
եւ սուրբ սիրով լուացին զկա-
սպուտակ ներկուածս նախան-
ձուն . հատին զարմատս ագահու-
թեան , եւ չորացան մահաբեր
պառղք ոստոց նոցա : Խոնար-

հութեամբ կորեցին զամբարտաւանութիւն, եւ նովին խոնարհութեամբ հասին երկնաւորբարձրութեանն : Աղօթիւք բացին զփակեալ դրունս երկնից, եւ սուրբ խնդրուածովք իջուցին զհրեշտակս ի փրկութիւն . լուան աւետիս ի հեռաստանէ, եւ փառաւորեցին զԱստուածի բարձունս :

Այրիք որ ի նոսա էին՝ եղեն վերստին հարսունք առաքինութեան, եւ բարձին յանձանց ըզնախատինս սյրութեանն : Իսկ կանայք կապելոցն կամօք կապեցին զմարմնաւոր ցանկութիւնը, եւ եղեն կցորդ չարչարանաց սուրբ կապելոցն . ի կեանս իւրեանց նմանեցին քաջ նահատակացն մահուամբ, եւ ի հեռաստանէ եղեն վարդապետք մխիթարիչք բանտարդելեացն : Մատամբք իւրեանց վաստակե-

ցին եւ կերակրեցան , եւ զկար-
դեալ ռոճիկ նոցայարքունուստ՝
ամ յամէ թոշակ առնէին եւ
տային տանել նոցա մխիթարու-
թիւն . Անարիւն ճալռանց նմա-
նեցին , որ երգոյն քաղցրու-
թեամբ առանց կերակրանաց
կեան , եւ կենդանի են միայն
զօդն ծծելով , զանմարմնոցն
ըերեն զնմանութիւն :

Բազում ձմերաց հալեցան ստո-
նամանիք . Եհաս դարուն եւ ե-
կին նորեկ ծիծեռունք . տեսին
եւ խնդացին կենցաղասէր մար-
դիկ , եւ նոքա ոչ երբէք կարա-
ցին տեսանել զանձկալիսն իւ-
րեանց : Ծաղիկք դարնանային
յիշատակեցին զպսակասէր ամու-
սինս նոցա , եւ աչք իւրեանց
կարօտացան տեսանել զցանկալի
գեղ երեսաց նոցա : Սպառեցան
բարտկք որտականք , եւ խցեալ
կուրացան արշաւանք որսորդաց :

Բնագրօք յիշատակեցան նոքա, եւ ոչ մի տօնք տարեկանաց ոչ ածին զնոսա ի հեռաստանէ. ի ճաշակատեղս նոցա հայեցան եւ արտասուեցին, եւ յամենայն յատեանս յիշեցին զանուանս նոցա բազում արձանք կանգնեալ էին յանուն նոցա, եւ անուանք իւրաքանչիւր նշանակեալ ի նոսա:


Եւ իբրեւ այնպէս յամենայն կողմանց ալէկոծ լինէին միոք նոցա, ոչ ինչ կասեալ թուլացան յերկնաւոր առաքինութենէն : Արտաքնոցն երեւէին իբրեւ այրիք սգաւորք եւ չարչարեալք, եւ յոգիս իւրեանց զարդարեալք եւ մխիթարեալք երկնաւոր սիրով :


Ոչ եւս սովորեցին հարցանել զեկեալ ոք ի հեռաստանէ, եթէ երբ լինիցի մեզ տեսանել զսիրելիսն մեր. այլ այն էին իղձք աղօթից նոցա առԱստուած եթէ

որպէս սկսանն քաջութեամբ ի
նմին կատարեսցին լի երկնաւոր
սիրովն :

Եւ մեք եւ նոքա հասարակ
ժառանգեսցուք զքաղաքամայրն
բարեաց , եւ հասցուք խօստա-
ցելոց սիրելեացն Աստուծոյ ի
Քրիստոս Յիսուս ի Տէր մեք :

Վ Ե Ր Զ





ԲԱՆ ԽՐԱՏՈՒ

ԵՊԻԿԵՒ ՎԱՐԴԱՊԵՏԻ

ՅԱԴԱԳԻ

ՄԻԱՆՉԱՆՑ

Մարդիկ, որ են ի մարմնի եւ
կամօք ետուն զանձինս իւրեանց
յաստուածալաշտութիւն, ան-
դըստին ի տղայութենէ խո-
կան' կրթին ի վշտամբերութիւն,
հեռանան ի հայրենի բնակու-
թենէն, եւ վարին յանապատ
յանչէն երկիր. ոչ իբրեւ չա-
րակնելով նախանձոտք փախու-
ցեալք ի բազմամարդոյ աղքա-
տաց, այլ զի տեսանեն զաշ-
խարհս լի ամենայն չարեօք,
խոյս տան ի խորշս եւ ի ստո-
րոտս անապատ վայրաց :

Զոր տեսանեմք իսկ յաճախ
ի կողմանս հարաւոյ բազմու-
թիւն արանց' առանց կանանց

միաբանութեան, յաղգաց եւ ի
լեզուաց զմիավ վայրօք հասեալք,
ժողովեալք իրիւ ի հայրենի
գաւառս՝ առնեն զրնակութիւ-
նըս երկու ընդ երկուս, եւ
կամ երեք ընդ երխս, եւ կամ
եւս բազումս քան զսոյնս : Եւ
շինեն իւրաքանչիւր խցկունս
զատուցեալս ի միմեանց . որմք
դուզնաքեայ առ ցրտոյն պահ-
պանութիւն, եւ զոյդ նմին ձե-
ղուն՝ առ արեգական պահպա-
նիլ . յատակը անպաճոյճ՝ շտ-
ացեալք խոտեղէն անկողնօք :
Եւ քանի բնութիւնս մեր դու-
ղակ է՝ սիրէ ծածկել զմերկու-
թիւն, առնեն եւ նոքա հան-
դերձս անպաճոյճս եւ յոյժ գը-
ճուծս, կողորս ամարանի եւ թե-
զանաւորս ձմերանի, արկանեն
եւ աղարսղոնս մեկնաւորս :

Մանաւանդ ի պարս շրջադայ
անդադար պաշտամանն՝ երգս

Հոգեւորս հօրն բոլորեցուն մատուցանեն զուարթ հոգւով : Կան ընդդէմ միմեանց զաչս ի վայր արկեալ՝ զծայրս ոտից մատանցն նկատելով, իրր թէ մի կէտ տեսակի ամենեքեան հայեցին . զաչ ձեռն ի վերայ ծընօտին եղեալ եւ զահեակն ի վերայ կրծիցն , որսկէս կարծեմ ուսեալ ի բնական հարցն : Երկու են պատուականագոյնք ի մարմնի, կենդանական եւ խոհական, երկոքումբք երկոցունց սպասաւորեալ . կենդանականին սրտմտականն է հակառակ . իսկ խոհականին արտաքերական բանս : Արդ ձախուն զերասանակ ի ձեռն առեալ՝ զսրտմտականն սանձակոծիցէ , եւ զաջ ձեռն ի վերայ աջոյ ծնօտին եղեալ՝ խոհականին սպաս ունի առ դրան բերման բանին, զի մի՛ այլակութիւն յուղիղ փա-

ուատրութիւնն խառնեսցի : Եւ
ընդ այսու երկու մասամբքս
նահանջին ամենայն զգայու-
թիւնքս . աչք յուղիղ տեսու-
թիւն եւ ականջք ի զգաստ լո-
ղութիւն . միտք ի սուրբ իմաս-
տութիւն եւ այլն ըստ իւրա-
քանչիւր մասին :

Եւ իրեւ այսպէս կարգեալք
եւ յօրինեալք, ամենեքեան ի
նմանութիւն վեցթեւեան սե-
րովբէից շուրջ պարփակեալք ,
ճայնս անհատս ի վեր հնչեցու-
ցանեն , եւ օրհնութիւն եռա-
չակիս ի խորհուրդս միաբանու-
թեան արարչին իւրեանց բոլո-
րեն : Զտիւն ամենայն պարա-
պեն երգոցն քաղցրութեան ,
յագեալք եւ զմայլեալք ի կերա-
կուրսն երկնայինս' առլցեալք
հասանեն ի ժամ երեկոյին : Եւ
քանզի մարմին ունին ըստ բնու-
թեանս մերում զգայութեանս ,

ուտեն՝ զի մի քաղցիցեն, եւ ըմ-
պեն՝ զի մի ծարաւեսցին :

Արդ դու իբրեւ լսիցես զու-
տելն, մի առ մերս ընթանայ-
ցես. զի հաց է նոցա անսլա-
ճոյն եւ բանջար վայրենի' զոր
համով աղին համեմեն, եւ ջուր
յստակ' զոր յամպոց բերմանէ
ի գուրս ժողովեն : Սակայն եւ
զայս ոչ երբէք ի տու ընջեան
մասուցանեն ի դարմանս պի-
տոյից մարմնոց. այլ միաբան սլա-
հելով զերկայնութիւն աւուրն.
տեղի տան արեգական մտանե-
լոյ. ձգեն երկայնեն զերեկունն,
մինչեւ աստեղք յիւրաքանչիւր
կայտնս պայծառանան . զոհա-
նան իբրեւ ընդմի բերանասելով.
ի խաւարային ժամու զիսաւարա-
յին կերակուրս խաւարային մար-
մնոյս տացուք :

Եւ զայս ասելով, ի ձայն
բարձր փառատրեն զսուրբ Եր-

բորդութիւնն, խնդալից ուրա-
խութեամբ ակըմբին յիւրաքան-
չիւր տեղիս : Եւ որպէս ասա-
ցաքն՝ ուտեն հաց եւ զոպա, եւ
ըմպեն ջուր ցուրու : Քանզի գոն
ի նոսա ծերք փափկավարք, մա-
տուցանեն ջուր ջերմ, զոր եւ
բարեխառն անուանեն . այլ գինի
եւ կամ այլ ինչ զանազանեալ,
եւ գտանի ոչ ի սուրբ միայնա-
նոցս նոցա :

Եւ յարուցեալ յանպաճոյժ
ընթրեացն, միաբանութեամբ
ասեն . Փառք քեզ Տէր, փառք
քեզ թագաւոր մեր, զի ետուր
մեզ կերակուր ուրախութեան .
լցո զմեզ Հոգւով սրբով, զի
գոյցուք առաջի քո հաճոյք,
եւ մի ամաշեսցուք . զի դու
հատուցանես իւրաքանչիւր ըստ
գործոց իւրեանց : Եւ այսպէս
տեառնազրելով զի՞նքեանս' տան
զանձինս սակաւ մի անօսր քնոյ.

զի մի' տհալ կերակրովք գեղեցիկ շինուած մարմնոյն շփոթեալ խանդարիցի : Նա եւ եթէ յամեն եւս իքունն, երազ հոգեկան տեսանեն, եւ անդէն զանուրջոն մեկնեն իբր զբանս սուրբ մարդարէիցն :

Եւ զարթուցեալք առ հասարակ անդէն իշրջանս պարուց բոլորին . ոչ հակառակք եւ ոչ ընդդիմացեալք, քաղցր հաւանութեամբ եւ հեզ հանդարտութեամբ : Առաջնորդք դասուցն հնչումն ձայնի արձակեն, երգս հոգեւորականս քաղցրանուագս փոփոխելով . իսկ այլ կրսերագոյնքն ձայնիցն միտդնելով, խառնեն զիւրաքանչիւր բարբառոն յարմարելով եւ կազմելով զմիարանութիւն հնչմանն, զի իբրեւ ի միոջէ բերանոյ ամենայն բազմութիւն ձայնիցն հնչիցէ : Եւ այսակէս յերկարե-

լով զՃայնաւոր պաշտօնն . ծունք
դնեն ամենեքեան , յաղօթո
կան լութեամբ . Եւ ի ձեռն
առաջնորդի աղօթիցն կանգ-
նեալք ամենեքեան զիառատ-
րութիւնն կառարեն :

Եւ կառարեալ զտուընջեան
պաշտօնն , լաւ համարեցան ըզ-
դիշերսն վաղայարոյց լինելով
մինչեւ յառաւօտ աղօթիցն սրա-
րապեալք , Եւ ընթեռնունզգիրս
սուրբ . իսկ որք ունին շնորհս
վարդապետութեան , առնեն
մեկնութիւնս ի մխիթարութիւն
լսողացն : Պատմեն վասն լինե-
լութեան աշխարհին յոչընչէ
եղեալ , Եւ կարգեալ մի ըստ
միոջէ զխրատս բարեաց կարգեն
ի լսելիս ժողովրդոցն վկայու-
թեամբ սուրբ գրոց : Եւ այս-
պէս ուսուցանելով մինչեւ մո-
ռանալ լսողացն զամենայն իրս
աշխարհականս , Եւ չյիշել ամե-

նեւիմբ զհարկաւոր կերակուր եւ
ըմպելիս :

Եւ այնպէս ուրախացեալք ի
սէրն Ասոռուծոյ, մինչեւ չհամա-
րեալ զինքեանս ի մարմնի, այլ
յերկինս . Եւ հեշտութեամբ ան-
ցուցանեն զերկայնութիւն գի-
շերոյն մինչեւ յառաւօտ : Բանզի
սոսկացեալք են յերկրէս եւ
զգեցեալք զերկինս : Ամաչէ մահ
առ դրունս նոցա, եւ դառնացան
դժոխք յիջանել նոցա : Կենդա-
նութիւն նոցա դրունք են ա-
ղօթից աշխարհի, եւ ոսկերք
նոցա դանձ են ամենայն ապա-
ւինելոց : Լուր նոցա յորդորիչէ
ամենսայն հեղգացելոց, եւ դործք
նոցա վարդապետութիւն ամե-
նայն կամեցողաց, դասակիցք են
հրեշտակաց, եւ օթեւանք Սուրբ
Երրորդութեանն :

Սրդ զայս ամենայն գիտելով,
եղբարք, պարտիմք թեւակո-

խել. եւ զնոյն նախանձ սրբութեան յանձինս բերելով, նմանողք լիցուք այնպիսոյ բազմադունդ միայնացելոց յաշխարհէ եւ դիմելոց ի քաղաքամայրն վերին, որ ազատ է յտիստից երկրաւորաց. քանզի ընկերակիցք են մերոյ բնութեանս, որ զօրացուցանէ զտկարութիւնը : Միայն կամեաց, բուռն հար հաւատովք, յուսա, սիրեա, եւ կարես տեսանել զայնսլիսի նահատակութիւն : Զի ոչ ինչ համեմատ են չարչարանք ժամանակեանք առ կեանսն՝ որ պատրաստեալ է այնսլիսի ճշգնողաց :

Քանզի յոյժ իսկ երկուցեալ եմ ես ընդ հեղդութիւնս մեր. գրեթէ զամենեսեան տեսանեմ թաւալեալ յերկրաւոր ստացուածս . իսկ արդ բնութիւնս իմ ոչ կշտամբեալ յանդիմանէ

զիս, եթէ ստեղծայմերկ, եւ եթէ
եղայ ի դրախտին մերկ, եւ
եթէ ելի անտի մերկ, եւ եթէ
ծնոյ մերկ, եւ եթէ անդրէն
յերկիր մերկանդամ երթամ :
Արդ եթէ տանել աստի ոչ կա-
րեմք, զի՞ եւս աստէն ի սմին
թարթափիմք յաշխարհիս. Մեր-
կացիր սոսկացիր, ով միայ
նակեացդ . մի՛ թաւ ամուր
ընդունակ լինիր նենդաւոր թըշ-
նամոյն . գուցէ ի դարան մը-
տեալ մօտալուտ, զքեզ անդէն ի
քեզ արշաւեցէ կողոպտել, զեր-
ծանել ի քէն զգանձսն երկնա-
ւորս : Բաւական համարեաց
քեզ զտէրունեան կանոն, ոչ ոք
յերկրաւորացս կարէ երկուց
տերանց ծառոյել . որ յայտնա-
գոյն իսկ ցուցանէ առանց միջ-
նորդի եւ մեկնութեան . Ոչ կա-
րէք դուք, ասէ, Աստուծոյ հա-
ճոյ լինել եւ մամովլայի :

Եւ արդ ես տեսանեմ ի մերում աշխարհիս եւ ոչ զոք ազատեալ յայսպիսի աղետից : Յետու ընդդէմ ընթերցաք զգեղեցիկ գրեալսն, ի պատճառս ուխտաւորութեան հեռացաք ի սուրբ ծնողացն, եւ արարաք րազում հարս օտարօտիս . զորս պատուելոյ արժանի էր՝ անարդեցաք, եւ յորս ոչն ունէաք իշխանութիւն դնել մեծարանս՝ զախտ աղետից մերոց յոյժ ծախեցաք : Ազատացաք ի հարկաց արքունի՝ զորս առանց մեղաց էր հարկիլն, եւ մտաք ընդ հարկաւ ստացուածոց, որ լի են անառակ ագահութեամբ : Զելաք յանկողինս սուրբ հարսանեաց, եւ արարաք մեզ բարձրագահոյս առաւել քան զաշխարհի : Փափկանամք յանկողինը յարմարեալս, եւ յածեալ կոծին միտք մեր ի խորհուրդս

աղտեղիս զգիշերն ամենայն :

Կօշիկք ոտից մերոց յանդիմանեն զմեղ, եթէ ոչ են սուրբ ճանապարհք մեր : Հանդերձք մեր աղաղակեն զգործոց մերոց, եթէ մերկ եմք յերկնաւոր ըղ գեստուցն : Երիւարք մեր ցուցանեն զմեղ, եթէ ոչ եմք յափըշտակելոց ընդ առաջ Տեառն ի վերայ օդոց: Շինուածք ապարանից մերոց յայտ առնեն, եթէ ոչ ունիմք մեք տաճար առանց ձեռադործի յերկինս, յոր մունելոց են ամենայն դասք սոսկացելոցն յերկրաւոր ախտից : Կալուածք անդաստանաց մերոց կշտամբեն զմեղ, եթէ չիք մեր բաժին ի վիճակսն երկնաւորս :

Մրգուզք անյագք եղաք ի կերակուրս, եւ առանց չափոյ արբաք գինի սլատորիչ խորհըրդոյ եւ մտաց : Խոր ի քուն նընջեմք ամենեքեան, եւ երազ

թուի մեզ ճշմարտութիւնն կա-
փուցեալ են աչք մոտաց մերոց
ի տեսական խորհրդոց, եւ ան-
յագ պակշոտեալ հայել ի
կեանս աշխարհիս: Արդելեալք
զլսելիս ի սուրբ ընթերցուածոց,
եւ ունկնդիր եմք բառաշման
խաշանց մերոց: Ոչ եկն մեզ
հոտ անոյշ ի Հոգւոյն սրբոյ,
վասն զի սիրեցաք մեք զեւղ ախ-
տալից աշխարհիս: Ոչ ճաշակե-
ցին քիմք ոգւոց մերոց զկերա-
կուր երկնային, վասն զի պա-
րարեցաք զանձինս մեր ի զա-
նազան խորտիկս: Մութէ գոյն
դիմաց մերոց, վասն զի ոչ
զուարթացան երեսք մեր ի խոր-
հուրդս սրբութեան: Ճաւալից
են անդամք մարմնոց մերոց,
վասն զի յառաջ քան զմարմինս՝
զոգիս ախտացուցաք: Գերեզ-
մանաց բռելոց նմանեցաք յան-
ձինս մեր, վասն զի ունայն եմք

ի շնորհաց սուրբ Հոգւոյն .
Վասն այսորին եւ ամենայն
չարիք եկին հասին յաւուրս մեր .
կենդանեաւ մերով տեսաք ըզ-
դիակունս անձանց մերոց : Քաջ
նահատակք մեր անկան ի պա-
տերազմի , եւ սուրբ քահանայք
մեր խողխողեցան ի ձեռաց անօ-
րինաց . գեղեցիկ երիտասարդքն
զենան ի սպանումն , եւ բազում
կուսանք վարեցան ի գերու-
թիւն . գիրգ կանայք անկան ի
տառապանս սյրութեան , եւ
բազում որբք կականին դառ-
նապէս : Ազատ եկեղեցի անկաւ
ի ծառայութիւն հեթանոսաց ,
եւ սուրբ քահանայք նորա կըո-
փին չարչարին անօրէն հարկա-
հանաց : Բարձեալ է ողորմու-
թիւն յաշխարհէ , եւ հեռացեալ
է գութ յիւրաքանչիւր մոտաց :
Երկինք ի վերուստ բարկա-
ցեալ են , եւ երկիր ի ներ-

քուստ կայ յերերի տատանման։
Շինուածք մեր եղեն գերեզ-
մանք դիականց մերոց, եւ վաս-
տակք ձեռաց մերոց տապալե-
ցան ի վերայ մեր : Պայթեաց
եւ սպատառեցաւ թանձրութիւն
երկրիս, եւ բազում մարդիկ
ի վայր հոսեցին : Ոչ սպասեաց
որդի հօր, եւ ոչ քոյր զախ եղ-
բօր կալաւ, եւ ոչ ել ձայն լա-
լոյ կանանց ի վերայ ծննդոց
իւրեանց, վասն զի լքոյց սով
զբերանս նոցա : Հզօրք խորտա-
կեցան յանկարծակի իբրեւ ըզ-
մայրս բարձունս և իբանանու .
Հնծանք եղեն բարկութեան,
եւ ճմլեցան ամենեքեան իբրեւ
զողկոյզս ընդ ոտամբ, փոխա-
նակ դինւոյ՝ արիւն անմեղաց
ցայտեցաւ ի հանդերձս մեր :
Դառնացաւ քան զլեղի կերա-
կուր ի քիմս մեր, եւ ի քացախ
դարձաւ սուրբ ըմալելիք մեր :

Ընդ հարեալսն հարաք ամենե-
քեան յոգի եւ ի մարմինս մեր,
եւ ընդ մեռեալսն զմահ ճաշա-
կեցաք : Արդ ոչ ապաքէն վասն
մերոյ հեղդութեան անցին այս
անցք չարչարանաց ընդ աշխարհ :

Օն անդք ի բաց կաց յաշ-
խարհէ, որ վաղդ ելեր մեկնե-
ցար յաղետից սորա . թօթա-
փեալ ընկեա ի բաց զկեղեւանս
ախտալից աշխարհիս : Մերկեաց
իբր զըմբշամարտիկ, օծ իւղովն
Քրիստոսի, զի մի կոռւեսցին
ի քեզ ձեռք ախոյանին . Խսկարդ
եթէ հեթանոսք, որ ըմբռնեցան
ի տեսական իմաստութիւն, ոչ
միայն ի ստացուածոց ի բաց
կացին, այլ եւ յօրինաւոր կե-
րակրոց հրաժարեցին, համառօտ
եւ անպաճոյճ ըմպելէօք շատա-
ցան յանձինս իւրեանց, եւ
առաքինի մահուամբ վախճանե-
ցան ի կատարած կենաց իւ-

րեանց, ո՞րչափ եւս առաւել մեք
պարտիմք նմանողք լինել սիրե-
լեացն Քրիստոսի, որք հրեշտա-
կակրօնք զանձինս կարգեցին,
խառնելով զինքեանս ի գունդս
վերնոցն :

Եկայք եւ մեք, ով միայնա-
ցեալք, զօրէն թշնամեացն մըտ-
ցուք ի մերն ստացուած իրը¹
յօտար երկիր, արմատախիլ ըզ-
ծառատունկս թշնամւոյն կո-
տորեսցուք . իրեւ զգերի
առեալ ծախիցեմք ի նեղեալս
զինչս մեր, ոչ զի ատիցեմք զազ-
գականս, այլ զի սիրիցեմք զազ-
քատսն, որ են զօրականք Քրիս-
տոսի եւ ճշմարիտ բարեխօսք :
Ապա թէ աստէն կապիս ընչիւք,
եւ քեզէն վարես զքեզ յանդարձ
դերութիւն, ուր չիք անդ քինք
փրկանաց : Փութա փութա ճե-
պեա, եղբայր, ապրիլ յայնպիսի
անողորմ գեհենէ . զի կարիցես

Հասանել յամուր քաղաքն, ուր
ոչ գոյ քեզ կասկած կամ եր-
կիւղ խախտիլ եւ վարիլ ի գե-
րութիւն :

Եւ եթէ եկեսցես զհետ գե-
ղեցիկ վարդապետութեան հար-
ցըն, զորս վերագոյնն գծագ-
րեցի քեզ զվարս սուրբ միայ-
նակեցացն, յայնժամ կարասցես
համբառնալ զաշս մոտացդ առանց
ախտից չարչարանաց, հայել եւ
տեսանել զքեզ գեր ի վերոյ
քան զամենայն երկինս : Երանի
տայցես անձինդ քաջապէս ճո-
ղոպրեալ ի վշտալից կենաց աշ-
խարհիս, եւ խառնեսցիս յերամ
միայնակեցացն, ի գունդս սըր-
բոց արդարոցն, ի վիճակ առա-
քելոցն, ի գումարս մարդարէ-
լիցն, ի կաճառս մարտիրոսացն,
ի բանակս հրեշտակացն եւ ի
ժողովս անդրանկացն, ի մեծ
քաղաքն երկնից, ի բազմականսն

աբրահամեան, եւ ի կերակուրս
երկնայինս եւ յըմպելիս անկա-
րօսու : Դու ես այնուհետեւ
մարգարէն, որ ոչ պատուեցար
ի մարմնական աշխարհիս, այլ
թեւածեալ թոռւցար յանմար-
մին աշխարհի, եւ հանդուցեալ
դադարեցեր յանապական ու-
րախութիւնսն : Յորս լիցի եւ
մեզ՝ վերջին գրչութեամբ աշ-
խատողացս՝ միաբանութեամբ
սուրբ ուխտիւս վայելել, շնոր-
հօքն Տեառն մերոյ Յիսուսի
Քրիստոսի, որում փառք յա-
ւիտեանս . ամէն :



ՑԱՆԿ ՆԻՒԹՈՅ

Ա.ՌԱԶԻԴԻՆ ԵԵՂԱՆԱԿ

ԺԱՄԱՆԱԿԻՆ 14

ԵՐԵՐՈՐԴ ԵԵՂԱՆԱԿ

ԻՐԱՑՆ ՊԱՏԱՀՈՒՄՆ ՅԻՇԽԱՆԵՆ ԱՐԵՒԵԼԻՑ 31

ԵՐԵՐՈՐԴ ԵԵՂԱՆԱԿ

ՎԱՍՆ ՄԻԱԲԱՆՈՒԹԵԱՆ ՍՈՒՐԲ ՈՒԽՏԻՆ
ԵԿԵՂԵՑԻՈՅ 114

ՉՈՐՐՈՐԴ ԵԵՂԱՆԱԿ

ԵՐԿՊԱՌԱԿԱՌՈՒԹԻՒՆ ԲԱԺԱՆԵԼՈՅՆ Ի
ՍՈՒՐԲ ՈՒԽՏԵՆ 194

ՀՆԴԵՐՈՐԴ ԵԵՂԱՆԱԿ

ՅԱՐՑԱԿՈՒՄՆ ԱՐԵՒԵԼԵԱՅՑ 212

ՎԵՃԵՐՈՐԴ ԵԵՂԱՆԱԿ

ՊԱՏԵՐԱԶՄՆ ՀԱՅՈՑ 250


ԵՒԹՆԵՐՈՐԴ ԵԵՂԱՆԱԿ

ՅԵՐԿԱՐՈՒՄՆ ԻՐԱՑՆ ԽՈՌՈՒԹԵԱՆ ... 267

ՈՒԹԵՐՈՐԴ ԵԵՂԱՆԱԿ

ՎԱՍՆ ԶԱՐՉԱՐԱՆԱՑ ՍՈՒՐԲ ՔԱՀԱՆԱՅԵՅՆ
ԵՒ ՆԱՀԱՏԱԿՈՒԹԵԱՆ 309

ԲԱՆ ԽՐԱՏՈՒ 453



F
F.
P.

F. E. R. and son

W H. Brewster

«Ազգային գրադարան



NL0249492

